



BIBLIOTHECA
UNIV. JAGIELL.
CRACOVENSIS

394320-
-394326

Mag. St. Dr.

III

W antykwarium katalogu
Fischhabera w Stuttgardie
wydanie to wymienił
miejscu ediciones raras
hly



394320-

- 394326 III

Mag. St. Dr.

1780-1786

III

11058
IVSTI LIPSI
ADMIRANDA,

siue,

DE MAGNITVDINE

ROMANA

LIBRI QVATTVOR.

Editio vltima.



ANTVERPIÆ,
EX OFFICINA PLANTINIANA
BALTHASARIS MORETI.

M. DC. XXX.

*Cum Privilegiis Casareo & duorum Regum,
& Principum Belgarum.*

INSTITUTI
ADMIRANDA
DE MAGNITUDINE
ROMANA
LIBRI QUINTOR



394322



ANTVERPIA
EX OFFICINA PLANTINIANA
BALTHASARIS MORETI
MDCXXX

Curavit et Typis Curavit
Christophorus Belgicus

3

SER^{MO} PRINCIPIS
ALBERTO AVSTRIO
IMPERATORIS FILIO,
NEPOTI, FRATRI,
S.R.E. CARDINALI,
BELGICÆ SUPREMO GVBERNATORI,

I. LIPSIVS *dedicat consecrâtque.*



INTER Historiarum fructus, SER^{ME} PRINCEPS, ego illum eximium semper habui, qui ad Sapientiam & rerum in orbe ADMIRANDARVM cognitionem ducit. Quis enim paullò altior & attentior eas legit, qui non diuina illa opera obseruet, magna imperia stabilita, aut diruta: & in ijs imaginem quamdam Prouidentiae simul & Potentiae diuinæ? Ita profectò se res habet. sicut vnus in superis Deus est, qui machinam hanc totam moderatur & temperat: sic in terris velut Curatores & Vicarios quosdam suos constituit, qui in partibus eam tueantur & administrent. Atque horum quosdam crescere voluit in magnas opes, copias, opera:

4
quid nisi in imagine ostendens, cælestem il-
lam & sine fine ac modo potentiam, quam
ipse habet, & per riuulos ac canales illos de-
ducit? Vt igitur cælum & micantia illa astra
cùm intuemur, ab ijs ad puram, primam, &
inaccessam quamdam lucem ducimur: sic ab
humanâ istâ MAGNITVDINE, ad auctorem
illius & fontem Deum. Quis ille fuit, qui
Assyrios terris & gentibus imposuit? qui
Persas, Macedonas, Romanos? quis, qui
iterum loco mouit & deiecit? magnus ille
auriga & rector vniuersi, qui habenas in hoc
mundano curru temperat; qui impellit, qui
sistit, & poëtæ verbo,

Diuósque mortalesq; turmas

Imperio regit unus aquo.

Quod magis sentio, & in animum demitto,
cùm in ipsâ potentiâ & magnitudine, infirmi-
tatem istorum video, aut breuitatem. Quid
enim illa omnia nunc, aut vbi sunt? abierunt.
vbi supra fidem cumulatae opes? defluerunt.
vbi cælo certantia opera? non appârent. Heu
res mortalium vel maximorum parua! heu
validissimorū instabiles! imò omnia illa som-
nium, vmbra, nihil, si cum Æterno & Æter-
nitate comparentur. Sicut Solem istum assi-
duè vel nubes aliqua subducit, vel nox con-
dit: talis omnis hic splendor & felicitas, ra-
pitur aut euanescit. Hæc & similis cogitatio

SER^{ME}

SER^{ME} PRINCEPS, iamdiu me impulit Imperio-
 rum magna & ADMIRANDA colligere : atque
 vt decuit, orsum à ROMANO. Nam fallor.
 aut non alia maior magisque fundata, addo
 & laudata MAGNITUDO fuit; quam quattuor
 his libellis in parte expressi, & ad te multis
 de caussis misi. Omitto beneficia in patriam
 publica, in me priuata : ipse titulus & argu-
 mentum palàm ad te ducebant. ROMANI im-
 perij descriptio cui potius aut iustius debeba-
 tur, quàm Principi è tot ROMANIS Impe-
 ratoribus nato ? Res certa & inter ADMI-
 RANDAS est, ex vnâ AVSTRIA, verè aureâ, stir-
 pe vestrà, decem Imperatores, intra hos tre-
 centos circiter annos, orbi Christiano afful-
 sisse : atque id sanguinis & natalium serie,
 sine vlllo fulcro adoptionis. Quid in omni
 retrò Principum classe simile ? duo, tres, in
 vnâ domo, & vix fuerunt : in primâ ipsâ Iu-
 lij, nec vltra sextum etiam adoptio proroga-
 uit. Iterùm dico, mirabile. & quid nisi à Deo
 tacita vox & testimonium, datam hanc fami-
 liam & demissam è coelo in terras esse, ad im-
 peria terrarum ? Iam & ADMIRANDORVM ille
 titulus, an non ad te traheret, in variâ virtute
 sic ADMIRANDVM ? Priuatam tuam vitam si vi-
 deo : Pietas & Religio occurrit, quæ vel sa-
 cerdotem deceat ; Castitas, quæ Vestalem;
 probitas, & vitæ totius Ordo ac compositio,

quæ ipsum cælum. Nec enim sidera illa profectò magis ordinato & certo cursu incedunt, quàm tuæ actiones. Quid prudentia, in ciuili aut militari administratione? quid altitudo consiliorum incredibilis? quid tranquillitas animi & vultus (proprium bonum Austriacæ gentis) in omni euentu aut fortuna? ADMIRANDA sunt: & quæ Regi nostro, sapientissimo rerum hominumque arbitro, causam dederunt tui inter alios eligendi, quem ad maxima imperia & Præfecturas admoueret. Ecce Lusitania adiecta Hispaniæ suæ fuit, & multa in concusso eo corpore adhuc ægrâ: te elegit qui lapsa erigeres, dilapsa colligeres, exanimata recreares. Et sanè ita fecisti, & præfuiisti, vt pænè optandum fuerit illi regno tam validè concuti, vt te pacatorem fundatoremque æterni deinceps otij haberet. Quis in discessu tuo non ingemuit? nobilitas patronum, plebs parentem, leges custodem, pietas vindicem visa est sibi amisisse. At noster Rex recepisse: & expertus quàm benè humeris tuis imperium federet, porrò te misit in Belgicam nostram, id est in ipsum mare & Oceanum (ignosce patria sic loquenti) diffusionum & turbarum. Heu qui hîc fluctus? adeò vt alibi ciuilia atque externa bella fuisset & transisse dixerim, hîc sedisse & habitasse. Opportunitas scilicet locorum fecit, & simul

7
mul conspiratio eorum qui magnitudini
Regiæ sunt infensi, vt consilia & arma verte-
rentur in has partes; & in nostrâ istâ patriâ
certamen certaretur, pænè dicam, de Europâ.
Ergo missus es & venisti in medium disci-
men: quid autem fecisti? quod nec hostes su-
spicari, nec nos sperare, imò vix nunc credere
possumus cùm est factum. Aggressus es vr-
bem naturâ, opere, milite munitam, & op-
portunitate inter Galliæ primas. Urbem di-
co, quam * Eduardus ille felix & animosus * Anno
1347.
Anglorum Rex, vndecim mēsiū spatio vix
expugnauit; quam * Philippus Bonus tuus * Anno
1436.
proauus, cum quadraginta millium exercitu,
nec expugnauit: tu, inquam, aggressus cum
modicis copijs, in paucis diebus claudis, op-
pugnas, capis. Quæ hæc vis animi, vel beni-
gnitas fortunæ? vtraque enim adfuit: & illa
vt auderes dedit, hæc vt posses. Scipio Afri-
canus olim (nec alium iustiùs tecum confe-
ram) cùm in Hispaniam missus esset, vel fero-
ciâ Pœnorum ereptam, vel infortunio Ro-
manorum alienatam, vidit rem longi & infi-
niti operis, bellum circumferre per singulas
& minutas partes. Quid facit diuinus iuue-
nis? Carthaginem Nouam, vbi arma, cōmea-
tus, opes hostiles erant, situ & mœnibus (ita
putabatur) inexpugnabilem, subitò & igna-
ris omnibus exercitum rapit. Venit, aggredi-
tur,

tur, ingreditur: & in vnâ vrbe captâ, animos
 suis focijsq; reddidit, hostibus ademit. O fa-
 ctum Scipione dignum! & quid nisi prolu-
 dium frangendæ magnæ illius Carthaginis, &
 stabiliendi mox imperij pariter ac pacis? A te
 similia expectamus, ô noster Princeps: & ab
 hoc initio vince aut paca hostes, iunge diuul-
 sos aut rebelles. Hos ipsos quàm terres statim
 facto nouo pariter, & inopinato? Abducis
 ab ijs locis copias, & alia agens ac præferens,
 Hulstum adducis. Quod istud Hulstum? non
 opidum, sed insulam; nec insulam modò, sed
 propugnaculis varijs magnisque, id est verâ
 æstimatione, totidem opidis infessam. Quid
 facis ô consideratissime Princeps? quis ardor
 te abducit? non Mars solùm ea loca, sed Ne-
 ptunus tuetur & vindicat: & magnus ille
 Oceanus, ruptis aggerum claustris immissus,
 vnâ cum suis filijs latè dominatur & regnat.
 Vbi naues, quibus peruadas? vbi alæ quibus
 transuoles? desunt: at non tentandi tibi ani-
 mus, & patrandi item fortuna. O quàm nunc
 denique didici, angustè vires vestras expen-
 di, si quis ea tantùm quæ fieri possunt à vobis
 exspectat! Audetis non audenda, facitis non
 facienda, humano quidem iudicio: sed Deum
 adhibetis in consilio, & vos magni cum ma-
 gno illo Numine participantes, legitis (si fas
 dicere) in tabulis Fatorum. Itaque inuitis aut
 dis-

109.
9
dissuadentibus omnibus, inuadis, peruadis,
vincis. Hæc tua sunt sub initium opera, cum
alij vix operum solent ponere fundamenta.
Et quæ non maiora magisque ADMIRANDA
à te, vel in te, expectemus? Memini legere
ALBERTVM II. inter maiores tuos Austrios,
vno tempore atque adeò vno anno, factum
Regem Bohemiæ, & Hungariæ, & ROMANORVM.
O quæ ista felicitas! sed quàm brevis
felicitas! biennio enim non toto imperauit,
& optimum Principem Deus cælo inue-
xit, quia terra virtutum illarum parùm capax
erat aut digna. Tibi pariter ALBERTO omi-
namur & vouemus similia, sed firmiora: &
an non iam nunc clara signa Deus & Rex de-
derunt? sed parco dicere, etsi non optare. O
dies ille exorere, non lætus solùm sed salu-
taris Belgis; nec Belgis tantùm, sed vicinis;
nec vicinis, sed dissitis, & quicunque sunt
in religione aut orbe Christiano. Plura vel-
lem: sed vt ij qui apud Deum verba faciunt,
corpore, gestu, sermone modici sunt ac re-
uerentes; sic nos decet apud vos Principes,
& colere atque ADMIRARI magis, quàm lau-
dare. Facio in animo, & illo dico atque im-
pleo, siquid ore aut stilo omisi. Louanij,
Kal. Martiis. ∞. ID. XCVIII.

B AD

AD LECTOREM.



ADMIRANDA in Imperiis, Lector, quæ
olim colligere cœpimus, nunc disponere,
ut vides, & vulgare. Orsi sumus à
ROMANO, quod quattuor his libellis da-
mus: an totum? negabit aliquis, & scio
esse quæ possint addi. Sed an debeant, nescio: non certè pro
mea mente, cui propositum fuit eminentia tantum &
verè MAGNA colligere, atq; ea ipsa dumtaxat ostendere
in primo vultu, & designare. Omnia si penetrassem,
aut delineassem, præsertim quæ ad Opera, quis finis
fuiſſet? Sed architectonica etiam hac cura sit, non no-
stra; nec libuit supra plantam, quod dicitur, euagari.

* nec fuit
vnam
Omnibus
in rebus
gnarum
vnum esse
atq; scien-
tem.

Εἰ πάντες ἐργοὶσι δαίμονα φῶτα χρέδαί.

Et verè fateor, nimia iam etiam curâ an curiositate
peccari à plerisque nostrum, qui omnia hac antiqua aui-
de scrutamur, & in maris illo fundo panè dictâ arenas.
Ah, quis fructus est? Vita & mores præant, tum pru-
dentia. sed & elegantia quadam accedat: tamen ul-
tima hac cum modo. Peccauimus & nos fortasse olim:
sed nunc cum aliis annis mens est alia, & clamo libe-
rè, Quædam esse quæ malo ignorare, quàm
discere. Timonis illud sæpè mihi in mente:

* Multi-
scientiâ, ut
haud quid-
quam vel
vanius ex-
stat!
* melius
multorum
opus.

* Πελοπονημοσύνῃς ὡς ἔνεώτερον ἄλλο.

Sed siquid tamen scitu dignum omisi, alius explebit me
volente & addet, ut fiat illud Homericum

Εἰς — * πλεόντων δέ τοι ἔργον ἄμεινον.

Et si

Et si quadam tamen sepōsita mihi, non omīssa, & in
 alterā ADMIRANDORVM parte opportunè red-
 denda. Atqui & alia mihi culpa, aut certè nota, de-
 precanda est, in attollendo nimium fortasse alibi fuis-
 se. Si ita est, excusetur: & quis nescit, ubi animus
 & stilus incaluit, trahere hoc secum has * πᾶν ὕπερ? * laudatio-
 nes.
 Et tamen non arcem è cloacâ feci, ut ait ille, nec
 lapidem è sepulchro veneratus sum pro Deo;
 sed res laudatissimas laudavi & extuli: si nimis, tu
 moderare & deprime, quisquis frigore & sedatiore af-
 fectū hac legis. Denique in clausulâ, magnum etiam
 imperium miratus sum, & approbavi: cur contra
 hodiernum morem (dicet aliquis) fortasse & usum?
 Nam divisiones ista facta iam dudum, & inuetera-
 uerunt, & moveri sine motu Christiani orbis vix
 possunt. Non temerè igitur suadio; nec sanè in nouo:
 si tamen Fatis & Deo visum, hodiernam aliquam
 & nouam MAGNITVDINEM dare, cur culpa sit
 laudare & approbare? Multiplex ratio eam com-
 mendet: & firmissimè ista. quòd etiam nunc, quidquid
 tranquilli & pacati est in re Christianâ, id manat
 ab unico illo capite, quod auctoritate sacrâ nobis præ-
 est. Romanus ille Dictator, ut sic appellem, & Ponti-
 fex, fulcrum aut vinculum est, quod sustinet, quod
 ligat, labentes aut dissidentes in malè compacto hoc
 edificio partes. Abite non impij solum, sed imperiti,
 qui aliter. nobis constat hanc ipsam Romam, & sa-
 crum in eâ imperium, fuisse & esse velut ancho-
 ram fluctuanti diu Europæ. Mira Dei benigni-

tas in hanc urbem! cum legionum vim eripuit, legum attribuit; cum armis imperare noluit, sacris indulgit: & sic quoque fecit eam decus, tutelam, columnam rerum. Atqui Senatus ille vetus non est, inquiunt. Non ille, sed alius: & vide mihi in istâ purpurâ ex omni nostro orbe selectos procures, moribus, prudentiâ, annis spectandos. Si vetus ille Cyneas redeat, & hunc confessum vident, nihil ambigat vel cum Regibus iterum, vel cum Heroibus comparare. Quid Tributa? non tam multa, sed magis innoxia & Ultronea sunt. Quid Legationes gentium? nec ea desunt, & ex noto ignotoque orbe (tanta diffusio maiestatis huius est) concurritur, & iura ac leges sacrorum hinc petunt. Ipsi Reges & Principes adveniunt & inclinantur, & obnoxia capita uni huic capiti submitunt. Quid Principes aut homines loquor? aerei, terreni, inferi spiritus sine Genij verentur ac trepidant, & caelestem illam in terris potestatem vel inuiti ac reluctantes agnoscunt. Gaude igitur non maior, sed melior iam ROMA; non cultior, sed sanctior; & diu sedes & habitaculum sacri huius imperij (ex animo vovemus) esto.

I. L I P S I
A D M I R A N D A,
sive,
D E M A G N I T V D I N E
R O M A N A
L I B E R . I.

C A P V T . I.

Occasio & ingressio sermonis.



DIES æstuosus erat, & quales Iulio mense per Caniculam solent. Venit ad me **A**VDITOR, & Numquid turbo? inquit, non opinor. Otiari te cùm tempus, tum & mos iubet, qui publicas Ferias nunc indixit. **L**IPS. Otiamur. non ob causas à te dictas solùm, sed ob quam minimè vellem. Ea valetudo est, semper molesta, nunc magis in isto æstu. O si Spada me habeat! quàm me recreem & refrigerem ambulando, bibendo! **A**VD. Omitte Spadam, illam cursus tui palæstram. Satis nobis, semel sic pro te timuisse. Nam quid propiùs factum, quàm vt nobis eripereris, ad alios translatus? **L**IPS. Factum. nec vquam ego propior periculo fui, nec manifestiore Dei manu ereptus. Ille me tuitus est, & reddidit vobis. Utinam & eos redderet iungeretque per bonam pacem, qui sic abiuncti! O quàm suavis vita sit! quàm iuuet communione illâ terrarum hominumque frui! **A**VD. Ne despera.

* Οὐπω μῆνας ἄγων ἔκαμ' ἐγὼνός, ἔδ' ἐμαυτός.

* Nondum
æther men-
ses, nec vol-
vere desist
annos.
Theocr.

B 3

Dies,

Dies, inquam, ista componet & dabit; aut denique Deus. LIPS. Certè Dei hoc opus: quem toto pectore inuoco venerorque, vti velit, Respiciat afflictam Belgicam tot iam lustris, & satis sit accisam eam, non excisam. Sed quid tu volebas? AVD. Fabulari. LIPS. Publica habes? AVD. Curiosè ea non curo: sed tamen & publica tangit, quod volebam. LIPS. Dic autem. AVD. Sponde autem. LIPS. Quid istud est? captas me? AVD. Non nego. vtinam ceperim! Iam diu est quod DE MAGNITVDINE ROMANA polliceris aliquid dicere, siue scribere. Si hoc nondum potes, illud fac quod potes. LIPS. Hóccine agebas, & eò ibas? & hoc illud otium, quod suadebas? AVD. Agebam, ibam, suadebam. Et quid tibi hîc magni negotij? scio iam diu talia & obseruata ibi, & prompta. LIPS. Prorsus. ecce, os aperiam? sponte se effundent. O te bellum! scilicet memoriâ, dispositione, ad eas res non opus, etiam quas notas iam habeas & paratas. AVD. Non nego. sed priorem Deus tibi dedit, alteram iudicio semper assumpsisti. In scriptis tuis hoc me delectat, ordinem & seriem rerum videre: interdum earum, quarum nec ordo videbatur. LIPS. Malus es. AVD. Quid ita? LIPS. Quia verè captatorum agis, & blandiris, sed vt in retia tua compellas. -- * *ἡ ἐγὼ* δ' αὖ πῃ (ait verbum) ἐχ' αἰσῶν. AVD. Imò patiare te capi vel meâ hac cupidine, quam amare & laudare in adolescentiâ nostrâ soles. LIPS. Non nego, adamo: sed & argumentum inuitet, quod valdè item amo. Quomodo non veterem illam Romam? tot ingeniorum, artium, virtutum, vel matrem vel sedem? Nam Potentia quidem & Militia ADMIRANDA sunt, & magni illius imperij Opes: Virtutes amandæ. AVD. Neque aliud à te volo, quàm in vimbâ quasi & imagine representari Formam faciemque illam veterem: & qualis, & quanta Roma fuit. LIPS. Ego verò sic subitò nec vimbram tibi ausim polliceri: fortasse vimbellam, & imaginem aliquam imaginis, vt sic loquar. AVD. Quidlibet, iuuabit & docebit. LIPS. Sic volendo, volentem & me facis. Sub hac trichilâ vmbrosâ igitur sedeamus, & ducamus MAGNITVDINIS ROMANAE vmbas.

* vulpe-
cula haud
capitur se-
nex.

CAP. II.

*Communiter Roma & eius Potentia laudata,
per elogia pauca Veterum.*

EGO inter Imperia & MAGNITVDINES, quas Deus à condito orbe esse voluit, eminere censeo & primas ferre hanc ROMANAM. Hoc è *Finibus*, *Copijs*, *Opibus*, *Operibus*, denique *Viris & Virtutibus*, liquere posse arbitror: quibus rebus singulis, aut & iunctis quibusdam, aliæ fortasse gentes se ostenderunt; nulla sic omnibus, vt nunc ostendam. Tu Deus lux temporum, rerum, hominum, scintillam aliquam tui, si non radium, in mentem hanc immitte: vt eâ videre, adire, sed & reserare possim, thesauros Antiquitatis & Memoriae; quos in Æui diffuso implexoque sinu, reponis & seruas. Priusquam igitur distinctè de quinque illis Magnitudinis partibus dicam, lubet vniuersæ aliquid de totâ eâ præfari, & quam istam, vnâ mecum, illustres magnique omnes viri admirati sint. Atque illa vulgata omitto, *Romanos rerum dominos: Romam mundi caput: Mundi miraculum: Mundi compendium: Arcem nationum ac regum, lumen gentium*: magna sunt, & à magnis: sed compendio laudasse eam magnificè Martialis videtur,

Terrarum Dea Gentiumque Roma,

CUI PAR est nihil, & nihil SECVNDVM.

Subtiliter nec falsò vult, nihil accedere ad eam, nihil vel sequi. Quod an ab illo mutuatus Frontinus est? in cuius libro de *Aquæductibus* legimus: *Regina & domina orbis, qua terrarum dea gentiumque consistit, cui par nihil, & nihil secundum.* Sed vereor vt allitum adscriptumve alienâ manu sit, & grauis atque eruditus reliquis Frontini stilus non probat aut amat lasciuia poëtarum. Compendio igitur Martialis: sed pulchrè item & vberim Claudianus.

Quâ nihil in terris complectitur ALTIVS æther,

Cuius nec SPATIVM visus, nec corda DECOREM,

Nec LAVDEM vox vlla capit. qua luce metalli

emula

Emula

Æmula vicinis fastigia conferit astris.

ARMORVM LEGVMQVE PARENS, *quæ fundit in omnes Imperium, primiꝓue dedit cunabula iuris.*

Hæc est exiguis quæ finibus orta, tetendit

In GEMINOS AXES, *paruaꝓue à sede profecta*

Disperfit CVM SOLE manus. *hæc obuia fatis,*

Innumeras vno gereret cùm tempore pugnas,

Et Gallum terris prosterneret, æquore Pænum,

Numquam SVCCVBVIT DAMNIS, & *territa nullo*

Vulnere, post Cannas MAIOR Trebiamꝓue fremebat.

Habes pleraque versibus ijs ab alto & animoso poëta (talis fuit) inserta , quæ ordine meo imus laudatum. Sed Erinna etiam poëtria audienda est : quam vixisse oportuit , vt hoc carmen est , sub Pompeij , aut circiter , æuum. Nam alioqui plures eo nomine fuisse , non debes nescire. Ea igitur , ad ipsam Romam :

Χαῖρέ μοι Ρώμα θυγατὴρ Ἀρμῆς,

Χρυσείμῳ, δαΐφρον ἀγασσα,

Σεμνὸν ἀνείεις ὅππῃ γὰρ ὀλυμπος

Ἀἰὲν ἀθροῖσσι.

Σοὶ μόνῃ πρόσβυστα δέδωκε μοῖρα

Κῦδ' ἀρήκτω βασιλῆϊον ἀρχαῖς,

Ὅφρα κοιρανῆϊον ἔχοισα κάρτ' ἄρ' ἄρ'.

Ἀγέμονόλης.

Σὴ δ' ὑπὸ ζεύγμα κρατερῶν λεπάδων

Στέρνα γαίης καὶ πολιᾶς θαλάσσης

Σφίγγεται. σὺ δ' ἀσφαλείως κυβερνᾷς

Ἄστα λαῶν.

Πάντα δ' ἐσφάλλον ὁ μέγας αἰὼν,

Καὶ μεταπλάσσει βίον ἄλλοτ' ἄλλως,

Σοὶ μόνῃ πλεῖστον ἔστι ἀρχαῖς

Οὐ μεταβάλλει.

Ἦ' γὰρ ἐν πάντων σὺ μόνῃ κρατίζεις

Ἀνδρῶν αἰχματᾶς μεγάλως λοχούεις,

Εὐσταχίῳ δάμαρξ' ὅπως ἀνείσας

Καρπὸν ἀπ' ἀνδρῶν.

Filia ô Martis, mihi Roma salve,

Aureo

*Aureo Regina decora cultu,
Quæ vel in terrâ stabiles Olympi
Incolis arces.*

*Nam dedit soli tibi cana Parca
Regium sceptrum, minimè atterendum,
Ut potens rerum domineris vna,
Imperitesque.*

*Ad tuum currum, retinente freno,
Colla telluris tumidiqûe ponti
Illigas, & tu populos gubernas
Firma per ævum.*

*Ipsa, quæ gaudet variare cuncta,
Resque transformare hominum, Vetustas,
Spirat hac vni tibi semper auram à
Puppe secundam.*

*Denique, in cunctis populis valentem
Procreas bellis sobolem. utque lata
Surgit è terrâ seges, ipsa abundas
Fruge virorum.*

Atque heus tu, virile & plenum spiritus muliebri hoc carmen est; & cur talia tam multa perierunt? Sed Poëtarum hæc laudatio est: audi Historicum. *Nulla umquã Respublica nec MAIOR nec* Li. 1. *SANCTIOR, nec bonis exemplis ditior fuit.* Laudat à duplici illo capite quod nos attigimus, & in sermone persequemur, Potentiæ & Virtutis. Quod ipsum vtrumque Ammianus: cum *Romam IMPERII VIRTUTVMQVE omnium Larem* appellat. Et plura se offerunt, quæ differo, in suis locis opportuniùs reddenda. Hieronymi elogia audiamus, æuo iam inclinãte: *Vrbs POTENS,* Lib. 11. adu. Iovin. *Urbs Domina, vrbs Apostoli voce laudata, interpretare vocabulum tuum. Roma aut FORTITVDINIS nomen apud Græcos est, aut SVBLIMITATIS apud Hebræos.* Duplicem interpretationē nominis rei aptam reddit: ego & tertiam, quam dederit lingua nostra: quia **Roma, Gloriæ & fame nomen est Germanis.* Quid, quòd * Roem. apud Orientales Indos *Rumes* appellatur (Osorio ita traditum) milites boni & fortes: an quasi Romani, & admiratio vetus apud eos mansit? an vox indigena id quoque notat? Diuus Augustinus, pro summis, tria olim videre desiderat: *Christum in*
C *carne,*

carne, Paulum in cathedrâ, Romam in flore. Hoc vltimum paramus, & ad rem partesque nostras iam imus: aliquid tamen à te præstipulati. AVD. Quid illud est? LIPS. Assensum & fidem. AVD. Tibi non dem, aut habeam? vel nutu me ducas, quò velis. LIPS. Memento. nam erunt quædam inopinata, & verè ADMIRANDA. Poëta iure cecinit:

Propert.

*Omnia Romana cedant MIRACVLA terre,
Natura hæc posuit, quidquid VBIQVE fuit.*

C A P. III.

*Finis imperij Romani; quando maximi, &
Prouincia breuiter adnumerata.*

INITIA nos tenent: nec temerè iam olim dictum, *Portam* itineris longissimum esse. At seriò viam ingredior, & quidem per eos limites siue terminos, quos antè obiter posui, *Potentia* ac *Virtutis*. In potentiâ confidero, *Fines*, *Copias*, *Opes*, *Opera*: & in hanc quadrigam, nisi fallor, subiungam & veham, quidquid ea secum trahit. Ergo de *Finibus* primò. ij verò quàm amplissimi fuerunt, & spatia terrarum ac maris, vno velut sinu & iunctum inclusa, quanta in vilo priorum aut posteriorum imperiorum nego fuisse. Itaque attollunt haud vanè hæc veteres, & magnificè loquuntur, vt Cicero: *Nulla gens est, quæ non aut ita subacta sit, vt vix exstet; aut ita domita, vt quiescat; aut ita pacata, vt victoriâ nostrâ imperioque latetur.* Et passim illi sermones, *Romanos orbis dominos: Solem vtrumque in eorum imperio currere: & talia, animosè magis, quàm superbè dicta.* Petronius:

Orbem iam totum victor Romanus habebat,

Quà mare, quà terre, quà sidus currit vtrumque.

Dionysius Halicarnassæus planè cum ipso, et si ante ipsum: *Ἡ δὲ Ῥωμαίων πόλις ἀπάσης μὲν ἀρχεὶ γῆς, ὅση μὴ ἀνέμβατός ἐστιν, ἀλλ' ὑπ' ἀνθρώπων κατοικεῖται. πάσης δὲ κατὰ θαλάσσης, ἢ μόνον τῆς ἐντὸς Ἡεραλείων σπηλιῶν, ἀλλὰ καὶ τῆς ὠκεανίης, ὅση περὶ αὐτὴν μὴ ἀδύνατός ἐστι, παρῶν τε μόνῃ τῇ ἐκ τῆ πάντος αἰῶνος μνημονομένων, ἀνατολᾶς καὶ δύσεως ὅρας ποιοταμένη τῆς διωασείας: Romana vrbs imperat toti terræ, quæ quidem inaccessa non sit, habitaturque ab hominibus; sed & toti mari imperat, non solum*
huic

huic intra columnas Herculeas, sed ipsi Oceano, quacumque est nauigabilis; PRIMAQUE ET SOLA ab omnis æui memoriâ terminos sibi potentie fecit, Orientem & Occasum. Vbi terras omnes & maria tribuit, sed ut decuit historicum bonæ fidei, cum aliquâ restrictione aut exceptione: seiungitque inaccessa aut inhabitata loca, itemque maria ignota. Enimuerò, si propius inspicias, nec habitata quidem omnia loca sub imperio habuit: non hercules: & multa sub Parthorum iure ad Orientem fuere; multa libera, aut sub regibus, ad Septentrionem ac Meridiem: sed ut ego quoque pro vero magis coërceam, quidquid opportunum aut dignum vinci videbatur, vicit. Cetera non tam non potuit, quàm contempsit, & iudicio reliquit. Sed illud nemo negauerit, florem Asiæ, Africæ, Europæ in hoc imperio fuisse: ipsa gentium robora, ingenia, opes. Quod ut clarius tibi liqueat; in triplici hac mundi plagâ quid habuerint, strictim & per indicem dicam: atque id, cum imperium maximum & in culmine suo fuit, ut ab Augusto ad Traianum. Termini igitur finesque imperij sub Augusto erant, ab Oriente *Euphrates*; à Meridie *Nili catarracta*, & *Deserta Africa*, & *mons Atlas*; ab Occidente, *Oceanus*; à Septentrione, *Danubius* & *Rhenus*. Ita enim ipse, bono consilio instituit, claudere imperium naturæ aliquibus limitibus, & custodes ac milites ad eos habere. Hoc Tacitus in eo laudat: *Clausum mari, aut omnibus longinquis imperium*. Atq; idem scribit, Augustum libello, quo Rationes imperij conscripserat, consilium addidisse, coërcendi intra terminos imperij, incertum metu, an per inuidiam. Nolebat, inquam, posteros Augustus proferre terminos: siue quia satis iam partum videbatur, & metuendæ bellorum ac fortunæ vices; siue per inuidiam, & ne gloriam suam vincerent, ut Tacitus suspicatur. Sanè posteri consilium hoc neglexerunt, nec solum regna aliquot, defunctis aut euerfis sociis Regibus, imperio adiecerunt; sed etiam, ultra terminos, noua quæsiuerunt. ut Claudius, qui *Britannias* in ipso Oceano deuicit; ut Traianus maximè, qui ab Oriente, *Arabiam*, *Armeniam*, *Mesopotamiam*; à Septentrione, *Daciam* subegit. Ita moti prolati- que tunc termini trans Euphratem, ad *Tigrim*: iterumque parte aliâ, ad *Mare rubrum*; & trans *Danubium* ipsum, tota *Dacia* addita fuit. Hoc est, quod Tacitus noster in suo illo Principe laudat:

11. ANN.

Ventum inde Elephantinen ac Sienen, claustra OLIM Romani imperij, quod NVNC Rubrum ad mare patefcit. Sed, inquires, quæ hæc dictio est, quasi pro magno ad mare Rubrum ventum nunc esse: nonne & antea fuit? Ipsa illa *Siene & Elephantine* ad Nilicataractas, ostendunt quidquid *Ægypti* interiacet Nilum & Sinum Arabicum, iam olim Romanorum fuisse. Atqui Sinus ille, *Rubrum mare*. Respondeo, latius olim Rubrū mare patuisse, & paullò aliter, quàm vt vulgò hodie, appellatum. Nam in Taciti, & aliorum veterum verbis, in hoc nomen venit *mare Indicum*, vastum illud & magnum, quod ab extremo Sinu Arabico, siue ab Africâ eâ, in *Auream* Ptolomæi *Chersonesum* se protendit. Itaq; Pomponius Mela, duos Sinus in mari Rubro agnoscit, *Arabicum & Persicum*. Et Seneca Tragicus, *Tigrim in mare Rubrum* exonerat atque immittit: Curtius *Indum & Gangem*: quos certum est in magnum illud mare, longè à Sinu Arabico, euolui. Hæc vera & clara sunt: promoti igitur termini ad mare Rubrum siue *Indicum*, per Arabas adiectos. Eadem mens Græci scriptoris in Suidâ: qui terminos imperij ad Orientem facit *Indos & mare Rubrum*; & *Nili Cataractas*, & *lacum Maotin*. Sicut & Appianus ita capiendus, cùm in Præfatione operis sui, distinctè Romanum imperium limitat: *Tendit, inquit, ab Occasu & illo Oceano occiduo, ad Caucasum montem, & flumen Euphratem, & ad Æthiopas superiores, per Ægyptios & Arabas, ad Orientalem Oceanum.* Hic Oceanus Orientalis non aliud quàm *Mare Indicum* siue *Rubrum*, iam dictum. Sed obiicies, Si ista de Traiani terminis Appianus; quid ita *Euphratem* ponit, *Tigrim* omittit? Hoc ideo, quia Hadrianus Imp. (sub eo Appianus scripsit) statim à morte Traiani, hoc mutauerat. de quo Festus Rufus: *Inuidens, inquit, Traiani gloriæ, sponte Armeniam, ac Mesopotamiam, & Assyriam reddidit, ac medium inter Persas & Romanos Euphratem esse voluit.* Tamen de Tigri etiam Claudianus:

*Subdidit Oceanum sceptris, & margine celi
Clausit opes. quantum distant à Tigride Gades,
Inter se Tanais quantum Nilusque relinquunt.*

AVD. Sed & alia dubitatiuncula, de *Mesopotamiâ*. quam tu & Rufus ab Traiano adiectam imperio significatis; at Aurelius Victor iamdiu à Claudio. Lips. A Claudio? nemo hoc dixit, nec potest.

potest. AvD. Imò verba Victoris sunt: *Retenti fines, seu dati, imperio Romano, per Orientem Mesopotamia; Rhenus Danubiusque ad Septentrionem; & à Meridie Mauri accessere prouinciis.* LIPS. Hoc eo sensu, vt ipsa Mesopotamia finis esset, non vt in finibus contineretur. Eousque, inquam, productum imperium, non & ultra ipsam. Ea mens Victoris; aut si alia, est error. Et habes ecce in istis finibus, quid? per Indicem, si placet, videamus, & per singulas orbis partes.

IN ASIA:

<i>Colchidem,</i>	<i>Armeniam,</i>
<i>Iberiam,</i>	<i>Syriam,</i>
<i>Albaniam,</i>	<i>Arabiam,</i>
<i>Pontum,</i>	<i>Palestinam,</i>
<i>Bosphorum,</i>	<i>Ciliciam,</i>
<i>Cappadociam,</i>	<i>Pamphiliam,</i>
<i>Galatiam,</i>	<i>Lydiam, &</i>
<i>Bityniam,</i>	<i>Asiam totam</i>
	<i>minorem.</i>

IN AFRICA:

<i>Aegyptum,</i>
<i>Cyrenaicam,</i>
<i>Marmaricam,</i>
<i>Gatuliam,</i>
<i>Africam propriam,</i>
<i>Numidiam,</i>
<i>Mauretaniam,</i>
<i>Aliasque minores</i>
<i>aut ignotiores.</i>

IN EVROPA:

<i>Italiam,</i>	<i>Macedoniam,</i>
<i>Hispanias,</i>	<i>Epirum,</i>
<i>Gallias,</i>	<i>Græciam,</i>
<i>Inalpinos,</i>	<i>Thraciam,</i>
<i>Rhetiam,</i>	<i>Mæsiam,</i>
<i>Noricum,</i>	<i>Daciam,</i>
<i>Illyricum,</i>	<i>Pannoniam.</i>

Habes hîc, dico, optima terrarum, latissima terrarum: & magnam tamen partem consultò omisi, quidquid *Insularum* mari ambitur. Eæ quàm multæ, & magnæ quædam, in toto illo mari mediterraneo fuerunt, à Columnis Herculis, ad Pontum usque? profectò, quæ vel decimam partem pænè prouinciarum terrestrium equent, si *Britannias* in exteriori mari (vt debes) adiungas. Pulchra autem ista facies, & non nisi à Prouidentiâ sic ordinata & ornata: quam mecum vide. Vtrimque ad hoc mare mediterraneum Prouinciæ se porrigunt & extendunt; ipsum in

medio, tot portubus & insulis distinctum, quasi via & limes est, per quem commerciis iungantur. Nec aliud mihi pulchrius commodiusque videtur in hoc imperio, quàm iste velut in medio corpore baltheus, bullis insularum interstinctus: qui & diuidit simul, & constringit. Dabis mihi aliud tale, & tantum? non dabis. AVD. Imò Lipsi, *Turcicum*, & Regis quoque nostri *Hispanicum* imperium, haud longè absunt. LIPS. De *Turcico*, fatendum est, in *Asiâ* & *Africâ* latè se extendisse: sed in validissimâ *Europâ* nostrâ quid habet, aut potius non habet? Certè vel sola *Italia*, *Hispania*, *Gallia* iunctæ, opibus viribusque pares sint, aut superent illum hostem. O si Deus daret! adeò nec prouinciæ illæ *Orientales* pro opibus & frequentia priscâ sunt; & nostræ istæ florem nunc habent & vigorem. Quid de *Germaniâ* dicam? illa olim horrida & rerum inops, quàm artibus, opidis, copiisque exulta est, & abundat? AVD. Mirificè & hæc tamen Imperio tuo etiam deest. LIPS. Non sic, vt opinare. Nam si terminos meos cogitas, videbis ad *Danubium* vsque, *Retias*, *Noricum*, *Carnos*, *Pannonos* inclusos: & parte alterâ ad *Rhenum*, *Heluetios*, *Rauracos*, *Argentoratenses*, *Nemetes*, *Vangionas*, *Treuiros*, *Vbios*, *Menapios*, *Batauos*, ad *Occanum* ipsum. Quæ pleraque omnia *Germaniæ* hodiernæ nomen, & linguam, & leges etiam habent: at detracta, vides quàm eam arctent, & pulcherrimis membris spoliata relinquant. Certum autem, hæc postrema omnia, cis *Rhenum*, *Galliæ* fuisse olim accensa. Itaque sub iugo Romano. Sed de *Hispanico* imperio quod aiebas; id sanè, spatia terrarum si consideras, præsertim in Nouo illo orbe & insulis, Romanum longè vel superat: sed iunctio & deuinctio prouinciarum, viri & copiæ, quàm deficiunt & delinquant? Nunc quidem. nam postea quid futurum sit, nescio: florebunt, crescent fortasse. & sensum meum tibi dicam? Nescio quo Prouidentia decreto, res & vigor ab Oriente (considera, si voles) in Occanum eunt.

CAP. IIII.

*De copiis & praesidiis sparsim circa limites,
itemq; in ipsâ urbe.*

ISTI Fines igitur Romani & quidem mari, amnibus, montibus clausi ac muniti, sed Milite & *Copiis* multò magis. Nam Romanus mos & institutio, duplici viâ prouincias munire, *Copiis* & *Coloniis*: de quibus vtrisque breuiter dicendû. *Copias* intelligo, perpetuum militem, qui ad tutelam imperij, ex instituto Augusti, fuit. Triplices eas reperio, *Prouinciales*, *Vrbanas*, *Classicas*: illas maximas, alteras satis validas, & tertias utiles atque opportunas. Omnia hæc ab Augusto; qui sapienter pleraque in nouo imperio aut instituit, aut restituit, vt res visæ postulare. Hoc autem inter noua: & in laudibus Augusti iam mortui Tacitus ponit, *Legiones, prouincias, classes, cuncta inter se connexa*. Narrat & Suetonius: *Ex militaribus copiis, legiones & auxilia prouinciatim distributa*. Sed benè Tacitus, *cuncta connexa*: nam ita ordo & dispositio fuit, vt limitanea loca militem haberent, interiora vix haberent: & essent, vt in magnâ vrbe, circa mœnia dispositi & vallum. Cohærebant autem prouinciæ; ideoque & legiones, per cohortes suas & alas sparsæ, & inter se vicinæ. AVD. Sed non igitur Arces in locis interioribus saltem erant, si non legiones? LIPS. Apage à Romano hoc more. nusquam in iis præsidium aut spes posita Martiali huic populo, sed in milite tantum & armis. Et sanè de Arcibus variè disputari potest: sed non tempestiuè in hoc loco. pergamus. Miles igitur ad Limites, vbi minimo oneri subditis, maximo vsui in hostes esset. Quantus? sub Augusto & Tiberio vigintiquinque legiones fuerunt, ex Dione & Tacito: quin postea tamen auxerint, vix dubito, & sub Traiano atque Hadriano certum fuisse *triginta*, aut & suprâ. Columella, in quâ legionum nomina, tum & alia quædam hoc euincunt: diximusque aliquid in *Analectis Militiæ Romanæ*, illuc, si lubet, videndum. Hæ legiones, Augusti & Tiberij æuo, sic dispositæ:

In Hispaniâ, legiones. III. In Africâ, II
In Galliâ ad Rhenum, VIII. In Ægypto, II.

In Syriâ ad Euphratem, IV.

In Pannoniâ ad Danubium, II.

In Mæsiâ ad Danubium, II.

In Dalmatiâ, II.

Sed mutabant interdum, quod Tacitus in IV. Annalium notat, & ob causas huc atque illuc ibant, aut sedebant. Quædam autem legiones & in opidis erant, etsi pleræque in castris: sed in opidis dico, quæ valida aut magna, & idcò motui aut rebellionis opportuna. Talis Alexandria in Ægypto: de quâ Strabo. *Sunt tres in Ægypto legiones. quarum vna in vrbe collocata est, aliæ per regionem. Præter has, sunt & nouem cohortes Romanorum, tres in vrbe item, tres in Æthiopie finibus ad Syenen, præsidium loci; tres in aliis partibus. Sunt & alæ equitum tres.* Sed & idem scribit, in Babylone castello supra Delta, legionem vnâ consistere è tribus, quæ Ægyptum custodiunt. AVD. Itane bis, ternas hinc legiones collocat? at tuus Index binas. LIPS. E Tacito meus index, & sub res Tiberij iam vergentes. Recenter id tunc mutauerat, & abducta legionum vna, vt sæpè. Antè, & à Iulio iam Cæsare legiones ibi ternæ, vt in Suetonio leges: tenuitque Augustus, & Tiberius ad id æui, quo Strabo scripsit. Sed de nostrâ iam re, legiones dico sæpè in opidis. atque ita de Beryto Syriæ idem Strabo: *Hæc euersa fuit à Tryphone, instaurata & suscitata à Romanis, duas legiones suscipiens, quas Agrippa ibi collocauit.* Causa fuit, sedes item vrbis ad ipsum mare, & locorum eorum claustrum. Ita à tergo aliæ legiones Syriam defendebant aut premebant, hæc sita in fronte. In Hispaniâ, vt idem Strabo, Bætica quæ populi erat, milite vacabat: reliqua Hispania habebat. Similia adnotare plura possim, & causas dare aut tangere: sed diffusionem non gaudeo, vbi res non poscit. Hoc magis è primis illis Strabonis obseruo, *socias etiam cohortes aliasque fuisse, præter ipsas Legiones: & vt illuc vides, numero satis grandi.* Enimuerò nouem illæ cohortes (sociales fuisse dico, etsi ipse Romanas appellat: sed hoc idcò, quia militabant sub Romanis signis) pænè legiones tres æquarunt, nec minores eas millenariis fuisse opinamur. Tacitus id quoque dixit: *apud idonea prouinciarum, socias triremes, & alas, auxiliaque cohortium, nec multo secus in iis virium fuisse: sed persequi, inquit, incertum fuit, cum ex usu temporis, huc illuc mearent, gliscerent numero, & aliquando minuerentur.* Ecce disertim, haud secus, id est, non minus in iis virium fuisse, quàm in legionibus

nibus ipsis: imò plus interdum, idem ostendit. vbi legionis *Decimaquarta auxilia*, octo cohortes *Bataurorum* facit. Atque alibi, in minoribus prouinciis, solæ cohortes aut alæ fuerunt, vt in Rætiâ, Iudæâ, talibus, & quæ Procuratoribus regebantur. Interdum & in opidis interioribus, ad coërcendum: vt Lugduni in Galliâ, Tacitus cohortem *xviii^{am}* locat; idem Foroiulij *Ligurum cohortem*, *vetus loci auxilium*. Et tale alibi. Huc equidem Iosephi verba referam, alioqui paralogæ, non solum paradoxa: apud quem Agrippa ad Iudæos loquens adserit, Galliam illam tam validam, tam latam, *mille ducentis militibus in officio contineri*. Profectò octo legiones totæ fuerunt, sed quia istæ in extremâ Galliâ, ipse copias modò numerat, quæ introrsus in eâ essent: si tamen numeri illi in Iosepho sani, quos sæpè in eo obseruamus vitiatos. Sed hæc ita sub Augusto: vt tamen tetigi, creuerunt, & primùm Claudius Imp. Britanniâ domitâ, legiones in eâ *tres* locauit, manseruntque. Tum Vespasianus *duas* etiam in Capadociâ: & Traianus deinde in Daciâ *duas*. Istæ *Prouinciales* copiae: *Vrbane* fuerunt, quæ sedem Romæ & in ipsâ dominâ vrbe habuerunt. Quo fine? duplici, vt Principem in eâ tuerentur, & vt ipsam urbem. Principis custodiæ triplex miles fuit, *Prætoriani*, *Euocati*, *Bataui*. Primi in *nouæ* cohortes diuisi ab Augusto, flos militum, fide, robore, & gente. Exemplum instituti huius fuit, à Prætoriiis cohortibus in exercitu, quæ circa ipsum Imperatorem, & ad eius tutelam erant: sed plerumque vna: Augustus autem in bellis ciuilibus plures habuit, & victor quoque retinuit in pace, contra motus subitos, & ad plebem Romanamque coërcendam. Nam fuere *nouem millia* militum, non robore solum, vt dixi, sed stirpe & domo eximij: nec capti nisi ex *Etruriâ*, *Vmbriâ*, *Latio*, & *Coloniis antiquitus Romanis*; quod Tacitus ita etiam notauit. Gloriabantur igitur hoc sanguine: & ideò Otho iis blandiens, & in concione alloquens, *Italiae*, inquit, *alumni*, & *Romana verè iuuentus*. Nam legionibus aliis, exteri iam & ciuitate donati, crebri miscebantur. *Nouem* dixi fuisse: idque apertè Tacitus: at Dio *decem* scribit. Nam ita in rebus Augusti: *Οἱ σωματοφύλακες μύριοι ὄντες, καὶ δεδασμένοι τετραγμένοι*: *Custodes corporis Augusti* (Prætoriani) *decem mille* erant, atque in *decem partes*, siue cohortes *diuisi*. Hæc dissonât: & fallitur Dio: an pro suo æuo dicit?

Lib. iv.
Annal.Tacitus
Hist.

Lib. lv.

Illud potest, hoc vix potest: quia eius æuo (vixit, sub Alexandro
 Seuro, & prioribus) iam plures denis illis erant. Exemplum à
 Vitellio, qui primus, opinor, auxit. Tacitus de eo, Romam in-
 gressus: *Confusus prauitate, vel ambitu, ordo militiae. Sedecim Præto-*
ri. Hist. *ria, quattuor Urbana cohortes scribebatur, quibus SINGVLA MILLIA*
inessent. Sed an ille tamen primus? an non Claudius Imp. antea
 fecerat? Lapis vetus (quid contra eum dixerim?) affirmat: C. GA-
 VIO. L. F. STEL. SILVANO. TRIB. COH. II. VIGILVM. TRIB.
 COH. XIII. VRB. TRIB. COH. XII. PRAETOR. DONIS. DO-
 NATO. A. DIVO. CLAVDIO. BELLO. BRITANNICO. En,
 ille verò sub Claudio vixit, & *donis ab eo donatus* in Britannia: &
 tamen *Tribunus* scribitur *Duodecimæ Prætoriae cohortis*. Sculptor
 errat? sed idem est in *Urbanis*, ubi *Decimatertia* nominatur.
 Quid? an hic Gaius potius, iuuenis Britannico bello interfuit,
 & tum senior sub Vitellio militauit? Omnino dixerim: nec
 tempora refragantur, potuitque vel sub illo, aut statim ab illo,
 Tribunatus hos gessisse. Nam eam auctionem dixerit aliquis
 mansisse: argumento eorundem lapidum, in quibus crebrò,
 grandiore numero sic legas. Istis *Castra Prætoria* fuere, ad Por-
 tam Viminalem: ut arctius & in disciplinâ haberentur, secreti
 à ciuibus & vrbe. Sed *Euocatos* iam addo: de quibus Tacitus
 atque alij silent (quod equidem obseruauerim) at non Dio Cas-
 sius, qui adiungit aperte. *Euocatis*, inquit, *Augustus uti iam coepe-*
Lib. LV. *rat in Antonium olim, eosque & postea seruauit. Sunt autem hodieque*
propria quædam (&) separata manus, & vites ferunt, instar Centurio-
num. Hoc ille, ubi ex professo de custodiâ Principis scribit. Fa-
 cere huc videtur, quod Suetonius in Galbâ notat, *dilegisse eum*
equestri ordinis iuuenes, qui manente aureorum anulorum usu, EVO-
CATI appellaretur, *excubiasque circa cubiculum suum, vice militum,*
agerent. Instituisse hoc eum planè dixeris, exemplo custodiæ
 Principalis, quia Principem scilicet nunc agebat: etsi non vete-
 ranos quosdam milites, sed Equites ipse elegit. An non ibidem
 & munus istorum Euocatorum expressum? nempe ut circa cubi-
 culum Principis *excubias agerent?* ego omnino opinor: etsi valdè
 miror, nusquam (nec occasio defuit in urbanis illis motibus, aut
 Principum cædibus) nusquam, inquam, à Tacito vel Suetonio,
 vel ipso Dione alibi, nominatos. Tamen quod in lapidibus
 crebrò

crebrò legitur, EVOKATVS AVGVSTI, me iudice haud aliò est referendum. Tertij sunt Bataui, equites peditesque. Dio Cassius: *Sunt & exteri Equites selecti, quibus Batauorum nomen est, ijque equitandi peritissimi.* AVD. Da veniam, interpello te: Bataui equites? hoc est simile, ac si dicam Venetos equites esse. Et Bataui sanè nostri, aliis illis equis veliuolis & ligneis, per Neptuni æquor optimè discurrent: hos terrestres, parcè aut parùm dextrè tractant. LIPS. Vetera loquimur: gens ea tunc Martem potiùs, quàm Mercurium colebat. Et quæ gloria* vicinis illorū in equite nostrâ etià memoriâ fuit: ea ipsis olim. Credo autem intelligi tunc quoque superiores illos Batauos maximè, qui Geldriæ nunc accensentur: nam inferi & ad mare, nec ipsi, nec regio eorum equis satis facti, aut apti. Sed Bataui igitur boni Equites: fuere & Pedites, etsi Dio silet. Tacitus aliique dicent, qui tamen hos modò Batauos, modò Germanos appellant: sed dixeris Dionis æuo Pedites non fuisse. Causa, quia Galba Germanorum cohortem, institutam iam olim à Caesaribus, ad custodiam corporis, & multis experimentis fidißimam dissoluit, ac sine ullis commodis remisit in patriam: quod Suetonius in eo scribit. Dicit Cohortem: ergo pedites fuere: & addit ab ipso solutam militiâ ac dimissam, nec postea fortasse restitutam. Non reperio quidem vltra nominari: & in Notitiâ imperij, dumtaxat Bataui equites, Seniores Iunioresque. Vtraque autè hæc manus quanta fuerit, & Dio ignorare se tateretur: Batauorum, inquit, numerum, sicut nec Euocatorum, satis certò possim dicere: quid ergo nos conemur? Puto tamen Batauos haud minùs duabus alis plenioribus fuisse, & vt minimum mille Equites: Pedites etiam olim ad mille. Euocati autè, ij quoque cohors vna millenaria sunt. Alter nunc miles in vrbe, & pro vrbe, duplex est: Urbana, & Vigilium cohortes. De prioribus Tacitus: *Quamquam insideret urbem proprius miles, tres urbanae cohortes:* & mox ostendit eam quoque, lectam, & non nisi Italiam manum fuisse. Sed tres ipse dicit, Dio in Augusti dispositione, quattuor. Οἱ τῆς πόλεως φρεσὶ, inquit, ἐξαχιλίοι, & πρῶται νενεμημένοι: Urbis custodes sex millia, & in quattuor partes diuisi. Miror & hîc dissensum, nec concilio. Si tamen numerus tantus; vides grandes istas Cohortes fuisse, atque etiam supra Prætorianas. Nam singulæ fuerunt mille quingentorum militum. In Taciti autem antè verbis, de

*Menapiis
& Geldris.

1 v. Annal.

Vitellio, notare potuisti, ab eo denique factas *quattuor urbanas cohortes*, sed quæ non nisi *singula millia* haberet: vnde igitur tantas sub Augusto? Intricata hæc fateri oportet, & mihi pænè libido in Tacito ibi legendi, *quattuordecim urbanae cohortes*. Cùm enim tam largiter Prætorij militem auxerit, cur non pariter & Urbis? Vnica ista cohors adiecta, in paruo sit: & facit validè, quòd lapides ab illo æuo grandiozem hunc numerum suadent. In illo superiùs recitato erat, TRIB. COH. XIII. VRB. & in alio sub Antonino Imp: C. CESTIO. C. F. STEL. SABINO. TRIB. COH. XIII. VRB. DONAT. AB. IMP. ANTONINO. AVG. HASTA. PVRA. Pluribus etiam lapidibus hi tales numeri in vtrisque cohortibus, sed nomina Imperatorum aut æui certa indicia non semper adiecta. Hic ipse Antoninus quis fuit? fortasse Caracalla Seueri filius: atque ita minùs miror, quoniam in Herodiano Seuerus gloriatur & loquitur, vbi filios ad cõcordiam

Lib. III. hortatur: *Ποῦν τοὺς υἱοὺς ἀσφαλῶς ποιεῖν, εἰ θέλωσι, πολλὰ δὲ ἀπὸ τοῦ πατρὸς ἑτοίμα.* Possè eos *secure agere, si velint, pecuniâ multâ à se paratâ*, τῆς τε ἐν Ρώμῃ δυνάμεως αὐτῆς περὶ πλεονεξίας, & στρατιῶν τοσούτων ποσὶ τῆς πόλεως ἰδρυέντων, ὥς μηδεμίαν εἶναι δυνάμιν ἔξωθεν ἐγγυον μηδ' ἀντίπαλον, πλήθει στρατῶν, μήτε μεγέθει σωμάτων, μήτε χρημάτων πλεονεξία: & copiis iis quæ Rome sunt IN QVADRVPLVM auctis, tantoque exercitu ad Urbem sedente, vt nulla externa vis par esse ei possit, siue MVLTITVDINEM spectes, siue corporum magnitudinem, siue cultum & abundantiam. Hanc mutationem & augmentum facta à Seuero, cùm Iuliani Prætorianos circumuēnit & armis exuit, probabile est; & in eorum locum Illyricos grandi numero factos. Verba quidem Herodiani clara sunt, & sic mansisse ad Constantinum videntur: qui fauentes Maxentio sustulit, nec alios ordinauit. AVD. At enim si in quadruplum ita auxit Seuerus, & Vitellius iam tot Cohortes fecerat: quid dicemus? oportuit vel supra LX. cohortes fuisse. L I P S. Neque absurdum sit, si verba pensites Herodiani. Dubitet tamen aliquis an illa Vitelliana auctio tota manserit: sed quidquid eius, illud tenendum haud dubiè auxisse valdè Seuerum, cùm Herodianus disertè scribat, *tuicumq; VI EXTERNÆ parem aut superiorem hanc internam & urbanam fuisse*. Sed redeo ad *Urbanas* meas cohortes: quarum officium præcipuum, tueri urbem. id est, motus aut turbas plebis coërcere; noctu circum templa, fora, basilicas

excubare; stationes agere contra grassatores aut sicarios; item-
 que Præfecto vr̄bis (qui caput iis erat) apparere. Itaque & ex-
 tra vr̄bem interdum puto dispositos, cū eius Iurisdictio ad
 centesimum lapidem porrigeretur. Quod autem Præfectus
 caput, in Tacito clarè scriptum, de Flauio Sabino, qui tunc in III. HIR.
 eo munere: *Esse illi PROPRIUM militem cohortium urbana-*
rum: nec defuturas Vigilum cohortes. Quas nunc adiungo
 (*Vigilum* dico:) & moneo eas quoque ab Augusto esse. Nam
 is cū crebra incendia in magnā illā & frequenti vr̄be videret;
 remedium quæsiuit firmum & perpetuum, militemque ex li-
 bertinis collegit, & in septem cohortes digessit. Id factum an-
 no vr̄bis DCCCLIX. Et quamquam præcipuus hic finis & in-
 stituendi causa fuit, tamen seruiisse etiam tutelæ vr̄bis, & con-
 tra nocturnos fures aut grassatores, non est ambigendum. Mi-
 nus lecta hæc manus fuit, & ministerio potius quàm militiæ
 facta: tamen vt regi melius iuberique possent, digesti in Co-
 hortēs, & Centuriones Tribunosque suos accepere.

C A P. V.

*De copiis in mari, aut fluminibus; de Classibus
 variis, earumque sedibus.*

TERRESTRI milite satis limites, itemque vitalia im-
 perij, id est Romam ipsam, muniuimus: nunc & mari-
 timo, siue fluuiatili etiam, muniamus. Nam cū mare me-
 dium per totum illud imperium iret, vt diximus; cū etiam
 flumina magna clauderent vel ambirent; vtile censuerunt,
Classēs perpetuas in vtriusque parte esse, quæ & piratas cohiberent,
 & hostes excluderent; & suis etiam transitum aut transuectio-
 nem, cū opus esset, statim darent. Prudens & pulchra in-
 uentio: fueruntque *Classēs in ipso mari* quattuor; in *Fluminibus*
 tres, nisi fallor. Videbimus ordine, & quod occurret, dicemus.
 Primæ duæ maiores se offerunt, & *Prætoriæ* dictæ, *Misenensis*
 & *Rauennas*. Quare *Prætoriæ*? (sæpè enim ita in lapidibus:)
 opinor dignitatis causâ, & quia inter minores alias, vt *Præto-*

ria aliqua naus, eminerent. Nam Præfectus sanè earum non fuit Prætor. Possunt & exemplo Prætoriarum cohortium esse dictæ, quia ad Italiæ & Principis tutelam. Sed eæ quoque ab Augusto institutæ, notante Suetonio: *Classẽ Miseni, & alteram Rauennæ, ad tutelam superi & inferi maris collocavit.* Et Tacitus de iisdem: *Italiam utroque mari duæ classẽs, Misenum apud & Rauennam præsidebant.* Sed distinctissimè Vegetius, qui numerum & plura aperit, his verbis: *Apud Misenum & Rauennam, SINGVLAE LEGIONES cum classibus stabant, ne longius à tutelâ urbis abscederent, & cùm ratio postulasset, sine morâ, sine circuitu, ad omnes mundi partes peruenirent.* Nam Misenatium classis, Galliam, Hispanias, Mauretaniam, Africam, Ægyptum, Sardiniam, atque Siciliam, habebat in proximo: classis autem Rauennatium, Epiron, Macedoniam, Achaiam, Propontidem, Pontum, Orientem, Cretam, Cyprum, petere directâ nauigatione consueuerat. Ait singulas legiones in singulis fuisse: pro more sui æui, aut parùm conspectè, locutus. Non enim Legiones propriè erant, sed diu taxat Cohortes, eæq; decem, & Tribunos suos siue Chiliarchos (à numero cui præerant) habebant, itemque Centuriones. Enimuerò Tacitus non semel ostendit, Classiarios militiam legionariam, ut honestiorem petiisse: & aliquando impetrasse: non ergo habebant. Quomodo autem? exteri plerique, & nec ciues erant. Tacitus de classe Rauennate: *Ambiguos militum animos, quòd magna pars Dalmatæ Pannonijque erant.* Et in Tabulâ, quæ Venetiis adseruatur: **HADRIANVS. IMP. IIS. QVI. MILITAUERANT. IN. CLASSE. PRAETORIA. MISENENSI. SEX. ET. VIGINTI. STIPENDIIS. EMERITIS. DIMISSIS. HONESTA. MISSIONE. IPSIS. LIBERIS. POSTERISQUE. EORVM. CIVITATEM. DEDIT.** Si dedit, non antè habebant. Clara & vera hæc sunt, ac naualis militia, vilis semper & viliû, apud Romanos. De Miseni igitur classẽ, liquet apud Misenum, pulcherrimo sinu, eam stetisse. Virgilius doctè indicauit, cùm Misenum illuc sepelit Æneas, *Imponit suaque arma viro, remumque tubamque.* Nam & Remum & Tubam dat, præsignificans locum hunc futurû ubi & Remiges & Milites in classẽ essent: Milites inquam, quos Tuba notat. Etsi autem naues ibi & classis, tamen Castra etiam in terrâ & ad portum ipsum fuisse, commoditas eorum exigit,

exigit, & lapides qui sæpè effodiuntur, dicunt. Inter eos isti:

D. M.

D. M.

C. IVLIO. QVARTO

TI. PETRONI. CELERIS

VET. EX. PR. N. GALLO.

NAT. ALEX. EX. III. ISIDE.

D. M.

C. SENIO. SEVERO. MANIPLARIO

EX. III. FIDE. NATIONE. BESSVS.

Notæ breuiiores in iis, hoc volunt: *Veterano ex Pratoriâ naue Gallo.* item: *Natione Alexandrino, ex tertiâ Iside.* iterumque: *Ex tertiâ Fide.* *Gallus* autem, *Ïsis*, *Fides*, nomina nauium sunt, ab imagine aut tutelâ. In his item portibus, præter Castra, *Pharos* siue Turres quasdam ad prælucendum noctu fuisse, Plinius mihi suggerit: ille Plinius, qui ipse fuit classis Misenatium Præfectus. *Vsus Phari, nocturno nauium cursui ignes ostendere, ad prænuncianda Lib. xxvi. cap. xii.*
Vada, portusve introitum: sicuti compluribus iam locis flagrant, ut Puteolis, & Rauennæ. *Pharus* Puteolana, ad hanc Misenensē fuit. At verò altera, sicut & ipsa Classis, *Rauennæ*. Notum & nobile etiam opidum, ob sedem ibi postea regni Gothorum. Et ipsam, & Classē autem, Iornandes optimè notificat, ex Dione: *A meridie*, inquit, *Padus, qui & Eridanus, ab Augusto Imp. altissimâ fossâ demissus: qui septimâ sui alvei parte mediam influit ciuitatem: ad ostia sua amœnissimum PORTVM habens, qui CLASSEM ducentarū quinquaginta nauium, Dione referente, tutissimâ dudum credebatur recipere statione. Qui nunc, ut Fabius ait, quod aliquando portus fuerat, spatiosissimos hortos ostendit, arboribus plenos, verum de quibus pendant non vela, sed poma.* In fronte verborum vides, Augustum aptasse locum & portum, fossâ percussâ: in medio, Dionem auctorem, de nauibus CCL. quæ illuc caperent. Sed vbi hoc Dionusquam in libris, qui nunc sunt, sed dixit (opinor) in Vitellij rebus, vbi multa mentio classis Rauennatis, ob transfugium eius & turbas, quas & in Tacito habes. Ingens autem numerus: neque minor in classe Misenatium, ut ratio poscit. In vltimo autem ostendit, esse desuisse & portum & classē. Atque hæ duæ sunt *Maiores* illæ classes *maritimæ*: sequuntur duæ *Minores*. prior in Galliâ, coloniâ & portu *Foroiuliensi*: tum ad ipsam Galliam, tum ad Hispaniæ illam oram tuendam. Tacitus de eâ, eiusq; auctore: *Galliæ proximum Litus ROSTRATÆ naues præsi-* *zv. Annal.*
debant,

debant, quas Aetiatia victoriâ captas Augustus in opidum FORO-
IULIENSE miserat, VALIDO cum remige. Habes Augu-
stum auctorem, habes Rostratas & bellicas, itemque Validum
remigium. Satis ergo & grandis, & instructa ea classis: cuius
idem Tacitus in rebus belloque Othonis cum Vitellio memi-
nit. Est autem hoc Forum Julij in Galliâ Narbonensi, loco
quem Strabo designat: *Nauale*, inquit, *Cesaris Augusti*, quod
Forum Iulium vocant. Situm est inter Olbiam & Antipolim, abest-
que Massiliâ stadiis circiter sexcentis. Notat nauale siue recepta-
culum classis esse: ideoque & à Plinio ipsa vrbs *Classica* dicta,
itemque *Colonia Octauanorum*, quod octaua legio eò deducta.

III. Hist. rei maris. De eâ Tacitus capiendus: *Mucianus classem è Ponto*
Byzantium adigi iussit. Ergo statio ei supra Byzantium fuit:
sed * vbi, ignoro. Numerum eius è Iosepho possum dare:
Pontica, inquit, omnes gentes tribus millibus militum subdun-
tur; & **QVADRAGINTA naues longa** (rostratæ) illud
asperum & innaugabile pelagus tutum pacatumque præstant. An
non & tertia etiam Ostiæ? Suetonius suggerere videatur in
Vespasiano: *Classiarios qui ab Ostiâ & Puteolis Romam per vices*
pedibus commeant. Nam Classiarios Ostiæ ponit: & fortasse
Claudius instituit, portu eò instructo. Sed certum non habeo:
& potuit esse ibi pars è classe Misenensi. Transeo ad *Clas-*
ses fluminum: & prima est in Rheno. de quâ Panegyricus:
Cum totus ARMATIS NAVIBVS Rhenus instructus sit. Ait
totum Rhenum: ergo diuisam per partes censeo, vt & militem
ipsum terrestrem. Florus ostendit, Bonnæ & Geldubæ (si pro-
ba modò lectio) fuisse, ex instituto Drusi: *Bonnam & Geldu-*
bam pontibus iunxit, **CLASSIBVSQVE FIRMAUIT**.
Ergo ibi pars, pars & certò ad exitum fluuij, vbi *Pharus* olim,
quam nunc *Arcem Britannicam* vocant. Hanc opinor esse; quam
Classem Britannicam Tacitus in bello cum Ciuili appellat: quia
& in Britanniam ea commeabat. Sed tota classis comuni-
ter *Germanica* dicta: & sic in eodem Tacito leges, *Iulium Bur-*
donem, *Germanice classis Præfectū*. Hæc partitio classium Taciti
loca aperiet, aut conciliabit, quæ pugnaturire inter se viden-
tur. vt cum scripsit, *Vniuersam quattuor & viginti navium clas-*
sem

* Vide No-
tas.
Lib. II.
Excid.

v. Hist.

sem transfugisse (ad Ciuilem) aut captam esse. An igitur *uniuersa* ea, non nisi tot nauium? Imò postea iterum facit Cerialem nauibus pugnasse, etsi *numero impari, sed magnitudine earum potiorrem.* Atqui struere tam citò non potuit: sed nempe ex aliâ parte, atque adeò grandiores triremium, quæ ad Oceanum & Pharium, sumpsit. De his nauibus Hegesippus ex Iosepho ita scribit: *Rhenus itaque iam non Germanorum copiis repletur, sed Romanorum liburnis, quæ per errantes TOT VSQVE AD MARE bicornis amnis fluentia, quondam liberas gentes seruitio premunt.* Legendum autem illuc, *Copulis Germanorum:* estque nauium minorum genus, quod ipsi Germani sicà *vinciendo & ligando **Koppelen dicebant. Dicit earum loco Liburnas iam rostratasque Romanorum esse: credo, biremes. quas & pererrasse totum amnem identidem scribit: & an ideò Lusorias dictas? Vox crebra in Ammiano, Vegetio, aliisque. Altera classis Fluuiatilis, in Danubio. de quâ Tacitus: *Vannus funditur prælio, et ad classem in Danu-* XI I. Ann. *bio operientem perfugit.* Nominantur & Vegetio *Lusoria, quæ in Danubio COTTIDIANIS vtuntur EXCVBIIS.* In Codice Theodosiano titulus, *De Lusoriis Danubij.* In Nouellâ quadam: *Castrorum quinetiam ipsis, luxuriarumque curam mandamus: legendum, Lusoriarumque* Credo & tertiam fluuiatilem in Euphrate fuisse: quidni in magno flumine, & contra Parthos? Ammiani aliquot loca suadent, etsi non cogunt: nec alibi certò legi. Habes totam munitionem imperij, terrâ marique: an non validam, vtilem, opportunam? sed & aspectu aut cogitatu pulchram, cum imaginem proponis (Aristide delineante) *magna Urbis, cuius fossæ, flumina essent; turrets & propugnacula, militaria in sinibus castra aut castella; ipsa mœnia, non è latere vllò aut lapide, sed ære ac ferro tot prætendentium legionum.* AVD. Mehercules delector, & cogitatione peragro ac iungo, quæ locis situque diuisa. Sed ipsam summam totius præsidij cur non expressisti? LIPS. Facile est, & per te possis: quantum quidem certus partium dictarum est numerus. Vbi non, diuinetur. Aio igitur in provinciis copias non minùs fuisse, *Legionum, Cohortium, Alarum, ducentis quinquaginta millibus,* aut circà: & sic, vt legiones nec plenissimas, sed IIII. millium accipiamus. In Vrbe, ponere liceat in vniuersum ad XXVI. millia militum: & post Seuerum,*

E
vel

vel ad sexagena. In classibus omnibus, haud minùs *centum millibus* militum remigumque. Ita fiant in vniuersum, supra *quadringenta millia* ordinariorum: et si Agathias Historicus plures etiam, & largiter, fuisse asseueret. Nam de Iustiniani æuo loquens, *negat copias Romanorum tantas, quantas OLIM esse: nec iam sufficere tutelæ imperij, contra hostes.* Cùm enim, inquit, ad *SEXCENTA QUADRAGINTA QVINQVE MILLIA militum vniuersas* eas colligere oporteret; *vix tunc in centum quinquaginta millibus consistebant.* Hæc ille scriptor, & credo vera atque explorata (cùm tam curiosè numeret) attulisse. Oportuit igitur Auxiliares copias grandes fuisse: & tu considera vim copiamque Romanam. AVD. Imò an non legiones fortasse plures faciendæ sunt, & vel ad XLIV. ordinariæ sub Augusto ac deinceps locandæ? Hoc enim & Orosius & Appianus dicere videntur: & vir doctissimus ita affirmat. LIPS. Errat ille vir doctissimus: nec aliter sub Augusto fuit, ac dixi De Orosio & Appiano, hoc saltem dicunt, *Sexto Pompeio in Siliciâ victo XLIV. legiones, iunctis omnibus copiis (& Lepidi nempe, & Sexti, & ipsius) in vniuersum, Augustum habuisse: sed hoc non addunt, & seruasse.* Ille verò non seruauit, sed sparsit, & in *Colonias* misit, de quibus ordo & hæc admonitio suadent iam dici.

CAP. VI.

De Coloniis, & modus fructusq; deducendi.

PRAEMISI verò, Præsidia militum in longinquis limitaneisque locis fuisse, pauca aut nulla in prouinciis mediis: imò pleræque earum sine milite aut armis vllis. Quid ergo tuebatur interiora, & quæta præstabat? *Coloniarum* deductio, optimo & sapientissimo Romuli inuento. Nam ad illum consensu referunt. qui victis finitimis opidis aut gentibus, partem earum solitus in urbem & ad se traducere; partem illuc relinquere, sed sic vt Romanos suos misceret, custodiam & regimen, nequid mouerent. Eos ita missos, *Colonos* appellauerunt, & ab agrorum *nouæ dedicatione cultura* (ait Hyginus) *ipsas Colonias* appellauerunt. Ratio & modus erat, vt agri diuiderentur viritim: idque à
Trium-

Triumviris, quos graues & prudentes viros huic rei legere solebant: qui & sedes, agrosque, & ipsum opidum (si condendum esset) disponebant, & iura ac formam nouæ quasi reip. dabant. Sic tamen, vt omnia Romam & urbem matrem referrent. ipsis quoque locis, Fora, Capitolia, Tempia, Curia pro illâ imagine essent; & in gubernatione, *Duumviri* plerisque coloniis, quasi duo Consules, & *Decuriones* pro Senatu. Varia in hoc instituto utilitas, quam licet percurramus. Prima, quod alleuabatur vrbs ipsa princeps, & superfluam nimiamque multitudinem, vt sanguinem emittebat. Ita victus facilior, ita turba minor; & turbæ quoque, faciles oriri inter tam confertos. Sed & soboli magis vacabant libentiusque, sic vacui: non aliter quam arbores aut plantaria magis se diffundunt & propagant, vbi in arcto non stipantur. Altera utilitas, ipsos hostes aut subditos tangit. Vbi enim Coloniae sic collocatae, loca frequentabantur, colebantur, poliebantur etiam, nouorum hospitem aduentu, & artium inuectu. Diuina Prouidentia hoc fine Græcos olim in Asiam, Europam hanc nostram, vsque in Hispaniam, per maritima loca misit & disposuit: vt rudes ferocesque humanitate & elegantia percolerent, atque ad mitiora studia & mores transferrent. Quod idem Romani mox fecere: & iis cultum hunc omnem debet pulcherrimus noster Europæ tractus. Tertia utilitas, quæ præcipue in oculis Romulo & Romanis, Præfidiū in subiectos. Sparsa hæc tot opida, locis opportunis, & in iis Romanus sanguis: quid nisi tot arces & propugnacula erant imperij Romani? Dicamus quidlibet: nihil tam validum, quam talis aliqua deductio: & vbi ij qui agros in alieno accepere, semper obligantur aut tueri iura imperiumque donantium; aut pelli, si & ij pellantur. Atque hic primus, vt dixi, præcipuusque aspectus: accessere mox, valde auctâ re Romanâ, duo alteri. Prior, vt plebem inopem & grauem sic exhaurirent: alter, vt militibus emeritis præmia largirentur. Nam ecce in tantâ vrbe, & crescente ciuium tenuiorum numero, per tot manumissiones: quæ ratio alédi aut subsistendi fuit, nisi vt emitterent? nō aliter, quam vbi alucaria plena, noua examina in alia & noua transfunduntur. Sic &, occulto Politico consilio, sentina & fœx vrbis educebatur: prior meliorque pars asseruabatur. Iam verò in militibus pul-

chrum. & quis non libens in eam Militiam se impenderet, ubi & posteam tam magna & certa præmia essent? Agri & sedes dabantur, regimen illuc & honores, pecunia etiam (nam sic Augustus instituit) ad instrumenta, iumenta, & siquid opus, cõmendum. Ego verò ausim dicere, nec isto æuo Militiam satis bonam, fidam, facilemque futuram, nisi tali præmiorum ratione: nec difficile fortasse, cum magno bono publico, excogitare. Ista igitur deductio Coloniarum, & causæ: in quibus tamen tyranni aut violenti aliquot ciues fraudem & iniuriam miscuerunt. ut Corn. Sulla, qui non, ut olim, agros ex hoste captos distribuit; sed in ipsâ Italiâ, quod sciebat milites appetere, sedes iis dedit. Quod fieri non potuit, nisi pacatis fidisque populis, per summam iniuriam & scelus, expulsis. Appianus auctor est *vigintitres* legiones ab eo sic deductas, quæ facerent (si probè commemini) *centum viginti millia*, cum iis qui adiuncti. Simile & Cæsar Iulius, in pace & Consulatu fecit, qui agrum Campanum & Stellatam *viginti millibus* ciuium, coloniâ Capuam deductâ, diuisit. Idem iam Dictator, in *transmarinas colonias octoginta millia ciuium distribuit*, Suetonio auctore: id est, in Carthaginem maximè & Corinthum. Quod noto, ut numerus videatur deductorum: qui sanè grandis fuit, siue è ciuibus togatis, siue è militibus veteranis. Augustum *centum viginti millia* deduxisse sub *quintum Consulatum* suum (bellis Ciuilibus iam finitis) lapis Ancyranus ostendit: & postea multa millia adiunxit. Caue enim censeas, illa tantum deduxisse. Imò in solâ Italiâ *duodetriginta colonias collocavit*, ut Suetonius notat: quid apud tot exteras gentes, & imperio tam diuturno. Itaq; huius Principis plurimæ, & in toto orbe terrarum fuerunt: quod ipsa agnomina earum ostendunt. Deniq; paullatim tanta frequentia, ut negem regionem, imò vix regiunculam fuisse, in quâ Coloniae aut Colonia non esset. Tot illis vinclis miramur orbem cõpeditum & astrictum, in Romanâ ditione & imperio mansisse? Non ego: sed nec Velleij iudiciũ valdè probo, *inter perniciosissima Gracchi habentis, quòd extra Italiam colonias posuerit*. Equidem planissimè contrà sentio: & ad hunc coërcendi finē, aliter oportuit; aut nec imperiũ extra Italiam proferre. Timorem quē timet, nequa Colonia potentior matre suâ fiat, sic longinqua: nullus est, & certè

locum

locum in Romano aliquo imperio non habet. Sed nec Hispano: & prudentissimè eos cenſeo Nouum orbem coloniis impleſſe. Quarum alia atque alia genera tamen erant, & quædam Romanæ, aliæ Latini, quædam & Italici iuris. Reperio & Patritias, & Equeſtres agnominatas; haud dubiè, in quam digniores ciuium militumve deducti. AVD. Sed de numero igitur, nihil certi aut definiti habes? LIPS. In Italiâ ſolâ *centum quinquaginta* fuiſſe reperio; in Africâ, circiter *ſexaginta*; in Hispaniis, *ad triginta*; paullo minùs in Galliis: & idem iudica de reliquo orbe. Difficile enim hæc adnumerare firmiter: cùm & aliqua legentem fallant, & non omnia hodie in libris legenda. Hoc Senecæ tibi ſuffecerit: *Populus Romanus quot Colonias in OMNES prouincias miſit? VBI CVMQVE VICIT Romanus, HABITAT.* AVD. Quæro etiam, ecquid ſeriò probes hoc ius ſiue morem colonicum? LIPS. Dixi, & probo: atque adeò magnis Regibus adſuadeam imitari. AVD. Tunc? in tam apertâ iniuriâ? nam certè aliena eripiebant, poſſidebant, poſteris tradebant. LIPS. Quid tum? vtilitas publica magna, vt in aliis, exiguum hoc iniquum diluit, vel abſorbet. Eſſi cur iniquum? qui iniuriam intulit, iuſtè malum & pœnam habet. Coërcendi hoc modo ſunt; & ne in poſterum noxam noceant, refrænandi.

Ad Helu.
Conſolat.

CAP. VII.

*Multitudo Romanorum, & ratio adſciſcendi
gentes, aut transferendi.*

AVD. Sed mihi hîc admiratio & quæſtio, Vnde Romanis ea copia, & ſic aſſidua, vel Militum vel Colonorum? Nam cùm intueor & examino; examina habuiſſe hominum debuerunt, quæ ſic conſcriberent, aut transferrent. LIPS. Haud de nihilo petis, & ſatiſfaciam: ſcito. Romanos primùm pauculos fuiſſe, & cùm Romulus militiam & remp. ordinauit, vix ad *millia terna* peditum (alij *bina millia* volunt) cenſa, & equitum *trecentos*. At idem ille, cùm è viujs abiit, peditum reliquit *XLVI. millia*, & equitum *mille*. Tantum viri opeſque creuerant in annis circiter, quibus Romulus regnauit, *triginta ſeptem*. Res mira

E }

eſt.

est. & quibus artibus aut industriâ ille hoc assecutus? Aper-
tione asyli; quæ haud dubiè aliquid adiuuit, & è vicinis, etsi
non optimos, elicuit. Lege de liberis latâ, quâ iussit quidquid
natum esset tolli, modò ne mutilum aut monstrosum. Re-
ceptione in ciuitatem, quam non exteris solùm confluenti-
bus, sed victis & hostibus dedit. Laudant cùm alij hoc insti-
tutum eius, tum Claudius Imp. apud Tacitum: *Quid aliud*
xx. AnnaL. *exitio Lacedæmoniis & Atheniensibus fuit, quamquam armis pol-
lerent, nisi quòd victos pro alienigenis arcebant? At conditor no-
ster Romulus tantum sapientiâ valuit, vt plerosque populos eodem
die hostes, dein ciues haberet. Atque id sanè diu retentum Ro-
mæ, vt è prouincialibus honestissimos, hoc beneficio ciuitatis
obligarent; & ita simul se augerent, simul discrimen, & taci-
tum pænè* diffidium, inter illos conciliarent. Claudianus in
Romæ laudibus:*

*Ob emu-
latione m
inter rece-
ptos, & non
receptos.

*Hæc est, in gremium victos qua sola recepit,
Humanumque genus communi nomine fœvit,
Matris, non domine, ritu: ciuesque vocauit
Quos domuit, nexuque pio longinqua reuinxit.*

Ita, quod ex illo apparet, diffusum latè aut vndique iam hoc
beneficium: & ciues Romani facti, quicumque in orbe Ro-
mano essent, ex constitutione Imp. Antonini. Excluduntur
iam ergo soli serui & barbari. quo sensu Sidonius scripsit, &
Lib. I. appellauit *Romam verticem mundi, patriam libertatis, in quâ
vnicâ totius mundi ciuitate soli BARBARI & SERVI peregrinan-
tur. Itemque passim alij Communem patriam: & ad eam his ver-
sibus Rutilius:*

*Fecisti patriam diuersis Gentibus vnâ,
Profuit iniustis te dominante capi.
Dumque offers victis proprij consortia iuris,
VRBEM fecisti, quod prius ORBIS erat.*

Hæc ita posteriori æuo, nec optimo scilicet, nec optimè: præ-
stabat electio illa & secretio, ob varias causas. Sed tertia
etiam ratio augendi ciues, ex instituto non quidem Romuli,
sed Seruij Tullij. Ille cùm videret plerosque tunc seruorum,
aut bello captos, aut è prædâ emptos esse; atque eos ferè è libe-
ris & ingenuis, & antè etiam liberos: humanum bonumque
putauit

putauit in ciuitatem recipere, siqui à dominis manumissi essent. Nam & Romanis moribus ingeniisque assuefacti iam erant; & sic fore prouidebat, vt semper, tamquam ex fonte domestico, proles scaturiret ad belli aliosque vsus. Difficile id persuasum primò ciuibus, & inquinari eo consortio videbantur: sed nempe ostendit, & origine bonos eos esse, & iamdiu ipsos etiam hostes in hoc ius admissos: ita cur non idem domesticis & fidis seruis indulgerent, causam nullam esse. Maximè, cum in eorum manu totum hoc beneficium. & videre posse, vt nec temerè manumittendo darent; & illos aduersuros, vt omni sedulitate ac fide emererentur. Amplius, futuros eos nihilominus velut in curâ & clientelâ Patronorum: & sic nobiliores ciues, in comitiis aut suffragiis, semper manum aliquam fauentem & obnoxiam habituros. Ita illis persuasum. sed Regi in oculis præcipuè, frequentia & multitudo ciuium, fundamentum omnis potentia & diuturni status. Nectamen ij æquiparati statim dignioribus, & veteribus ciuibus: reiecti in quattuor urbanas tribus fuère, & inuenta ratio, vt minimum in suffragiis, aut aliâ publicâ re, pollerent. Quin & à militiâ legionariâ & honestiore exclusi sunt: donec paullatim nepotes ac pronepotes eorum, verè iam Romanus sanguis, peruenirent. Liberti ipsi & Libertini (veteri quidem republicâ) arcebantur. Hoc institutum, incredibile est, quantum ciuitatem auxerit: in quâ aliquot seruorum millia pauculis annis manumissa. Neque negandum est, vtile initio & præclarum fuisse: sed lapsu temporis, vt fit in humanis rebus, hîc quoque lapsus: cum iam Syri, Cappadoces, Asiatici, Græci, Barbari in seruos recepti; & multi ex iis facinorosi & perdit; qui pretio, blanditiis, aut & fœdis obsequiis libertatem meriti, quam colluuiem in ciuitatem non inuexerunt? Imò per eos effectum, vt egregia illa animi ac morum, Romana olim plebs, vilissima facta hominum sit, & vno verbo, cloaca ac sentina vitiorum. Sed ista sæculis aliquot post Tullium. interea profuit largiter institutum, & effecit, vt cum primo censu ac lustro Ser. Tullij LXXIV. ∞. censa essent, illo qui sub primis Consulibus fuit (nam Tarquinius Superbus intermiserat) CXXX. ∞. cenferentur: idque eorum qui puberes, & in virili toga essent. Largus
tibi

* In 1. Ele-
stor. cap.
xxvii.

tibi hic numerus videtur: nihil est; cùm post aliquot ætates, id est, anno Urbis CCCCXIV. censa sint ciuium CCLX. ∞: & paullò ante bellum Marficum, anno Urbis DCXXXIX. circiter *quad'ingenta* millia, paullò minùs. At post id bellum, sociis iam in ciuitatem paullatim receptis, creuit valdè numerus, & ad *nongenta* millia censa * alibi nobis doctum. Cui ipsi numero firmando, velim addi hæc Phlegontis in Chronicis. qui notat Olympiade, quâ Lucullus Amisum cepit, & Mithridatem ad Caberia vicit (id fuit circa annum Urbis DCLXXXII.) *censitas Romæ nonaginta myriadas ciuum, (&) vnâ, id est, nongenta & decem millia.* Quid iam sub Augusto? ipse de se in lapide Ancyrano clarè hoc dicit, IN. CONSVLATV. SVO. SEXTO. *Lustrum condidisse, QVO. LVSTRO. CENSITA. SVNT. CIVIVM. ROMANORVM. CAPITA. QVADRAGIENS. CENTVM. MILLIA. ET. SEXAGINTA. TRIA.* Immanis herclè numerus: & quis iam de copiis miretur coloniisq;? At etiam creuit assidue, & sub Claudio Imperatore, Tacitus ac fidi auctores accensent, *sexagies nouies centena sexaginta quattuor millia.* Vltrà quærere, superuacuum sit, cùm iam passim in ciuitatem totæ vrbes regionesq; , vt dixi, receptæ. AVD. Neque hercules quæro, affatim habeo quod mirer. Sed illud lubet scire, an ex solis igitur illis ciuib; copiar scriptæ? LIPS. Non è solis. olim quidem & è Latino nomine, vt scis: at postquàm ij ciuitate donati, Principum temporibus maximè, cœperunt & è prouinciis auxilia scribi. Augusti id inuentum: & præter conspicuam vtilitatem in militiâ, causam occultam etiam hâc habuit, subditos sic exarmandi, & quasi obsidibus traditis in fide continendi. Nam quotannis dilectus istos habebant, & optimum ac robustissimum quemque abducebant. Ita enerues prouinciæ; & illi qui dilecti, in longinquas & dissitas oras consultò trahebantur. Non enim facilè res nouas audere aut mouere, inter ignotos & alienos. Ciuilis, qui Batauos ad rebellionem traxit, hoc quoque telo eos incitat: *Instare dilectum* (verba Taciti) *quò liberi à parentibus, fratres à fratribus, velut SUPREMVVM diuiduntur.* Idem Galgacus, dux Britannorum, in eodem Tacito: *Liberis suos cuique ac propinquos natura carissimos esse voluit: hi per dilectus ALIBI feri iuri, auferuntur.* Atque eiusmodi auxiliorum,

IV. HIR.

rum, è variis gentibus, magna copia. quod & *Notitia Imperij* indicat, & Taciti hæc verba: *Nil validum in exercitibus, nisi quod externum*. Iterumque: *Prouinciarum sanguine provincias vinci*. Avd. Artem video, & simul auxilia bello scripta, simul materiem subductam rebellandi. Sed ista profectò translatio dura: & quo exemplo? Lips. Haud facilè dixerim: nisi quòd similia iam olim noto. Romulus ipse populos vicinos in urbem suam transtulit, Tullus Hostilius Albanos. Sed hæc leuia, & alio quodam fine. quid si totas gētes translatas doceam, eādem illā non rebellandi, aut coërcendi, causā? Fecit Augustus in Sugambris & Sueuis, quorum *quadraginta millia* (hoc verius censeo ex Eutropio, quàm quod in vulgatis Suetonij libris *quadraginta* editur) tot inquam illa millia *traiecit in Galliam, iuxtaque ripam Rheni, sedibus adsignatis, collocavit*. Ita & Galliam impleuit, & ex hoste socium auxiliaremque fecit. Sed iudicio & consilio in hac re opus, ne plures suscipiantur aut traducantur, quàm coërcere possis: peccatumque, à secutis Imperatoribus (maximè post Constantinum) qui Barbaris receptis, imperium & urbem prodiderunt. Alioqui multum commodi aut tutelæ translatio hæc habere possit. quā Philippum Macedonem (callidum illum regnandi) vsum Iustinus prodidit: scribitque eum, *ut pecora pastores, nunc in hibernos, nunc in æstivos saltus traiciunt, ita populos & vrbes, ut illi vel replenda vel derelinquenda quæque loca videbantur, ad libidinem suam transtulisse*. Parabat & Alexander simile, firmando imperio, nisi mors interuenisset. Nam in Commentariis eius inuentum Diodorus tradit, *ut ciuitatum aliarum in alias migrationes fierent, itemque hominum traiectiones ex Asia in Europam, ex hac in illam: & causam addit, ut gentes connubiis, commercijs, & amicitia inter se iungeret*: quæ ipsa haud vana planè est, aliam tamen & intimam non expressit. Antipater, qui in partem potentiae successit, in idem hoc consilium: & Atheniensium urbis potens, ipsam eiusque regimen ditioribus honestioribusque concessit; tenues, & quidquid inopiā turbidum, eduxit, & ad xx. ∞. eorum in Thraciā, agris datis, collocavit. Lego & Tigranem regem, cui bellum Pompeius fecit, *trecenta millia* è Ciliciā & Cappadociā in Armeniam & Mesopotamiam traduxisse, ad ea loca frequentanda & meliori genere

F imple-

implenda. Et vt vicina magis temporibus locisque tangam, Carolum Magnum satis scitum est, Saxones sæpè rebelles translatione domuisse, & in Belgicæ nostræ oris posuisse. Ludouicus etiam XI. Galliæ Rex, Atrebatium fidei infensus, & quia à vitâ diuelli quàm à Burgundiaco imperio malebant, sparsit eos per Galliæ vrbes aliquot, & suos in locum introduxit. Quid in nouo illo orbe etiam video? Reges Perüani tractus, quos *Ingas* ipsi appellant, pro firmamento status habebant, populos victos statim, cum totâ sobole, transferre ad interiora loca, & in illa limitanea alios suos fidosque supponere. Hoc genus *Mitimaes* patriâ linguâ vocabant. Habes de multitudine, & eius causis. Ac quædam his inesse magnis Regibus imitanda ego scio: qui si exhauriunt semper (vt fit in militibus aut colonis emittendis) nec addunt: quid nisi fontem ipsum exhaurient & siccabunt? Seriò, seriò prouidendum est. Tu abi nunc, & cetera cras, si Deus volet, dabo. AVD. Haud libens, sed tamen parco, & valetudini tuæ tenui parco. Vale, & firmare.



I. L I P S I
 DE MAGNITVDINE
 R O M A N A
 LIBER II.

CAPVT I.

*De Priscis populi Romani Vectigalibus, Decumis,
 Quintis, Scripturâ, Portoriis.*



I P S. Maturè sanè ades. * A V D. Si pro meo voto, maturiùs, & vel conuiua in prandio tibi fuisset. L I P S. Licuit. & delectarer sanè vel assiduo hoc sodalitio, si Romanæ aliquæ mihi O P E S. Ad quas sermo nos nunc duxit, & de iis videamus. Eas *Publicas & Priuatas* considerabo: & in Publicis, *Vectigalia* siue *Tributa*, tū & *Triumphales manubias*, denique *Liberalitates* aut *Erogationes*. Insistamus ordine, & primū in *Vectigalibus*: quæ olim triplicia ferè, è *Decumis*, è *Pastione*, è *Portoriis*. Quod ad priores duas, ita de iis & origine earum Appianus: *Romani nunc hos, nunc illos Italia* i. Ciuil. *populos superando ac subiiciendo, partem agri iis auferebant, atque opida & colonos condebant; aut si opida opportunè iam condita, hos inducebant. Agri igitur quod cultum erat, colonis ferè assignabant; quod incultum (vt multa per bellum) id aliis cupientibus elocabant, PARTÈ DECIMA fructuum sibi retentâ in agris satiuis; in plantariis aut arboretis, QUINTA; in pastionibus autem, certum pretium definiebant in capita minoris pecoris maiorisque. Pulcher & distinctus in eam rem locus: & quamquam de Italiâ dicit, tamen & producere ad prouincias licet, quas multas ita habitas, ex aliis scriptorum locis liquet. Et si quædam arctiùs pressiusque habitæ; & præter hæc, Tributa etiam sua capitis pendebant. Sed quod ad hæc*

tria, etiam in Asiâ ea sic & in Siciliâ fuisse, Cicero alibi ostendit, & in his vectigalium summam ponit. Notabiliter in laudatione Pompeij: *Publicani familias maximas, quas in Salinis habent, quas in Agris, quas in Portibus*. Nam quod ad Salinas, viri docti iamdiu emendarunt *Siluis*, ut ad Pastiones referatur: etsi *Saltibus* ego mallem, viciniore litterarum lapsu. In eâdem oratione enim aliquoties hæc tria repetit, & iungit: etsi vectigal è Salinis quoque fuisse, sed non inter prima & magna, scimus. Et quod ad frumenti omnis *Decumas*, idem Cicero in Verrinis satis dixerit, quid in eâ re fuerit: nec obscurum est vel ex moribus hodiernis. De fructuum *Quintâ* in Appiano, id obscurius, imò incertius: quoniam idem Cicero in Verrem disertè nominat, *Vini & Olei decumas*, ostenditque Siculos ita dedisse. Quomodo igitur *Quintas*? nam ex vite, oleâ, ficu, pomo, nuce, intellegi & redigi Appiani vectigal velim; nec aliunde video posse. Nisi tamen de siluâ caduâ intellegit: quod in medio relinquo. Sed in priore sententiâ si perseverare lubet; dicendum est, mitius leuiusque habitos Siculos, & peculiare id ibi fuisse. E *Pastionibus* genus alterum est, quod propriè & vulgò *Scripturam* appellabant. Exemplâ obuia, & iam aliis notata: causam vocis Festus explicat: *Scripturarius ager, inquit, publicus appellatur, in quo ut pecora pascantur, certum est. quia publicanus SCRIBENDO conficit rationem cum pastore*. Cicero igitur de hoc vectigali capiendus: Ita neque ex *Portu*, neque ex *Decumis*, neque ex *Scripturâ* vectigal conseruari potest. Tertium est *Portorium*: quod scilicet in euehendo aut inuehendo (*ἐκπαγωγὴν ἢ εἰσπαγωγὴν*) pendebant. Res nota est: an & illa, quod *Portarium* etiam fuerit antiquis? In Glossis lego, cum discrimine: *Portorium*, τέλος ἐν λιμένι, id est, VECTIGAL IN PORTU: *Portarium*, τέλος πύλης, id est, VECTIGAL IN PORTA. Et verò hoc quoque fuisse videtur, æuo præsertim inferiore, & sub Principatu: ut & in pontibus, & in viis, & portis adeò opidorum dederint, pro transgressu aut ingressu. Italia hodie, sed & Belgica, hæc non ignorat: & apud Senecam lego: *Nec indignabitur sapiens aliquid impendere, ut limen transeat, cogitans & in portibus quibusdam pro transitu dari*. Herodianus quoque ostendit exactiones fuisse ἐπὶ τοῖς ὀχλαῖς ποταμῶν, ἢ λιμένι πύλων, ἐν τε ὁδῶν πορείαις: in ripis fluminum, portibus

portibus opidorum, & viarum transgressibus: sed inter tyrannica habet, quia noua aut grandia, opinor; & ideo à Pertinace salubriter sublata.

CAP. II.

De Tributis & Capitatione. tum inquisitum in Modum vectigalium, & quid videantur reddidisse.

HAEC illa vetera sunt, & Vectigalia propriè dicta: quibus dies, & sagacitas, addo & necessitas, aliquid semper addiderunt. AVD. Hæcne propriè Vectigalia? atqui plura in id nomen video includi. LIPS. Plura, sed hæc primò: aut ne mentiar, solum ipsum Portorium primò, quia id scilicet è *vecturá*: vnde Vectigal. Græcis etiam hîc discrimen aliquod, quibus Vectigal propriè est τέλος, Tributum φόρος. Sed & in re ipsâ differunt, quòd illud res & fundos magis spectat & ligat; hoc capita ac mobiles opes. Sed quorsum ego ista? semel & seriò tibi dico, verba nunc non lustrò, nec obsita aut tricola antiquitatum quæro; satis, in luce aliquâ tibi ponere Romanam œconomiam, circa publicas has exactiones. Ergo Tributa, vt dixi, caput ferè tangebant: atque ita pessima conditio eorum, qui Stipendiarij, ipsi atque agri, vt Cicero alibi loquitur, essent. Tales Pœni, Hispani, & plures, qui per vim vltimam & bello pertinace victi essent. Appianus hoc ita expressit, vbi Scipio cum decem Legatis leges dant Carthagini victæ: Hos, inquit, præmiis af- In Libycis.
ficiunt, socios nempe populos aut reges; τοῖς δὲ ἄλλοις φόρον ὀφεισάντων ἐπὶ τῇ γῇ ὅτι ἐστὶ τοῖς σφετέραις: alijs (hostibus scilicet) tributum definierunt in agris, & in corpora eorum. Duo manifestò dicit, & Corpora siue Capita (vt Latini magis loquuntur) onusta, & terram ipsam. Tertullianus quoque ea iungit: Agri tributo onusti, viliores; & hominum capita stipendio censa, ignobiliora: nam hæc sunt NOTAE CAPTIVITATIS. Adiungit eruditissimus scriptor, hoc non nisi in verè victos, & vi subditos, vsurpatum: olim quidem, sed Imperatores, & ipse Augustus produxerunt, & valdè hæc Tributa dilata-

In Pompeio.

dilatarunt. Ac *Capitum* vel *Capitationis* satis frequens mentio in posteriorum scriptorum, sed & Iuris libris: vbi non *Hominum* solum *capita*, sed & *Animalium* leges: & quædam, quæ fateor in subnubilo mihi esse. At tu vniuersè hæc nunc noueris: videamus, quod nos quærimus, ecquid *Opes* ex his annuas liceat vestigiis odorari. Quæ vestigia tenuiter impressa fateor, tamen persequar & indagabo. Ac primùm de antiquis, & liberæ reip. opibus, locum esse volunt in Plutarcho istum. De Pompeij triumpho è Syriâ & Asiâ agit; dicitque, *Prelatum titulum, qui litteris indicaret antea quidem Vectigalia reddidisse ad bis millies HS. ex iis autem quæ ipse acquisisset, redire ad ter millies quadringenties.* Prior summa, nobis efficiat *quinque milliones* (iuuat his compendiis, vulgariter magis quam eleganter vti) altera *octo milliones cum semisse*. Viri docti iam, & inter hos verè primus Budæus, existimant scripto hoc indicasse Pompeium: quod ante id tempus, vniuersi reditus è vectigalibus non pluris essent; ab ipso autem iidem aucti plus triente, & facti vt in extremo scriptum. Enimuerò libido, an ratio, mihi est dissentienti? sed dissentio, & nego Plutarchum vel Pompeium de *vniuersis* sensisse. Nullum tale in Græco Plutarcho verbum est: quod moneo, ne temerè interpretibus, qui addunt, hoc accredas. Quæ ergo nostrâ mente scripti illius mens? nempe pro re subiectâ, & cùm de transmarinis illis triumpharet Pompeius, nec nisi ibi tunc res gessisset; verba eodem referenda, & de Asiâ saltem finitimisque capienda. Quomodo? aliter etiam, quam viri docti, in clausulâ. Duo enim dicit, & Asiam illam minorem, quæ sola ibi ante Pompeium prouincia, aut præcipua; illam, inquam, è vectigalibus *bis millies* dedisse: at verò eas prouincias, quas ipse super eam quæsisset, solas reddere *ter millies & quadringenties*. Puto me rem tangere, si quis iudicio inspicit: & dationes. Primò, credetne quisquam è tot, tamque ditibus populi Romani tunc prouinciis, non plus *quinque millionibus* reddisse? Quod vna Hispania hodie, vna Gallia, vel duplum donet. Ampliùs, *Decumas* vnius Siciliæ Cicero, atque eas tenuiter *estimatas*, fuisse dicit *nonagies HS*: quod nobis est, *CCXXV. millium Philippicùm*. *Decumas* dico frumenti: & *hordei* non computat, & *leguminum*: quid iam *Vini*, *Olei*? quid *Portoria*, & *Pastiones*? Valdè

Valdè tenui ore atque animo est, qui non ausit concipere hæc vniuersa ex proportionem, suprâ *quadringenties*, siue vnum millionem. Atqui Sicilia, quanta pars fuit Romani illius orbis? profectò nec centesima quidem: & valdè hoc valet ad ingentes illas Romanas opes. Amplius de ipsâ Asiâ nostrâ, Appianus scribit, Corn. Sullam, per bella Mithridatica, *impe- rasse illi quinque annorum vectigalia, sed statim danda*. Quantum igitur imperauit? ecce in Plutarcho hoc expressum, *vinginti millia talentum*: ij sunt *duodecim* *milliones* nostri. Age iam, diuide in quinque partes, nōne paullò minùs *millies* *hs.* annua habemus? Atqui duplum oportuit, inquires. Ita, pro me & Plutarcho: sed hoc ipso tamen firmiter illos refuto, qui ex toto orbe *bis* *millies* colligunt, cū ego dimidium ex Asiâ iam solâ. Res clara est. Sed quomodo igitur plus Pompeij æuo? nec id difficile dictu: siue quia ratio colligendi iam melior firmiorque; siue quia bella resederant, & ipsa Asia cultior feraciorque facta. Produci hæc talia semper solere, præsertim in pace, nec hodie est nouum. Docebo hoc clariùs? ex ipso iterum Appiano. apud quem M. Antonius triumuir, post pugnam Philipensem, in Asiam missus ad pecunias colligendas, in concione sic eos affatur: *Ne vrbibus agrisque pella-* v. Civil.
*mini, pecunia danda est in vsum militū: nec ea maxima, sed quâ auditâ libenter acquiescatis. Dedistis hostibus nostris, Cassio & Bruto, in duobus annis tributa decē annorum: ea suffecerint & nobis, nisi quod danda sunt in vno anno. Quid hinc efficimus? nectimus iterum Plutarchi verba, qui ducenta millia talentum ab Asia tunc data scripsit. Atqui diuide in decem annos: quid trepidas? vincti millia annua surgunt, id est duodecim milliones. Et profectò, noli ambigere, præpotens & diues illa Asia dedit. In quâ tamen obiter moneo, res sæpè mutatas: & primò, cū testamento Attali Romanis relicta esset, Vectigalia imposita; id est *Decumas, Portoria, Scripturam*, solenni more. Sed cū publicani iniurijs pro more suo essent, & sine publico bono sibi attererent ac tonderent; C. Julius Cæsar, & iniurias, & iniurios ipsos sustulit, ac permisit ipsis Asiaticis fructus colligere ab agricolis, ac Tributa induxit. Hæc ita ferè (etsi ipsa verba, quia pluscula, omisi) in eadem oratione Antonius apud Appianum dixit. Quando autem*

à Iulio

Lib. XLII.

à Iulio id factum, & de re ipsâ, apertius sic Dio Cassius: *A vielo Pompeio, cum Asiam obiter lustraret, τὰς τελώνας πλεόντα σφίσι χρεώμενους ἀπαλλάξας, ἐς φόρου συντέλειαν τὸ συμβαῖον ἐκ τῶν τελῶν κατεσχάτοις Publicanos, qui acerbissimi in Asiaticos fuerant, remouit, & in Tributi collationem, id quod ex Vectigalibus redibat, mutauit.* Pulchra nota: & re ipsâ quidem melius leuiusque erat Decumas & talia dare: quare? quia pro anni prouentibus dabant, plus aut minus, vt ipsi accepissent, nec vltra grauabantur: at eò tamen rem redegerat Publicanorum iniquitas (quos nulli Præsides aut leges satis domabant) vt omnes præoptarent magnum & certum aliquid dare in Tributo. Similis mens, vt addam, in Taciti loco:

r. Annal.

Achaïam ac Macedoniam onera deprecantes, leuari Proconsulari imperio, tradique Cæsari placuit. Videntur enim Publicani tunc, pro veteri more, in populi prouinciis fuisse, & cum iis rapinæ; in Cæsaris non fuisse. Et iam in Plutarchi loco satis tibi factum, aut dictum? *AVD.* In priore membro satis, in altero quid adfers? Firmamentum ab ipso Pompeio, qui eodem illo tempore in Senatu gloriatus, *Asiam se, quam vltimam Prouinciarum accepisset, mediam reddidisse.* Ergo plurimum adiecit: & nominationem *Syriam totam, illam diuitem; item Phœnicen, Palestinam, Cili- ciam, Pamphyliam, Phrygiæ partem, Bithyniam, Pontum, Propontidem.* Hæc tanta, mirabimur tantò plus quàm Asiam dedisse? Hæc de Plutarchi loco. sed ex Portoriis etiam liquere in parte potest magnitudo istorum Vectigalium. Cicero in Verrem scribit, *Socios (id est Publicanos) ex Verris exportationibus perdidisse sexaginta HS. idque ex Vicesimâ portus tantum Syracusani, & in pauculis mensibus.* Sunt valdè notanda. Si vnus ille portus, si in vno homine, & in solâ euectione, & in paucis mensibus, tantum adferre potuit: quid reliqui portus, in omni euectione, inuectione, & in totum annum? Sunt autem illa *sexaginta*, more nostro, circiter *mille quingenti* Philippæi. Et Cicero quidem non nisi *Vicesimam* disertè ibi in Portorio agnoscit: tamen *Octaua*, & qui eam accipiunt *Octauarij*, in Codice Iustiniano memorantur. At in Quinctiliano & Symmacho, *Quadragesima.* Sed opinandum est, pro locis, aut mercibus, sed & temporibus variasse: maximè tamen pro mercibus, & vt grauius vectigal peregrinæ soluerent, ad delicias magis aut pompas, quàm vsum inuectæ.

C. Cæsar

C. Cæsar eius rei auctor, ex Suetonio: *Portoria peregrinarum mercium instituit.* Quæ haud dubiè ipsa Italia etiam pependit; etsi reliqua portoria, lege Metelli, in eâ sublata essent: quod Cicero malo publico factum notat, & recitat item Dio. Hæc sanè magna fuisse, quis potest ambigere, ex pretio & copiâ rerum? Nam gemmæ, lapides, vestes, ebur, mancipia, aromata, vnguenta, & plura eiusmodi exotica inferebantur: quibus si *Octauam* imponis, quantica sint? Argumento aliquo è Plinij hisce verbis: *Arabia felicius mare est. margaritas enim mittit: MINI-* Lib. XII.
MAQVE COMPUTATIONE millies HS. annis omnibus India, & *Seres, Peninsulaque illa, imperio nostro adimunt.* Si * millies HS. em- * *Duo mil-*
ptæ eæ merces; pluris mox æstimatæ & venditæ, ergo & Por- *liones, &*
torium ex iis grande. AvD. Sed commemini alterius Plinia- *semis.*
ni loci, qui minuit, & à summâ illâ abit. Nam vbi de Indiâ sermo, *Indigna res, nullo anno imperiis nostris minus quingenties HS.* Lib. VI.
exhaustiente Indiâ & merces remittente, que CENTVPLICATO C. XXII.
vanear. Ecce hîc *Quingenties* modò, id est dimidium habes. LIPS. Sed nempe ex Indiâ solâ: at alter ille locus Arabiam & Seres item iungit, & ex iis quidni alterum dimidium accedat? Nota autem inibi quòd ait, *centuplicato vanuisse:* quod rei nostræ facit. Cur enim tanti? cur mercatorum tam improbum lucrum esset? non fuit: sed duo sunt, quæ Pretium sic accenderunt, Itinerum difficultas, & Portoria. Quod ad illa, Plinius eodem illo loco describit, & addit *quotannis nauigari, sagittariorum cohortibus impositis.* Ea res & tutela, mercatoribus ad impendia accedebat. Iam Portoria iis grandia. quod Strabo impressè notat in rebus Ægypti: scribitque, *olim quidem pauculas* Lib. XVII.
naues ausas extra Sinum Arabicum ire, at nunc maximas classes nauigare in ipsam vsque Indiam, & ad vltima Aethiopia: vnde pretij maximi merces aduehant, & rursus aliò exportent. Ita fieri, vt *DV-*
PLEX PORTORIVM pendant, *Inuectionis & Euectionis:* atque ipsum portorium æstimatarum istarum mercium *GRANDE* item esse. Hæc ita Strabo. & mirum igitur non sit, à duplici illo aspectu, Itineris & Portorij, pretia sic creuisse: maximè cum & in Italiam aut aliò inuehenda, credam iterum soluisse.

CAP. III.

Inquisitum item in Capitationis modum, & pensum vniuersorum Tributorum.

In Syriac.

DE Vectigalibus priscis hoc nunc fatis: ad *Tributa* venio, siqua ea possim extricare. Metuo, & hæreo statim in eo *Capitationis*, quod vel maximum certissimumque fuisse arbitror: sed in modo, tenebras & nubes suas habet, nunc à me nō pellendas. Fuitne indiscretim vniforme in omnia capita: an potius ex censu? Nam si illud; iniustitia manifesta adhæret. vt si quis pauper, liberos & familiam multam habeat; contrā diues, & cælebs sit & orbus. In Appiano strictura aliqua lucis affulgere videbatur, sed fortasse fallax. nam ait, *Iudæos sæpius rebellasse, eoque tributum capitis grauius iis impositum, quàm reliquarum facultatum. Esse autem & Syris & Cilicibus annuam Centesimam, pro modo census vnicuique.* Verba Græca sunt, si fortè examinare tecum velis: Καὶ ὅτι ταῦτ' ἐστὶν Ἰουδαίοις ἀπασιν ὁ φόρος ἢ τοῦ σώματος ἑαυτοῦ ἢ τῆς ἀλλης περιστείας. Ἐστὶ δὲ Σύροις καὶ Κίλικιν, ἐτήσιον ἑκατοστὴν τῆς τιμῆς αὐτοῦ. Ego ad verbum tibi pænè reddidi; & efficiatur ex sermonis nexu, Iudæos *Centesimam* dare, sicut & Syros ac Cilices, pro Capitis tributo. Quo sensu? inquires. vt magis capias: soluere quidem illos & pro Agris, & pro Opibus; sed æstimatione omnium facta, etiam *Centesimam* pro ipso capite dare. Hoc tale est, vt, si decem millia aureorum in censu habeam, soluam ex iis annua centena. Hoc placeat ob æqualitatem, & quia pauperes aut tenues sic non pressi: sed alia sunt quæ refellunt, aut certè morantur. Quid enim tum seruis fiet? quid filiis familias grandioribus? Dico grandioribus. nam vt & hoc addam, Vlpianus notauit, *In Syriis à Quattuordecim annis masculos, à Duodecim feminas, vsque ad Sexagesimum quintum tributo Capitis obligari.* Atqui Serui & Filij tales, peculium suum nullum habent. Sed de seruis responderi potest, Dominum dependisse in suo capite, dum eorum æstimatio Censibus eius accedit. Et serui alioqui in iure, *caput non habere*, scribuntur. Quod ad filios, certum est parentes pro iis exsoluisse: sed quā taxatione, an

an non & eâ aliquâ pro parentum censu, hoc ignoro. Vellem, & res facta esset. Sed soluisse, in Panegyrico ita scribitur: *Tunc* Ad Con-
stantian. *certè parentes ADVLTORVM non pœnitent filiorum, quorum onera remissa sibi latantur.* Vides filios parentes suos onerare, sed *adultos* iam & grandiores, ex Vlpiano suprâ. Imò alibi, non ante *Vigesimum* annum capite obligatos, lego. Caussam autem opinor huius remissionis in ætate vel Puerili vel Senili: quòd etiam Romani olim Impuberes non censebant, & immunes à Tributo habebant. Addi potest, quòd hæc Capitatio, non aliud quàm quasi redemptio munerum & operarum seruilium fuit, quas populi scilicet victi, & serui facti, Romanis iam debebant. At pueri ad eas operas, aut senes, non idonei: ergo nec pro iis soluant. Hæc sunt, si pro Censu Tributum hoc datum. Sed aliquis mallet, vniforme aliquid, & in omnia capita æquale. Nam sic Iudæi leguntur *Didrachmum* pependisse: & Christus ipse in Euangelio soluit. Matth.
c. xvi. Quod Hieronymus quidem & Beda istuc retulisse videntur: sed alij tamen veriùs (inter hos Hilarius) ad Tributum, quod templo Iudæi debebant, in eo modo à lege diuinâ definitum. Exodum vide. Et Iosephus Cap. xxx. sanè ac Zonaras, sed & Xiphilinus, disertè scribunt *Vespasianum* demum hoc instituisse, *ut omnes ubique Iudæi duas drachmas Ioui Capitolino Romæ penderent, quas antea TEMPLO Hierosolymitano solebant.* Nihil clarius: & Christi ipsa responsio (si quis examinat) à Tributo Cæsariano nos abducit. Sed aliquis etiam opponat Lampridij hæc in Alexandro: *Vestigalia publica ita contraxit, ut qui decem aureos sub Heliogabalo præstiterant, tertiam partem aurei præstarent. tuncque primùm Semisses aureorum formati sunt, & Tremisses.* dicente Alexandro, etiam Quartarios futuros, quòd minus non possèt. quos etiam formatos in monetâ detinuit, expectans, *ut si vestigal contrahere potuisset, eos ederet.* Hæc euincere videntur, certum genus nummi cusum ad Tributa: & nisi fallor, Capitis, quæ sola certitudinem & vnitatem poterant habere. Nam in agris, animalibus, aut opibus, id planè variabat. Faciat aliquid Hesychius, qui scribit: Κένος, εἰς τὸ νόμισματ', ἐπι- κεφάλαιον: *Census, genus numismatis, capitatio.* Sed & in Sacris legitur, *Numisma census.* Tamen ob multa hæreo, nec temerè in hanc partem eo. Quid? *decem* igitur *aurei* in Lampridio, Capi-

Matth.
C. XXII.

tatio fuisset? & postea *Triens*? In ipso Euangelio, ubi *numisma census* quaeritur: mox subiicitur, *Denarium obtulisse*. An ergo ille tantum æqualiter in capita? ridiculum, nisi si Denarius aureus fuit. Quid firmiter definiam, nescio: res tenebras, ut dixi, habet, nec nostram nunc curam illustrandas. Pluscula cogitavi aut collegi, fateor: sed intricatis, aut merè litterariis, non nunc locus. Dico igitur breuiter, Lampridij locum hoc tantum efficere, *Contracta omnia vectigalia: adeo ut qui* (pro exemplo) *decem antea daret, nunc Semissem aut Tremissem*: & quia imminuta illatio erat, in eius rei memoriam voluisse & nummos minores Alexandrum cudi. Sententia autem tota & vera, *contraxisse cum Tributa pleraque ad Trientem, conatum & ad Quadrantem: nec infra potuisse*. Quod si quis pertendit, nummos pro modo Tributi ita cufos: ubi igitur illi sunt? cur prægrandes aliqui non exstant? Denique statim infinitos cufos oportuit, ad pensiones totius orbis. Nihil est: & Hesychij aut Christi verba hoc modò volunt, ipsum illud quod ex censu in Tributum darent, *Censum* appellatum; atque adeo pecuniam, siue grandis ea siue pauca esset. Quin hoc totum pro priore sententiâ magis sit, quòd Capitatio fuerit ex censu. Cur enim *Numisma census* dicatur, si ipsius census nulla habita ratio? Plura sunt: sed differo, & nunc inquiri, quod coeperam, in Capitationis fructum. Multum rediisse ex eâ, multitudo capitum dicet, quæ in Romano orbe. Iosephus de solâ Ægypto scripsit, *habere eam septingentas & quinquaginta myriadas hominum, Alexandria exceptâ: idq; liquere ex tributo, quod in capita singuli pendunt*. Postrema hæc ita palam Græcè habent: etsi interpres leuiter aliò deflexit. Sed argumentatur & colligit de Capitum numero, ex ipsâ Capitatione, & tabulis scilicet Censualibus, quas inspexit; aut ab iis qui inspexere, hausit. Nam etsi non Pueri aut Senes conferrent, ut prædixi: tamen & eorum nomina scripta probabile est, contra fraudes, & pro ceterâ diligentia aut curiositate Romanorum. Si igitur talis ille Ægyptiorum numerus (& *Alexandriæ incolæ* etiam excipit, qui ipsi ad *centena* aliquot *millia*): facile intellectu est, in quantum creuerit capitarium hoc vectigal. Adde enim alias prouincias in partem: quarum omnium in populis numerum sub Augusto voluit Suidas exprimere, atq; utinam is locus rectè haberet!

* Septem
milliones
cum dimi-
diu.

Augu-

Augustus, inquit, omnes subditos viritum adnumerare voluit, ut sciret quanta multitudo esset. Καὶ ἀρίστου οἱ ἦ Π' αὐγίστων οἰνοῦντες ὡς μυριάδες ἑκατὸν καὶ ἑπτὰς: Et reperti sunt Romanam ditionem incolentes quadringentæ & decem myriades, mille & septemdecim viri. Falsi planè numeri, & perexigui: cum sola Ægyptus vltra donet. Emendare tamen, non nisi cius est, qui diuinandi artem certò tenet. At Tertulliani locum non insuper habeo, qui egregiè asserit copiam hominum, cultumque orbis, in suo, id est Seueri Imp. æuo. De Animâ, cap. xxx. Certè quidem ipse orbis in promptu est, CVLTIOR DE DIE, & instructior pristino. Omnia iam peruisa, omnia nota, omnia negotiosa. Solitudines famosas retrò fundi amœnissimi obliterauerunt, siluas arua domuerunt, feras pecora fugauerunt. arena seruntur, saxa panguntur, paludes eliquantur. TANTAE VRBES, QVANTAE NON CASAE QVONDAM. Iam nec insulae horrent, nec scopuli terrent: VBIQVE DOMVS, VBIQVE POPVLVS, vbiqve respublica, vbiqve vita. Summum testimonium frequentiae humanae, ONEROSI SVMVS MVNDO. vix nobis elementa sufficiunt: & necessitates arctiores, & querela apud omnes, dum iam nos Natura non sustinet. Nihil impressius dici potest de pleno frequentique orbe: quod item ad felicitatem, quæ sub Romanis, licet ducas. Sed vt distinctè de Capitatione nil dicam, tamè de vniuersis Tributis aliquid, dum siluas & lustra excutio, videor indagasse: & ponam. Velleius, vbi de auctis finibus imperij, & prouinciis adiectis, ita ait: Diuus Augustus, præter Hispanias aliasque gentes: quarum titulis Forum eius prænitet, PAENE IDEM, factâ Ægypto stipendiariâ, quod pater eius Gallia, in aerarium reditus contulit. Verba ea tollo & appendo, penè idem soluisse Ægyptum, quod Galliam: ergo ista plus etiam dedit. Quid si inueniam Tributi igitur Ægyptiaci modum? propemodum in Strabone, qui sic tradit: Ciceronem in oratione quapiam scriptum reliquisse, tributa ex Ægypto rediisse Ptolomæo illi qui Cleopatras pater fuit, talenta annua duodecim millia & quingenta. Vbi hoc Cicero, nescio: hodie non existat, & puto tamen fuisse in eâ pro Rabirio Postumo, quia argumentum eius tale aliquid vel admittit, vel petit. Sed parum hoc ad rem: illud maximè, quod Strabo adnectit, his verbis: Si igitur ille rex neglegenter & ignauè imperans, tantum rediit: quid NVNC censendum est,

In verbo
Αὐγύστης.

Lib. xvii.

cum omnia TANTA DILIGENTIA ET ORDINE administrantur, itemque Troglodytica & Indica negotiatione sic aucta? Satis praeit nobis & adferit, multo plus in Tributis Aegypti suo, id est Augusti vel Tiberij, auro fuisse: quam olim suo Ptolomæis. Atqui si tunc tot illa dicta talenta (ea faciunt *septem milliones & semissem*;) quidni ad *decem aut duodecim milliones* producamus in sequenti auro? nec nimium censeo me dixisse. AVD. Censeo te dixisse Lipsi, censeo. Nam primum Strabonis illud Diodorus

Lib. xvii. refellit, qui iustrasse sub id tempus Aegyptum scribit, & accepisse ab iis qui res rationesque Regias tractabant, illum accipere supra *sex millia talentum annua*. Iam de Galliâ etiam habeo quod dicam: sed tu de isto prius. LIPS. Semper mihi res cum Diodoris? amo scilicet hoc nomen, ob vnum illum virum. Sed tu scito breuiter, Diodorum si ab Aegyptiis hoc accepit, Aegyptiaca igitur talenta etiam intellexisse, quæ maiora Atticis, & habent minas siue libras *octoginta*: quod Plinius ex Varrone scripsit. Ita igitur si consideras; haud nimis ea *sex millium* summa à Duodecim abit, etsi tamen abit. Sed addit Diodorus, *plus* etiam accepisse: quod ipsum nos iuuet: & denique Cicroni ac Straboni lubet meritò, præ Diodoro, credere atq; adhærere. Enimvero opes Aegypti magnæ, redditusque: & Iosephi verba tu

ii. Excid. hæcaudi. *Tributorum*, inquit, *multo amplius Romanis per singulos menses pendit, quam vos, ô Iudæi, toto anno: & præter pecuniam, annonam frumentumque quattuor mensium vrbi Romæ*. Ita Agrippa rex in concione Iudæos alloquitur: & duo ex iis discas, grâde aliquod Aegyptios intulisse; & Iudæos vix duodecimam eorum partem. Sed vt cœperam dicere, si tantum istud Aegyptus: quid iam Gallia, quæ plus, ex Velleio, & ratione (nam multo grandior laxiorque est) plus, inquam, longè dedit? An minus igitur, quam *xv. aut xx. milliones*? AVD. Et hîc erat Lipsi, in quo volebam te non reprehensum fortasse, sed repressum. Quid clamas de Galliâ? os tibi claudit Suetonius, vel te restituyente: C. Cesar Gallia *cccc^{es}.hs. in annos singulos, Tributi nomine, imposuit*. Hoc tu ita ex libris veteribus: hoc & Eutropius idem dicit. Atqui *quadringenties* illud, quid nisi *vnus millio* est? vt videas corruere tot illos à te superstructos. LIPS. Ego tamen firmiter satis struxi: nec machina hæc tua deiicit, aut quatit. Nam restitui

restitui ita, fateor, libros secutus : sed quid si in numeris aberrantes? non insolens est : & hîc, cùm inquiero & penetro, planè est factum. Dicsodes tu aut alius, illa ampla, illa diues Gallia (sic enim semper habita & laudata) non nisi *millionem* annuum in tributo dederit? O clementiam imperij Romani! ô illos benè meritos de vrbe, quam ceperant; de populo, quem ad extremum armis prouocarant! Non sunt ista profectò : & audeo adfirmare Suetonium atque Eutropium scripsisse ∞ ∞ ∞ ∞. id est, *quater millies*. Ea summa *decem milliones* reddit : minus inquieres, quàm Ægyptus : ita est, sed addo, & ratio comprobabat, aucta hæc Tributa largiter, & vel in duplum, ab Augusto esse. Nam ille censum per Gallias instituit, *opus nouum & inadsuetum Gallis* (vt Claudius in Oratione apud Senatum loquitur) & eâ ratione immensum auxit. Quod fecit idem in aliis prouinciis, & in Syriâ etiam, vt ex Euangelistâ notum: itemque in Hispaniâ, sed temporibus diuersis. At iam, mi Auditor, si solæ Ægyptus & Gallia ad xxx. *aut circiter milliones* penderunt: quid totus orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? & multa omitto : & concipere summas vereor, sed suprâ * *centum quinquaginta milliones* fuisse, animo hoc sentio, & ore etiam promo.

* Vide Notas.

CAP. IV.

De Aerario militari, & Vigesima, Vigesimaquintâ, Centesima ad id explendum.

O IGITVR opes immensas cùm confidero! & maximè in *diligentiâ* eâ quam Strabo commemorat, cuius exemplum etiam iocosum, lubet dare. Scribit idem alibi, *Gyarum se venisse* (non insulam, sed scopulum) à pauculis piscatoribus habitatam. atque eos ipso illo tempore quo adfuit, Legatum ad Casarem misisse, deprecatum grauitatem tributi. Nam impositos sibi centum quinquaginta denarios, cùm agrè centum possent pèndere. Tu rides? licet: sed vides quàm nihil eos fugerit, & saxa & rupes etiam habuerint

* CCL.M.
Philipp.

rint sub tributo. Nec de magnis sanè prouinciis hoc Senecæ acceperim: *Caium Caligulam* * centies HS. absumpsisse, ut prouinciarum tributum vna cena fieret. Mediocrium dico aut tenuium prouinciarum: nam ampliores, quanto amplius? Et finem ego hîc putabam: sed tamen alia etiam se obiiciunt & occurrunt, sine fraude magnâ Ærarij non omittenda. Nam Augustus ille, qui valdè rem Romanam auxit; etiam onera, & hîc quoque pro nomine suo fuit. Nam is Ærarium militare seorsim instituit, & ad id explendum reditus novos & certos. Suetonius

Cap. xcix. ita: *Quidquid ubique militum esset, ad certam STIPENDIORVM PRAEMIORVMQVE formulam adstrinxit: definitis, pro gradu cuiusque, & temporibus militie, & commodis missionum; ne aut etate, aut inopiâ, sollicitari ad res novas possent. Utque perpetuò, ac sine difficultate, sumptus ad TVENDOS eos PROSEQUENDOSQVE suppeteret, Aerarium militare cum VECTIGALIBVS NOVIS instituit.* Notandum est, duplici pecuniâ opus fuisse, ad *Stipendia* & ad *Premia*: quod seorsim Suetonius dixit, ad *Tuendos*, in militiâ scilicet; & ad *Prosequendos*, nempe post militiam, & à missione. Quid autem? inquires, an tot igitur illa tributa non sufficiebant alendo & ornando militi? Suffecissent omnino, nisi & alia publica onera, eaq; immensa fuissent, in populo pascendo, in ludis dandis, in operibus, in magistratibus & officiis: & quæ distinctè aut accuratè dicere, non sit huius loci. Vtinam Appiani liber exstaret, qui hæc omnia fuit complexus! Ita enim ipse, initio operis, ubi id diuidit & disponit: *Vltimus liber*, inquit, *habebit COPIAM MILITAREM, quam & quantam Romani habeant; tum & PROVENTVS PECVNIASQVE, quas per singulas gentes capiunt; item quid in CLASSES impendant, & si quid erit huiusmodi.* O pulchrum, ô desiderabilem illum librum! sed periit: scire tamen Appianus illa potuit, tum quia & ipse in Republicâ fuit, tum quia moris rationes illas imperij in publico edi. Suetonius de Caligulâ: *Rationes imperij ab Augusto proponi solitas, sed à Tiberio intermissas, PVBLICAVIT.* Rationarium, siue & Breuiarium imperij, hoc idem Suetonius alibi appellat: & Tacitus explicat describitque, cum prolatum à Tiberio libellum scribit, quo OPES PVBLICAE continebantur. quantum ciuium sociorumque in armis, quot classes, regna, prouinciae; tributa aut vectigalia,

lia, & largitiones ac necessitates. O hunc quoque laudabilem morem. cum Princeps rationes quasi cum Republicâ ponit, & ostendit nihil sibi quæri propriè, aut infumi. Sed ab eo à meâ re, admiratione talium: & semel dicenda fuerunt. Nos igitur iterum suspenso gradu quæramus quæ perierunt, aut in oblivionis aquis latent. Dixi *Ærarium militare* institutum nouiter ab Augusto, & ad id implendum quæsitos fontes. Tres repperit, *Vicesimam*, *Vicesimam quintam*, *Centesimam*. *Vicesima* fuit hereditarium: de quâ in hunc finem institutâ apertè ita Dio, in actis anni DCCLIX. Postquàm multæ pecuniariæ rationes propositæ, Lib. I.V. & sprete fuissent, ad *Ærarium militare*: placuit tandem sed & quæ, ut *Vicesima* esset hereditarium & legatorum, quæ cuique obuenissent testamento: exceptis tamen aut sanguine valde iunctis, aut admodum pauperibus, quas hoc onere liberarunt. Duo venisse in hanc vicesimam vides, *Hereditates* & *Legata*: Deus bone, quanta & quàm crebra ea, vel in Româ tantum? Quot illi diuitiæ, & quoties, per capturas & aucupia, ad externos translata? Soluebant igitur sæpè *Vicesimam*: & nemo ambigat fuisse incredibile *Vectigal*. Excipiuntur tamen hîc *Proximi*, vel *Pauperes*: & *Nerua* ac *Traianus* etiam, postea mitigarunt, quod in *Plinij Panegyrico* diffusè est videre. Atque ut verum fatear, hoc *Tributi* genus imitabile videatur, nec graue etiam pendentibus: cum lætitia magni & inopinati sæpè proventus obruat vel minuatur sensum inferendi. Sed fons alter, *Vicesima quinta mancipiorum*. de quâ *Tacitus*: *Vectigal Quinta & vicesima venalium mancipiorum* (à Lib. XIII. Annal. *Nerone*) remissum: specie magis, quàm vi; quia cum venditor pendere cogeretur, in pretium emptoribus accrescebat. Id autem *Ærario militari* accessisse, *Dio* item scribit, anno post *Vicesimam* institutam. Cum etiam pecuniâ, inquit, opus esset, & maxime ad *Vigilum cohortes* iam institutas, *Augustus vectigal Quinquagesimæ*, in venditione mancipiorum, induxit. Dico *Quinquagesimæ*: & sic in Græco est, τὸ τέλος πεντηκόςῃς: an non tamen πεντηκόςῃς rescribendum, leui mutatione, id est *Vigesima quinta*, pro verbis claris *Taciti*, sit considerandum. Magis est, ut putem sic fuisse, & Romano scriptori accredam. Quanti hoc vectigal fuerit, is agnoscet, qui crebra mancipia in Romano orbe, crebram mutationem, & maxima deinde eorum pretia cogitabit. De cre-

H britate,

britate, alibi dicemus: de pretiis, quis nescit Daphnidem væn-
 nisse (in Plinio) *trecentis millibus & septingentis sestertiis*? id est,
septem millibus quingentis septemdecim Philippæis cum dimidio:
 grande pretium in vno fluxu & mortali homine, & quem so-
 lus Grammatici titulus commendabat. Ab eâdem classe & arte
 Lælius Præconinus (in Suetonio) emptus *ducentis millibus num-*
miis: quæ sunt *quinque Philippæorum millia*. Iam Caluissius ille
 Sabinus (in Senecâ) *plures anagnostas habuit, & singulos centum*
millibus emptos. Quot aurei igitur prodeunt è talibus singulis?
 quot ex millenis aliquot, qui, cottidie pænè dixerim, vænien-
 bant? Et Iurisconsulti quidem pretia seruorum definiunt: *in*
communi aliquo viginti aureos; in artifice, medico, notario, eunucho, tri-
ginta, quinquaginta, sexaginta: & quamquam Romani aurei sunt
 (id est duplices nostri) tamen modica illa æstimatio, nec in ven-
 ditione locum habet, quæ nimis sæpè excessit. Alio fine à Iu-
 risconsultis ea sunt scripta: æstimationis communis causâ; &
 fortasse ad Portoria aliquis etiam trahet. Sed tertius fons,
Centesima, quæ rerum vernalium fuit: de quâ Tacitus, in Tiberij
 rebus. *Centesimam rerum vernalium deprecante populo, edixit Æra-*
rium militare eo subsidio niti. Si omnium autem vernalium, quæ
 & quàm infinita summa fuit? Si in auctione tantum; minor,
 sed & sic grandis. Suetonius quidem sic restringere videtur, qui
 in Caligulâ *Centesimam auctionum* appellat, & *remissam Italiæ* ab
 eo Principe notat. Finiui de Ærario militari: quod propriè qui-
 dem ad ipsum facit. Aliàs non nescio, & pœnas siue multas
 legum, item damnatorum confiscationes sæpè in hoc ærarium
 relatas. de quibus Plinius in Panegyrico: *Locupletabant & fis-*
cum & ærarium, non tam Voconie & Iulie leges (Papias intellegit,
 de maritando) *quàm Maiestatis, singulare & vnicum crimen eorum,*
qui crimine vacarent. Et magna quidem hæc ratio fuit: sed illa
 Maiestatis rarò, nisi à deterioribus, vsurpata. Tetigisse hæc
 satis sit: nos nunc ad alia imus.

CAP. V.

*De Metallis, & argenti, auri, aliarumq;
rerum fodinis.*

AVD. An & aliud igitur restat? LIPS. Aliud, aliaq; potius, vt dixi. AVD. Hem, quousq; accumulabimus? & vide ne patientiam omnem illis excutias tot onera ferendi: imò & mihi pænè fidem. LIPS. Confide, benè & firmiter imponam, & testimoniorum suis vinculis ligabo. In istâ re pecuniariâ, an ipsam eius materiem, id est *Metalla* omittâ? nefas. magni ex iis redditus, & in variis locis: & redditus quidem innoxij, iusti, & sine onere subditorum. Terra, benigna illa mater, hæc quoq; nobis donat. Cassiodorus pulchrè: *Metallarij sine furto diuitias rapiunt, optatis thesauris sine inuidiâ perfruuntur, & soli sunt hominum, qui absque ullâ nundinatione, pretia videantur acquirere.* Iterumque mox addit: *Aurum per bella querere, nefas est; per maria, periculum; per falsitates, opprobrium; in suâ verò naturâ, iustitia.* Nescio tamen, ô bone Cassiodore, nescio de *Iustitiâ*: & an non Saxitiae aliqua admixta? certè, vt illi tunc quærebant. Nam multa millia hominum huc adigebant, quosdam mercede conductos, plerosque damnatos ad metalla: quos in subterraneo illo carcere, fames, labor, vapor, & ruina sæpè etiam necabat. Ipse Cassiodorus non dissimulat: *Intrant homines caligines profundas, viuunt sine superis, exsulant à sole: & dum sub terris compendia querunt, nonnumquam lucis gaudia derelinquunt.* Ægyptiorum hoc inuentum fuit. quorum reges (ait Diodorus) omnes criminis damnatos, item ex hostibus Lib. 1. captos, siue quis regem offendisset, ipsum & totam cognationem interdum, auro effodiendo deputabant: simul & facinorum pœnam sumētes, simul & questum vberem ex eorū labore capientes. Atq; hi tali interdum numero apud Romanos, vt Polybius ad Carthaginē No. uam, fodinis in Hispaniâ, nō minus XL. millia hominum scribat assidue in opere versari. Plinius etiam notat, Censuriam legē fuisse Ictimulorū aurifodinae in agro Vercellensi, quâ cauebatur, ne plus quinque millia hominū in opere Publicani haberēt. Nec id credito miseratione aut curâ pereuntium factum: sed cautione, & dispensatione operis, H 2 vt ne

Li. xxxiii.
cap. iv.

Lib. III. vt ne in vnâ conductione Publicani totum aurum exhaurirent. Itaque lex in elocatione dicta fuit, de numero operarum. Strabonis locus est, qui abdicare à Rep. aut Principe Argenti omnes fodinas videtur, relinquere tantum Auri. Verba: *Ἐστὶ δὲ καὶ οὖν τὰ ἀργυρεῖα, καὶ μέντοι δημόσια, ἔτι δὲ ἐν ταῖς πόλεσιν, ἔτι ἐν τοῖς ἄλλοις τόποις, ἀλλ' εἰς ἰδιωτικὰς μετέστησαν ἐκτίσεις. τὰ δὲ χρυσεῖα δημοσιόεσσι τὰ πλείω: Sunt autem et nunc Argentariae in Hispaniis, non tamen publicae, neque ILLIC neque in ALIIS LOCIS, sed ad priuatas redempturas sunt redactae. Auraria autem pleraque publicè exercentur.* Ambigua mihi hîc sententia est, velîne venditas Argentarias priuatis, certâ pensione aut illatione; an dumtaxat elocatas, vt olim solet. At in Aurariis aliter, quas ob lucri magnitudinem ipsi Principes exercent. Ex hac quoque metallariâ parte igitur, magnum vberemque factum quæstum, & nostra ætas doceat: maximè cùm pulcherrimas fœcundissimasque Fodinas variè haberent, vt in Hispaniis, Galliis, Norico, Salassis, Illyrico, Pannoniâ, Thraciâ, Macedoniâ, Proconneso: quarum singulatim testimonia dare possim, sed fidei meæ nunc hoc credes. Habuit & Italia, putatque Plinius aliam nullam fœcundiores metallorum quoque tellurem esse: sed interdicto Patrum cautum, vt ei, velut parenti, parceretur. Præter hæc, fuerunt & Cretaria, & Picaria, & Salmaria, Æraria, Ferraria: & nullum genus quæstus è terrâ omissum.

C A P. VI.

*De Vrinario vectigali & Chrysargyro,
item de Meretricio.*

I AM & alia video. AVD. Bonâ veniâ Lipsi, etsi auidè audio, tamen tædere incipit tot illationum. Quid faciemus his opibus, & quin potiùs erogamus? LIPS. Alia, alia: & ab Augusto & priscis ad nouiores, atque adeò auidiores, veniamus. Exordium à Vespasiano (nam Caligulam consultò omitto, qui multa & insana instituit, sed mortua cum ipso) à Vespasiano, dico: qui, vt communiter de illo Suetonius, *AVXIT tributa prouinciis, nonnullis & DVPLICAVIT.* In paucis verbis quanta accessio rerum, attritio

attritio subditorum? Et quidni ille solita auget, vel duplicaret, qui instituit & excogitauit etiam pudenda? Nam *Vrina vectigal* commentus est, quod idem scriptor tradidit: & notus, cum filio pecuniam ad nares admouisset, in eâ re eius iocus. Origo huic Vectigali & caussa, quod in publico amphoræ aut dolia stabant ad Vrinam reddendam: quam Fullones, opinor, vertebant deinde in suum vsum. Tunc rides? AVD. Largiter. & vah Vespasiane, non alia tua sagacitas in excogitando? LIPS. Sed Principes etiam secuti tenuerunt, siue auxerunt: & videtur hoc fuisse triste illud *Chrysargyrum*, historiis decantatum. Georgius Cedrenus quidem eò trahit apertè. *Chrysargyri pensio* fuit, inquit, talis, vt quisque mendicus aut pauper, meretrix siue iam emerita, omnis seruus itemq; libertus, inferrent in erarium pro VRINA & STERCORE, iumentorum etiam & canum: siue in agris, siue in opidis habitarent. Et homines quidem vtriusvis sexus, Nomisma argenteum; equus, mulus, bos tantumdem; asinus & canis, folles sex. Cum Cedreno Constantinus Manasses facit: *Chrysargyrum* sustulit Anastasius Imperator. quod erat, vt omnes viri, feminae, pueri, serui, liberi, nummum argenteum, nomine STERCORIS ET VRINAE fisco darent. Idem muli, equi, boues. Proh sancta fides! quanta hæc pecunia fuisse debuit, ex omni genere pænè viuientium? & quæ vinqum Capitatio accessit? Miror, & simul indignor, hæc tam fœda & tristia à Constantino nostro Magno instituta: si tamen ille. Nam Zosimus asserit, & eum culpat: * Euagrius ex professo negat, & hunc vt hostem optimi Principis inuadit. Sanè videtur à Vespasiano exemplum, quicumque auxit & produxit. AVD. Phui, phui hæc talia! & odor mihi nares spurcat. LIPS. Quid tu auertisti? viri proceres & reip. primi hoc munus colligendi ambibant, non aliter (Euagrij verba) quàm militarem aliquam *Præfecturam*, aut *Ciuilem magistratum*. O indignitas! sed Princeps dignitatem addebat, qui & in Sacrum erarium hanc pecuniam recipiebat: vt idem ille Euagrius notat. Ne miremur Iuvenalem iam olim scripsisse, de iis quos fortuna amaret:

Conducunt foricas. & cur non omnia? cum sint

Quales ex humili magna ad fastigia rerum

Extollit, quoties voluit Fortuna iocari.

H 3

Atque

* Vide
lib. III.
Eccl. Hist.
c. XXXIX.

Atque isti pudendarum sordium lucrique exercitores aut conductores sunt, quos *Foricarios* Iurisperiti appellant. *AVD.* Mihi ridere hic lubet res humanas. *LIPS.* Quid ita? *AVD.* Nam qui pulchriores ludi sunt, quam vel institui tributum in hæc talia: vel collectores eis honestissimos admouere? An istud non est illudere & insultare, non dicam dignitati, sed libertati? *LIPS.* Tibi sic videtur, & nobis hodie: & tamen, ut nunc quoque mores aut cupidines, aliquis seueriorum fortasse fuisset inter illos *Foricæ* candidatos. Sed aliquid occurrit. quid? turpe & pudendum item, & dignum suo auctore. *Caligula ex capturis Prostitutarum vectigal instituit, quantum quaque uno concubitu mereret.* Ita *Suetonius*: sed quod credo cum illo periisse: etsi postea quoque sub *Heliogabalo Lenonum vectigal, & meretricum, & exoletorum* fuit. Ista foeda, & Romano nomine indigna: nec suffulit tamen optimus Imp. *Alexander Seuerus*, sed dumtaxat in

Lamprid.

Sacrum ararium vetuit inferri, & ad instauracionem Theatri, Amphitheatri, Circi deputari. Ex quo verè dixeris, magnum & hoc *Vectigal* fuisse, cum ad tantorum operum restitutionem conferret. Sed mittamus, & finiamus. Nam ad posteros Imperatores & *Græcanicos*, non lubet ire: etsi multa & ij inuenerunt aut collegerunt, & quidam eorum diuitias mirandas.

CAP. VII.

De opibus Byzantini imperij: & clausula ac finis Tributorum.

AVD. Etiamne *Græcanici*? quæ verò id potest, imperio iam tenui, diuiso, & sic minuto? *LIPS.* Potest: nec in rationes aut vias omnes pecuniæ lubet inquirere, ipsam tibi dabo. *Basilius Imp.* (vixit sub annum *Christianum octingentesimum*) à *Zonarâ* scribitur, implese totum *Ærarium*, & ipsos aditus viasque, pecuniis confertim stipatis. Habuit, inquit, in thesauris *DVCENTA MILLIA talentum auri.* Nam alterius pecunie *NEC NUMERVS iniri poterat, adeo ut terræ eam infoderet, ærariis aut repositoriis vbique repletis.* Quin & *ARCVLAS* habuit lapillis gemmisque pretiosis plenas, cum aliis, tum illis quæ candent, & quas

& quas *Margaretas* propriè appellamus. In quibus verbis *ducenta illa millia talentum auri*, quid reddunt? ipsos mille & ducentos *milliones*. Vbi nunc argentum illud infinitum & innumerum? ego non arbitror infra, imò supra, aurum fuisse. Vbi geminæ & lapilli in arculis? itidem æquasse. O mira, ô reiicienda, nisi è dictis & dicendis fidem caperent, & mutuò sibi attestarentur! Enimuerò hoc grande in Græcanicis, Iudæus etiam scriptor longè pòst, affirmat: cuius *Itinerarium*, *Beniamini* nomine, Arias Montanus edidit, vir plurifariam doctus, & nobis peramicus. Is ante annos circiter CCCC. Europam, atque alia, peragravit, & scribit se Constantinopolim quoque venisse. In eà vrbe, inquit, *vidi res atque opes inenarrabiles*. *Deferuntur enim in Principis palatium quotannis Tributa, quibus TURRES implentur coccineâ purpureâque veste, & auro: ita ut NULLVBI TERRARVM par congestæ pecuniæ exemplum reperiri possit. Affirmatur etiam ipsius SOLIVS VRBIS vectigal, ex Foris venalium, & Portu ac mercatorum pensionibus collectum, ad VIGINTI MILLIA AVREORVM IN SINGVLOS DIES accedere*. Quid tu facis? quò abis? AVD. Fugio. LIPS. Sanè bellus comisque es: postquam benè te sermone saturavi & excepi, abis, nec vel salutas. AVD. Salus te amet Lipsi, sed magis Veritas. Ego vt hæc tam vana, tam monstrosa, stans patiensq; audiam? Fugio. nam in ostibi resistere aut refellere, pudor me arcet. LIPS. Exsoluo te hoc vinculo, fac si potes. AVD. Nam satis attendisti Lipsi (vt *Turres auri, & Gemmarum arculas* omittam:) vnâ urbem, in vnumquemque diem, dare *vicena millia*? LIPS. Attendi. AVD. *Aureorum* etiam? LIPS. Aureorum, & fortasse veterum, qui duplices fuere ad hos nostros. AVD. Proh Deus, vbi terrarum sum? & tu etiam auges? LIPS. Es hîc in meo solo. Sed age, gratiâ augmenti fecero: sint menstrua *sexcenta millia aureorum nostrorum*, sint annui *septem milliones*, & pænè quadrans. Quid hoc te percutit? maiora diximus. AVD. Sed non in vnâ vrbe. Prouinciarum, & quidem grandium, hoc tributum sit: atq; hodie, regnorum. LIPS. Non abnuo. sed nempe Byzantium, id est *Noua Roma* hoc dedit: & tunc quidem in suo flore. quid autem censes (vt obiter addam) illâ veterem olim dedisse? Sed ego sanè hoc non nimis miror: illud magis, quæ opes esse potuerint,

in tam exiguis tunc finibus, ad pompam & apparatus illum Principalem. Lege Curopalatem, si vis, *De officiis aule Constantinopolitane*, & adiunge Græcos alios: videbis Persas, & Medos omnes, vinci ab his Byzantinis. At ego tamen alienum tibi non impero: auctores meos dedi: tu aut alius, huc aut aliò ite. AVD. Sed vnum etiam, Lipsi, quærere liceat. Cùm sic vrges tanta eos olim dedisse: quâ potuerunt miseri, & fuerunt oneri ferundo? Nam nos sanè hodie non possumus. LIPS. Non possumus? dico ego nos facere. AVD. Nugaris, vt liberè loquar. nam vbi hodie Principum etiam magnorum istæ opes, aut ærarij vbertas? LIPS. Non est, fateor: & causæ aliæ etiam sunt, sed & illa quam, pro meâ nunc mente, dicam. Non vni regi aut Principi, quisque in suâ prouinciâ, damus, vt olim: sed variè magis & diuisim, ita vt summa magna ad vnum non redeat, magna tamen contribuantur. Quomodo? in exemplo nostro vide. Conferimus hodie Principi quædam; post eum, Ordinibus; post hos, Magistratibus opidanis; post istos, Toparchis municipiorum aut pagorum. Denique Ecclesiæ etiam & Ecclesiastici, quàm multa à nobis habent? & iustissimè quidem, atque ex lege diuinâ, sed tamen habent. Hæc igitur omnia si conferas, & in acervum iungas: affirmo tibi nos paria, aut plura dare. Quid, quòd concussionem & raptum militares omitto? quæ maxima ratio est, & misera nostra Belgica satis sentit. Negabis in vnam cænam militarem, rusticum aliquem plus imputasse, quàm in annum tributum? Atque hæc non semel eueniunt, ô quando tollenda? quando securitas & pax erit, aut saltem disciplina militibus? quando œconomia & ordo in acceptis expensisque? Ista sint; fortiter & audacter dicam. tondeant accidantque nostri Principes, renascemur.

CAP. VIII.

*Pecunia è Triumphis, & aliquot eorum
inspecti, æstimatique.*

AT satis in totâ re *Tributariâ* iam dixi: alia via se ostendit & aperit (quoniam de militibus tetigi) *Militaris*. Quæ ea est? lata, trita, & per quam cumuli atque acerui pecuniarum inuecti. Pecuniarum? imò vasorum, coronarum, vestium, gemmarum, & quidquid dici appetendum, aut æstimandum potest. Ne teneam te, intellego *Opes* quæ è Prædâ & manubiis, per *Triumphos* inferebantur. Quot autem isti fuerunt? quàm multi, supra modum & fidem, vberes diuitesque? *Liuius* distinctè plerosque eorum recenset, & describit: mihi quid opus est? satis sit, opinor, tangere, & specimen eorum, aliquot per ætates, dare. Fuere igitur *Triumph*i à *Romulo*, vsque ad extrema *Augusti*, circiter *trecenti duodecim*: & ex his primi non nimis vberes, tamen modici, & magis magisque creuerunt. Vt ecce sub *Regibus* *L. Tarquinij Superbi* triumphum reperio, qui victâ *Suesâ* *Pometiâ* & captâ, tantum prædæ rettulit, (notante *Dionysio*) *ut sacratæ diis decimæ explerent quadringentorum talentorum numerum*. Ergo fuit in cumulo, quater mille talentum: id est, vicesquater centena millia *Philippicorum*. Magnæ sanè ab vno bello & victoriâ, si consideras, opes. Post eiectos deinde *Reges*, insignis *L. Papirij Cursoris*, de *Samnitibus*, habetur ab ipso *Liui*o: qui sic describit. *Triumphauit in magistratu; IN SIGNI; CUI ILLORVM TEMPORVM habitus erat, triumpho. Nobiles aliquot captiui, clari suis patrumque factis ducti. Aeris grauis magna vis transuecta, vices centum millia, & quingenta triginta tria millia. Id æs redactum ex CAPTIVIS dicebatur. Argenti quod captum ex VRBIBVS erat, pondi mille trecenta triginta. Omne æs argentumque in ærarium reconditum, militibus nihil datum ex prædâ est. Verba pluscula dedi, vt videas vnde etiam ea prædâ manubiæque parari solent: & ferè è Captiuis, quos ingenti numero sub coronâ venum-*

I dabant;

*Triumphorum
Numerus a Ro-
mulo ad Augu-
stum. 312*

dabant; aut è Spoliis opidorum publicis priuatifque. Summa autem illa *Æris* efficit, *viginti quinque millia trecentos triginta Philippæos*: *Argentii*, *tredecim mille trecentos*. Actales ferè, aut minores, omnes illi vsque ad Tarentinum, triumphii: qui incidit in annum Urbis CCCCLXXIIX. De quo ita Florus: *Nec enim VLLVS PVLCHRIOR aut speciosior in urbem triumphus intrauit. cùm ANTE HVNC DIEM nil nisi pecora Volscorum, greges Sabinorum, carpenta Gallorum, fracta Samnitium arma vidisset. Tum, si pompas aspiceres, aurum, purpura, signa, tabule, Tarentinæque deliciae. Et valdè ipse quidem aut nimis (vt est ille scriptor affectuum aut excessuum) nimis, inquam, veteres illos abiicit: & hunc tamen non immeritò attollit. In eâ vrbe & parte Italiæ, gustauit Romanus Græcanicas delicias & diuitias, quas affatim postea hausit. Sed nota in iisdem Flori, purpuram, signa, tabulas illata: quod verum fuit, & deinceps etiam solenne. Atque adeò (digna obseruatu res) quidquid notabile aut optabile orbis, aut in eo vrbs aliqua haberet; per hanc viam portamque Triumphalem id Romam ferè inuectum: etsi quædam etiam extra bellum, vi aut persuasionem magistratuum. Iam verò, postquam copiarum & arma extra Italiam missa, in grandes illas, & prius opibus, aut victoriis quoque, inclytas regiones: quid auri, argenti, spoliolum non relatum? P. Scipio ecce ex Hispaniâ (in*

Lib. r.
c. xviij. Liuij) *argenti præ se in ararium tulit XIV. millia pondo, trecenta, quadraginta duo: & signati argenti magnum numerum. Ea pondo faciunt, centum quadraginta tria millia, quadringentos, viginti Philippæos. Etsi ille tamen Triumphus non fuit (nam sine magistratu eas res gesserat Scipio) sed pecunia dumtaxat Triumphalis.*

Lib. xxx. Idem iterum, victâ Carthagine (pariter in Liuij) *intulit in ararium argenti pondo centum millia triginta tria. Si ita accipis, vt sint triginta tria millia etiam, voce τριῶν novè repetitâ (vt equidem opinor) tum erunt nobis ter & decies centena triginta millia Philippum. At alter Scipio, victâ & dirutâ eadem Carthagine,*

Lib. xxxij
cap. xi. *rettulit (vt Plinius adnotauit) quater millies CCCC. LXX. M. pondo. & addit: Hoc argenti tota Carthago habuit, illa terrarum imperij æmula, quod NVNC IN MENSARVM est apparatus. Qui numeri tamen parum fortasse probi sunt: & si tot illa millia legas, quâ potest verum esse, mensarum alicuius priuatæ ministerium tanti fuisse?*

fuisse? Quin exiguas opes Plinius indicare voluit, scripsitque meâ sententiâ: *quattuor millia, quadringenta, septuaginta pondo*. Ea efficiunt *quadraginta quattuor millia Philippicûm, & septingentos*. Neque miremur minùs quàm antea relatum, quia pleraque vrbs, dum capitur, incensa & diruta fuit. Ita opes perditæ, aut ruinis oppressæ. Quod autem inibi etiam sequitur, in pari mendâ videtur: *Postea victâ Numantiâ, idem Africanus in triumpho militibus XVII. millia pondo dedit*. O viros illo Imperatore dignos, quibus hoc satis fuit! Nam quomodo laudet vel parcimoniam Scipionis, vel modestiam militum, si maior summa diuisa, quàm tota Carthago habuit? Et essent ea pondo, *centum septuaginta millia Philippæorum*: quæ redderent in *viginti millia militum* (vt ponamus tot fuisse) circiter octo Philippicos cum dimidio viritim. Nimis magna hæc largitio in illo æuo restricto sit: nec sanè pro Plinij mente. Sint *septem millia pondo*: & plus satis erit. Sed quid facio? per Triumphos omnes ibo? finis non sit: & Liuius distinctè ac descriptè in plerisque temporum horum fecit. Lustra si voles: iuuabit videre, & magis, si quis in summam & aceruum colligat triumphales omnes opes. Fac velin Asiâ solâ, vel magis Hispaniâ: non admiratio solum in animo tuo gignetur, sed stupor. Fortasse ego * alibi: nunc, *vt institui, per ætates aut sæcula quosdam tangam*. Vt hunc L. Æmilij de Macedonibus: *qui (vt Velleij verba dem) tantum priores excessit, vel magnitudine regis Persei, vel specie simulacrorum, vel modo pecunie, vt bis millies Hs. arario contulerit, & OMNIUM ANTEACTORUM comparisonem amplitudine vicerit*. Simulacra ibi fuisse super ceteros vult: & quid mirum? cùm prisca illi Macedones, quidquid hoc elegantiarum esset, ex Græciâ totâ & Asiâ iamdiu collegissent? Pecuniæ etiam modum producit ad *bis millies*: id est, *quingagies centena millia Philippûm*. Avd. Magna summa est, & ex vno triumpho: sed quod fugere te non puto Lipsi (si fugit, suggero) Liuius eam atterit, & ad *millies* reducit. Ita enim legitur: *Summam omnem captiui auri argentiq; translata, Hs. millies ducenties fuisse Valerius Antias tradit*. Magis etiam Plinio minuitur, in quo ista: *Intulit & Æmilius Paullus, Perseo rege deuictò, prædam pondo trium millium, à quo tempore populus Romanus tributum pendere desit*.

*In alterâ
parte ad-
MIRAN-
DORYM.

Lib. xlv.

Lib. xxxij.
cap. jii.

LIPS. Hæc reiicimus, & Critico naso damnamus. Meritissimò: tu putas Valerium illum Antiatem, qui omnia augere solet, & supra verum sæpè euehere (in Liuius non semel notatur) hîc ita parcum & oris modicum fuisse? Non arbitròr, & minimum *bis millies ducenties* scripsisse: etsi ipse Liuius addat, *maior etiam summam, ex numero plaustrorum, ponderibusque auri & argenti generatim ab ipso scriptis, effici.* Quod ad Plinium: is verò numerus rideri magis, quàm carpi meretur. Et itane *tria millia pondo auri* (vt ponamus vel id solùm fuisse) nec ampliùs, Macedonia dederit? Hoc erat, cur populus Romanus Tributo liberaretur? cur iste, super *omnes priores triumphos*, censeretur? Atqui *tria millia pondo auri*, faciunt *trecenta millia* sola aureorum. Quin tu, me arbitro, cum libris quibusdam priscis lege, è *Macedonica prædâ sestertium ter millies*. Est veritas. nec mouet, quòd minus in Velleio sit: fortasse & ille augendus: in Suidâ quidem lego, *reperita in thesauris Regis Persei, in auro argentoque, sex millia talentum*: id est, *triciessexies centena millia* Philippûm. Quòd si in solis thesauris & ærario peculiari Regis, quid in reliquâ prædâ publicâ opidorum, aut priuatâ hominum fuit? At verò Cornelius Sulla, etsi splendido triumpho, minus intulit: scriptumque in Plinio, *transtulisse auri pondo * xv. millia, argenti pondo * centum quindecim millia*: si tamen & hîc numeri incorrupti. Excessit omnes deinde Cn. Pompeius, in illo quem de rege Mithridate & Oriente duxit. Velleius: *Magnificentissimum de tot regibus, per biduum, egit triumphum: longeque MAIOREM OMNI ante se illatâ pecuniâ, præterquam à Paulo, ex manubiis intulit.* Quid tamen istud, vicisse omnes, præter Paullum, in modo pecuniæ? Ille verò & Paullum vicit: si * verè Plutarchus, *viginti millia talentum in ærarium intulisse*. Nam ea sint, *centies vicies centena millia* Philippûm. Et verè Plutarchus: & in Velleio emendandum, *præterquam Capitolio*: vt mox dicam. Vicit ergo Paullum: non tamen iterùm sine nodo, quem ipse Plutarchus ligat & nobis iniicit, dum in Catone minore scribit: *Gloriatum eum, quòd tantum argenti ex Cypro, cum nec unum militem haberet, reip. contulisset, quantum nec Pompeius è tot bellis, & concusso orbe terrarum, rettulisset.* At enim Cato rettulit, non nisi *septem talentorum millia*, in eodem Plutarcho: quid ergo dicemus?

Li. XXXII.
* 150000
aureor.
* 1150000
Phil.

* Vide Not.
tas.
In Pompeio.

dicemus? Illud in Catonis illatione, minutum & corruptum esse, ad *vigintiseptem millia* aut circiter reformandum. Enimvero deprædicatæ illæ Cypriæ gazæ haud maximæ sint, nec sic per inuidiam quærendæ, si non ultra *septem talentorum millia* productæ. Sed de Pompeij quidem grandibus manubiis quis dubitet, cum & in solos milites largitum, donatiui triumphalis nomine, * *xvi. millia talentum* Appianus scribat? Magna hæc omnia sunt, & verè illo *Magno* digna: sed hunc hîc quoque C. Cæsar, vti acie, vicit & superauit. Appianus ait *quater eum triumphasse* (nam quintum differt:) & *intulisse sexagintaquinque millia talentorum*. Scis tu quid hoc efficiat? *triginta nouem nobis milliones*: plus triplo eius, quod Pompeius intulisset. Tu me respicis, & vultu arguis: quid est? Avd. Ex fide Latini scriptoris, hæc non sic esse: tu Græco magis accedis? Nam Velleius de omnibus Cæsaris triumphis, id est quinto illo Hispaniensi etiam addito: *Pecuniam ex manubiis latam, paullo amplius sexies millies* Hs. disertè scribit: qui sunt dumtaxat *milliones quindecim*. Et sanè, meo animo sufficiunt. Lps. Credo equidem tuo animo, & arcæ etiam tuæ, si quis inferat: sed non sufficiunt, pro magnitudine tunc vel Romanâ, vel Iulianâ. Imò tu rescribe meo animo, *deciessexies millies*: conuenientissimè ad Appianum. Nam ista sint *quadraginta milliones*: atque aliquid scilicet accesserit ex prædâ Hispaniensi. Ex paucis his vides, immensas opes in Ærario cumulas à Triumphis: quos non omnes, imò nec decimam partem dedi. Ergone Plinij libris fides aut puritas sit, dum scribitur C. Cæsar iste, initio ciuilis belli, Ærarium compilasse, & *protulisse ex eo laterum aureorum xvi. millia*, & *in numerato pondo trecenta*? Profectò non sit: & perexigua ista, & quasi furfures aut folia, pro totâ illâ mafsâ, & tam vetustâ, auri argentiq̃ue. In veteribus legitur: *Laterum aureorum xv. argenteorum xxxv. millia*, & *in numerato Hs. quadringenties*. Sed nec ea summa pro tot triumphis: etiam si in laterculo quoque *decem ponda* imputes, quod Budæus fecit. Sed diuinare tamen omitto, cum fulcrum non est cui innitatur, Lucanum, si vis, lege furtum hoc Iulianum valdè exaggerantem.

*9600000
Phil.

CAP. IX.

De Auro Coronario, & Coronis dictum.

TRIVMPHALIA habes: mentior. largiter etiam restat. Quid illud? *Aurum coronarium*, quod specie triumphorum vel oblatum fuit, velexactum. Origoeius, ut socij & amici, victori Imperatori *Coronas aureas* offerrent, quasi gratulantes, & meritum ei caput cingentes. Itaque primò quidem *Corona* ipsæ datæ, aut missæ: postea inualuit, ut pro iis Pecunia offerretur. Hæc accepta à Sociis, aut Subditis: & sicut manubias ab hostibus legebant, sic spolia ista occulta ab amicis. Mos planè vetus, & à Græcis, nisi erro, ad Romanos imitatione translatus. Apud Athenæum quidem Chares, in rebus Alexandri magni, ait, post victum *Darium*, missas *CORONAS* partim à Legatis gentium, aliisque, æstimatas decem millibus ac quingentis talentis. Atque alibi talia legas. Iam apud Romanos, crebrum. ut in Liuiio, cum Cn. Manlius Gallogræcos vicisset, coque terrore Asiam liberasset; missæ undique legationes non gratulatum modò venerunt, sed *CORONAS* etiam *AVREAS*, pro suis quæque facultatibus, attulerunt. Itaque idem Manlius in triumpho tulit (apud eundem Liuium) *coronas aureas ducentas duodecim*, pondo: id est, ut singulæ fuerint librales. In triumpho, inquam: & ita obtinuerat, ut ex coronæ ante ipsum victorem latæ, populo ostenderentur. De eo Festus: *Triumphales coronæ sunt, quæ Imperatori victori aureæ PRAEFERVNTVR*, quæ antiquis temporibus propter paupertatem laureæ fuerunt. Iam antè etiam in Quinctij Flaminij triumpho Liuius: *Coronæ aureæ, DONA civitatum, translata centum quattuordecim*. Itemque in Scipionis Asiatici, numerat aureas coronas ducentas trigintaquattuor. At verò Appianus in Cæsaris, bis mille octingentas vigintiduas, easque pondo viginti millium quadringentorum quattuordecim: ita ut decem pondo, aut circiter, plerasque necessum sit fuisse. Neque equidem pro magno aut vero habeo, quod Plinius quasi inter raræ magnificentæ exempla scripsit: *Claudius cum de Britannia triumpharet, inter Coronas aureas, unam VII. pondo habuit,*

Lib. xxi.

Lib. xxxviii.

Lib. xxxix.

Lib. xxxiii.

Lib. xxii. cap. lli.

habuit, quam contulisset Hispania citerior, alteram IX. quam Gallia comata, sicut titulus indicauit. Minuta, minuta hæc sunt; nec vel Claudio, vel tam ditibus prouinciis, ad ostentandum, digna. Ut minimum, fuit DCC. pondo, iterumque DCCCC, vel potius ∞. Etsi non ad usum tales, sed pompam modò fuisse sciamus. Ideoque & de his Tertullianus capiendus, libello de Coronâ: *Sunt & prouinciales aureæ, imaginum iam, non virorum, capita MAIORA querentes.* Benè Prouinciales, quia ab iis datæ. Nec coronæ solùm ipsæ, sed aurum ac pecunia ad coronas: atque id propriè *Aurum coronarium*, de quo & titulus est in Codice Iustiniano. Seruius ad hoc Virgilij: *Dona recognoscit populorum*, notat: *Aurum coronarium dicit, quod hodie à victis gentibus datur.* Imponebant autem hoc Imperatores propter concessam vitam. Non rectè omnino, nec ab ipsis iam victis ob vitam datum, sed à sociis amicisque, ut dixi. datum tamen in pecuniâ, titulo coronario. Ut apud Polybium (in Fragmentis) οἱ Γερῶνι ἐσεφάνωσαν τὸν Ἀντίοχον τὸν βασιλέα πεντακοσίοις ἀργυρίαις ταλάντοις: *Geræi coronarunt Antiochum regem quingentis argenti talentis.* Ut apud Liuium populus quidam Asiæ, Manlio ingredienti fines ut cohiberet à populatione militem, in coronam auream XV. talenta offerunt. Et hoc prætextu rapinas extorsionesque usurpatas, quis non colliget? Cicero Pisoni obiicit: *Mitto aurum coronarium, quod lex & decerni & accipi vetat, nisi Imperatoribus ex prouincia decedentibus, ad decorandum triumphum.* Sed istas leges spernebant. & Dio Cassius quosdam notat, cum res leuiculas gessissent, *Lib. XLII.* triumphum sibi, vel à Cæsare vel ab Antonio, impetrasse: ὃ ἐπὶ τῇ προφάσει τούτῃ, inquit, χρυσοῦ πολὺ παρὰ τῶν δήμων ἐς τὰς σεφάνας ἰστέπευτον: & isto hoc prætextu, multum auri à populis, quasi ad coronas, colligebant. Imò verò & ab ipsis Italis, qui tamen immines talium videbantur esse. Cæsar quidem ita fecit. de quo idem Dio, cum ex Asiâ, victo Pharnace, rediisset: *Ibi quoque (Romæ) Lib. XLII.* magna pecunia coacta, quam partim titulo DONI, ut erant CORONAE, statuae, & talia, collegit; partim mutui nomine accepit. Decretis enim coronis statuisque, pecuniam ipsam dari sibi curabant. Ideò miretur fortasse aliquis, ipsum illum Græcum postea scribere, de L. Antonio M. fratre: *quod is, cum triumphasset Kalendis Januariis, in quibusdam Mario se comparabat, aut & præpo-* *Lib. XLVII.*

præponebat. in eo maxime, quod is Marius aut nullam, aut unicam omnino coronam accepisset; sibi verò cum alijs, tum populus tributum (quod ante ipsum nemini) coronas dedissent. Ait nemini id contigisse: atqui, nonne ipso narrante, iamantè Cæsari? Sed obseruetur, tributum in eo nouitas, & est hoc quod Cicero irridet, Patronum quinque & triginta tribuum fuisse. Ideò igitur & tributum dederunt, nouo more. Sanè Italos dedisse, vel ex eo liqueat, quod Augustus de se in lapide Ancyrano dicit: MVNICIPIIIS. ET. COLONIIS. ITALIAE. CONFERENTIBVS. AD. TRIUMPHOS. MEOS. QVINTVM. CONSVL. REMISI. ET. POSTEA. QVOTIESCVMQVE. IMPERATOR sum appellatus, AVRI. CORONARIVM. NON. ACCEPI. Gloriatur verè. & consonat in illo ipso quinto consulatu Dio Cassius, qui notat, eum tunc bene audisse vulgò, ὅτι ὡς τῷ πόντῳ, τῷ ἐν τῇ Ἰταλίᾳ, τὸ χρυσίον τὸ τοῖς σφε αὐτοῖς προσήκον, ἔκ ἐξέτατο: quod ab opidis Italiae, aurum, ad coronas conferri solitum, non accepisset. Cuius exemplo Hadrianus (in Spartiano) aurum coronarium Italiae remisit, in prouincijs minuit. Sed & Ammianus, inter testimonia liberalitatis Iuliani ponit, tributorum indicta admodum leuia, & coronarium remissum. Eò enim paullatim iam ventum erat, vt hoc Coronarium non minus Tributis ferè attereret; nec in triumphis modò, sed in letitiâ quacumque, & primordiis imperij, daretur. In Ammiano scriptum, Tripolitanos misisse legatos, Victoriarum aurea simulacra Valentiniano, ob imperij primitias, oblaturos. De ipsis coronis Synesius, qui se quoque Legatum à Cyrenensibus ad Arcadium missum ait, σέφαν ὥσονται χρυσῷ μὲν τὴν κεφαλὴν, φιλοσοφίᾳ δὲ τὴν ψυχὴν: coronaturum auro quidem caput Imperatoris, philosophiâ verò eius mentem. Apertissimè item Capitolinus in Antonino Pio: Aurum coronarium, quod adoptionis suae causâ oblatum fuerat, Italicis totum, medium prouincialibus reddidit. Atque ex hoc licet intelligere, quæ sit & quanti Oblatio: cum inter Tributi genera recensent, Canonem, Oblationem, Indictionem: etsi, alio quoq; titulo & specie, Oblationes. Sed de hoc nostro, Suidas: Στεφανικὸν τέλοςμα παρὰ Ῥωδίοις οὕτως ἐκκαλεῖτο, ἐπεὶ δὴ αὐτόνομοι ἦσαν οἱ Ῥώδιοι, ἐσχὺ δὲ πὺ μέγας Ῥωμαίων ἐπὶ τῇ ἀέμποντες ἐτίστοι, ὡς ἔφραζον ἡγεῖσσι μᾶλλον, ἢ σέφανον φίλοις διδόντες: Coronarium vectigal apud Rhodios ita dicitur, quoniam liberi sunt Rhodij, exiguum autem aliquid Romam quotannis mittunt, non vt tributum dominis,

Orat. de
Regno.

dominis, sed quasi coronam amicis dantes. Notetur illud quotannis: nam & hoc ita factum, ac velut honorarium tributi genus exactum. Procopius de Theodato notat, rege Gothorum: *pactum eum cum Petro, Iustiniani Imperatoris Duce, decedere Sicilia totâ, & quotannis coronam auream mittere Iustiniano trecentarum librarum.* Quid, quod lego ciuitates in aliâ occasione, atque etiam tristi, coronas has misisse? Appianus in Sullæ funere *suprà bis mille coronas aureas, magnâ celeritate confectas, prælatas* scribit, atque addit expresse; *dona ciuitatum, aut legionum quibus præfuerat.* Habes & intellegis, opinor, de Coronis & Coronario. AVD. Satis. sed quid ijs post prælationem factum, aueo equidem scire. LIPS. In templis, & Capitolio maximè, videntur dicatæ. Plinium eò traxerim, de Coronis: *Inde natum, vt etiam triumphaturis conferrentur, in templis dicandæ.* Nam etsi de alijs ibi coronis, tamen in occasione tangit hunc morem. Liuius, de legatis Saguntinorum: *Non grates tantum agere iussi sumus, sed donum hoc etiam, si vos permetteretis, coronam auream, in Capitolium, victoriæ igitur, ferre.* Quod itaque *suprà*, in Velleio erat: *Præterquam Capitolio intulit:* huc referri potest, vt non venerint in rationes illas *Coronæ*, & alia dona siue aurum, quæ Ioui Capitolino Pompeius intulit aut dedit. Mos enim ita fuisse videtur: vel ex Suetonij de Augusto notâ. quem ait *sedecim millia pondo auri, vnâ donatione, in cellam Iouis Capitolini contulisse:* quod fecit statim ab Ægyptiaco triumpho. Imò & Triumphale ipsum aurum interdum, aut pars eius, ibi condita. ex Plinio, qui *duo millia pondo auri perisse, Pompeij tertio Consulatu, è Capitolini Iouis folio, à Camillo ibi condita,* scribit: fortasse vt religio magis seruaret. Atque ad hoc etiam tale aurum referendum videatur, quod Suetonius in Cæsare notat: *Eum primo Consulatu tria millia pondo auri furatum è CAPITOLIO, & tantundem inaurati æris reposuisse.* Planè hoc est. nam de Ærario compilato, ad alterum Consulatum facit, nec id quoque in Capitolio. Solent tamen & alia templa Auro coronario exornare. vt Augustus de se, in lapide Ancyrano: *In Capitolio, & in æde Diui Iulij, & in æde Apollinis, & in æde Vestæ, & in templo Martis Ultoris consecraui, quæ mihi constiterunt circiter (millenis) AVRI CORONARI pondo trigintaquinque millibus.* At prior Cæsar,

Lib. 2. de Goth.

Li. xxviii.

Lib. xxxij. cap. i.

Coronas suas in triumpho ductas vendidit, & ex earum pretio militibus promissa persoluit. quod ita Appianus.

C A P. X.

Impensa publicæ in Militem, Magistratus, Populum: & de Frumentatione.

PERAGRAVI & emensus sum *Triumphalem* viam: tempus desinere, nec addere ultra, sed erogare. Nónne videtur Auditor? Avd. Certè videtur. nam ego censeo, nisi expendimus largiter, omnem Romam iam illationibus tot auri implendam. Lips. Ego verò exhauriam, & expendam non loculis, sed totis fassis: ut ipsum iterum miraturus sis, unde ad tot Expensas vllæ Opes. Oceanus si Ærarium fuisset, dixisses desiccandum. Impendia igitur sub Principibus (vltiora omittam) Duplicia fuere, *Necessaria*, & *Arbitraria*: ex quibus sanè colligas immensas & verè ADMIRANDAS quasdam opes. Nam *Necessaria* illa impendia, ferè trium generum: in *Militem*, in *Magistratus*, in *Populum*. De militibus res clara est; Stipendijs alendos, Emeritis prosequendos: & id perpetuò, in legionibus & præsijs perpetuis iam factis. Hæc partitè non exsequor, satis à me in *Romanâ Militiâ*, & * alibi, factum. De Magistratibus, intellego duplices fuisse, in quos largiter & statim expendendum: *Urbanos* & *Prouinciales*. Urbanis quidem Augustus instituit, ad onera subleuanda, ad ludos præbendos, & talia, aliquid dare: præsertim Pratoribus, quasi ex lege. *Prouinciales* autem, vel plurimum auferbant, ut ipsi plures, & per prouincias dispersi. Nam ita Suetonius: *Auctor & aliarum rerum Senatui fuit, in quib, ut PROCONSULIBVS ad muros & tabernacula, quæ publicè locari solebant, CERTA PECUNIA constitueretur.* Et quamquam Proconsules modò nominat, tamen * longius spectauit, & *Præsidibus* communiter, aut & *Procuratoribus*, alijsque *Officijs* datum. Quanta ea expensio fuit? immensa, vel hoc argumento: quòd Cicero L. Pisoni obijcit, eunti in Macedoniam, ut Proconsuli, *sestertium centies octogies, quasi Vasarij nomine, datum.* Ad sola Vasa, inquam, id est

* Com. r.
ad Ann.
Tac.

Cap. xxxvj.

* Et solet
Suetonius
largiter
voco vii.

id est ornatum & instructum, tot illa festeria data scribit; & obijcit, non quia contra morem fuerit, sed quia supra modum. Nimum adsignificat, collusione quadam, ad tributum.

Quid igitur? esto vel * *Centies* tantum summa ordinaria: esto vel *Quinquagies*: in tot illis talibus, nonne immensum accrescet? Et plura accedunt huic generi, ut *Curatores* variorum munerum alendi, vel ornandi; ut *Legati* exterarum gentium admittendi, & munerandi: & quæ scimus in omni Republicâ esse. Iam de *Populo*, perpetui etiam & certi in eum sumptus: & præsertim ad Alimenta. Nam iamantè institutum, Principes tenuerunt, ut plebem egenam aut tenuem perpetuâ frumentatione pascere; atque eâ magno labore & sumptu parandâ, aduehendâ, & tum gratis distribuendâ. Mira hæc res sit, si quis consideret: & planè inter omnis æui, omniumque gentium, ADMIRANDA. Sed tractavi olim in *Electis*, quid nunc retractem? AVD. Imò obsecro Lipsi, hîc ei suus locus est: & quid si aliquid firmitus aut plenius tibi obseruatum?

* 250000.

25000.

Phil.

Vide Not.

tas.

LIPS. Obseruatum, non nego: ut in talibus dies dici. est doctor. Breuiter dicam, quæ pro nostro argumento. Frumentatio igitur vetus Romæ, & ab ipso etiam Senatu. Ille in rebus & annonâ arctâ, quasi benignus pater, miseritus plebis, frumentum aliquando diuisit, non tamen nullo, sed modico ære. Accessere Tribuni statim, & hoc tam populare sibi vindicarunt, varijs Frumentarijs legibus latis. Vltimus in hac re Clodius, *Annonariam legem tulit, ut frumentum, quod antea populo semisse æris ac trientibus in singulos modios dabatur, GRATIS daretur.* Ita Asconius: atque hæc origo deinde & continuatio gratuiti frumenti fuit. Senatus quidem, statim à coniuratione Catilinæ, largitione hac tali vsus erat, auctore ipso Catone: sed nescio, an sine vlllo pretio. In Plutarcho hoc sic narratum, sed verbis quæ pensitanda sunt. Ait, *C. Casarem in Præturâ res nouas tentasse, populo suspenso & mobili, ob Catilinaras illas turbas. Cato igitur, ut præueniret, ἐπεισε τὴν βουλὴν ἀναλαβεῖν τὸν ἀπορον καὶ ἀνέμντον ὄχλον εἰς τὸ σιτηρέσιον. ἀναλώματ' ὅντ' ἐνιαυτὲ χιλίων καὶ ὀχκοσίων καὶ πεντήκοντα ταλάντων: suasisit Senatui assumere egenum & non distributum populum ad frumentationem, etsi sumptus esset mille ducentorum quinquaginta talentorum.* Id sit trecenties

hs. more Romano; nostro, *septingenta quinquaginta millia* Philippicorum. Vides igitur impendium in hanc rem, quod illo æuo fuit: etsi alter Plutarchi locus (in Cæsare) minuit nonnihil, & ubi de hac ipsâ re agit, numerat sumptus non nisi *septingentas quinquaginta myriadas drachmarum*: quod sit Latinis, *ducenties vices* hs: nobis, *quingenta quinquaginta millia* Philippæorum. Sed verius est, hunc locum rescribendum, augendumque ad illum priorem. Opinor autē & creuisse postea impendium, latâ lege Clodij, quæ totum frumentum gratificaretur, de quâ dixi. Quin & sub Impp. largiter creuisse, cum plures adscripti, & clâsses etiam institutæ (haud dubiè magno impendio) ad transfuehendum. Quis tamen numerus accipientium fuit? reperio aliquando ad *trecenta viginti millia* cepisse: sed Iulius Cæsar minuit. de quo ita Suetonius: *Ex viginti trecentisque millibus accipientium frumentum è publico, ad centum quinquaginta retraxit*: aut si Dionem audis, *ad centum sexaginta*: quia dicit ad *mediam partem redactos*. Paruum discrimen: sed Augustus deinde auxit, & *ducenta millia* fecit. an & Tiberius? etsi ille minimè popularis: tamen recenset in Senatu (apud Tacitum) *quibus è provincijs, & quanto maiorem quàm Augustus, rei frumentarie copiam aduectaret*. Ergo & in plures, nisi fallor, distribuendam. Av d. Mehercules Lipsi, grandis hic numerus: & tot illi Romæ pauperes? Lips. Pauperes, aut saltem qui subleuari gauderent: inter quos liberti, & id genus, maximè fuère. Dionysij locus notabilis, admonentis multos idcò manumitti,

Lib. I. III.

ἵνα τὸν δημοσίως διδόμενον σίτον λαμβάνοντες καὶ μῆνα, καὶ εἴ τις ἄλλη ὥρα τῆς ἡγεμένον γίγνοιτο τοῖς ἀπὸ τοῦ τῆς πολιτῆς φιλανθρωπίας, φέροι τοῖς δίδου-
κόςι πλὴν ἐλδοθεῖαν: *ut frumentum, quod publicè datur, accipientes in menses singulos, & si qua alia liberalitas Principum in pauperes fiat, id totum Dominis ferant à quibus facti sunt liberi*. Vides fraudes, quæ etiam factæ: aut saltem, quomodo, quos pudêret ipsos è publico pasci, id fecerint succidaneâ libertorum personâ. Av d. Aliquoties iam audio de *menstruo frumento*: ergo ne ea distributio? Lips. Illa ipsa, & in cuiusque mensis initio (siue *Nonis*, vt Suidæ visum, vnde & *Annonas* ridiculè deriuat) accipiebant. Quomodo? per *Tesseras*: quique eas habebat, ad *Curatores frumenti diuidendi* ibat, munus institutum ab

Augu-

Augusto. Quattuorviri enim erant, ijque ex honestioribus, & qui ante quinquennium Præturâ functi essent: quod Dio nota-
 Lib. LIIII.
 uit. Et si *Præfectus* etiam *annonæ* proprius, illustri honore: sed qui de aduehendo & adseruando in horreis satageret, non propriè de diuidendo. Multa circa hanc rem: sed minuta quid opus exsequi? de numero iterùm aliquid videamus: in quem videtur Seneca tenuiores omnes ciues inclusisse. *Frumentum*, inquit, *publicum tam fur, quàm periurus, & adulter accipiunt, & si- ne discrimine morum* **QUISQVIS CIVIS est.** Sed ita tamen accipio, vt admitti debuerint & inscribi: atque ideò meliores libri referunt: *quisquis incisus est.* In tabulas nempe, huic rei factas. Sed de numero tamen capientium iterùm sub Principibus fluctuo. Dixi de Augusti *ducentis millibus*: sed P. Victoris, quem Schottus noster vulgavit, scriptio videatur augere. Nam ait disertè: *Huius (Augusti) tempore, ex Ægypto vrbi annua ducenties centena millia frumenti inferebantur.* Modios sanè intellegit: sed quanta ea summa sit ex solâ Ægypto? Atqui Africa iam addenda est, quæ duplum ad Ægyptum dedit. Hoc enim ita palàm & adfirmatè Iosephus scripsit, in oratione Agrippæ regis ad Iudæos: *Africam octo mensibus populum Romanum vascere, Ægyptum autem quaternis.* Valdè notabilis locus: & idem est in Hegesippo, qui transscripsit. Ex hac igitur ratiocinatione, frumentum vrbi illatum annuum fuerit *sexcenties centena millia modiorum*. Sint in dies circiter, *centum sexagintaquattuor millia octogintatria*. Heu, ingentem copiam! & quæ sufficiat, si inspicis, vel *vicies centenis* hominum *millibus* alendis. Nam Modius paullò plus minúsve Romanis pendit xxv. libras: sed Romanas tamen libras, id est duodecim vnciarum. AvD. Hem Lipsi, & tu credis hæc vera esse? quæ possunt? nam antè dumtaxat de *ducentis millibus*, aut largissimè, *trecentis viginti* frumentantium est dictum. LIPS. Dictum. sed nempe etsi non plures caperent, plus tamen fruebantur & alebantur. Nam censendum est, plerosque istorum qui caperent, Patresfamilias fuisse; vxorem, liberos, seruulos habuisse. Itaque largius valdè quàm in vnum caput capiebant: & videtur tessera siue donatio ordinaria fuisse in singulos, *decem modiorum*, quod in Electis notavi. Iam & hoc cogitandum, plures etiam in consortium huius frumen-

ti venisse. An non probabiliter Urbanos illos omnes milites ? sanè in Herodiano lego, *Seuerum, præter alia quæ induisit, militibus etiam τὸ σιμπέσιον siue frumenti modum auxisse.* Quid ipsam deinde Aulam & Palatinos ? nōne item probabile annonas suas hinc accepisse ? An non & Classiarios ipsos in Italiâ milites ? Hæc considerari & colligi pro Victoris scripture possint : quæ mihi tamen, vt rem dicam, * parùm est certa. Ingens frumenti copia sit, & ex duabus prouincijs tantùm. An igitur placeat in eo corrigi, *ad centies centena millia* ? Ita vniuersa illatio fuerit, cum illo Africano, *trecenties centena millia* : larga profectò satis & laxa, cùm hæc in diem toleret *ad millia hominum circiter septingenta.* Facit pro emendatione, quod Spartianus de Seucro scribit : curiosè prospexisse rei frumentariæ, *et cùm moreretur reliquisse septem annorum Canonem, ita vt COTTIDIANA LXXV. millia modiorum expendi possent.* Magna prouidentia eius Principis, solliciti in septem annos : sed & Canon ille diurnus opportunè expressus, qui proximè ad nostra *trecenties centena millia* (tecum computa, si voles) proximè, inquam, accedit. Minuisse tamen paulatim hic Canon videtur : siue quia Principes in alia distribuerent ; an & quia minus, prouincijs iam effatis, inferretur ? Sanè Constantinus egregiè minuit, qui sedem & affectum suum Byzantium transferens, vt in alijs Nouam hanc Romam cum illâ Veteri, sic & Frumentatione voluit in parte æquare. Nam classem Ægyptiacam Byzantio destinauit, relictâ Romæ dumtaxat illâ Africanâ. Hæc diuisio deinceps mansit : nisi quòd Byzantini frumenti modum tamen minuit filius eius Constantius, offensus plebi ob seditionem temerè & asperè motam. De eâ re Ecclesiastici nostri scriptores : qui & numerum exprimunt frumenti. In Nicephoro Callisto est : *Ὀκτώ μυριάδες μεδιμνorum frumenti quotannis à Constantino data plebi fuerant, cuius dimidiam partem Constantius diminuit.* Atque iste totum Frumenti modum annuum facit, non nisi *ὀκτογινῆτα millium μεδιμνorum* : quæ sint Romanis circiter *quadringenta octoginta modiorum.* Haud magna, nec pro priscis opibus, largitio : quam tamen & Socrates ita firmit. *Ἐν μίῳ τε δὲ τῷ πὸν ἀρελὼν τῆς τιμῆς, τῷ ὀξυχέειντος ὀξυ τῆς πατρὸς αὐτῆς ἡμεῖς, ὑπὲρ τῆς αἰῶνος μυριάδας, ὁκτώ γὰρ ἑξῆς μυριάδας ἐχορήγητο ὡς πρὶν τῆς σίτης, ἐν τῇς*

Lib. ix.
cap. vii.

ἐκ τῆς Ἀλεξανδρείων κομιζομένη πόλεως: *Mulētauit urbem, auferens frumenti quod pater eius in dies adsignauerat, super quattuor myriadas. Octo enim myriades circiter antea dabantur, inuehebanturque ex vrbe Alexandria.* Dicit quidem ille σιτηρίσιον ἡμερῶσιον, diurnum frumentum: sed exuberat ille modus in dies singulos, nec aliter sentit quàm de diuisione dumtaxat diurnâ. At annua ipsa illatio, tanta: id est, mille trecenti in diem circiter modij, vix quattuordecim aut quindecim millibus hominum pascendis. Heu, quantum minuiamus? atque idem in ipsâ Româ veteri factum, Olympiodori locus (apud Photium, in Bibliothecâ) attendenti ostendit. Excerptum ibi legitur: Ὅτι καὶ πλεὺς ὑπὸ Γόθων ἀλώσιν τῆς Ρώμης, Ἀλέξιν ὁ τῆς Ρώμης ἐπαρχ, ἥδη αὐτῆς πάλιν ἀποκαθισταμένης, ἔγραψε, μὴ ἔξαρχεῖν τὸ χορηγέμενον ἕρπῃ τῷ δήμῳ, εἰς πλεονῶν ἥδη τῆς πόλεως ὅτι δ' ἰδύσθης. ἔγραψε δὲ καὶ ἐν μίᾳ ἡμέρᾳ τετάρχθαι ἀριθμὸν χιλιάδων διηκοσίων ἄρτων: *Post Gothorum inuasionem & direptionem Romanam, Albinus Praefectus vrbis, iterum nunc eâ instauratâ, scripsit, Non sufficere populo modum qui inferretur, cum vrbs iam in multitudinem largiter excreuisset. Scripsit autem, & in vnam diem statutum numerum quattuordecim* millium.* Verba, quæ expressim de Frumento non habent; sed eò referenda esse, mecum censebit, qui examinabit. Ergo diurnus tunc modus (sub Honorio) *quattuordecim mille modij*: qui & ipse minuit aut periit cum imperio ipso Romano. Theodoricus tamen rex Gothorum (sanè, vt in illâ gente, laudandus) specimen aliquod veteris moris restituit: & in Ricobaldo quodam scriptum: *A Romanis cum gaudio susceptus est, quibus ille ad subsidium, tritici singulis annis CXX. millia modiorum concessit.* Sed quid ad ista eo? ADMIRANDA mea non horum temporum: quin priorum etiam Principum æuo (circa Flauiorum imperium) panis distribui, non ipsum frumentum, cœpit: credo, quia lucrum aliquod ex eo fiscus captaret, & quo minore modo in plures largitio spargeretur. Is *Panis gradilis* dictus; quia in gradibus diuideretur, idem *Fiscalis*, quia ē publico & fisco. Commentarius Persij vetus, ad illud — *populi cribro decussa farina.* Panem non deliciosius cribro discussum, sed plebeium de populi annonâ, id est, *Fiscalem* dicit. Eos panes *bilibres* fuisse, ex Vopisci Aureliano dicam. Nam *Aurelianus*, inquit, eo tempore quo proficiscabatur ad Orientem, *bilibres coronas* populo promisit, si victor rediret.

*Modiorū
opinor.

ret. Et cū aureas populus speraret, neque Aurelianus aut posset, aut vellet, coronas eum fecisse de Panibus, qui NVNC Siliginei appellantur, & singulis quibusque donasse. ita vt Siligineum suum COTTIDIE toto auro suo vnusquisque reciperet, & POSTERIS SVIS dimitteret. E quibus inspectis planè affirmaueris, Bilibres, & in Capita sic datos fuisse. AVD. Quomodocumque Lipsi, tamen magna illa, & in magno modo (Seueri canon dicit) largitio, & mihi semper stupenda. LIPS. Quid si accumulo, & obsonium etiam addo? Nam idem Aurelianus (Vopisci item verba) & porcinam carnem populo Romano distribuit, quæ HODIEQVE diuiditur. Quando hodieque? ad tempora vsque Constantini. Simile in Oleo fuit, quod perpetuum populo dedit & instituit Imp. Seuerus. Vinum etiam, vt nequid deesset, Aurelianus statuerat, sed morte præreptus non fecit. Satis hæc mi Auditor, cetera in Electis meis vide.

CAP. XI.

Impensa in Ludos carptim ostensa.

TRANSIMVS ad *Arbitraria* impendia: quæ trium item generum maximè fuerunt. In Ludos, Opera, Dona: In Ludos singulatim si persequar, aut exempla accumulem; seorsim Theatrum mihi struendum sit, & noui aliquot sermones. Capita impendiorum dicam. de quibus vniuersè sic Lactantijs: *Quid dicendum est de ijs, qui populari leuitate ducti, vel MAGNIS VRBIBVS suffecturas opes, exhibendis MVNERIBVS impendunt?* Item Ambrosius: *Magistratus in theatris, mimis, & athleticis, gladiatoribus, alijsque huiusmodi generibus hominum TOTVM PATRIMONIUM suum largitur, & prodigit, vt vnius horæ fauorem vulgi acquirat.* Meritò damnant nostri Patres damnosam hanc insaniam, & quæ priuatos homines bonis per ludum exuit; Principes ipsos attenuat & delibat. Atque id discere cū ex frequentia eorum potes, tum ex apparatu. Vnus Augustus fecisse ludos se dicit, suo nomine quater & vicies; pro alijs magistratibus, qui aut abessent, aut non sufficerent, ter & vicies. Ego vix arbitror, vllos ex istis Principalibus ludis minoris

quingen-

Lib. vi.
Instit.

Serm.
LXXXI.

Sueton.

quingenties, aut & millies sesterzio steterisse: quod Apparatus & Pompa facile persuadebunt. Nam ecce in ipso Theatro, Amphitheatro, aut Circo adornando qui sæpè sumptus? cùm semper gratia aliqua & illicium nouitatis in ipsâ formâ quæretur: & Nero (pro exemplo) *Theatrum totum, non Scenam eius tantum, auro illeuit & obtexit. Sed & quidquid illatum fuit, & omne instrumentum ac choragium, aureum: itemque vela quæ supernè contra solem obumbrabant, purpurea tota, & aureis stellis interstincta. Ex quo & dies ille Aureus appellatus.* Dio Cassius hoc in Nerone. & Plinius idipsum adsignificauit: *Nero Pompeij theatrum operuit auro, in vnum diem, quò Teridati regi Armeniæ ostenderet. Quid Iulius Cæsar, ante Neronem, & nondum Princeps? Is primus in Aedilitate, munere patris funebri, OMNI APPARATV arenæ ARGENTEO vsus est: ferasque argenteis hastis laceessere, tum primum visum. Mox, quod etiam in MVNICIPIIS emulantur, C. Antonius ludos scænâ argenteâ fecit. Cæsar igitur hoc primus: sed non vltimus. & quod Plinius addidit, passim & in Colonijs ac Municipijs Argentæ iam scænæ. Ideo non possum, vt rario- ris operæ aut magnificentiæ admirari, quod Plinius, vt tale, scripsit eodem isto loco: Item L. Murena, & Caius Princeps, in Circo pegma duxit, in quo fuere argenti pondo CXXIIII. Tu hoc Plini notabile duxisti? centum vigintiquattuor pondo argenti? quis ex equite, & pænè dixerim plebe, tunc non insum- pserit? Lege * CXXIIII ∞: id est, centum vigintiquattuor millia: nec id pro Caio aliquo sit magnum, imò nec pro priuato ni- mium, quia argentum recipiebant, nec totum peribat: si tamen vellent. Plura eiusmodi ornamenta aut instructus erant, & quædam in libello nostro Amphitheatrali diximus: & vis nunc vnum & extremum furorem? Heliogabalus Imp. (ait Lampri- dius) fertur in Euripis vino plenis nauales Circenses exhibuisse. Tu cogita quantum vini profusum, fossis illis & Euripis in Circo ita eo plenis, vt naues inter se concurrere, ac certare de veloci- tate possent. Quid iam dicam tot Gladiatorum millia, tot Fera- rum ex toto orbe quæsitæ? tot equorum nobilium? in vitâ actisque Principum assidua hæc legis. Addo huc Missilia & Sparsiones in populum, id est Tesseræ ligneas cum notis rerum, aut interdum res ipsas, magno certamine diripiendas. Quæ item*

L. velut

Lib. xxxij.
cap. iij.

Plin. ibid.

* Faciunt
1240000.
Phil.

velut legitima iam erant in omnibus ludis, ad populum illi-
ciendum. Horum pretia & sumptus, ex Neronianis istis colli-
gantur, apud Suetonium. *Sparsa & populo missilia omnium rerum*
per OMNES DIES, singula cottidie millia auium, cuiusque generis
multiplex penus, tesserae frumentariae, vestis, aurum, argentum, gemmae,
margaritae, tabulae pictae, mancipia, iumenta; atque etiam mansuetae fe-
rae: nouissimè, NAVES, INSVLAE, AGRI. Notetur hæc iactatio,
quanti ea, & quantarum rerum? Præter aurum, gemmas, mar-
garetas, *Insulas & totos Agros* dedit: *Insulas* nempe urbanas, &
habitabiles domos. O res vix Suetonio fidissimo testi creden-
das! Sed accedit & Dio similia asserere: *Omnia, inquit, delica-*
tissima quæ homines comedunt (ad *Penum* Suetonij pertinet:) *omnia*
pretiosissima, equos, mancipia, esseda, aurum, argentum, variam vestem,
hæc dabat per symbola quædam & tesseras. Globulos enim paruos
inscriptos, ut quæque eorum erant, hos iaciebat in populum, &
reipsa mox dabatur, quod quisque eorum in tessera haberet. Neque
Nero hæc solus: de more fiebat, etsi alius largius parciusque,
pro opibus, præberet. Titus sanè Vespasianus filius, item profu-
sissimè, in ludis quos per *centum dies*, dedicatione Amphithea-
tri sui, fecit. Dio Cassius de eo: Παρέχε δὲ πᾶσι καὶ ἐς ὠφέλειαν
φέροντα αὐτοῖς. σφαίρα γὰρ ξύλινα μὲν αὐτῶν ἐς τὸ διατεῖν ἐπρίπτει
σύμβολον ἔχοντα, τὸ μὲν ἐδωδίου πῶδες, τὸ δὲ ἐδῆν, τὸ δὲ ἀργυρεῖ
σφαίρας, ἄλλο χρυσῆ, ἵππων, ὑποζυγίων βραχυμάτων, ἀνδραπόδων, ἃ
ἀρπάσαντάς τινας ἔδει πρὸς τὰς δοῦντας αὐτὰν ἀπαιτεῖν, ἢ λαβεῖν τὸ
ἐπιγυγαμμένον: Dedit & quædam, *utilitatem, non solum volupta-*
tem, spectantibus præbentia. Nam globulos ligneos quosdam de loco
superiore in theatrum iaciebat, qui symbolum haberent, hic alicuius
esculenti, ille vestis, alius argentei vasi, alius aurei, equorum, iu-
mentorum, mancipiorum; quæ oportebat eos, qui rapuissent, ferre ad
Curatores ludorum, & ab ijs accipere quamque rem inscriptam. Cre-
dis tu hæc per tot illos centenos dies fieri potuisse, sine impen-
sâ bis terque millies HS.? ego non opinor. & ubi sumptus ludo-
rum reliqui? Neque miror iam profectò Hadrianum, cùm in
adoptione Ceionij Commodi multa in populum profudisset
per similes ludos, & in militem: atque is Ceionius ægro corpo-
re, vitalis non videretur: sæpè dixisse, *Perdidimus quater millies*
HS. quod populo & militibus dedimus. Qui sunt ipsi nostri *decem*
millio-

*milliones. Sed dices, Principum virorum modò hæc fuisse. Er-
 ras. de Milone, hoc iam olim Cicero, tria patrimonia in has res ef-
 fusse : de Messallâ quodam Vopiscus, cum stomacho ista nar-
 rat: Legat hunc locum Iunius Messalla, quem ego liberè culpâre audeo. In Carino
 Ille enim patrimonium suum scenicis dedit, heredibus abnegavit. ma-
 tris tunicam dedit mima, lacernam patris mimo: & rectè, si auia pallio
 aurato atque purpurato, pro syrmate tragædus vteretur. Iam quid Li-
 neas petitas Egypto loquar? quid Tyro & Sidone tenuitate perluci-
 das, micantes purpurâ, plumandi difficultate pernobiles? Donati sunt
 ab Atrebatibus birri petiti, donati birri Canusini, Africane opes, in sca-
 nâ non prius vise. Et hæc quidem iccirco ego in litteras misi, ut futuros
 editores pudor tangeret, ne PATRIMONIA SVA, proscriptis legitimis
 heredibus, mimis & balatronibus deputarent. Sed distinctissimè
 verò, & expressis summis, aliquid Olympiodorus: Οἱ Πρόβου
 ὁ παῖς Ἀλυσίου, τελέσας τὴν οἰκίαν περὶ τέρας, δώδεκα κεντῶνάρια χρυσῆ ἀνά-
 λωσεν. Σύμμαχος δὲ ὁ λογογράφος, συγκλητικὸς ὢν τοῦ μεγάλου, τὸ παιδὸς
 Συμμάχου τὴν περὶ τέρας πλουυτῆρα, εἴκοσι κεντῶνάρια ἐδαπάνησεν. Μάξι-
 μος δὲ, εἰς τοῦ Ὀυρόρου, εἰς τὴν τὸ ἡμεῖς περὶ τέρας, πρὸς ἀνάγκη κατεβάλετο κεν-
 τῶνάρια, ἐπὶ δὲ ἡμέραις οἱ Πρότῳρες τὰς πανηγύρεις ἐτέλουν: Quid Probus,
 filius Alysij, cum ipse Prætoriam gereret, * duodecim centena pondo auri * 120000.
 absumpsit. Symmachus verò, ille orator (est noster, qui in parte ex-
 stat) Senator VNVS E MEDIOCRIBVS, in filij Symmachi Præturam
 * viginticentenarios effudit. At Maximus, scilicet è diuitibus, item in * 200000.
 filij Præturam, * quadraginta. Edebant autem ludos Prætores, non * 40000 o.
 nisi SEPTEM DIEBVS. Vide dies, vide sumptus: quanto imma-
 niter plus olim alij? quanto scilicet tunc resp. florentior, & ma-
 iores priuatiu opes. Sed & inferiore illo æuo ipsi Consules
 (nam hæc de Prætoribus) opinor, largius. de quibus in * Codice Lib. XII.
 Iustiniano lex est; quæ spargendi civitate (ita loquitur) sublata, Tit. De
 eius loco ad reparationem Aquæductuum, centena pondo auri præstari
 per singulos consulatus decernit. Atque id in imminutionem, &
 probeneficio. si igitur sola Sparsio (id est, missilia in populum)
 tanti; quid reliqui omnes ludi, & eorum apparatus? Et de Lu-
 dis hæc quoque sufficiant in specimen: de * Operibus, in proxi- Lib. III.
 mum sermonem differo & protollo. 610.*

CAP. XII.

Dona Principum effusa, & primò Iulij Caesaris.

DONA sequuntur, magnitudine suâ & frequentia non iam inter ADMIRANDA, sed STUPENDA. Siquis Midas fuisse fingatur, qui omnia tactu faciat aurea; defecerit inaurare, quantum isti sunt largiti. Per Principes aliquot lubet ire, & hoc ostendere: ordiarque à capite ipso, CAESARE IVLIO. De illo vniuersè ita Suetonius: *Nullum LARGITIONIS aut officiorum genus in QVEMQVAM, PVBLICE PRIVATIMQVE omisit.* Vis magis partitè? Idem scriptor: *Militibus singula interdum MANCIPIA vel PRAEDIA viritim dedit.* Ecce. vbi vos Curij aut Fabricij, qui ipsi Imperatores vix septena iugera habebatis? nunc miles aliquis capit ab isto donatore Prædia tota. Hæc & plura (mox dicenda) in militem: quid in Senatum & digniores? Idem iterum Suetonius: *Parte magnâ Senatus gratuito, aut leui scenore, obstrictis, ex RELIQVO quoque ordinum genere vel inuitatos, vel sponte ad se commeantes, VBERRIMO CONGIARIO prosequebatur.* Nec hic finis: extra urbem quoque & Italiam ea largitas se diffudit. & non minore studio (idem Suetonius) *Reges atque Pro- uincias per ORBEM TERRARVM illiciebat: alijs captiuorum MIL- LIA dono offerens; alijs quò vellent, & quoties vellent, Auxilia sub- mittens. superque Italia, Galliarumque & Hispaniæ, Asiæ quoque & Græciæ potentissimas (siue placet, potissimas) Urbes præcipuis OPERIBVS exornans.* Quid tibi iste vir videtur? mihi, nil nisi nouus quidam Triptolemus; qui sublimi vectus curru, semina non frugum, sed liberalitatis suæ, per terrarum orbem spargit. Atque hæc, quò magis mirère, priuatus Cæsar fecit, & nondum in fastigio illo Principali. Avd. Affatim miror: & vnde Cæsa- ri, nondum Cæsari, opum ista vis? LIPS. Magis mireris, si ac- cogites, iam ab adolescentia profusum hunc fuisse, & grandi alieno ære oppressum. Plutarchus apertè; *debuisse eum, PRIVS- QVAM VLLVM MAGISTRATVM CAPERET,* (nota. de valdè igitur iuvene) *mille trecenta talenta.* Ea sunt nobis septingenta octo- ginta millia Philippicùm. Quid verò iam in ipsis magistratibus?

mate-

materies & caussa amplior largiendi. Itaque Appianus scribit, *euntem ex Præturâ in Hispaniam, creditoribus retinentibus, dixisse ioco: Millies sibi opus esse, VT NIHIL HABERET*: id est, vt solum æs alienum solueret, in suo nihil haberet. Ea reddunt *vicies quinques centena millia*: nec ambige, neque doctissimum Budæum audi (nescio quâ causâ) minuentem. Græca palàm sic volunt: *ὅτι δέοιτο διχίλιων ἢ πεντακοσίων μίραλλον*: & Drachmæ intellegendæ, ex Græcorum more. Ego verò amplius credo, auxisse etiam in Consulatu & deinceps ad Principatum; vt hominis huius ingenium erat, tantum vt daret quærentis. Sed unde, aiebas, habuit & reposuit? Non longè te duxero. Gallias nostras vide: iste fons, è quo hausit. Diuites tunc herclè Prouincias, sed quas fulmen istud afflauit & ambussit. Nam quomodo se in ijs gesserit, breuiter Suetonius: *In Galliâ, fana templaque Deum, donis referta, expilauit; vrbes diripuit, sapius ob prædam quàm ob delictum*. Denique è tot prælijs, accessit ingens captiuorum multitudo, è quâ diuenditâ pecuniam redegit. In solâ Galliâ *decies centena millia virorum in acie cepit*: quod Appianus ita tradidit, & *totidem occidit*: dico *virorum* & in acie: quid iam mulierum & puerorum? Nam nec his parcebant, imò vel vberissima ex eâ venditione præda. Has solas manubias si æstimas; accedes vel ad *triginta milliones*, & contractâ ac parcâ capitum æstimatione. Iam in ipsis opidis, & agris, quanta prædarum seges? omitto, tu cogitabis. Sed lubetne singulatim inspicere viri dona? Ecce, instante civili motu, in Galliâ cum esset, *L. Paullum Consulem designatum, mille quingentis talentis flexit, ne contra se staret: Curionem, qui cre alieno obrutus, maiore etiam summâ, vt pro se staret*. Illa tot talenta reddunt, *nongenta millia Philippicûm*: id est panè millionem, in virum vnum. Quid iam in Curionem? amplius longè dedit, vt Appianus dixit (nam eius ea verba scito:) & nisi fallor, ipsum æs alienum eius totum exsoluit. Nec fallor, & Dionein clarè hoc ita meminisse scripsisse. Atqui Lib. XL. æs illud fuit *sexcenties* Hs. quod Valerius Maximus prodidit: quî minus ergo dedit? Itaque Velleio numerale mendum inhæsit, cum de istâ re, *Curionem centies* Hs. scribit accepisse. Ille verò *sexcenties*: & ita hîc rescribe. Ea faciunt *quindecies*

centena millia Philippicū, quid nisi plurium Senatorum census? Nec largitiones eius aliæ in primum ordinem scriptæ exstant: etsi fuerunt, quod in Suetonio audisti: & in magnos illos semper magnæ. Sequuntur Milites, quibus vnice se dedit: atque id ipsum priuatus. Certè adhuc in Galliâ, cum Pompeius duas legiones, colore belli Parthici reuocaret, ipse vt animos sibi pigneraret, singulis abeuntibus *ducentas quinquaginta drachmas* diuisit; quod Plutarchus, alijque prodiderunt: id est, *viginti quinque* Philippicos nostros. Cogita iam duplum in Centuriones, triplum quadruplumque in Præfectos, & Tribunos: valdè ea largitio crescit. Sed quid in ipso iam bello ciuili? priuatum haud dubiè multa; communiter hæc largitio fuit, Suetonio expressa. *Veteranis legionibus, præda nomine, in pedites singulos, super bina sestertia, quæ initio ciuilis tumultus numerauerat, vicena millia nummum dedit.* Rectè ita locus habet, & in optimis libris: quid opus est argutari, aut interpolare? Examinemus. *Veteranis legionibus*, inquit: non enim nouellis alijs: etsi & hæc, credo, aliquid habuerunt. Veteranæ autem illæ, *decem*. In *pedites singulos*, inquit: cur igitur equites omittit? quia non opus: sicut nec Centuriones adiecit, quos notum scilicet erat duplum accepisse, de more. Etsi de equitibus hoc æuo, dubito: & olim quidem triplum etiam soliti accipere: sed post Socios ciuitate donatos, palam video nec honorem nec præmia tanta equitibus fuisse, qui plerique iam è Latinis. Pergit, *Super bina sestertia*: ea sunt *quinquaginta* nobis Philippæi: dedit, inquit, *vicena millia nummum*. Ea sunt, ipsi Philippici *quingenti*: atque ij viritim, & in gregarios milites diuisi, cum duplum Centurionibus esset, Tribunis Præfectisque alarum quadruplum. Proh fidem! (nam sæpè exclaimo, & cogor) quæ hæc, præter stipendia, & alia lucella aut raptus, largitio est? quanta in tam multos? Ne milites nostri audite, & exempla hæc aut cupite aut sperate. Vnde enim Iulius, vnde Romanæ opes? Avd. Vnde & tibi animus sic ista credendi, & affirmandi? Nam alij viri docti trepidant, & in lectione commutant. L. I. P. S. Nihil est. incogitantia hoc facit (imperitiam nolo dicere) veterum & largitionum, & diuitiarum: quibus alia exempla mox attestabuntur. Et si in

si in hac re satis Græci scriptores, qui cum Tranquillo planissimè in summâ concordant. Nam Dio breuiter, sed clarè, *militibus quinque millenas solidas Drachmas* datas scribit. Appianus fusiùs & distinctissimè: *Militibus à triumpho, superans eiam ea quæ promiserat; legionarijs drachmas Atticas quinque mille, Ordinum ductoribus duplum, Tribunis & Alarum præfectis iterum duplum dedit.* Vísne aliquid apertius? & cur huic consensui repugnemus? Nota autem nec Appianum aliquid seorsum de Equitibus, vt nec Tranquillum, dixisse. Sed quæ hæc Promissa sunt, quæ Appianus signanter scribit *cum superasse?* Opinor esse, quod in pugná ad Pharsalum, *singulis millenas Drachmas* promiserat: iterumque, vt volentes in Africam sequerentur, *alteras millenas.* quod vtrumque in Appiano leges. Largiter igitur excessit, nisi quid in ipsâ Africâ aut alibi etiam promisit. AVD. Audésne in fasce dare has summas omnes, vt magis attendam? LIPS. Licer. Fuerunt legiones decem, sed veteranæ, & ideò parùm plenæ. Sunt igitur *triginta milia militum:* & singulis *quingenti Philippici:* faciunt, *quindecim nostros miliones.* Vbi nunc Centuriones, Tribuni, Præfecti, atque ipsi Equites? Regum opes expensas dices in donatione hac vnâ. Atqui an finis est? imò sub ipsum idem tempus, largitionem ad Populum extendit. & vt Suetonij verbis hoc quoque dicam, *Populo, præter frumenti denos modios, ac totidem olei libras, trecentos quoque nummos, quos pollicitus olumerat, viritim diuisit, ac centenos pro morâ.* AVD. Hîc mihi vocem opus tollere, nec comprimere. Viritim toti populo tantum frumenti, olei, pecuniæ? LIPS. Moderor, ne clama: toti populo frumentanti, nec vltra. Dio Cassius ita restrinxit: *τῷ ὄλῳ τῷ σιτοδοτημένῳ:* id est, *Populo, qui frumentum acciperet.* Ergo tenuiorem populum intellegit: & semel nota, Suetonium hîc atque aliàs *populi* voce (præter morem antiquum) plebeculam istam ieiunam, & hirudinem ærarij designare. Qui tamen ipse numerus grandis, & sub hoc tempus *trecenta viginti milia* erant, qui è publico pascerentur: quod antè dixi. Totus ergo ille populus accepit *quadringentos* nummos viritim: id est, *Minam,* vt Appianus expressit. Sunt Philippici *decem:* ergo in summam, *tres miliones ducenta milia.* Vbi olei deinde modus, vbi frumenti? Mi
Audi-

Auditor, ad Ouidium eundum nobis est vt transformemur, & animos veteres, pro veteri æuo, capiamus. Nostri homulli hodie, dicant mera mendacia me flare.

CAP. XIII.

Augusti Principis dona.

SED vnum etiam Iulium vidimus, quid tot Cæsares qui secuti? & vt alijs minimè, tamen in liberalitate consecuti, aut prægressi. AVD. Difficile creditu est. nam hic homo mihi videtur de se, quod olim Liuius Drusus posse dicere: *Nihil se cuiquam ad largiendum, præter calum & cænum, reliquisse.* LIPS. Non ita est: opes istæ Vectigalium, & quas diximus, inexhaustæ erant, & vt perennes quidam fontes fluebant. Itaque ad AVGVSTVM veniamus, qui non diuturnitate solùm imperij, sed vereor vt liberalitate patrem superarit. Dona eius quædam ante imperium, alia in ipso sunt: & illa magis miranda. Primùm *militibus & Euocatis*, quos contraxit metu Antonij, aditæ hereditate Iulianæ, dedit singulis quingenas Drachmas. Ita ipse Appianus: interpres eius parùm prouidè sesterios vertit, Is numerus Euocatorum, ad *denamillia* fuit: ergo *quingenta* hîc Philippæorum *millia*. Ampliùs, eodem pænè tempore, cùm legiones Quarta & Martia ad se transissent ab Antonio, dedit singulis *totidem illas Drachmas*: iterumque cùm in armis decurrissent, & speciem prælij peritè assimilassent, *alteras totidem*: quæ certè fuerunt ad dictam facilè summam; & longè suprâ, si Equites & Centuriones (quod nec antè feci) suo more computentur. Iam verò in ipso primo Consulatu, cum signis à Mutinâ motis urbem intrauit; dedit qui se deduxerant, singulis *bis mille quingentas drachmas*, siue *ducentos quinquaginta* Philippæos: atque ex octo legiones fuerunt. Minimâ legionum frequentiâ, surgent *sex milliones*, & Equites ac Ductores omittentur. Vbi autem prædæ quas egit, aut spolia quæ cepit? adhuc nulla. Quò magis in ADMIRANDIS hæ donationes tres, à priuato Octauiano, & solâ spe future magnitudinis, susceptæ & perfectæ. Atque hîc notandum in vltimâ, transisse eam velut in legem; & solenne donatium hoc

hoc habitum, quoties legiones postea Principem in urbem deduxissent. Certè Spartianus in Seuerò tradit, *Milites per seditionem dena millia poposcisse à Senatu, exemplo eorum, qui Augustum Octavianum Romam deduxerant, tantumque acceperant.* O peritos historicos vel antiquarios, & in rem suam lecta aptantes ! Sed quarta etiam donatio à priuato, in quâ lingua mihi hæret. AVD. Quâne obscœna aut turpis ? LIPS. Non, sed quia immensa, aut certè immodica, & vereor refragatorem. AVD. Non me. vt ij qui de cælo tacti sunt, silent & stupent : sic iam pænè ego. perge. LIPS. In Philippensi igitur prælio, vbi de Principatu actum vel libertate, hic ipse Octavianus cum Antonio promiserunt viritim *quinque mille Drachmas.* AVD. Hoc illud erat ? at Cæsar iamantè totidem, & docuisti. LIPS. Sed Cæsar *decem* legionibus tantum : isti *nouendecim*, quæ in pugna erant, & alijs *quadraginta*, quæ in præsidijs aut Italiâ sparsæ. Appianus quidem ita narrat, vel apud eum Antonius (oratione ad Asiaticos) sed addit : *attritas easiam & minutas ad XXVIII. rediisse, quæ (inquit) cum suis ad litamentis efficiunt virorum supra centum septuaginta millia: præter EQVITES, & item ALIVM militem.* Quis iste alius miles ? opinor Auxilia, quæ haud longè infra legiones. Itaque qualis & quanta hæc summa conficiatur, ingenuè fateor, vix ego ausim promere : & scito esse supra *centum quinquaginta milliones.* Vbi estis qui Nouum orbem, & nouas in eo diuitias repperistis ? Huc ite, ostendent & effundent eas Duumviri isti vnicâ largitione. Atque hæc ille fecit ante Principatum : in ipso tenuit & cucurrit eundem liberalitatis cursum. AVD. At hîc mihi votum & cogitatio. LIPS. Prome. AVD. Si eo sæclo ego viuam, quid nisi miles sim ? ita omnes ad eos opes adfluunt, & concurrunt. LIPS. Vera narras. & scito ab hoc militum tunc seminario, Senatorias & diuites plerasque familias ortas. Hæc præmia in ciuili bello ijs sunt : cum homines vt ad imperium veniât, imperium pænè ipsum donant. Quid donant ? perdunt volui dicere : & quomodo tot isti pecuniarum cumuli, sine apertâ pernicië prouincialium ciuiumque, colligi potuère ? Sanè id factum est : sed Pax postea, cum copiarum suo cornu, reposuit omnia & reparauit. Enimuerò Augustus, vt cœperam dicere, in Principatu quo-

M

que

que perliberalis. Lapidem Ancyranum lubet proponere, in quo aliquot donationes eius ordine exsculptæ.

- I. LIBRI. ROMANI. VIRITIM. CENOS. NVMERAVI. EX. TESTAMENTO. PATRIS. MEI.
- II. ET. NOMINE. MEO DRINGENOS. EX. BELLORVM. MANVBIIS. CONSVL. QVINTVM. DEDI.
- III. ITERVM. AVTEM. IN. CONSVLATV. DECIMO. EX. PATRIMONIO. MEO. BIS. QVADRINGENOS. CONGIARI. VIRITIM.
- IV. ITERVM. AERE. MERV. ET. CONSVL. VNDECIMVM. DVO-DECIM. FRVMENTATIONES. FRVMENTO. PRIVATIM. COLVMEIO. EMENSVS. SVM.
- V. ET. TRIBVNITIA. POTESTATE. DVODECIMVM. QVADRINGENOS. NVMMOS. TERTIVM. VIRITIM. DEDI. QVALI. MEA. CONGIARIA. FRVMENTI ... NVM. NVMQVAM. MINVS. QVINQVAGINTA. ET. DVCENTA SIA.
- VI. DVODEVIGINTESIMVM. CONSVL. TRECENTIS. ET. VIGINTI. MILLIBVS. PLEBIS. VRBANA. SEXAGENOS. DENARIOS. VIRITIM. DEDI.
- VII. ET. QVINIS. MILITVM. MEORVM. CONSVL. QVINTVM. EX. MANVBIIS. VIRITIM. MILLIA. NVMMVM. SINGVLA. DEDI. ACCEPERVNT. ID. TRIVMPHALE. CONGIARIVM. IN. COLONIAS. HOMINVM. CIRCITER. CENTVM. ET. VIGINTI. MILLIA.
- VIII. CONSVL. TERTIVMDECIMVM. SEXAGENOS. DENARIOS. PLEBI. QVAE. TVM. FRVMENTVM. PVBLICVM. ACCE DEDI. EA. MILLIA. HOMINVM. PAVLLO. PLVRA. QVAM. DVCENTA. FVERVNT.

Vides, siue audis lapidem, vtinam peritè satis aut fideliter descriptum! Insigne monumentum antiquitatis est, & historiæ Augustæ quasi summarium. Sed multa in eo corrupta, & quædam lacera: percurram lucis, & alibi medicinæ, causâ.

In

In primâ donatione est: LIBRI ROMANI. An id fuit, TRIB. P. ROMANI? id est, *Tribubus populi*. Res quidem eas tangit, & legauit Cæsar testamento viritim Romano populo, *trecenos sestertios*, vt Suetonius scripsit; vt autem Dio, *centenos vicenos*, & adducit ipsum Augustum eius rei testem. Et scripserat hoc Augustus fortasse in Commentarijs rerum suarum: sed & hîc ita in Breuiario isto fuit. Explendum igitur, CENTENOS. VICENOS. Ij sunt, *tres Philippici* in singulos: si in totum populum, immensum est; si in frumentantes, magnum.

In II. *Quadringeni nummi* viritim dati, item in populum: qui sunt Philippici *decem*. Id factum in* quinto Consulatu eius, vt hîc scribitur? id est, statim post Actiacam & Alexandrinam victoriam, sub triumphum. Dio Cassius ipsum notat in hoc anno, & in summâ consentit: sed auget acceptores, & non *viros puberesque tantum*, sed etiam *pueros*, in gratiam *Marcelli, sororis filij*, scribit *adiectos*. Hoc si fuit, vt fuit, quis non videt supra duplum ferè donationem crescere, & vt minimum fuisse ad *sexcenta millia* capientium? Fiunt in pecuniâ impensâ *sex milliones*.

In III. Consulatu decimo, scribit se item populo dedisse, congiarium *bis quadringenos*. An simul, vt *octingenos* dederit? an magis significat, bis se dedisse? sicut & paullo pòst, *tertium quadringenos*. Quæ iterationes valdè sunt liberalitati augendæ: & tu attendes.

In IV. Quid sit illud AERE. MERV. quæro. An fuit, AERE. MEO. VR. pependitque à prioribus? opinor. Illud autem iam certò assequor, in Vndecimo consulatu datas *duodecim Frumentationes*: quas ita appellat, quæ singulis mensibus dari solebant. In caritate igitur annonæ, has extra ordinem, & de suo, vt scribit, addidit. Nam legendum inibi PRIVATIM. COEMPTO. vt dudum monui, cùm lapidem hunc vulgaui.

In V. Tribunicia potestas duodecima, incidit in annum vr-bis DCCXLI. cùm peregrè & è Galliâ redijt. Tunc igitur plebi refouendæ & conciliandæ, distribuit ter vno anno *quadringenos*: id est, Philippicos *ter denos*, siue in vniuersum *triginta*. Verba aliquot in vitio, an sic emendanda? QVALI. MEO. CONGIARIO. FRUMENTI. MODIVM. NVMQVAM. MINVS. QVINQVAGINTA.

ET. DVCENTA. MILLIA. vt adsignificet, tantum frumenti se quoque dedisse. An verius, FRUMENTANTIVM. NVM. NVMQVAM. MINVS. QVINQVAGINTA. ET. DVCENTA. MILLIA? vt dicat *numcrum* (id valet NVM.) qui frumentum acciperent, & ex consequenti congiarium, tantum tunc fuisse. Sed postea alius numerus, dices. haud moueor, quia sæpè id per recensum mutauit. Cogitetur tamen. Vir doctissimus & acutissimus legebat, QVINQVAGINTA. ET. DVCENTA. SESTERTIA. & referebat ad Suetonij hæc verba: *Congiaria populo frequenter dedit, sed diuersæ ferè summa: modò quadringenos, modò trecentos, nonnumquam ducentos quinquagenosque nummos.* Sed refellit hoc ipse lapis statim, qui dicit bis datos *sexagenos denarios*: quos non nisi in *ducentos quadragenos* nummos resoluas. Quomodo ergo *numquam minus* dederit, vt hîc sculptum? Sed & Dio in anno DCCXLVII. adnotat datos *Denarios sexaginta.*

In VI. sunt *sexageni denarij in trecenta viginti millia capita*: quæ ad duos miliones, * paullò minùs, se attollit.

* Sunt octo
decies cen-
tesia XL.

In VII. tenebræ. videtur militaris donatio esse, sed ijs qui in colonias missi, aut mittendi.

In VIII. notetur numerus frumentantium, qui tunc fuit. Ista de Augusto sufficiant: etsi liberalitates eius plures ex facili dederim, vt ipse dare facilis, etiam per ludum & iocum. Cuiusmodi ista in Macrobio: *Omnibus qui secum pilâ lusissent, sestertia centena dari Cæsar Augustus iusserat, soli Cælio quinquagena.* Hîc ille, *Quid ergo? inquit, ego vnâ manu ludo?* locus lepidus: sed donatio magna in ludicrâ istâ causâ, singulis *bis mille quingenti* Philippici. Iterùm toridem Græculo cuidam, pro carmine, & audaculo dicterio, factoque: sed tu factum ipsum nosce, aut potius recognosce. Græculus fuit, qui Cæsari carmen obtulerat, atque ille acceperat, & nihil vltra. Græculo iterùm paranti dare, præuenit, & carmen à se dedit; vt ostēderet talia & domi sibi nasci. Hîc Græculus legere, mirari, & tandem manu in pauperem bulgam demissâ nummos, an denarios aliquot, Augusto offerre, cum dicto: *Si plus haberem Cæsar, plus darem.* Exemplo ostendit & commonefecit, quid ille deberet: nec frustrâ. Nam statim Augustus delectatus libero & acuto facto, *sestertia centena* dari ei iussit: id est, *bis mille Philipp. & quingentos.*

CAP. XIV.

Aliorum Principum dona.

NON sit modus, si omnia Augusti tollam: omitto, & aliorum carptim aut saltuatim quædam tango. In **TIBERIO** pauca sunt, parcâ ille manu & restrictâ fuit: atque ita moriens in thesauris reliquit, * *viciessepties millies HS: quod Caligula, non toto vertente anno absumpsit.* Ita enim hoc Suetonius: sed in Dione paullo aliter: & ait, *quosdam dicere ter & vices millies relictum; alios autem * ter & tricies.* Sanè pro meo sensu, posteriori parti accedam, qui satis iam imbibere Romanas opes. Nec in tempore absumptæ à Caligulâ pecuniæ Dio dissentit à Suetonio, si sic legas: *ἐδὲ εἰς τὸ τρίτον ἔτος μὴ ὅτι ἀντὶ τῆς πέντης ὥρας: nec vel in tertiam anni partem quidquam Caligula ex his seruauit.* Quod sanè cum Tranquillo & veritate conuenientius, quàm ut sit, *εἰς τὸ τρίτον ἔτος, in tertium annum.* Ille verò statim exhaustus & egens, atque ad rapinas se vertit. In **CLAUDIO**, notatur prima liberalitas in auspicijs imperij, cùm militibus *quinadena HS.* promissit. Ea sunt *trecenti septuaginta quinque Philippæi*: si tamen Suetoniana illa scriptio (ex eo sumpsi) est certa. Nam Iosephus adaugere, & *vicena* promissâ ait, siue ut ipse numerat, *quina millia drachmarum*: qui sunt *quingenti Philippæi*: & addit, *omnibus ubique militibus idem promissum.* Quomodo hæc quidem donatio, superet omnes iam dictas, & fortasse dicendas. **NERO** sequitur: quid de eo dicam? qui, ut Suetonius ait, *diuitiarum & pecuniæ non alium fructum putabat, quàm profusionem.* Itaque nepotinos eius sumptus frustrâ colligam: in Suetonio atque alijs, patent: quædam addam quæ magni & laudabilis animi sunt visa. Militi prætoriano (in Dionis compendio) ob causam aliquam iusserat centies HS. numerari: id est, *ducenta quinquaginta millia Philippicûm.* Et cùm Agrippina mater, mirata improvidam fortasse liberalitatem, iussisset totam eam pecuniam, ipso corâm, immensâ exponi & expandi, ut sic vel a spectu poenitentiam eliceret: ille magno animo, iussit alterum tantum addi, & Nesciebam, inquit, tam exiguum me dedisse. Egre gia

M. 3.

vox:

vox : quam cur tu rides? AVD. Non ipsam, sed meam cupidinem : & ô si quis *hoc exiguum mihi?* LIPS. Auidus ô homo es, nec accipies: hodie liberalitatis eius nec vmbra manet. Hoc Nero in militem : sed quid in regij sanguinis Teridatem? quod vix ipsi Suetonio credibile videatur, octingenta nummorum millia diurna in eum erogauit, abeunti que super HS. millies contulit. Vt hoc & capias, & ponderes; scito Teridatem per nouem menses continuos Romæ, aut in finibus Romanis, fuisse : & toto eo tempore immunem habitum ab omni sumptu. Decreta igitur ei in diem octingenta millia : quæ sunt viginti millia Philippæorum. Numera in mensem : quid ea nisi sexcenta millia? In nouem menses : quinque milliones quadringenta millia. Iam abeunti datum, millies HS. quasi in viaticum : quod iterum efficit duos milliones & dimidium. An potius in Suetonio, bis millies scribendum? augeatur altero tanto, & palam Dionis compendium (numeri autem in Græcis magis veri) hoc suadet. Atque ista conspicua & signata liberalitas Neronis est : quid minores aliæ & sparsæ, sed coalescentes in grandem summam? De quibus Tacitus: *Bis & vicies millies HS. donationibus Nero effuderat* : & addit, Patres censuisse, vt repeterentur ab ijs qui cepissent. Ea sunt quinquagintaquinque milliones, nisi calculus me fallit. quod & alibi vereor, & ignoscendum est in sermonis hoc cursu & calore. Adiungo NYMPHIDIUM, post Neronem, promissum: non Principis, sed pro Principe tamen factum. Ipse vt Urbanum omnem militem & Prætorianum Galbæ adiungeret, promisit ijs * septem mille & quingentas drachmas viritim; reliquis extra Urbem, * mille ducentas quinquaginta. In Plutarcho hoc ita leges, ingentem donationem, & qualis antea in hoc genere nec fuit. Nam priores illæ Drachmæ in Urbanos, faciunt nobis septingentos quinquaginta Philippicos : alteræ in Legionarios, centum viginti quinque. Quò hoc ascendat in plura quàm viginti quinque millia Urbanorum: in amplius ducentena Exterorum? vt Classēs, & talia, omittam. Iure igitur Plutarchus exclamat & queritur, plusquam Neronem hunc renatum, nec potuisse eam pecunie molem exstrui, nisi vt omne Romanum imperium attereretur aut euerteretur: præsertim post tot & tam recentes à Nerone ictus. Infinitæ deinde sunt largitiones in militem, vel in populum : sed, nisi

memo-

• Latine
esset, Tri-
ginta ses-
tertia.

* Latine,
Quina ses-
tertia.

memoria imponit, infrà iam dictas. Ideò nec pono; vnã Seueri Imp. tantum libo. Dionis compendium: *Celebrauit Decennalia imperij sui, & dedit populo qui frumentum solet accipere* (nota semper ferè de Populo frumentario) *itemque Pratorianis decem aureos. Quà in re se iactabat. reuera enim NEMO vquam antea tantum SIMVL dederat, effusumque hac donatione* bis millies HS.* * *Quinque miliones.* Decem istos Aureos, scito Romanos fuisse: id est nostros viginti, aut paullò ampliùs. Ita magna vis assurgit, & expressa est à Dione summa: sed hæreo an satis ex vero additum, *numquam antea tantum* datum. Nam & Commodi Imperatoris superfluens donatio fuit, in Lampridio notata: *Congiarium dedit populo, singulis Denarios septingentos videnos quinos.* Qui sunt Romani aurei *vigintinouem*: pænè triplum eius, quod Seuerus postea dedit. Nam quod vir doctus quidam hîc rescribit *septuagenos quinos*, valdè est præter rem & Lampridij mentem. Sed scilicet Dionem scribere, *Simul numquam tantum datum*: id est, & Populo & Militibus. Alioqui & superiores aliquot donationes militares valdè excedunt. De Donis peregi, & simul de *Opibus publicis.*

CAP. XV.

*De priuatorum aliquot opibus, & materia
huius finis.*

TRANSEO ad *Priatas opes*, quæ & ipsæ magnæ fuerunt, & per multos sparsæ. Quis nescit Senatores aut Senatorios plurimos fuisse, & plures longè Equites Romanos? Atqui primis illis, census sub Augusto fuit *Decies HS*: siue *viginti quinque millia Philippæorum*. Istis, id est Equitibus, census *Quadringentorum*, quæ faciunt *decem millia Philippæorum*. Hic census, quem necessariò haberent: quàm multos autem, & plerosque omnes, putas excessisse? Ac lubet paullisper recensere hos diuites: inter quos quem priùs, quàm Crassum illum cognomento *Diuitem*? Cicero alijsque de eo, atque etiam in eum Cicero ista: *Multi audierunt ex te, cum diceres, Neminem diuitem esse,* In Paradox.
nisi

nisi qui exercitum suis FRUCTIBVS alere posset. Ergo hoc proposito, numquam eris diues, antequam tibi ex tuis POSSESSIONIBVS tantum reficiatur, vt ex eo tueri sex legiones, & magna equitum ac peditum auxilia possis. Hæc vox Crassi fuit, opinor, negantis se Diuitem, etsi vulgò ita audiret: quia nemo sic dicendus, nisi cui tales opes. In Plinio hoc paullo contractius:

Lib. xxiiij.
cap. x.

Crassi diuitiæ;

M. Crassus negabat locupletem esse, nisi qui REDITV annuo tueri LEGIONEM posset. In agris suis HS. bis millies possedit, Quir-
tium post Sullam ditissimus. Qui locus inspectione, fortasse & correctione eget. Primum de Legione vnâ ait: quod Cicero palam de pluribus (imò & sex nominat) & item Græci de exercitu tradunt. Itaque in Plinio quoque verius censeam, Legiones. Iam quod addit, bis millies in agris possedisse: quid ergo in alijs? in seruis, in pecuniâ, in vasis ac supellectile, denique in domibus, quantum habuit? Sanè alterum tantum dixerit aliquis, ex communi tunc ratione & proportionem opum. Plutarchus scribit, solos architectos & fabros eum in seruis habuisse, ad quingentos, quorum operam elocabat in vrbe ruinis vel incendijs obnoxia: quid deinde seruorum ad reliquos vsus, domi vel in agris? Hæc eò deduco, vt solicitem & quatiâ lectionem Plinij receptam: & quia non arbitror in solis agris sic habuisse. Argumento ex Plutarcho, quod totus census eius, post Decumas
4160000. Herculi datas, & epulum frumentumque plebi, non fuerit nisi septem millium & centum talentorum. Atqui longè hoc ab illo bis millies abest in solis agris. Facit & ipse Plinius, qui paullo post subiicit, Multos postea se cognouisse, seruitute liberatos, opulentiores. Libertos autem intellegit, qui ad ter millies, aut circa, perueniunt. Non infisto: dico, legendum mihi videri in Plinio, nisi qui legiones tueri posset ex agris suis. Sestertium bis millies possedit. Vt vniuersæ opes eius fuerint bis millies siue quinque millionum. Quod propemodum consonat cum illis talentorum millibus, è Plutarcho recitatis: & Decimas Herculanæ si addis, proximè accedit. Senecæ item locum huc subiungo: M. Cato possidebat ipse quadragies HS. minus sine dubio quàm Crassus, plus quàm Censorius Cato. Maiore spatio, si comparetur, proauum vicerat, quàm à Crasso vinceretur. Moneo primò legendum, quadringenties HS. quod certum est: deinde addo, ex hac comparatio-

De viâ
beatâ cap.
xxi.

ratione elucere, quòd haud multo vltra *bis millies* Crassus potuerit habere. Alioqui nimium interuallum sit inter Catonem Vticensem & ipsum: quod Seneca negat. AVD. At enim Lipsi, vis tu igitur Crassum ad reditum ex agris tantum respexisse? LIPS. Videtur. nam & Cicero scripsit, *nisi tibi ex POSSESSIONIBVS tuis tantum reficiatur*: & antè, *nisi qui exercitum FRVCTIBVS suis alere possët*. Ea verò ad agros spectant: & ipsa Plinij vox, *Neminem LOCUPLETEM esse*. Etsi haud nego, multos Romanorum magna latifundia habuisse: sed summa hæc exorbitet. Alioqui L. Domitius ille, successor in Galliam Cæsari destinatus, agris sanè abundare debuit, qui (leges in ipso Cæsare) Corfinij obsessus, ad animandos milites, *in concione* 1. Ciuil.
agros ex SVIS POSSESSIONIBVS pollicetur, quaterna in singulos iugera, & pro ratâ Centurionibus Euocatisque. At enim triginta cohortes ibi militum, id est *duodecim circiter millia*. Ea sint igitur *quadraginta octo millia iugerum*: quid iam in Centurionibus & Euocatis, quibus *duplum* debebatur? Lego & in Plinio: *Sex dominos semissem Africæ possedisse sub Nerone, quos ille interfecerit*. Lib. XVIII.
 Quid Seneca, de Pompeio (an Poppæo) quodam, sub Caligulâ? nam qui *Ptolomaum* restitunt, ab ipso mox refelluntur. Quid igitur de eo? *Panem & aquam defuisse, cum TOT FLVMINA possideret, in suo orientia, in suo cadentia*. Si hæc vera; oportuit totas regiones possedisse. vti C. Antonius ille, collega Ciceronis in Consulatu, *totam Cephalleniam insulam, velut proprium patrimonium habuit, atque ibi opidum etiam nouum struxit*: quod traditum ita Straboni. AVD. De Antonio, esto: nec magna ea insula. At de Poppæo, & TOT FLVMINIBVS, ex vero scriptum? LIPS. Ex vero. nec solus Poppæus talis, plures Seneca aggregat, epistolâ LXXXIX. vbi hos auaros communiter ita insequitur: *Quousque fines possessionum propagabitis? Ager VNI DOMINO qui POPVLVM cepit angustus est. Quousque arationes vestras porrigetis, ne PROVINCIARVM quidem satione contenti circumscribere prædiorum modum? ILLVSTRIVM FLVMINVM per priuatum decursus, & AMNES MAGNI, magnarumque gentium termini, VSQVE AD OSTIVM A FONTE vestri sunt. Hoc quoque parum est. nisi latifundijs vestris maria cinxistis, nisi trans Hadrianum, & Ionium, & Ægeum vester vil-*
 N
 licus

licus regnet. Nisi INSVLAE, ducum domicilia magnorum, inter
VILISSIMA rerum numerentur. Quid ais? non hæc satis
clara, satis certa sunt: nec illustrent, sed augment quæ dixi? Si
enim vnus aut alter talis, quid attinet vt publicum morbum
carpere? Sed plures omnino fuerunt: & quidam etiam do-
no hæc capiebant. AVD. Dono? id verò nullus crediderim.
LIPS. Iterum Seneca de Beneficijs: *Beneficium est, donare re-*
giones, per quas MAGNA FLVMINA ET NAVIGABILIA de-
currant. Donarit autem eas Princeps, vel aliquis ille diues
testamento. Sed ecce hi verè locupletes: & quorum fundos
nec milui oberrauerint, vt ait poëta. Sed redeo ad vniuersè
Diuites, inter quos L. Cornelius Balbus meritò locandus. qui

Lib. XLVIII.
L. Corneli-
us Balbus
Eius diui-
ciae.

(vt Dio scripsit) *homines suæ ætatis Diuitijs & Magnitudine animi*
supergressus est, adeò vt moriens populo Romano Viritim legauerit de-
narios viginti quinque, siue Aureum Romanum vnum. Quid pu-
temus nunc heredes, & legatarios habuisse? Seneca etiam no-
ster, ille doctrinæ & sapientiæ, id est internorum bonorum,

*7500000.

Phil. Senec.
ca. de diuitiis

ita diues, quàm rarâ sorte & externorum fuit? Eum * *ter mil-*
lies HS. possedisse, amicus illi Tacitus scripsit, & inimici cum
multâ inuidiâ obiecerunt. AVD. Quidni Lipsi? & ille vir
maximus, hoc vno titulo apud me minuit, quòd sic in opibus
abundet. Philosophum hoc decuit? & quidem Romanum,
qui facta sibi vindicant, magis quàm verba? LIPS. Misericordiam
Senecam, vt video. quare? quòd non Virtus solùm ei, sed For-
tuna fauerit: & in alio tamen aliquo hoc laudamus. Sed quia
Seneca laudet

rara hæc coniunctio, præsertim in modesto & sapiente, & *bonæ*
mentis, vt ille inquit, *soror est paupertas:* homines indignantur,
liuent, Senecam equis & quadrigis incurrunt. At meo iudicio,
ô virum hoc ipso magnum, quòd capere potuerit, quòd vri,
quòd habere (vt vno verbo dicam) & non haberi ! Quid,
quòd nec eas suspexerit? inter media censuit, inter fluxa, & quæ
si abirent, nihil auferrent, nisi semetipsas. Audi illum, ô Liuor,
& file. Pone me, inquit, in opulentissimâ domo, vbi aurum argentum-
que in promiscuo vsu sit. Non suspiciam me ob ista, quæ etiam si
apud me, tamen extra me sunt. In Sublicium rursus pontem me trans-
fer, & inter egentes abige: non ideò tamen me despiciam, quòd in illo-
rum numero confideam, qui manum ad stipem porrigunt. Quid ergo
est?

Seneca
de diuitiis

est? domum illam splendidam malo, quàm pontem. Hæc vera philosophia est: posse habere, posse carere, non cupere absentes, capere & præsentem: iisdem vti benè, & bonis subleuandis. Sed quid euagor? diues Seneca, & nostro more septuagies quinquies centena millia possedit: plus meruit (audi & hoc Liuror:) *et mul-* Apud Tac. *et mul-* XIII. An.
ti nequaquam eius artibus pares plus habuerunt, vt Nero ad eum dixit. Ecce (n. Lentulus Augur (ait ipse Seneca) diuitiarum MAXIMUM EXEMPLVM, antequam illum liberti pauperem facerent, quater millies HS. suum vidit. Propriè dixi (inquit) nihil enim ampliùs, quàm vidit. Hic stupor igitur possedit ipsos decem milliones, Regum aut certè Regulorum opes. Sed indicat Seneca, libertos & plus habuisse. Ac sanè de Pallante Tacitus *Pallantis Liberti opes?* scribit, *sestertij ter milles possessorem* fuisse: quod quater millies, XII. Ann.
 me volente, Dionis Breuiarium in Nerone expressit. Et hoc ipsum de colliberto eius Ælio Narcisso, idem Dio in Claudio narrauit. Sed aula hos beaui, inquit. Vis igitur & homines, non è Senatu vel aulâ? ecce è mediâ plebe vnum, è Plinio: C. Asinio Gallo, C. Marcio Censorino Cos. (id fuit sub Augusto) Lib. xxxij. cap. x.
 C. Cæcilius Claudius Isidorus testamento suo edixit, *Quamuis multa* C. Cæcilij Claudij res sa. *ciuiti bello perdidisset, tamen relinquere seruorum quattuor millia cen-* *militarij*
zum sedecim, iuga bouum tria millia sexcenta, reliqui pecoris ducenta
*quingenta millia, in numerato HS. * sexcenties. Funerari se iussit* * Decies-
 HS. vndecim millibus. Vide tu tot seruos, boues, pecudes, tantum *quingies*
 numeratæ pecuniæ: & miror agros non expressos, quos tamen *cetera na mil-*
 suspicor habuisse, itemque villas, & ædes. Sed vtut sit, familiam *lia Philip.*
 illam solam seruorum vide: quis Principum habet? A v n. Valdè quidem isti copiosi in seruis, quod & in Crasso notauit. Lips. Valdè. & Petronius ex more, si non ex vero, de Eumolpo suo facetissimâ narratiunculâ scripsit: *Familiam quidem tam*
magnam per agros Numidie sparsam habere, vt vel Carthaginem pos-
set capere. Certè aliquot millia esse debuerunt eorum, qui armis apti: sicut & historicâ fide Vopiscus de Proculo tradit, eo *Proculi seruorum nu-*
tempore quo sumpsit imperium, duo millia seruorum suorum armasse. *merus.*
 Quid Belisarius ille sub Iustiniano magnus? *duodecim millia* Belisarij serui 12000
 puerorum (ita loquuntur) habuisse propria, Aimoinus, Regino, alijque testantur. Nam illud quod in Athenæo adfirmatè scribitur, quale est? *Quosdam Romanorum ad* DECIM aut VIGINTI Lib. vi.
 N 2 millia

millia seruorum habuisse, nec ut QUAEESTVM ex ijs facerent, sed ut affeclas aut subsequas eos modò haberent. Hoc de seruis, mihi ipsi timidè tardeque credendum, & tamen credendum.

De alijs armentis, simile aliquid (etsi minus est) in Vopisco Valerianum lego, de villâ Valeriani priuatâ. in quâ quingenti serui, duo millia vaccarum, equæ mille, ouium decem millia, caprarum quindecim millia fuere. Quæ mea mens, cum ista cogito? vbi nostræ paupertinæ villæ, nec millesimis horum instructæ?

Et communia hæc, certè non noua, in opibus, illo æuo: auctore Senecâ, quem audi, suo more, increpantem: O miserum, siquem delectat sui patrimonij liber magnus, & VASTA

De Benef.
lib. vii.
cap. x.

SPATIA terrarum colenda per vinctos; & IMMENSI greges pecorum per prouincias ac REGNA pascendi; & FAMILIA bellicosis nationibus MAIOR; & AEDIFICIA priuata laxitatem urbium magnarum vincentia. Hæc Seneca. ideoque pauca exempla talia aut scripta sunt; aut si scripta, ad nos peruenerunt. Casu factum est, quod Cæsar prodiderit (& mihi casu incidit)

l. Ciuil.

T. Labienum Legatum suum in Gallijs, opidum Cingulum constituisse in Piceno, & suâ pecuniâ exadificasse. Vide in homine priuato opes & animum Principis, qui eas in tota opida struenda conuertit: quod & medici quidam apud Plinium fecere. Quid autem, quod etiam inferiore æuo, rebus & imperio labentibus, magnæ istæ opes? Olympiodori hæc excerpta audi: Οἱ πολλοὶ οἶκοι Ῥωμαίων περιόδους καὶ ἐνιαυτὸν ἐδέχοντο ἀπὸ τῶν κτημάτων αὐτῶν, ἀνὰ πρῶτον χρόνον πεντάετην, καὶ οἷον καὶ τὸ οἶον, καὶ τῶν ἄλλων ἀπάντων εἰδῶν. ἀεὶ * εἶς ὁ σωτέριον, εἰ ἐπιπράσκειτο, τὸ εἰσφερομένου χρυσίου. τῶν δὲ μὲν τὰς πρώτας τῶν δότιον οἶον τῆς Ῥώμης, πενταγίδεια, καὶ δέκα κατὰ τῶν ἡμετέρας ὁ περιόδου ὁ λῶ: Multæ Romanorum domus (id est, earum domini) in ANNO REDITV

• Verto
Trientem:
an aliquis
Triplum
aufer?

* 400000.
aureor.

accipiebant è possessionibus suis, ad * quadraginta centenarios auri: idque absque frumento, vino, & alijs speciebus, quæ si venderentur, facile trientem æquarent illati auri. Secundariæ autem domus, quindecim centenarios aut decem recipiebant. Hæc ille, sub Honorij & Arcadij æuum: quàm defectâ iam Româ, & per illam Nouam imminutâ? Atqui tot illi Centenarij (centum libræ auri in singulis) reddunt quadringenta nobis aureorum millia: & vbi frumentum, & reliqua? Atque etiam reditus tantum computat,

tat, non seruos & alia multa, quæ sine fructu. Addam distinctè & vnum exemplum, in quo desino. Capitolinus de Gordiano, adhuc priuato: *Ditissimus ac potentissimus, in prouincijs tantum terrarum habens, quantum nemo priuatus. Quæsturam magnificentissimè gessit. Ædilitatis suæ tempore, duodecim populo Romano munera, id est per singulos menses singula DE SVO exhibuit. ita vt gladiatorum nonnumquam quingena paria exhiberet, numquam minus centenis quinquagenis. Feras Libycas vnâ die centum exhibuit, vrsos vnâ die mille: & plura deinde animalium nominationum: quæ omnia POPULO RAPIENDA concessit. Amplius de eo, auctore Cordo: In OMNIBVS ciuitatibus Campaniæ, Etruriæ, Umbriæ, Flaminiae, Piceni, DE PROPRIO illum per QVATRIDVVM ludos scenicos & Iuuenalia edidisse. Qui benè hæc tollit singula & pensitat, quique scit quid sit ludos olim edere: nescio quam trutinam reperiet ad tot illa ponderanda aut æstimanda. Diducere mihi non placet, placet abiungere: & *Opes Romanas* publicè priuatimque satis videor ostendisse. Tu abi, cæna, dormi.*



I. L I P S I
 DE MAGNITVDINE
 R O M A N A
 L I B E R I I I.

C A P V T I.

*Ad Opera Romana transitum, & primò de ligneis
 aut temporarijs dictum.*



VD. Malè mihi hac nocte fuit. LIPS. Quid ita? AVD. Quia herè nimium benè. Suaues illi sermones animo inhæserunt; & per cerebri huius spatium inerrantes, verè dico, ademerunt mihi somnum. LIPS. Aliter ego dixeram: & meministi, vltimi mei, *Dormi?* Atqui cautio erit ne sic in posterum: mittemus potiùs, aut suspendemus, hos sermones. AVD. Quin tu verbum hoc suspende: nam meruit. Itanc sermones hos tollas, in quibus vnica mihi spes solarij? nam ne nescias, vt ij qui à scorpijs sunt icti, ab ijsdem remedium habent: sic ego nunc affectus. Ad te propero, qui pupugisti. LIPS. Ad me? non ego Scorpius, sed Aspis: aurem claudio ad has cantilenas. AVD. Benè est, pungat me & hæc aspis, vt dormiam: & suauis veneno infundat somnum. LIPS. Age, age, medebor: sed nō, vt censet, suauiter mi homo: ego verò vt fastidientes quosdam ægros medici, ad exercitia & OPERA te ducam. Ecce enim ea ordine sequuntur. Duplicia autem Romana istæc Opera, *Temporaria & Diuturna*. Illa, quæ subito & in breue tempus aliquod excitabantur, è terrâ aut ligno plerumque: ista, quæ in longum, & mansura, è latere, lapide, & materie firmiore. *Temporaria*, duplicia iterum video, *In Militiâ, & Extra eam*: atque vtraque mereri iustam admirationem. Nam
 siue

siue militiam videas; quis *Fossas, Vallos, Aggeres*, & talia terrea; iterumque materialia, *Turres, Testudines, Musculos, Vineas*, legit, tam multa, tam crebra; & aut industriam, aut vires hæc patrantium, non æstimat & admiratur? Siue extra eam quædam, in voluptatem aut splendorem structa; quomodo idem affectus non insinuet animo vel irrumpat? Et militaria quidem mitto, * aliàs mihi explicata: pauca ex ciuilibus tangam. Quo in genere ludicra præcipuè fuere: vt *Theatra, Amphitheatra, Circi*, & magnæ eiusmodi moles, structæ sæpè in paucos dies, & pænè vt deijcerentur. Duo exempla in Plinio, etiam cum eius, qui tam multa ADMIRANDA viderat aut legerat, nimiam admiratione. *M. Scaurus*, inquit, *fecit in Ædilitate sua opus omnium MAXIMUM, QUAE VMQVAM FVERE HVMANA MANU FACTA, non temporaria morâ, verumetiam æternitatis destinatione. Theatrum hoc fuit. Scenæ ei triplex, in altitudinem CCCLX. columnarum. Ima pars scenæ è marmore fuit, media è vitro, inaudito etiam postea genere luxurie. Summæ tabulis inauratis columnæ, vt diximus; imæ duodequadragenum pedum. Signa arca inter columnas, vt indicauimus, fuerunt tria millia numero. Cauea ipsa cepit hominum LXXX. millia, cum Pompeiani theatri, toties multiplicatâ vrbe, tantoque maiore populo, sufficiat largè XL. millibus. Sed & reliquus apparatus tantus, Attalicâ veste, tabulis pictis, ceteroque choragio fuit, vt in Tusculanam villam reportatis quæ superfuerant cottidiani vsus delicijs, incensâ villâ ab iratis seruis, concremaretur ad HS. millies. Quid est? friget, nec excitaris? AVD. Nihil. ipse Plinius me tepefecit, cum scripsit, non temporaria morâ, sed æternitatis destinatione factum. Me tepefecit, te refellit, qui inter Temporaria hoc refert. LIPS. Tene tam læuè Plinium capere? præuidebam, & metuebam. Sed hoc ille dictum voluit, istud Temporarium eminuisset etiam inter firma illa, & quæ æternitatis spe facta. Non aliud sanè dixit: & ecce alibi eius verba. In*

M. Scauri ædilitate, tria millia signorum in scenâ tantum fuere, temporario theatro. Audin, temporario? Iterumque alibi: Trecentas sexaginta columnas M. Scauri ædilitate ad scenam theatri temporarij & vix vno mense futuri in vsu, viderunt portari silentio legum. Quos locos libentiùs adfero, quia Plinius eisdem adspexit, cum hîc scripsit: vt diximus: & vt indicauimus: nempe his ipsis locis. Sed quod hîc etiam est: Ima pars scenæ è marmore.) explicat

* In ipsâ
Militiâ, &
Mechanicis.

In Lib. xxxiiij
cap. vii.

Lib. xxxv.
cap. ii.

cat idem suprâ , in cap. VI. *Marmoreos parietes habuit scena M. Scauri, non facile dixerim sectos, an solidis glebis politos, sicuti est hodie Jovis Tonantis aedes in Capitolio. nondum enim secti marmoris vestigium erat in Italia.* Vltimis item verbis, *concremaretur ad Hs. millies:*) è manuscriptis aliquis mallet, ad * bis millies: nec nimium sit pro reliquo luxu. Alias operis partes tu per te, & otiosè, si voles, inspice & adstupefce: ego alterum exemplum, ex eodem Plinio, qui dictis iam subnectit. *Aufert animum, & à destinato itinere digredi cogit contemplatio tam prodigæ mentis, aliamque connecti insaniam è ligno.* C. Curio, qui bello civili in *Cæsarianis* partibus obiit, funebri patris munere, cum opibus apparatuque non posset superare Scaurum (vnde enim illi *Vitricus Sulla, & Metella mater, proscriptionum sectrix?*) cum iam ne ipse quidem Scaurus sibi comparari posset, quando hoc certè incendiij illius premium habuit, conuectis ex orbe terrarum rebus, vt nemo postea par esset insania illi. Ingenio ergo vtendum fuit: opera pretium est scire quid inuenerit, & gaudere moribus nostris, ac nostro modo nos vocare maiores. Theatra duo iuxta fecit amplissima è ligno, cardinum singulorum versatili suspensa libramento: in quibus vtrisque antemeridiano ludorum spectaculo edito, inter sese auersis, ne inuicem obstreperent scena; & repente circumactis, vt contra starent; postremo iam die, discedentibus tabulis, & cornibus inter se coeuntibus, faciebat Amphitheatrum, & gladiatorum spectacula edebat, ipsum magis auctoratum populum Romanum circumferens. Quid enim miretur quisque in hoc primum? inuentorem, an inuentum? artificem, an auctorem? ausum aliquem hoc excogitare, an suscipere! parère, an iubere? Super omnia erit populi furor, sedere ausi tam in fidâ stabilique sede. Quæ vilitas animarum ista? aut quæ querela de Cannis? quantum mali potuit accidere? Ecce populus Romanus vniversus, velut duobus nauigijs impositus, binis cardinibus sustinetur, & seipsum depugnantem spectat, periturus momento aliquo, luxatis machinis. Disertè ista Plinius, & culpans simul ac laudans. Quid autem nos? Legimus, intelligimus, vix credimus (de meo sensu hîc fateor:) & qui quantiue illi cardines singuli, qui tota theatra sustinerent, verterent, iungerent, disiungerentque? De me, parum est: sed coeant ipsi artifices nostri & architectones, laborabunt in re non dicam conficiendâ, sed

sed exputandâ. Plura huius generis passim : sed in circumfusâ rerum copiâ, excerpimus pauca & eligimus, cum iudicio, vt possum. AVD. Hîc non adhibes, quod cum pace tuâ dicam. LIPS. Quid iam? AVD. Nam ars & ordo ita præcipit, in dicendo narrandoque ascendere, &, vt ille ait, *ex fumo flammam, non ex flammâ dare fumum*. At tu culmina operum dixisti, & minora haud dubiè dabis. LIPS. Minora? aliter dicēs, cùm illa *Perpetua* & firma audies: quid si & nunc aliter in his Temporarijs? Caij Caligulæ pons nescio an ingenio, mole certè & magnitudine vincit, sed & insanâ illâ ambitione siue periculi, siue nouitatis. Struxit eum in ipso mari, nauibus impositum, magnitudine *trium milliarium & quadrantis*: id est, toto illo spatio, quantum est à Puteolis ad Baulos. Per hunc triumphantis ritu, cum Senatu militibusque incessit, spectante toto populo: in eodem epulatus, noctem etiam peruigilem egit, inter lasciuias & ludos. Addo autem *in paucis diebus* (nam & sic narrant) pontem hunc totum structum: vnde tam subito nauibus, armamentis, trabibus, omni aliâ materiâ conuectâ? Immensum opus perpendenti, sed cui laudem vanitas detrahit. nam quo fine structum, nisi vt destrueretur? Simile in *Caracallâ*, quem alterum *Caligulam* licet dicere. Is autem non suis solum, sed alienis opibus proteruè abusus. cùm, vt Dio scribit, *adigeret homines Senatorij ordinis, quoties Româ egrederetur, domos & praetoria varia struere, item diversoria splendida: etsi in plerisque non solum non acturus haesurusve erat, sed nec ea visurus. Amplius, ubicumque hiematurus erat, aut etiam putabatur hiematurus, cogeantur amphitheatra & circos struere, nec in sumptum quicquam ab eo capientes: & ea ipsa mox diruenda*. Quis cùm hæc legit, siue audit, non admiratur opes & splendorem Senatorum, qui patrare hæc poterant? non item detestatur illius insaniam, qui iubebat? Olim in populi totius voluptates, Theatra & Circi structi: nunc in vnus imaginarium vsus. Nam nec vidit hæc omnia sæpè, vt Dio dixit.

CAP. II.

Diuturna opera, & caput omnium Roma. De situ eius, & in primis de magnitudine indagatum.

SED à damnosis istis & *Temporarijs* ad stabilia & vtilia veniamus, & quæ *Perpetua* dixi. In hoc genere multa sunt Romanæ magnificentiæ, nec in vrbe solùm aut ipsâ Italiâ, sed per terrarum orbem sparsa. Licet dicere. diuino munere Romanos datos, ad quidquid rude, expoliendum; ad quidquid infectum, faciendum; & loca hominesque, elegantiam aut artibus, passim exornandos. Quot *Opida* noua structa? vetera ampliata, aut reparata? in ijs *Templa*, *Basilicæ*, *Fora*, *Porticus*, *Aqueductus*, *Vie*, *Theatra*, *Circi*: & plura, quæ aut vsum haberent, aut amœnitatem. Quid iam *Priuata* structuræ, vt *Domus* aut *Ville*? omnia splendida, ab ingenio simul & pretio commendanda. Atque ego hîc hæreo. **AVD.** Quid tibi est? **LIPS.** Sine. **AVD.** Non pergis? **LIPS.** Mane inquam. **AVD.** In capite viæ sistimus? **LIPS.** In capite. immensa & vaga se aperit, nec satis scio quâ limitem eam aut stringam. Poëtæ animi causâ solent dicere,

Vnde tamen cœpti iam surgat carminis ordo? ego ex vero: & incertus animi feror, vbi ordiar desinamque. Nam si vel singularia tantùm ostendenda sunt; per omnes prouincias, vrbes, agros eundum est. vbique enim tale fuit. Infinita, inquam, ista sunt, & cum poëtâ principe,

* quot folia
aut flores
in vere vi-
rescunt.
Aut quot
muscarum
densarum
examina
bombant.

* — ὅσα πύλλα καὶ ἄνθρα γένηται ὥρη,

Ἡὐχέ μυῖαν ἀδιδόντων ἔδνα πολλά.

Sed cogitanti hoc sedet, solam *Romam* tibi ostendere, omnium operum opes, vt sic appellem: & in quâ solâ fuit, quidquid vbi-que fuit. Ipsam si in parte nosti (totam ne speres:) etiam illa prouincialia noueris, quæ pleraque facta ad hoc exemplar. Nam & coloniae Capitolia sua, *Fora*, *Basilicas*, *Theatra*, & talia, habebant ad vrbis dominæ & parentis suæ ritum. *Roma* igitur faue, & te ostende: & paullisper è ruinis tuis, si fas est, veterem vul-

tum

tum attolle. Situm tuum primum video, & laudo: aut potius pro me Camillus ille apud Liuium, qui te bis condidit, & dum Gallis eripuit, & dum tibi ciues retinuit & firmavit. Nam absque eo abibant, & Veij iam Roma erant. Ille igitur: *Non sine causâ Dij hominesque hunc Vrbi condendæ locum elegerunt. saluberrimos colles; flumen opportunum, quo ex mediterraneis locis fruges deuehantur, quo maritimi conuentus accipiantur; mare vicinum ad commoditates, nec expositum nimia propinquitate ad pericula classium externarum; regionum Italix medium.* Videamus, Auditor, paullisper horum singula: & iuuabit me recitatio, & quasi in Româ iterum sistet. AVD. Bonâ veniâ, quot iam anni ex quo lustrasti? LIPS. Ipsi vigintiseptem, cùm discessi: sed animum non auelli, & antiquitas amabilis, sed & religio venerabilis sæpè eò vocant. Quod ergo dicebam, Camilli ruminemur. *Saluberrimos colles.*) Hodie vix ita sunt: sed causâ, solitudo & desertio; tum & auræ è vicinis paludibus vel æstuarijs, & quas alij indagent. *Flumen opportunum.*) Tiberis ille pater, qui vrbe[m] secat: *latus circa eam, vt Dionysius monuit, quatuor iugera,* (siue pedes cccc:) *profundus sic, vt maximas naues suscipiat, & portet.* Addit & *Mare vicinum.*) nam distat xvi. millibus passuum, vt Plinius & Antoninus metiuntur, siue, quod idem est, *centum viginti stadijs*, vt Dionysius. Non ergo Strabonem audies, qui *centum nonaginta* ea computat: sed numerorum & librarij sui errore. In Appiano an error talis, qui non nisi *centum* stadia computat? Nam verba Censorini Consulis sunt, suadentis siue iubentis Carthaginienses, dirutâ vrbe suâ, à mari abire: *A mari iubemus non nisi LXXX. stadia vos recedere, cùm nos ipsi ab eo distemus stadijs centum.* Ego tamen hoc non mutem, & verè dictum censeam: sed aspectu latæ & magnæ illius Romæ, quæ extra prima mœnia (mox dicam) in orbem se diffundebat. Ab eâ ille computat: etsi fortasse parum adhuc verè aut decorè in Censorini personâ. Sed æuum suum, vt fit, aspexit. Claudit Camillus, *Italix medium esse.*) Ita, in longitudine, nam latitudinem si spectas, finem tenet. Hoc verius, quàm quod Vitruuius etiam *mundi mediam Romam* fecit: nec hoc nobis persuadebit, nisi sui fortasse & Romani mundi. Hæc Camillus: sed Rutilius Gallicanus, cuius Itinera-

Lib. vi.
cap. i.

rium exstat, ab infimo æuo non infimi carminis, hoc quoque in eâ miratur, quòd munitissimo loco sita, nec Alpibus solùm ab omni vi subitâ, sed Apennino defensa.

*Si factum certâ mundum ratione fatemur,
Consiliumque Dei machina tanta fuit;
Excubijs Latijs pratexit Apenninum,
Clausuraque montanis vix adeunda vijs.
Inuidiam timuit Natura, parumque putauit
Arctoïs Alpes opposuisse minus.
Sicut vallauit multis vitalia membra,
Nec semel inclusit quæ pretiosa tulit:
Iam tum multiplici meruit munimine cingi,
Sollicitosque habuit Roma futura Deos.*

Ista Rutilius pulchrè: sed nos à Situ Formam videamus. Nec veterem illam reuoco, *Quadratam*, & qualis sub Romulo fuit: perfectam & plenam considerasse sit satis. quæ rotunda propemodum fuit (etsi haud iustè tamen) & septem suos colles amplexa, grandem ambitum fecit. Quem vtinam firmiter metiri tibi possim! ah, ah. AVD. Quid suspiras? etiam iterùm? LIPS. Iterumque, & ab imo pectore. Ah, cur non Romæ nunc paucos dies sum? cur non obambulo, video, metior? cur non cum viris doctis inibi confero? firmitus fortasse certiusque definirem. Sed vel sic conabor. AVD. Ego in suspirio tuo rideo. Nam cur voues, quod potes, imò quòd impelleris, aut inuitaris? nonne Itali, & ipsa Roma, hoc faciunt? LIPS. Faciunt, & gratiam pro iudicio vel affectu debeo: sed quid dicam? Fatum meum primò me tenuit: mox & Rex: illud occulto decreto, hic apertâ benignitate. Ad summam, video Belgæ mihi in Belgis moriendum: etsi de reuiscendâ eâ obiter non despero. Sed de nostro ambitu. scribunt veteres, Seruum Tullium regem, ad quinque colles iam inclusos vrbi, duos addidisse *Viminalem* & *Esquilinum*, & talem tantamque deinceps fuisse Romam.

Lib. II II. Dionysius in eâ re apertè: *Ulterius verò NEQVE NVNC processit vrbis ambitus, fato aut numine, vt aiunt, non permittente. Neque nunc, inquit: quando? Augusti æuo, quo ipse scripsit. Sed ille ipse ambitus igitur quantus? idem ita docere voluit, dum subiicit: Quòd si quis metiri ambitum eius voluerit, conferat*
cum

cum Athenarum vrbe, nec multo maior apparebit. Quod idem & Lib. viii.
alibi iteravit. Voluit, inquam, docere: vix nos docuit, sed suos
sanè Græcos, qui Athenas norant. Nos quid? & de huius am-
bitu quæramus. Lego quidem in Dione Chrystomo, Cir- Orat. de
cuitum Athenarum, cum Pyræo & Longis muris, fuisse ducento- tyrannide.
rum circiter stadiorum: quæ nobis sint vigintiquinque milliaria:
Sed an ea inclusa Athenis suis Dionysius in hac collatione vo-
luerit, hæremus. Tamen & ex Plutarcho simplicius colligas
Athenarum ambitum, qui (in Niciâ) de Syracusarum magni-
tudine differens, addit, urbem Athenis non angustiores. Quantæ
illæ igitur Syracusæ? Centum octoginta stadiorum, scripsit Strabo:
atque ita haud longè à Dione Chrystomo abimus; sed nec à
Plinio, de ipsâ Româ, cuius locus mox videndus. Avd. Quid
per ambages colligis? res hodieque liquet. & muri illi antiqui
Romani ambitum habent non nisi xiiii. aut xv. miliarium,
vt notant qui dimensi. Quid ergo ambigis? Lips. Hos istos, ve-
teres non fuisse. Multa sunt, quæ arguunt: sed ipsa maximè
forma sic enormis, & alibi sinuans introrsus, alibi procurrens
extrorsus: prorsus, vt non à priscâ illâ accuratione & elegantia,
sed à nouitiâ aliquâ necessitate impositum & subitum opus vi-
deatur. Neque ambigendum est, vt mox dicam. Sed de ve-
teri igitur ambitu, etiam Plinij locum, vt dixi, videamus, qui ex
professo describit: MOENIA eius collegere AMBITV, Imperato-
ribus Censoribusque Vespasianis, passuum xiiii. millia ducenta.
Complexa montes septem, ipsa diuiditur in Regiones xiiii. compita
earum cclxv. Eiusdem spatij mensurâ corrente à Milliaro, in ca-
pite fori Romani statuto, ad singulas portas, efficit passuum per di-
rectum xxx. millia, dcc. lxv. Ad extrema verò tectorum cum ca-
stris Prætoris, ab eodem Milliaro, per vicos omnium viarum, men-
sura colligit paullo ampliùs lxx. millia passuum. Rem totam hîc
habeas, si verba hæc aut tenebras suas, aut & vitia, non habe-
rent. Inspiciamus. Mœnia ambitu colligere facit passuum xiiii.
millia. Sanè hoc sit pro hodiernæ Romæ modo, si modò lectio
firma: quam & prisci libri sollicitant, xxx. millia scribentes;
& Leander, atque alij superioris ætatis, qui xx. millia legerunt,
& defenderunt. Pergit, Eiusdem spatij mensurâ corrente à Mil-
liario.) Intellego idem spatium, totum illum ambitum, & co

* De quâ
Dio, Tacitus,
& Icti.

inclusum. Hoc, inquit, spatium si metiris: unde? à *Milliario*: & intellegit * *Columnnam* illam *Auream* in foro Romano statutam, in quam *Italia omnes viæ finiunt*, vt ait *Plutarchus*. Augusti hoc institutum fuit, qui & posuit *Columnnam*, & ab eâ voluit currere mensuras. Pro hoc igitur more *Plinius* metitur, non à portâ ad portam (vt video quosdam suspicari) sed palàm à *Milliario*, quod quasi in vrbe mediâ, ad singulas portas. Sed numeri eius manifestò falsi sunt. Si xxx. millia ad quamque portam: ergo in totâ diametro LX. sunt: ergo in ambitu, *centum octoginta*. quo quid absurdius? Et simile erit, etsi minus, si à portâ ad portam xxx. sint, vti volunt. nam tunc certè triplicatâ diametro, vt solet, exsurgent *milliaria* in ambitu *nonaginta*: an ipsis fatendum, aut nobis credendum? Iam in vltimâ mensione, *ad extrema te-
etorum*, inquit, *ab eodem Milliario*, LXX. millia passuum. Id quoque quâ potest? crescent supra modum hæc in ambitu, nec video excusanda. Vt mihi nunc videretur (meliora auidè semper audiam, capiam, vel potius arripiam:) sed vt mihi nunc, *Plinij* numeri isti corrupti sunt, & sic reformandi. *Mœnia collegere ambitu passuum XXIII. millia*. Hoc primum pono, tantam fuisse Romam: aut si placet, XXII. parùm in vno alteroque *milliari* est. Vnde doceo? ex *Olympiodori* quibusdam *Excerptis Græcis*: in quibus ad verbum est, *Romane vrbis murus mensuratus ab Ammone geometrà, quo tempore Gothi primam inuasionem fecere, habebat spatium vnius & viginti milliarii*. Iste vno *milliario* minus, quod alius addit: & *Martinus Polonus*, qui *Chronicon* scripsit: *In circuitu*, inquit, *Romæ sunt milliaria vigintiduo, præter Transiberim & Leoninam ciuitatem, cum quibus dicitur habere quadraginta duo milliaria*. Vnde hæc habes Martine? ex aliquo veterum: nam pro tuo æuo, vtrumque hoc planè est falsum. At pro veterum, & verbis *Plinij*, planissimè verum. Pro verbis, dico, *Plinij* corrigendis, & porrò videamus. Nam altera mensura erat, à *Milliario ad portas* xxx. millia. Ego dico scribenda ∞ ∞ ∞: id est, tria millia. Et quis nescit ex ignorantia harum notarum sæpè, cum in *Plinio*, tum *Liuiio*, & alibi, peccatum? Nam putarunt *Denarias* notas esse: & inde nata illa millia xxx. Atqui aliter est; & sic si emendas, quanta proportio & consensus? Roma habet in ambitu *XXIII. milliaria*: à *milliario* ad

ad portam, tria millia & passus septingentos sexagintaquinque: ergo in plenâ diametro, septem millia quingentos triginta: hanc triplica, nōne XXII. & semis in ambitu redduntur? At Plinius neglexit aut insuper habuit de dimidio, & rotundè XXII. aut XXIII. dixit. Simile in mensurâ vltimâ, quæ ad extrema tectorum colligit LXX. millia. Tu verò fac septem millia: & rem factam habes. Dupliciter enim metitur. à milliario primùm ad ipsos muros portasque: deinde ab eodem, ad extrema tecta. Quare hoc? liquet enim Romam, quasi duplicem fuisse: & clausam muris; & alteram non clausam, quæ tamen in orbe circumiecta esset, & continentibus ædificijs instructa. Vtramque igitur dimensus, dicit hanc vltimam in semidiametro septem millia habere: duplica, sunt quattuordecim: triplica, erit ambitus iustissimè, quadragintaduorum. Et nōne hoc ipsum est igitur, quod Martinus dicebat? Addo probationem huic numero alteram, ex Vopisco. Is de Aureliano Principe: Muros urbis Romæ sic ampliavit, ut quinquaginta PROPE millia murorum eius ambitus teneant. Quod tamen Zosimus Probo Imperatori perfectum opus adscribit. Si igitur tunc quinquaginta propemodum (nam id notat:) ergo iamantè facilè ambitus ille ædium extremarum, quadragintaduorum: quia muri noui longiùs etiam paullò ab ædibus remoti. Ego in hac re nihil incerti vel infirmi video, nisi quòd libido quibusdam est dissentienti. Sed ò boni, an adeò tale nihil alibi? Ecce, in ipsâ Italiâ vrbs Lororum (nec ea inter has maximas) duodecim millia in ambitu habuit, quod Liuius scripsit. Capuam superasse, non mihi videtur ambigendum. Quid Carthaginem illam, Romæ æmulam? XXII. millia passuum circumdedit, ut manuscripti Orosiani codices præferunt; siue XXIII. ut Epitoma Liuiana. Ipsa Constantinopolis olim XXII. ut hac quoque parte compar matri suæ esset. Denique ad Tartaros & Sinenses si abeunt; hodie reperient exempla. Desino, & satis firmasse videor: nisi quòd opponi nobis possunt (nihil enim dissimulabo, & ipse subiiciam) duo. Prius, quòd Milliarium non videtur iustè fuisse in vrbe mediâ, atque ita mensuratio fallit. Nam fuit in capite, ut Plinius ait, fori Romani: atqui ab eo ad Tiberium, non par reliquæ vrbi spatium videtur, & maximè quòd

quòd ibi *Campus Martius*, omnium consensu, extra urbem. Respondeo. vt nunc quidem Roma est, non planè medium illuc esse fortasse (metiar, si illuc sim: nunc tabulis credo:) sed olim videtur fuisse. Sanè Victor, & Notitia Imperij, in foro ipso Romano, nec longè à *Milliario*, *Umbilicum urbis* ponunt. Sest esto tamen non exactè in medio: quid refert? non sic *ueterum* omnia, & ad lineam regulamque veteres metiuntur. Non mouet me de *Campo Martio*, quem fateor extra pomœrium habitum, & intra mœnia tamen fuisse. Nónne idem in *Auentino*? qui vsque ad Claudij tempora, in pomœrio habitus non fuit, & tamen à Regum tempore vrbi inclusus. Et campus quidem Martius etsi olim non erat, tamen Iulius Cæsar (quod Cicero ad Atticum scribit) destinabat eum includere: quî scio an non Augustus fecerit? nam & is pomœrium protulit: an denique non Nero? quem ego præcipuè puto in totâ Româ mutasse & innouasse. Et ab eo sanè facies & forma est, quam Plinius descripsit. Alterum, quod obijci potest. Olympiodorum non nisi *viginti & vnum* milliaria attribuire sub Honorio, cùm Roma capta fuit: vbi ergo illa *quadragintaduo* nostra, vel Aureliani *quingenta*? Respondeo, fuisse, & desisse. Nam ecce cùm Constantinus sedem imperij transtulit, & vnâ secum tot nobiles familias abduxit, frumenti etiam trientem abstraxit, denique seipsum & Aulam: nónne probabile est, Romam iterum valdè minuisse? idque in extremis & longinquis maximè, vt solet: atque ita reditum, collapsis aut disiectis Aureliani muris, ad veterem ambitum & modum. Alioqui & alterum mihi argumentum non inualidum pro tanto ambitu est, ex ipso Victore & Rufo, qui *Regiones urbis* singillatim dimetiuntur. Sunt igitur quædam, vt illa *Auentini*, quæ habent in ambitu *XXXIII. millia CCCC. LXXXVIII. pedes*: nónne ea reddunt *sex milliaria* ampliùs & *semissem*? Quid in reliquis illis *XIII*? in quibus vna item aliqua *XXX. millia pedum* habet, aliæ ferè *XVI. XV. XII.* & minima omnium *XI.* Profectò ex his iunctis ingens ambitus exsurgit, & (computa si lubet) propemodum ille noster. Sed tertio aliquis dixerit, quod tu antea, muros hodiernos contra nos esse. Sunt. tu veteres eos potes credere? & ita nescis toties dirutam, incensam, vasta-

vastatam : iterumque instauratam & reſectam eſſe? Noli arbitrarî quòd in iſdem veſtigijs. nam quâ ſpe eiufdem frequentiæ, aut felicitatis? Imò Honorius contraxit, poſt Belifarius, Narſes, denique & Pontifices Romani. è quibus *Hadrianus primus* (vt Blondus tradit) *muros eos, qui nunc exſtant, centenîs aureorum millibus è Thuſciâ contractis, exſtruxit.* Sed hæc apud alios leges: ego ſententiam meam ſine fūco liberè, & item ſine pertinaciâ (quod profiteor) dixi. Hîc autem ſiſtit me & percutit miſerans quædam cogitatio. Ego te Roma illa vetus, & ſpecioſa ſuper omnes vſquam aut vîquam vrbes, non ſolùm non video, ſed etiam quæ fueris, quæro? Quæ fueris? imò & vbi fueris: & quî ſcio, an non & aliquando, vtrùm fueris quæretur? Non magis hoc mirum, ſi ſæcla plura current, quàm nunc de Thebis Ægyptijs aut Troiâ dubitari. Nam habet hoc ætas, vt formam primò tollat, tum rem, tum famam & nomen. O ſpes & res humanæ, quid eſtis? quò itis? huc flectite. En potens & ſuperba illa Roma, quæ VRBS AETERNA audiebat; quæ VICTVRA CVM SAECVLIS; quæ DEORVM OPVS ET CVRA, tota perijt, condita in ruinis ſuis iacet, & laboramus cruerè, & adſtruere magnitudini eius fidem.

CAP. III.

*Magnitudo Suburbiorum Roma, & hominum
in totâ Româ multitudo.*

SED philoſophandi alibi ſit locus: curramus nunc inſtitutum curſum. Romam igitur duplicem habemus, veteri ambitu, & nouo: eſt & tertia quædam ſine ambitu, & quæ in ſuburbijs procurrit. Ea quoque ingens, & Plinij imagine oſtendenda: qui ait, *exſpatiantia tecta multas addidiſſe vrbes.* Plures, inquam, ſunt vrbes, & tot quot ſuburbia ipſa. Quæ Tybur, Oriculum, Ariciam, atque aliò excurrabant, ſed maximè Oſtiam & mare verſus. Illuc vel ad xv. aut circiter milliaria procedebant: & fidem huic aſſertioni Neronis conſilium ac deſtinatio faciat. cui ab hac cauſâ viſum, *Oſtiam tenus* (ait Suetonius) *mœnia promouere; atque inde ſoſſâ mare veteri vrbi inducere:* etſi non effecit.

De hac magnitudine iam suo æuo Dionysius: *Omnia loca circa urbem habitata, sine mœnibus esse. in qua si quis intuens MAGNITVDINEM ROMAE exquirere velit, frustrâ eum fore, & hæsurum vbi desinat vrbis, vbi incipiat. Adeò suburbana, inquit, ipsi vrbi adherent & innexa sunt, & speciem IMMENSÆ LONGITVDINIS exhibent spectanti.* Atque eâ mente alibi scripsit, *nullam urbium Græcarum siue Barbararum, vel spatij habitati amplitudine, vel imperij, tantam fuisse.* At maior etiam maiorque post illum. & Aristides Rhetor (sub Hadriano vixit, cùm vrbs in summo flore) comparat eam non ineptè cum Homericâ niue: *quæ excelsorum montium iuga operit, & agros item ac pingua virorum culta.* & addit: *Descendit etiam & porrigitur AD MARE ipsum, vbi commune est emporium, & omnium è terrâ gignentium distributio.* Atque idem haud vanâ μεγαληνοεια: *Tantam Romam esse, vt in quacumque parte quis constiterit, nihil impediât & in mediâ eum esse.* Quem locum hæc talia habeant, nisi in magnitudine istâ adstructâ? At tu vultu renides, & fortasse animo dissentis. AVD. Etiam verbis, si licet. LIPS. Licet verò, atque adeò inuito. AVD. Nam quæ tu sic extollis & producis, Ostiam, Tybur, aliò, hæc omnia ego atque alius dixerit, non habitata ædificia, aut vrbis partes, sed Villas, Prætoria, & voluptarias eiusmodi domos fuisse. LIPS. Sanè alius hoc iam dixit: meministi: sed quem reiicit, præter dicta, multitudo infinita hominum, quæ in vrbe hac totâ fuit. Opportunè enim & hoc argumentum addam pro magnâ meâ Româ. Possumusne igitur satis certò eam multitudinem colligere & adfirmare? possumus è vestigijs scriptorum, quæ sagaciter ibo indagatum. Ex lapide Augusti, sæpè iam nominato, itemque è Suetonio constat, *trecenta viginti millia* aliquando fuisse plebis vrbane: plebis dico tenuioris, & quæ è publico victitaret: imò suprâ. Considera, & institue ratiociniûm: si tanta multitudo inopum istorum, quanta iam etiam diuitum? Quot illi Senatores aut Senatorij, quot equites, & ex ipsâ plebe honesti? Visne illos quoque *trecenta millia* fuisse? age, sunt vel *ducenta* tantum: quid conficitur? pueros feminasque addendas: & quo numero? profectò duplo triploque (si non vltra) superarunt: & ita vbique gentium aut vrbium obseruamus. Si placet igitur, consumma: habemus iam nunc

iam nunc in nostrâ Româ (vix audeo dicere) *duos hominum mil-
liones*. Quid tamen trepido? verum fortiter dicendum est, &
plura etiam addenda. AVD. Plura? at vereor ne iam nunc ex-
tra veri metas iueris, certè opinionis. LIPS. Plura inquam, &
vide. Nónne probabile est totidem seruos Romæ, quot libe-
ros fuisse? AVD. Socratis instituto mecum agis, & interrogan-
do inducis. Sed ego circumueniri metuo, tu tibi responde.

LIPS. Fiat. dico totidem, dico plures. Nam tenuium quo-
tusquisque fuit (vt nunc mores) cui non vnus altérve seruulus?

At diuites illi agmina eorum, * *agmina dico* (& sic Ammia-
nus loquitur) *post se trahebant*. Vnus Pedanius Costa in Tacito,

* Vide su-
prà lib. II.
cap. XV.

quadringentos seruos sub tecto suo & domi habuit, cùm ab vnò *Pedaniy* Serui

eorum est interfectus. Seneca Romanis suis obijcit *seruorum
turbam, quæ quamuis magnam domum angustet*. Et crede mihi ne-
mo diuitum istorum aut lautorum fuit, cui minus centen-
is aut ducenis: qui in varia sua officia aut munia diuisi. Sed quid
ambio, aut argumenta colligo? cape certum & fidei notum te-
stem, iterùm Senecam, de suo æuo: *Dicta est aliquando sententia
in Senatu, vt seruos à liberis cultus distingueret*. Deinde apparuit,
quantum periculum immineret, si serui nostri numerare nos cœpissent.

Quid clarius dici potest, seruos plures liberis fuisse? Nec sic ta-
men omnes habemus: adde. AVD. Abeo. LIPS. Quid tibi est?

AVD. Nam tres aut quattuor milliones mihi iam struis, quan-
tum nec in prouincijs quibusdam aut regnis. Quis hæc ferat?

LIPS. Si ferre non vis, deijce: per me licet. Tamè rem tuam iam
sum dicturus. AVD. Rem meam? LIPS. Tuam. peregrinos tra-
duco Romam. AVD. Hem, hem maneo, ô siste me illïc. LIPS.

Ecce. dico Peregrinos ex toto orbe Romam olim venisse, alios
negotij sui causâ, alios publici, multos & mäsionis. Ita semper
ea vrbs referta ijs, cùm hi inirent, alij exirent: atque ipsa, vt
mare, admitteret, emitteret, nec cresceret minuerétve. Itaque
Aristides Româ dicit esse, *velut COMMVNE TOTIVS TERRAE
OPIDVM*. Item, *omnes gentes, quasi vicatim diuisas, ad hanc suam
arcem conuenire: quæ numquam vlli se negat, sed vt terræ solum fert
omnes, sic hæc OMNES HOMINES capit*. Athenæus quoq; cùm eo:
apud quem ORBIS POPVLVS Romani dicuntur, ab hac causâ:
ipsa vrbs, ORBIS COMPENDIVM ET EPITOME: quæ Polemonis

Sophistæ, apud Galenum, vox & elogium fuit. Eadem *vrbs vr-
bium* : quia *videre in eâ est omnes vrbes collocatas*. deinde addit :
*Deficiat non vnus dies, sed quotquot habet annus, si quis adnumerare
conetur OMNES VRBES IN CAELESTI istâ vrbe positas : idque
ob nimiam copiam. Nam & TOTAE NATIONES illic simul &
confertim habitant : ut Cappadocum, Scytharum, Ponticorum, &
aliarum complures. At tu iterum renides. AVD. Et renitor quo-
que. an Græcis his credam, & sic oratoriè loquentibus ? Dies
deficiat & annus numerantem : item, Tota nationes habitant : &
ista, quæ tu scis dici in speciem, in re non esse. LIPS. In re non
esse ? audi, audi : quoniam Græcis parum apud te est fidei (etsi
in hac re Romanâ & exterâ debebat) audi, inquam, Romanum
igitur testem, & eum Romanâ fide ac candore. Is est Seneca
noster. qui sic ad Heluiam matrem : *Aspice hanc frequentiam,
cui vix vrbs IMMENSÆ TECTA sufficiunt : MAXIMA PARS
illius turbæ patriâ caret, ex municipiis, ex coloniis suis, ex TOTO de-
nique ORBE TERRARVM confluxerunt. Quid ea verba tibi vi-
dentur ? vrbs immensæ tectæ vix capere incolas : item, maximam
illorum partem, exteros esse : denique ex toto orbe eò concurriri. Et
ista mox iterat : ac postquam causas recensuit passim veniendi
varias (lege, & iucunda sunt :) addit : NVLLVM non HOMI-
NVM genus concurrat in Urbem, & virtutibus & vitis magna
præmia ponentem. Iube hos omnes ad nomen citari, & Unde domo
quisque sit, quære : videbis MAIOREM PARTEM esse, quæ relictis
sedibus suis venerit in MAXIMAM quidem ac PVLCHERRIMAM
urbem, non tamen suam. Quid Lucanus ? nonne Romam asserit,*
*—— populis, victisque frequentem**

*Gentibus, & GENERIS, cœat si turba, CAPACEM
HUMANI ?*

Totum orbem hîc includi potuisse ait : & quid potest clarius
pro multitudine, siue & magnitudine nostrâ dici ? Idem poëta
— *mundi facie repletam* Romam scribit : ad tot scilicet illas natio-
nes aspiciens (ex Athenæo audisti) quæ incolebant : totæ in cer-
tis partibus aut regionibus etiam collocatæ. Ita Iudæi trans
Tiberim, alij alibi : atque etiam cœtus & concilia sua habue-
runt. Suetonius indicat in Iulij funere : *In summo publico luctu,
exterarum gentium multitudo, suo quaque more, lamentatur est. Ut iam*
igitur

igitur hoc claudam & definiam, putásne & Seruos & Peregrinos minus *duobus millionibus* fecisse? Ita in vniuersum sint *quatuor* Romæ, & circa eam: nec initius aut contractius, vt scripta veterum sunt, ego possum: Suspendum te animi video: & ego ipse pænè fluctuo: sed validi illi venti Auctoritatum nauim nostram huc impellūt, sistamus & in anchoris firmemus. AVD. Non sanè id potest. nondum in tranquillo es, ne puta. Mihi quoque adspirant venti, & ecce ab Oriente. Alexandria illa sic celebris, sic maxima, sic omnium confessione post Romam secunda, non nisi *trecenta millia* habuit *liberorum capitum*: quod Diodorus tamen quasi pro re magnâ posuit, & adfirmavit. Atquin ea nec multo Româ ipsâ minor. LIPS. Respondeo, Alexandriam longè Româ illâ triplici dictâ minorem esse: & cuius ambitus ex Plinij dimensione, non nisi *quindecim miliarium* esset. Nostra igitur maior: & ipsum hoc de Alexandriâ, contra vulgatam opinionem valeat, de Româ sic paruâ. At verò de incolis, quòd paucos eos facere Diodorus videtur: videsis, & inquire. *De liberis capitibus* duntaxat definiuit: vbi serui igitur? vbi etiam exteri & aduectores, qui in tali negotiosâ vrbe sanè multi? Hæc attendenda sunt, sed istud maxime. quod Diodorus de suo æuo scripsit, id est Ptolomæi penultimi, & Romanæ adhuc libertatis. Atqui tunc Alexandria nondum in flore illo & culmine, ad quod sub Principibus demum peruenit. Quid autem de *trecentis millibus* magnum sit, cum Cæsarea Cappadociæ (nec ea inter vrbes principes) *quadringenta millia* incolarum habuerit? Zonaræ hoc ita proditum, vt testem etiam aduocem: & hunc ipsum numerum, aut circa, Parisiorum nostra Lutetia in censum deferbat, ante vltimas istas tuabas. Quid, quod Diogenes Laërtius in Empedocle prodidit, *Agrigentum Siciliae olim octingenta millia hominum inhabitasse*? Plura eiusmodi exempla sunt: sed hodie, nōne *Cairum* in Ægypto scribitur ad *septem milliones* hominum habere? & *Quinza* illud famosum, ad *sedecies centena millia* (stupeſco) familiarū? Præ quibus nostra illa frequens Roma decreſcat; & dum fidem adstruo, perdam admirationem. AVD. Non apud me, stupeo. & ecce hodierna Roma, quàm relinquitur & abest? LIPS. Nulla comparatio: si frons est, omitte. Paullus Iouius

pro magno scripsit, *Leonis Decimi temporibus, cum omnia infelici
 vbertate & pace, censa Romæ octogintaquinque millia civium &
 inquilinorum: at verò, post cladem sub Clemente Septimo acceptam,
 iterum censu inito, vix ad trigintaduo millia peruentum.* Quid ver-
 bis hîc opus est? vnus panè veteris Romæ vicus sit tam fre-
 quens. Nec mirum est. nam ista hodierna, præcipuos illos
 colles & valles etiam, vacua habet & deserta. *AVD.* Optimè.
 is spontè, quò ducebam. Nam nōne & tua vetus *compluria ha-
 bet illa vacua?* Vbique obuia templa, porticus, basilicæ, thea-
 tra, circi, fora, balneæ, thermæ, cetera publica: quæ vel magnam
 partem, si non maximam, vrbis occuparunt. Deflechte aut re-
 siste, si potes, huic etiam vento. *LIPs.* Resisto, plenis velis,
 prorâ obuersâ. Nam ista quæ tu vacua perperam putas, ego
 aio plenissima fuisse. Balneas & Thermas nominasti: quid? an
 non in ijs multitudo curantium, ministrantium, ad obseruan-
 dum, purgandum, aquam aggerendam, lauandum etiam, fri-
 candum, vngendum, si quis seruum non habuisset? Templa au-
 tem, Basilicæ, Fora, suos custodes & edituos habebât, satis gran-
 di sanè numero, ob sacrificia, ob ornatum, & tutelam. Et pas-
 sim curatores, & serui item publici, in publicis istis locis. Sed
 duo etiam ego omisi, valdè ad frequentiam vrbis, Milites, &
 Palatinos. Milites tot illi, in præsidio Principis aut vrbis erant:
 ijs sui calones, & honestioribus serui plures: scito certò vel ad
centena millia excreuisse. At Palatinos dico, totam Principis au-
 lam: in quâ quot officia aut ministeria fuisse dicemus? Lapidem
 antiquos inspicere: dicent in parte, & suggerēt materiem tibi co-
 gitandi. Est & tertium, sed verecundè vix dico. Meretrices &
 scorta vtriusque sexus (proh pudor! sed res ita fuit) ingentem
 numerum reddiderunt, vt in vrbe quàm multi cælibes, multi
 exteri sine vxoribus, inhabitarent aut frequentarent. Quid iam
 gladiatores, venatores, scænici, quadrigarij, xystici? multa mil-
 lia fuerunt. & ad summam, mi Auditor, desine reflare ampliùs
 & opponere; aut, vides, longiùs longiusque res hæc ibit. *AVD.*
Quiesco tuâ causâ, & credo (vt sic dicam) nec credens. Tamen
 vnum etiam quæsierim: si tot illîc millena millia, vnde ijs ci-
 bus? *LIPs.* Hoc meritò & quæris, & ego decîdam, sed paucis
 Senecæ verbis. *Cogitate, inquit, hanc ciuitatem, in quâ turba per la-
 tissima*

*tissima itinera, sine intermissione defluens, eliditur, in quâ consumitur, QUID QUID TERRIS OMNIBVS aratur. Orbis, inquam, pænè totus hanc suam metropolim adibat, & alebat: quid ambigis alimenta suffecisse? Imò repete quæ suprâ dixi, de Frumentatione: & nunc Aristidis hæc audi. Mare per medium vestrum imperium porrigitur, cui vndique amplæ regiones adiacent, necessaria pleraque vobis subministrantes. Nam ex OMNI TERRA MARIQVE, quidquid vel anni tempora gignunt; vel regiones singulæ, fluvij, lacus; artesque item & ingenia tum Græcorum tum Barbarorum proferunt, ID OMNE ad vos deferitur. Itaque si quis talia omnia videre desiderat; is vel per totum orbem peregrinetur necesse est, vel in vestrà istâ vrbe versetur. Quidquid enim apud alios vel crescit, vel conficitur, hîc affluit & abundat. Tot autem & tantæ onerariæ naues singulis anni temporibus appellantur, ut vrbs * COMMVNIS QVAEDAM OR- * κοινὸν τε
BIS OFFICINA videatur. Ecce, merces vndique habes, copias τῆς γῆς ἀρ-
vndique, frumenta, fructus. Nec plura opus de alimentis: ad- γαστήριον.
dâinne duo argumenta etiam multitudinis, atque vnum ex ijs iocosum? Lampridius scribit, Heliogabalum servis imperasse ut omnes araneas colligerent in vrbe: atque eos collegisse ad decem millia pondo. additque Heliogabalum subiecisse, Vel hinc intelligendum QVAM MAGNA ROMA esset. Verum est: & quot domorum angulos excuti oportuit, ad hoc pondus? & quidem domorum per omnes angulos ferè habitatarum? Alterum argumentum triste, & à peste. In Eusebij Chronico traditur sub Vespasiano (etsi verius Tito) Ingentem Romæ luem factam, ita ut PER MULTOS DIES in ephemeridem decem millia mortuorum referrentur. Decem millia nempe in dies singulos: nec nimium pro Româ: quando in Cæiro etiam lego, ad xx. ∞. hominum in dies assumpta. Itaque & in Suetonij Nerone quod vulgo legitur: Ac- Ca. xxxix.
cesserunt tantis ex Principe malis & fortuita quadam. pestilentia vnius Autumni quâ xxx. funerum millia in rationem Libitinæ venerunt: id falsum prauumque mihi est. Quid enim in magnâ illâ Româ magni, cum in nostris opidis ea sint exempla? Omnino rescribendum; trecenta millia: & interpretes debebant aduertisse. Concludo, & moneo, per hanc frequentiam Romæ factum, ut paullatim Italia pænè deserta esset; cum plerique eò confluerent, ob frumentationes, ludos, & alios
usus*

vsus aut voluptates. Varro iam suo æuo conqueritur, plerosque ex agris in urbem correplisse, & *maluisse manus in theatro mouere, quàm in aratro.* Quod maximè fuit, post Frumentationes sic largiter & firmiter institutas: etsi Lucanus caussam in ciuile bellum conijcit: quasi ab eo stirps Italiæ sic accisa. Sed de solitudine quidem, eadem canit:

— *videmus*

*Tot vacuas vrbes. generis quò turba redacta est
Humani? toto populi qui nascimur orbe,
Nec muros implere viris, nec possumus agros:*

VRBS NOS VNA capit.

Quod postremum epiphonema sanè eximium, pro eximiâ nostrâ Româ.

C A P. II II.

De adificijs Urbis Roma communiter, & eorum altitudo.

ET Roma quidem tanta & tam frequens fuit: inimus nunc ipsam, & perambulamus, & lustramus? **AVD.** O si quis Deus olim hoc mihi dedisset! ô si quis nunc quoque vel per somnium in eâ sistat! **L I P S.** Ego is ero, confide. somnia dicam, & umbras, præut ipsa res & pulchritudo fuit. Periti viri est, mihi crede, non dicam describere, sed capere & credere qualis & quanta ea Roma fuit. Conabor, & minutula dicam: & vel sic fidem fortasse non inueniam. quid refert? aëri & herbis meis hæc sim locutus. Tria in vrbe miranda canit Claudianus:

*Quà nihil in terris complectitur ALTIVS aër,
Cuius nec SPATIVM visus, nec corda DECOREM,
Nec laudem vox vlla capit.*

Altitudinem ecce laudat, *Spatium*, & *Decorem*. De *Spatio* dictum, duo alia exsequamur. Quæ est *altitudo*? siue in collibus ipsis ædificatio, pulchrâ specie; siue singillatim in operibus ipsis. Quod ad colles, quomodo non bellum, videre eos publicis priuatîsq; ædibus inessos; gradatim declinantes; & velut superas quas-

dam

dam vrbes, vrbi inferæ imminentes? Omnino fuit ea facies: & pulchrè expressit Aristides. *Nec verò, inquit, superficiem solum soli occupat, sed longè supra exemplum in aëra altissimè ascendit. Et sicut vir aliquis, qui robore & magnitudine excellit, alios quoque in se sublato ferre gaudeat: ita & hæc non quiescit, nisi & alias æquales sibi superimpositas vrbes, alteram super alteram ferat: quod nominis eius fert ratio, totumque hoc quod hîc videmus, robur & valentia est.* Adeò ut si quis eam diligenter vellet euoluere & diducere, & quæ nunc in sublimi sunt vrbes, aliam iuxta aliam humi collocare; quidquid Italiæ reliquum est, id impletum mihi iri videtur: imò futura una aliqua vrbs ad Ionium vsque sinum. Bellè & *ποικιλῶς*, non nego, attollit, sed hæ figuræ originem à re habent, nec quisquam putet elationes istas, nisi cum causâ & basi esse. Itaque & Plinius, verus & seuerus talium, cùm de magnitudine dixisset: quò, inquit, si quis ALTITVDINEM tectorum addat, dignam profectò estimationem concipiat, fateaturque NVLLIVS VRBIS MAGNITVDINEM IN TOTO ORBE potuisse ei comparari. Quæ altitudo tamen in templis, aut publicis, fateor, maximè: vt in Rutilio, ad Romam:

*Exaudi genetrix hominum, genetrixque deorum,
Non procul à celo per tua templa sumus.*

Significat altissimè in aërem ea surrexisse: & quidni, cùm collibus etiam sæpè imposita? Ceteræ ædes, non communiter sic altæ, nec humiles tamen fuerunt. Nam Augustus Princeps, cùm ambitionem in ædificando videret atque altè attollendo, eamque cum discrimine & periculo ruinæ; siue etiam, quia aërem interciperent, & nimis inumbrarent: coërcuit, vt in Strabone scriptum est, & *septuaginta pedes* definiuit in modo ædificiorum. Nero hoc ipsum postea secutus, cùm ab incendio Romam instauraret, *cohibuit* (vt Tacitus ait) *altitudinem ædificiorum*. Sed modum non expressit noster: fueritque vel ille Augusti, quem oblitteratum, vt solet, iam reuocauit; siue is qui Traiano postea adscribitur à Victore, *pedum sexaginta*. Sed de priore ego malim. Dices. ergone tam miranda hæc altitudo? & nonne hodie magis educimus? Interdum, non nego: sed nec sic communiter: & hoc quoque cogita, multas ædes, & inprimis omnes publicas, extra legem hanc fuisse. Quid si autem & diuites

Q

illi

illi nobilesque neglexerint? ego arbitror, siue gratiâ impetratâ, siue & eâ neglectâ. Et titulus sanè fuit. quia lex in futuras nouas ædes cauebat, structas non diruebat, & fas easdem sic reparare. Quidquid tamen sit, si vulgò ædes omnes *septuagenum* pedum, satis conspicua ea altitudo: præsertim ubi tecta compluiata, aut testudinata, quòd sæpè. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illâ altitudine, quid minus quàm quaterna aut quina canacula? quorum frequentia studebant.

Lib. II.

Vitruuius: *In eâ autem maiestate vrbis, & ciuium INFINITA FREQUENTIA, innumerabiles habitationes opus fuit explicare. Ergo cum recipere non posset area plana tantam multitudinem ad habitandum in vrbe, ad auxilium ALTITVDINIS ædificiorum res ipsa coëgit deuenire. Itaque pilis lapideis, structuris testaceis, parietibus cementicijs, altitudines exstructæ; contignationibus crebris coaxata, & canaculorum summas vilitates perficiunt, & despectationes. Sed hæc de ædificijs nunc non exsequor: & satis de Altitudine libasse.*

CAP. V.

Decor & ornatus ædificiorum. Excerpta quadam, & primò de templo Capitolino exactius dictum.

AD *Decorem* transeo, qui varius, in mole, in materiâ, in artificio, in symmetriâ, & siquid aliud elegantia aut peritia amat. In hac quoque parte, quin vrbs omnes orbis vrbes superauerit, nemo dubitet. nam & fidi auctores dicunt, & opes atq; ambitio Romana facilè persuadent. Quidquid artificum insigniorum Græcia aut Asia habuit, Romam euocabantur, aut vtrò veniebant. quippe hîc præmia: & quidam ex ijs, quibus (vt Taciti verba vsurpem) *ingenium & audacia erat, etiam quæ natura denegauisset, per artem tentare.* Sed primus aut præcipuus Decoris huius auctor Augustus, qui *urbem, vt Suetonius ait, neque pro maiestate imperij ornatam, & inundationibus incendijsque obnoxiam, excoluit adeò, vt iure sit gloriatus, Marmoream se relinquere, quam lateritiâ accepisset.* Alter ab eo, Nero Imperator. qui ambi-

ambitione impulsus urbem incendit, ut nouam melioremque repararet. Videbatur enim, ait Tacitus, condendæ urbis nouæ, & cognomento suo appellandæ, gloriam querere. Itaque eius iussu, urbis domus, non ut post Gallica incendia, nullâ distinctione, nec passim erectæ, sed DIMENSIS VICORVM ORDINIBVS ET LATIS VIARVM SPATIIS, cohibita edificiorum altitudine, ac patefactis areis, additisque PORTICIBVS quæ frontem insularum tegerent. Easque porticus Nero suâ pecuniâ exstruendum pollicitus est. Vides ibi quædam præclara & optanda in vrbe, Ordines vicorum, Latitudines viarum, Porticus protegentes. Ut non temerè idem Tacitus TANTAM resurgentis urbis PVLCHRITVDINEM miretur, & scripto consignet. Quod tunc quidem publicè, sed & priuatim in omni incendio factum Seneca adnotauit: *Timagenes, felicitati urbis inimicus aiebat, Romæ sibi incendia ob hoc vnum dolori esse, quòd sciret meliora resurrectura quàm arsisent.* Et sanè ita fuit, præsertim ad Traianum vsque; cum ab illo, & à Deo, culmen fuisse videtur pulchritudini urbanæ. AVD. Ain, tu, à Traiano? Constantino hanc laudem Nazarius tribuit, in Oratione ad ipsum: *Celeberrima quæque urbis nouis operibus enitescunt, nec obsoleta modò per vetustatem rediuiuo cultu insigniuntur, sed illa ipsa quæ ANTEHAC MAGNIFICENTISSIMA putabantur, NVNC AVRI LVCE fulgentia, INDECORAM MAIORVM PARCIMONIAM prodiderunt.* Vides quanto anteferat hæc noua, aut nouata, omnibus antiquis. LIPS. Ita, sed nempe apud Constantinum. Fidem autem laudationibus istis qui fideliter constare putat, ignarus est oratorij moris. Struxisse & instaurasse quædam illum Principem, lubens credo; quod ad veterem artem aut splendorem, da veniam, hodie non credam. Sed nos Decorem nostrum videamus, quem Plinius communiter sic dilaudat: *At urbis nostra miracula transire con-* Lib. xxxvj. *uenit, & sic quoque TERRARVM ORBEM VICTVM ostendere. quod accidisse toties panè, quot referentur miracula, apparebit. Uni-* *uersitate verò acervatâ, & in quemdam vnum cumulum collectâ, non alia MAGNITVDO exsurget, quàm si MVNDVS ALIVS QVIDAM in vno loco narretur.* Notentur ea & ad Decorem, & ad Magnitudinem malè controuerfam. Sed & Cassiodorus vero & magno ore, de istâc vrbe: *Ferunt prisca seculi narratores, fabricarum* Lib. vii.

septem tantum terris attributa miracula. Ephesi Diana templum; regis Mausoli pulcherrimum monumentum; Rhodi Solis aeneum signum, quod Colossus vocatur; Iouis Olympici simulacrum, quod Phidias formauit; Cyri Medorum regis domum, quam Memnon fabricauit; Babylonie muros, quos Semiramis construxit; Pyramides in Aegypto. Sed quis illa ulterius praecipua putabit, cum in una urbe tot stupenda conspexerit? Habuerunt honores, quia praecesserunt tempore: & in rudi saeculo quidquid emerisset nouum, per ora hominum iure ferebatur eximium. Nunc autem potest esse ueridicum, si VNIVERSA ROMA dicatur esse MIRACVLVM. Ecce consona utriusque iudicia, sed & voces: & Romam totam, ac per partes, Miraculum esse, & inter prima mundi spectacula, iure censent. Vis autem paullò distinctius membra pulcherrimi huius corporis videamus? AVD. Te hoc quaerere? non volo, sed aueo, sed ardeo, ut vero verbo dicam. LIPS. Atqui ne nimis ardesce. nam ego non flumine te perfundam, sed leuiter aliquid aspergam è summis aquis. Tu te ingurgitabis, si uoles, postea: viam designabo & praëbo. Ego autem? an ducem potius alium quaeram ex ipsa antiquitate, qui ostendat? Esto Ammianus, qui Constantij ingressum in urbem Romam describens, ipsum intuentem & mirantem praecipua operum facit, atque ait: Proinde Romam ingressus, imperij virtutumque omnium larem, cum venisset ad RO-
STRA, perspectissimum priscae potentiae FORVM obstupuit: perque omne latus, quò se oculi contulissent, MIRACVLORVM DENSITATE praestriatus, allocutus nobilitatem in CVRIA, populumque pro tribunali, in PALATIVM receptus fauore multiplici, letitia fruebatur optata. Deinde intra septem montium culmina, per accliuitates planiciemque posita urbis membra collustrans, & suburbana; quidquid erat primum, id eminere inter alia cuncta sperabat: IOVIS TARPEII delubra, quantum terrena diuinis praecellunt; LAVACRA in modum prouinciarum exstructa; AMPHITHEATRI molem solidatam Lapidis Tyburtini compage; PANTHEON velut regionem teretem spaciousa celsitudine fornicatam; elatosque vertice scansili SVGGESTVS consulum, & priorum Principum imitamenta portantes, & VRBIS templum, FORVMQUE PACIS, & POMPEII THEATRVM, & ODAEVM, & STADIVM, aliaque inter hac DECORA urbis aeternae. En habes, qui digitum intendant, & ducat: tu sequere, & ardorem

dorem (ita loquebaris) restringue. AvD. Iam risui & ioco me habes palàm. Lips. Egóne? AvD. Tu, tu, & si noctua sim, sepiùs cantem. Nam nomenclatorem mihi das locorum, & paucorum quidem: vbi designator, enarrator, interpres? Lips. Adest: ego pro copiâ & scientiâ aliquid dicam, sed nec ordine quidem Ammiani. Nam etsi præcipua ille tetigit, non placet tamen ordiri à *Foro* aut *Rostreis*, sed potiùs à *Templis*. Diuina, à quibus rerum hominumque ortus, præeant; & totum hoc pulchritudinis agmen ipsa ducant. Nominat ille quattuor templa, *Jouis Tarpeij*, *Panthéon*, *Urbis*, *Pacis*. Quàm pauca è multis? nam primùm hoc moneo, *quadringenta viginti quattuor templa*. Quot fuerint templa. *sc. m. 2. 44*

Romæ fuisse, quod in Notitiâ imperij proditum leges. Noli ambigere, quin pleraque ex his magnifica, & aliter atque aliter structa, vel instructa: sed Ammianus satis habuit, dignitate vel opere prima eorum dare. Itaque à *Tarpeio* exorsus est, siue *Capitolino*: non quia pulcherrimum fortasse, sed quia primarium, & Dei principis; itemque quia multâ substructionum mole, & opibus ac tempore pleraque præibat. Alioqui Plinius, vbi magnifica operum recenset, hoc omittit: imò idem quasi irridet veteres, quòd *Aggeris vastum spatium, & Capitolij insanas substructiones mirabantur*. Sed id non eâ mente dictum, quâ videri possit, non, inquam, deminuit aut abiicit Capitolij ipsum opus; sed substructiones tangit, quas L. Tarquinius Priscus magnas, & *insanas*, vt ipse loquitur, circum collem fecit: dum prærupta eius adæquat, ab imo solo ingentibus lapidibus muro eduçto suffulcit, complanat denique in vertice, & fundamentis parat. Hæc Plinius tangit, & Dionysius clarè exsequitur: quem vide. Alioqui ipsum opus & ædificium non miratur mirabile visum: quid id possit? cùm semper inter eximia fuerit, & urbis prima. Præter Ammianum in verbis dictis, etiam Cassiodorus sic attollit: *Capitolia celsa conscendere, hoc est INGENIA HVMANA SVPERATA vidisse*. Et res sanè dicit & facies, quam etsi tenuiter, lineis aliquot adumbrabo. Mons *Saturnius* primò dictus fuit, in quo hæc ædes, tum *Tarpeius*, & mox *Capitolinus*, à capite hominis (cui viuo *Toli* nomen fuisse Arnobius tradidit) inuento, dum fundamenta moliuntur. Sed hæc nota, non vulgo nimis illud, duplex *Capitolium*

Lib. III. cap. III. *tolium fuisse, Vetus & Nouum. Illud in Regione sextâ Circi Flaminij Victor & Notitia Imperij locant; istud in Regione octauâ Fori Romani. Valerius illud intellexit certò, cùm inter facerrima & vetustissima loca, adiurans nominat: Per Romuli casam, perque VETERIS Capitoliij humilia tecta, & aternos Vesta ignes. Ait Vetus, ait humili tecto: quod vltimum nullo modo in Nouum & sublime illud conuenire potest. Puto & Martialem hæc distinguere, cùm in hominem ludit plurifariam habitantem:*

*Esquilijs domus est, domus est tibi colle Dianæ,
Et tua Patricius culmina vicus habet.*

Hinc vidua Cybeles, illinc sacraria Veste,

Inde NOVVM, VETEREM prospicis inde Iouem.

Cerni ab eo vtrumque Capitolium vult: *Vetus* è colle Auentino siue Dianæ, *Nouum* ex Esquilijs & Vico patricio. Et si fortasse *Nouum Iouem* Domitianum suum vocat, eiusque Palatium intellegit. Sed Varro de vtroque apertius: *Capitolium Vetus, quod ibi Sacellum Iouis, Iunonis, Minervæ: & id antiquius, quàm ædis quæ in Capitolio facta.* Ecce, dicit illud *Vetus*, æuo prius esse quàm hoc *Nouum*, & ostendit in alio item loco fuisse. Sed dices, si prius, si alibi: vnde *Capitolium*? nam vox ea non conuenit, cùm nec mons tunc nomē istud habuerit, nec ipsum illud templum in monte. Respondeo, Varronem hoc occupasse & soluisse lectori vigilanti. Nam ideò, inquit, *Capitolium* non auctor aut conditor, sed posteritas dixit; quia vt in nouo & nobili illo Capitolio, tres illi dii Præsides item colebantur. A similitudine igitur & hoc *Capitolium* est dictum, sed cum discrimine, *Vetus*. Quæras ampliùs, quis autem condidit? & hoc dicam, suggerente Cassiodoro. Nam ille in Chronico, Numæ rebus: *Capitolium quoque à fundamentis construxit.* Ignaro lectori tenebræ sint, & falsi Cassiodorum arguat. quis enim vniquam prodidit Numam auctorem Capitoliij? Et sanè distinguere debebat, & addere, *Vetus*. Ita enim est: ille auctor illius, vnde unde hoc hauserit Cassiodorus; sicut *Novi*, Tarquinius Priscus. Is complanato, vt dixi, monte, struere cœpit, ex voto quod voverat bello Sabino: idq; opido Apiolis capto, vt Plinius ex Antiate refert, è manubijs & prædâ. Sed fato præuentus, absolendum nepoti L. Tarquinio Superbo reliquit, regum vltimo: et si

Lib. III. cap. V. *Seruium*

Seruium quoque Tullium aliquid addidisse, sociorum studio adiutum, Tacitus (sed solus, opinor) dixit. Præcipuus tamen auctor operis Superbus, qui, ut Liuius inquit, *Suesâ Pometiâ è Volscis captâ, diuenditâ prædâ, cum quadraginta talenta argenti auriq̃ue recepisset, concepit animo eam AMPLITVDINEM Iouis templi, quæ digna deum hominumq̃ue rege, quæ Romano imperio, quæ ipsius etiam loci maiestate esset.* Scribit quadraginta talenta: quæ nobis XXIII. millia Philippæorum essent: sed an non quadringenta rescribendum, aliquis ex Dionysio iure contrauertat? Nam ille, ut in re non dubia: *tantum prædæ, inquit, repperit, ut quinque minæ argenti obuenerint singulis militibus, decimæ autem diis sacratæ fuerint non minus* * *quadringenta talenta.* Ea essent, ducenta quadraginta millia Philippæorum: pecunia, haud nego, satis grandis, præsertim è solis decimis: sed res Italiæ & Latij tunc vberes & florentes (quod & alibi videre est) hoc persuadent; tum & ipsum opus eâ amplitudine institutum, quam Liuius deprædicat, & quam exiguâ summâ nemo fabricetur. Nec tamen vel Tarquinius supremam manum imposuit: & gloria operis (ait Tacitus) *liber-* III. HIR.
tati reseruata. Pulsis regibus, Horatius Puluillus Consul dedicauit, eâ MAGNIFICENTIA, quam immensæ postea populi Romani opes orna-
rent potius, quàm auerent. Vides & à Tacito laudari, & consum-
matum hoc opus Puluillo adscribi. Quid igitur est, quod in
 Liuiio, multis annis post lego, in Tribunorum militarium im-
 perio? Eodem anno, ne priuatorum tantum operibus vrbs cresceret, Ca- Lib. v. 2,
 pitolium quoque saxo quadrato substructum est, opus VEL IN HAC
 MAGNIFICENTIA VRBIS CONSPICIENDVM. Hoc narrat, post
 Romam à Gallis captam, & cum ea instaurata à ciuibus fuit.
 Ergone tunc deniq; Capitolium saxo quadrato structum? ne-
 go de ipso ædificio, fateor de monte. Itaque attende, *substructum*
dicit, non exstructum. Est illud ipsum opus, de quo prædixi,
 L. Tarquinij: quod tamen rudi lapide factum, nunc mutarunt,
 & secto quadratoq̃ue splendidius confecerunt. Igitur Pliniana
 illa, de quibus item antea, magis fuerit ad hoc posterius opus
 referri: & istæ sunt *insane ille substructiones*, è quarum ruinis
 vastos lapides erutos patrum etiam ætas vidit. Sed ipsum Tar-
 quinij Capitolium quale fuit? Describit his ferè verbis Diony-
 sius: *Situm est in altâ crepidine, habetq̃ue in ambitu octo iugera: sic ut*
 latera

latera singula ducentorum ferè pedum sint, exigua latitudinis & longitudinis differentia, nisi quòd ista illam vincit vix pedibus quindenis. Quà parte frons eius meridiem spectat, triplici columnarum ordine circumcingitur; ab alijs lateribus, duplici. In ipso sunt tres cellæ, ex ordine, à lateribus communione parietum clausæ. Media est Iouis, & utrimque altera Iunonis, altera Mineræ, sub eodem laqueari eodemque tecto. Ita Dionysius: & verba, si placet, examinemus. Octo iugerum ambitu fuisse dicit: id est pedum octingentorum: sed sic ut quadrum esset, imò pænè quadratum, nisi quòd longitudo quindécim pedibus superaret. Fuit egregia capacitas, si consideras, & apta proportionem. Ait, frontem ad meridiem spectasse: id est Forum Romanum & Palatium versus, frequentissimam urbis partem. Ergo ab eà quoque parte centum gradus, quibus (ut Tacitus, atque alij) superbè adibatur. Quos tamen continuos fuisse non arbitror, & retractiones suas habuisse, ut Vitruuius appellat: id est, areolas, ubi fessi pedem figerent, & respirarent. quas post singulos septem aut nouem graduum ordines solere interponi, architecti notarunt. Gradus autem isti haud dubiè ad maiestatem: eoque & in alijs templis, etsi pauciores, soliti usurpari. Sed ibi ratio, hinc necessitas & locus editior voluerunt. Addit columnarum triplicem ordinem: quas L. Sullam Athenis aduexisse, è templo Iouis Olympij, Plinius nos docet. Atque eas Dionysij tempore ipsas exstitisse, facilè arbitror: post incendium, à Vespasiano mutatas, verbum Plinij dat suspicari. Quàm multæ ex fuerint, haud dixerim: quia varia proportio in collocandis, de quâ Vitruuius videndus. An tamen eiusdem locus non huc facit? Lib. III. cap. III. Format *Pycnostylos*, *Systylos*, *Diastylos*, *Aræostylos*, *Eustylos* ædium species: ijs enim Græcis vocibus vtuntur: & in *Aræostylis*, inquit, nec marmoreis nec lapideis epistylis uti datur, sed imponendæ sunt trabes de materia perpetuæ: & ipsarum ædium species sunt *baryce*, *barycephalæ*, humiles, latæ, ornantque signis fictilibus, aut æreis inauratis fastigia earum, Tuscanico more. Ut est ad Circum maximum Cereris, & Herculis, Pompeiani item Capitoliij. Sanè Pompeianum Capitolium nemo legit, opinor; nec ipse Pompeius manum adinoui, aut potuit: nisi quis accipit de Capitolio, quod Pompeijs fuerit Campaniæ opido. Nam & coloniæ, uti scimus, Capitolia sua habent.

Lib. xxxv.
cap. vi.

habebant. Sed tamen, quia utitur hîc Romanis exemplis (vide alia:) non displiceat distingui, *Herculis Pompeiani, item Capitolij.* Itaque Capitolium fuerit inter *Araostyla*, id est raris columnis distincta. Pergit Dionysius, *tres in ipso cellas esse*, siue ut ipse appellat * *οὐκός*. Ea res nota est, & versus Aufonij,

Trina in Tarpeio fulgent consortia templo.

Quod imitabantur item in colonijs: eoque Arnobius scripsit:

Nonne vides in Capitolijs omnibus virginales esse species Minerva-

rum? duos alios deos ibi omittit. An autem non alij dij in Capitolio? non quidem in isto templo; excipio Iuuentutem, & Terminum: qui cedere scilicet noluerunt exaugurantibus. Ita-

que eorum ara (ait alibi Dionysius) *continentur templi ambitu atque* Lib. III.

vna in vestibulo cellæ Minervæ est, altera in ipsa cellâ iuxta pulvinar.

Quod igitur in Tertulliano legitur: *Capitolium omnium demonum* De Spec-
tac.

templum est. itemque in P. Victore: *Capitolium, ubi omnium Deo-*

rum simulacra celebrantur. in Cicerone: *Deorum domicilium:* ea in-

quam omnia, de ipso monte capienda sunt, qui passim & pænè

totus deorum aris, statuis, templis infusus: quod facile tibi in-

ter legendum obseruitare. Sed dixerat etiam Dionysius, *cellas*

istas à lateribus communi pariete clausas. Quid hoc est? ut nullum

discrimen aut interpositio parietum fuerit? imò opinor fuisse,

aut certè columnarum, & sacelli atque ædiculæ speciem singu-

las habuisse. Nam ita ipse Dionysius, *περὶ τῆς Ἀθηνᾶς* (in ver-

bis, quæ iam verti) *vestibulum ædis Minervæ, & ut sic dicam*

pro templum. Ita & Liuius: *Quadrigæ inauratæ positæ in Capitolio,*

in cellâ Iouis, supra fastigium ædiculæ. Plinius verò & *Delubrum* di-

xit: *Proserpinæ tabula fuit in Capitolio, in Minervæ delubro, supra ædi-*

culam Iuuentutis. Distinctio igitur: sed mens, Dionysij, tres ipsas

tamen cellas communi totius templi pariete clausas. Nisi quis

etiam censet, *Ædículas* istas fuisse non nisi caua quædam in ip-

so pariete, ad statuas illocandas: quod in Panthéo videmus:

quibus non accedam. Ista ex Dionysio: an & à me aliquid ad-

do? faciam, si prius distinxero inter Capitolia, quæ quattuor in

hoc ipso loco, ex ordine, fuere. Nam primum illud Tarquinio-

rum, bello civili Sullano, incendio periit, negligentia custo-

dum. Alterum ipse Sulla instruxit. sed nō dedicauit: quod vnum

Felicitati suæ defuisse, ipse apud Plinium fatetur, & Tacitus adno-

R

tavit.

* Hefych.

Σινός ἐν-

δὲ τῆς

τοῦ τῆς

ἐπὶ.

tauit. *Lutatij Catuli nomen*, ait Tacitus, *inter tanta Caesarum opera, usq; ad Vitellium mansit*. Et si Dio tamen scribit, *Caesari Iulio, inter alia honorum, decretum à Senatu: vt nomen eius Capitolio inscriberetur, deleto Catuli: idque eum admisisse*. Sed Taciti assertio fir-
 mior, mihi quidē, fideliorque. Tertium fuit à Vespasiano. nam illud Catuli arsit ciuili iterum bello Vitelliano: atque iste repa-
 rauit iisdem vestigijs, sed & dedicauit. Dedicauit inquam, & Plutarcho scribenti hoc accredo: magis quam Victori, qui Do-
 mitiano tribuit: *Multa, inquit, opera inchoata per patrem, vel fratris studio, atque imprimis Capitolium, absoluit*. Non vinces hoc, ô Vi-
 ctor. Vespasianus absoluit, dedicauit: sed à morte eius, sub Tiro, statim arsit (Suetonius, & Dio in Tito:) atque ita quartum Do-
 mitianus instaurauit. Habes igitur quaterna Capitolia, sed in eodem loco reposita semper, & innouata. Tacitus & Dionysius
 quoque, id notarunt: sed verba illius: *Iisdem rursus vestigijs situm est, postquam interiecto CCCXXV. annorū spatio, L. Scipione, C. Norbano Coss. flagrauerat. Hoc de Sullano: de Vespasiani, idem: Pas-*
sim iniectæ fundamentis argenti auriq; stipēs, et metallorum primitiæ nullis fornacibus victæ. Prædicere haruspices, ne temeraretur opus sa-
xo auroræ in aliud destinato. ALTITVDO *adibus adiecta. id SOLVM religio annuere, & prioris templi magnificentia defuisse creditum, quo tanta vis hominum retinenda erat.* Noto obiter religionem Roma-
 norum, qui liberaliter contulerunt ad opus faciendum, stipi-
 bus coniectis. Ille enim finis. sicut & in Cicerone scriptum de illo Sullano: *id Capitolium publicè coactis fabris, operisque impera-*
tis, GRATIS exadificatum atq; effectum esse, ita vt ex arario nihil da-
rent. Quod equidem miror satis, sed quinto in Verrem ita scripsit. *AVD.* Religiosum sæculum, præ nostro. sed quæ aut quan-
 ta illa multitudo hominum est, quam Tacitus retineri vult? *LIPS.* Haud difficilis collectu. Si enim laterapedum ducentorum, reddentur fientque in arcæ pedes *quadraginta millia*. Da singulis insistentibus pedes *quater-nos* (sufficiunt, cum militi in acie lo-
 cato & armato Polybius det non nisi *senos*) da inquam *quater-nos*: nonne vides *decem millia* potuisse retineri? Sed tolle aliquid, si vis, in columnas & alium apparatus: largiter tamen supererit pro *octo millibus*. *AVD.* Hæm! magna capacitas, & rara talia nostra templa. *LIPS.* Semel omitte de nostris: vincimur, si compara-
 ramur.

ramur. Et tamen de mole aut magnitudine, tale aliquid esse potest, aut & excedere: de arte, materie, ornatu quî potest? Sed Tacitus *Altitudinem* adiectam, super priorem, disertè scribit: quæ fuit? haud diuino: pro symmetriâ latitudinis oportet ingentem fuisse. Et Silius ita indicat, apud quem Iupiter prædicit de illo Domitiani:

Aurea Tarpeia ponet Capitolia rupe,

Et iunget nostro templorum CULMINA CAELO.

In cælum educit: sicut & Tertullianus, Apologetico: *Nam et si à Numâ concepta religio est, nondum tamen aut simulacris aut templis res diuina apud Romanos constabat: & nulla CAPITOLIA CAELO CERTANTIA, sed temeraria de cespite altaria, & vasa adhuc Samia, & Deus ipse nusquam.* AVD. Et tu hæc recitas Lipsi? LIPS. Quid ni recitem? AVD. Et attendis? LIPS. Quidni? AVD. Atqui euerunt paulloantè à te dicta, de Capitolio Numæ. Nam quomodo illud fit, & cum tribus suis dijs, si tunc nulla templa, si nullæ statuæ? LIPS. Benè obseruasti, & de industriâ plura illa verba (vide quàm fallere voluerim) adduxi. Adduxi, vt expedirem: & ecce. Non negat vlla Capitolia fuisse, sed illa alta & *cælo certantia*: nostra humilia cur destruat? Nam vt dem statuas nondum fuisse (quod alibi & Varro tradidit:) tamen de templis idem dicere anceps sit, & Liuius, Dionysius, Plutarchus refellant. qui disertè *Termino, Fidei, Vestæ* templa à Numâ posita adfirmant. Et verò si priuatæ domus, si curiæ publicæ; cur non & ea dijs essent? ratio videtur velle, præsertim apud homines cultui deorum sic addictos. Sed de altitudine certiora non habeo: quæ minima esse potuit, fuit *pedum ducentorum*: sicut in Panthéo Agrippæ, par item latitudo & altitudo. AVD. Heus tu, in loco Taciti etiam me tenuit, quòd ait *altitudinem adiectam*: & debuisse, quòd *tanta vis hominum retineretur*. Quid ergo altitudo facit ad laxandum locum? non intellego, nisi si porticus aut inædificationes superiores aliquæ, vt hodie in quibusdā templis. LIPS. Apage, nihil difforme in vniformi isto opere: sed Taciti mens, iuuisse & decuisse altitudinem vbi multitudo, vt aër laxior ac liberior, ad respirandum, ad refrigerandum. Alioqui, vbi arctatio & compressio, scimus quàm subito animo malè fiat. Quod tamen ad Porticus, non in ipso templo, sed circà

fuisse, pro communi structurâ, facilè credam: & Tacitus indicium facit. Sed ab ædificijs iam ad Ornatum pergo: qui tamen varius in vario isto opere. Quis in Tarquinij? aliquid è Liuiο haurire est sparsim. vt libro X. *Fœneratores aliquot mulctati, & ex eo quod in publicum redactum est, ÆNEA in Capitolio LIMINA, & trium MENSARVM ARGENTEA VASA in cellâ Iouis, Iouemq̃ue in CVLMINE cum QVADRIGIS Ædiles posuerunt.* Iterū libro XXIX. *Quadrigæ AVREAE eo anno in Capitolio positæ ab Ædilibus.* Et libro XXXV. *Ædiles multos pecuarios damnarunt. ex eâ pecuniâ clypea inaurata in fastigio Iouis ædis posuerunt.* Denique libro XXXVIII. *Seiuges in Capitolio AVRATI ab Cn. Cornelio positi: Consulē dedisse, inscriptum est. Et duodecim clypea ærata (lego aurata) ab Ædilibus sunt posita ex pecuniâ quâ frumentarios damnarunt ob annonam compressam.*

Lib. xxiiij. *& duo item signa aurata. Hæc ex Liuiο: istud è Plinio, post Carthaginem euersam, laquearia in Capitolio inaurata esse: id est, totum illud internum celum & camerationem. Nec plura, dici quidem digna, notauī. Quid verò in Catuli? omnia haud dubiè, in istis iam opibus, opulentiora: illud notabile reperio, quòd sua ætas (Plinij verba) variè de Catulo existimauerit, quòd TEGVLAS Capitolij AEREAS INAVRASSET primus. De quibus & in Senecâ patre: *Fastigiatis suprà tectis, auro puro fulgens, prælucet Capitolium.* Sanè hoc magnificum & verè splendidum fuit: & quis ille fulgor, Sole irradiante? Fuit & ad firmitatem aptum æs, & contra æruginem aut rubiginem valuit inductum aurum. Cetera donorum & ornamentorum varia, *Coronæ aureæ, Victoriæ aureæ, Candelabra, vasa, & quæ tu tibi subijcias: sed quod ex Dione omnino obseruandum, omnibus his detractis, ex Ægyptiacâ prædâ alia victor Augustus reposuit: detractis ex Sc.¹⁰ & vt tam multis his nouis & melioribus locus fieret. Et si quædam veterum retenta, non ambigo: sed ordine & iudicio Augusti disposita, vt apta & concors tota facies esset. Id verò ipsum tempus fuit, quo vnâ donatione in cellam Iouis Capitolini contulit * XVI. millia pondo auri, & * quingenties HS. in gemmis: quod in Suetonio leges. In cellam dico Iouis, quid censes in duas alias? nam & eas dona sua accepisse Dio disertim dicit, Et vel ex eo discce opes & ornatum Capitolinū: qui quàm ingens & ADMIRANDVS fuit, si vnus modò Principis, & vno tempore, tot dona? Pleraque tamen horum periēre incendijs,**

* 1600000.

Philop.

* 1250000.

Philop.

dijs, vt opinor: & videamus vltimum Domitiani. In eo *columnas Pentelicas* fuisse, quæ Athenis aduectæ item essent (vt & illæ Sullanæ) Plutarchus in Poplicolâ scribit: cum hoc iudicio, quod pulchriores Athenis visæ sibi essent, quoniam Romæ dum nimis secant & poliunt, nitorem addidissent, symmetriam detraxissent. Cetera quæ & quanta, ex eiusdem Plutarchi verbis suspicemur: qui ait in solam inaurationem, priuatum omnem modum excedentes opes impensas, nempe supra duodecim millia talentorum. Ea sunt nobis septuagies bis centena millia Philippæorum; siue septem milliones, & quod excedit. AVD. Hui! verberas me. LIPS. Semper tiro? mirum te viuere. AVD. Quid iam? LIPS. Nam assidue vulnera accipis, & oportebat iam confectum. AVD. Tua hasta Pelias est; & vulnerat & sanat: perge. LIPS. Tanti igitur inauratio: quæ fuit non in Lacunaribus solum, sed in Tegulis æreis, vt illo Catuli. de quibus Epigramma Græcum in Anthologiâ, vbi Æream domum in Palatio Byzantino laudat:

Εἴζον ἀρεσιτέροις χάρις Καπιτολίδ' ὄψιν αὐλῆς,

Εἰ καὶ χαλκῶν δέξων ἀμαρύνματα πέμπεις;

Cede etiam melioribus & Tarpeia rupes,

Et si ex aratis iacis aurea fulmina tectis.

Et Procopius adnotauit, Gizerichum regem Vandalorum, cum alia decora Romana secum in Africam vexisse, tum & partem tegularum Jouis Capitolini inauratarum dimidiam. Nec tecta modò inaurata, sed ipsæ Fores auratæ, & crassis laminis obductæ: quæ mansere ad Honorij Imp. æuam. Tunc in pecuniæ inopiâ, Stilicho mandasse perhibetur (scribit Zosimus) vt fores in Capitolio Romano, quæ auro MAGNI PONDERIS erant obductæ, laminis ijs spoliarentur. Cum autem qui hoc facere iussi erant, id agerent; in parte forium scriptum reppererunt, INFELICI REGI SERVANTVR. Quid euentus dicuit. nam Stilicho paullo post infeliciter periit. Ita Zosimus: nec velim nimis te, vt singularia, hæc mirari: puto in pluribus templis fuisse. Poëtæ sanè aurea templa non semel appellant: & auctor libelli De causis corruptæ eloquentiæ: Quid enim si infirmiora horum temporum templa credas, quia non rudi cemento, & informibus tegulis exstruuntur; sed marmore nitent, & auro radiantur? Marmore in parietibus, auro in lacunaribus & tectis. Ideò Micantia Rutilianus dixit:

R. 3;

Confun-

Applicandis
his Spiritibus

*Confunduntque vagos delubra micantia visus,
Ipsos crediderim sic habitare deos.*

Et de Templis in eâ laudatiunculâ concludam.

CAP. VI.

Item de templo Panthei, Urbis, & Pacis.

A V D. Ego aperiâ, & laxabo. Nam quid me tam fluxâ memoriâ censes, ut oblitus sim Ammianum plura laudasse? & nominatim *Panthéon, Urbis, Pacis*. Dic de singulis, nec excide tuâ lineâ, quam ipse duxisti. LIPS. Sed ex vno illo specimine, facile de alijs iudicare. Tamen fidei meâ causâ, cape. *Panthéon* ab Agrippâ genero Augusti structum fuit, & opus notum est, hodieque (etsi ornamentis omnibus spoliatum) ipsum corpus exstat. Struxit in tertio Consulatu suo, quod inscriptio frontis indicat: sed perfecit biennio post & dedicavit, anno urbis DCCXXIX. ut est in Dione. Quæ causâ nominis, ipse Dio dubitat, & scribit: *Panthéon sic fortasse dicitur, quia plures deorum imagines in simulacris Veneris & Martis complecteretur; vel ut ego censeo, à formâ illâ deuexâ rotunditatis, & quia cælum referret*. Prior explicatio pluribus placita, etsi non ipsi Dioni: & lego in Glossis illis priscis, *ὡς ἀνὰ τοὺς οὐρανούς, ὅτι πάντες θεοὶ ἐκεῖ ἐσὶν*, *omnium deorum*. Sed & Athenis, atque alibi, *τὸ κοινὸν τῶν θεῶν ἱερόν* fuisse, *commune Deorum templum*, ex Pausaniâ disco. Cui & origo esse apud Romanos potuit, ex communi deorum sacro: de quo Festus. *Pandicularis*, inquit, *dies dicebatur, idem & Communicarius, in quo omnibus diis communiter sacrificabatur*. Sed Dio tamen aliter: & mouit eum, credo, quod pauca & certæ in eo statuæ essent, neque dijs communiter positæ. Fuit enim *Martis, Veneris, & Caesaris Julij*: ipsius Augusti in vestibulo cum suâ posuit Agrippa. Ita Dio. quem miror *Jouis* omisisse: cum Plinius scribat, *Panthéon Ioui Ultori ab Agrippâ factum*. Itaque ille præcipuus, & præses ibi Deus, fuisse videtur: sed & plures alij, eoque nomine haud malè *Panthéon*, etsi Dio à cœli formâ magis petit; quoniam id scilicet receptaculum & sedes Deorum. Lego autem & *Pantheus & Panthea*, pro ipsis Dijs: sed

* In cuius
auribus so-
lus famo-
sus ille vnio
Cleopatra.
Plin. lib.
XXV.

sed aliâ significatione, itemque scripturâ; nec aliud est, quam omnino Deus, aut Dea. Idem Dio scribit, sororem Caligulae Drusillam consecratam ab eo, & ab omnibus Pantheam dictam. In lapide item veteri exstat: DIVO. PANTHEO. EX. * v. Sed de * voto. nomine satis: in re ipsâ etiam quid me diffundam? nisi si lingua potest in istis, quod non oculus: atque ecce Romæ exstat, & imagines circumferuntur. AvD. Ita est. sed de ornatu qui periit, ecquid habes? LIPS. Pauca. sed tamen hoc inter pulcherrima operum Plinius recensuit: quid mirum vel ab ipso isto corpore, sed spoliato & nudo? Nam artificium & symmetria per omnes partes maximas, minimas, in eo mirabilis; decor, ordo, deuinctio singularis; vt Sebastianus Serlius, vir peritissimus talium, habendum censeat hoc velut vnicum exemplar consummatae Architecturae. Latitudo atque altitudo par est, pedum CXLIII. Amisit de specie, quod rudera locum sustulerunt & gradibus in templum nunc descenditur: atqui antea ascendebatur. Tectum & ipsum æreis tegulis, quæ prægrandes aliquot in fornice repertæ: nec dubitandum & has auratas fuisse. Abstulit eas tegulas Constantinus Heraclij filius, vt pleaque alia ornamenta Romæ reliqua: auexit in Siciliam, & Saraceni inuadentes omnia auferunt, in Ægyptum auhentes. Plura super hoc templo haud dixerim; & omnia membra eius descripsit & mensus est Serlius, quem fas videre. Admoneo exustum fuisse, magno illo incendio sub Tito, cum & Capitolium tertio arsit. Id ita in Dionis compendio scriptum: & refecit Domitianus. de quo Cassiodorus capiendus in Consulatu eius IX. *Insignissima Romæ facta sunt, Forum Traiani, Thermæ Traiani, Meta sudans, & Panthéon.* Sed nec diu post, Traiani anno XIII. (quod in Eusebij Chronico est) fulmine ictum conflagrauit: & ab Hadriano restitutum, Spartianus dixit in eius vitâ. Itaque non soli ij restituerunt, qui in fronte operis hodieque insculpti leguntur, L. Septimius Severus, & M. Aurelius Antoninus: sed iam dicti. Mutavit & transijt in melioris templi visum, & à Venere ad nostram Virginem, faciente Bonifacio quarto Pontifice, sub anno Christi DCVII. Is petijt Phocam, ait Regino, vt in veteri sacro sano, quod Panthéon vocabatur, & à Domitiano fuerat exstructum; Eccle-

Panthéon Templi Romæ

Panthéon Virginis

Ecclesiam sibi facere liceret; quod annuit Imperator. Ista de Romano Panthéo. sed reperio & in prouincijs alibi, ad hoc exemplum. Zozomenus certè in pago Betheliâ (vnde ipse oriundus) ditionis Gazensium, Panthéon fuisse ait, antiquum & apparatus templum, quod in cliuo manufacto, velut in arce situm, totum pagum despectabat: atque addit arbitrari se Syricâ voce Betheliam inde dictam, quod Græcè πανθεῖον sonat, siue θεῶν οἰκηθῆαι, deorum domicilium. Ita ille scriptor Eccles. Hist. lib. v. cap. XIII. Sed trans eo iam & lustro obiter templum VRBIS. Quod istud est? inquires. nempe Domina urbis, illius Æternæ, & Cælestis. O infaniam! ædificijs & inanimato corpori non vitam solùm attribuere, sed numen! Atqui fecerunt, & vrbs hæc, in quâ sedes tanti imperij, tamquam in eâ potentia & diuinitas, sic culta. Prudentius meritò irridet:

— colitur nam sanguine & ipsa

More Deæ, NOMEN QVE loci, ceu NVMEN, adorant.

III. Hist.

* Circa annum vrbis
DLVIII.

Inuentio & adulatio à Græcis Asiaticis est: apud quos Smyrnæi (quod ipsi gloriantur, & Romanis imputant, apud Tacitum) * *primi templum VRBIS ROMAE statuerunt.* Nec defuerunt alij sequi exemplum: statimque Alabandenses in suâ vrbe struxere. Quo fine? vt propitiam sibi non Vrbem, sed Urbis incolas & rectores haberent. Itaque nolunt eos hoc nescire; & in Liuiio, apud Senatum *Alabandenses templum ROMAE se fecisse commemorant, & ludos anniuersarios instituisse ei Diuæ.* Etiamne ludos? ita sanè, & isti sunt pulcherrimi, quos vel nunc in Senatu edunt. Quàm credis risisse quosdam Patrû, in his ineptis & verè Græcanicis adulationibus? ego haud minus censeo, quàm cum Prusias rex ab illâ Asiâ, veniret ad curiam raso capite, & pilleatus, limen curiæ oscularetur, adoraret Senatum, & *Liberum* se clamaret *populi Romani.* Ita igitur initium, sed in prouincijs. imò nec sub Principibus statim *Romæ*, in ipsâ Româ, templum. Lego in Hadriani rebus: *Ædem Bonæ deæ transfulit, & Colossum stantem atque suspensum, per Demetrianum architectum, de eo loco in quo NVNC templum VRBIS est, ingenti molimine, ita ut operi XXIII. elephantes exhiberet.* Ait, Colossus stetit in loco ubi nunc Urbis templum: non ergo tunc adhuc erat. Sed ille ipse tamen Princeps fecit: imò hanc causam arbitramur translata Colossi.

Colossi. In Dionis compendio est: Hadrianum struxisse Veneris & Romæ templum, atque eius designationem & diagramma missum ab eo ad Apollodorum insignem architectum (cui tunc offensior erat) ut ostenderet & absque eo INSIGNE OPVS posse perfici. quasiuit-que ecquid placeret structura? Ille verò liberè respondit, & de Templo, quòd sublimius & magis cauum capaxque fieri debuisset: uti & in viam Sacram conspectus ex alto emereret, & in cauum Machinas acciperet, quæ in occulto ibi compactæ, subitò & ex improviso in Theatrum induci possent. Hæc ita in Græco. nam interpret, quod mirere, solum Veneris templum posuit, Romæ omisit. Atqui iunctæ deæ fuere: & sic Notitia imperij, Templum Veneris & Romæ nominat. Prudentius:

*Atque Urbis Venerisque pari se culmine tollunt
Templa, simul geminis adolentur thura deabus.*

Nec ineptè Venus iuncta, Æneadum mater, cum suâ prole. Vbi fuerit, ex Dione licet conijcere, qui *Via Sacra* adiungit: & Notitia in Regione templi Pacis ponit. Claudianus in monte Palatino. Nam de illo capiendum est, cum in laudibus Stiliconis facit Prouincias venisse, & adisse supplices ipsam Romam:

*Conueniunt ad tecta Deæ, quæ candida lucent
Monte Palatino.*

Lib. II.

Crederem igitur ad radices montis fuisse, circà aut in Comitio: & in diuisione tamen vrbs accensitum Regioni Pacis. De Machinis autem, quod in Dione est, ad Pegmata pertinet: de quibus in Amphitheatro olim scripsimus: & videntur in templis opportunis disposita, composita occultè (quò admirabiliora ex inopinato essent) & sub tempus educta. Sed sequitur nunc Templum ipsum PACIS. AVD. Paullisper mane. & nōne Genij publici templum etiam lego? LIPS. Legis, sed distinctum ab isto Urbis: & hoc verecundiùs paullò & minùs insolenter excogitatum. Nam Genium locis, regionibus, ciuitatibus tribui, satis est frequens & notum. Itaque in Dione νεὼς τῆς ᾠρῆς τῆς δήμης, templum Genij populi, aliquoties nominatur: sed diu antè Urbis, & quidem ab anno DCCXLI. ante Principatum Augusti. Sed & Antiochiæ, Alexandriæ, atque alibi Templum Genij leges. AVD. Amplius etiam, ruminor Spartiani verba de Hadriano: qui Bonæ deæ adem transfudit, & Colossum. Sed quæ ista ædis translatio? si

S

com-

communis, vt alibi dirutam poneret; quid miri aut narrandi est? siquid ab arte aut nouum latet, me doce. LIPS. Nescio. sed ædes totas transferri, mihi nouum non est, & in Batavis vidi factum. Quid, quòd Tiberij æuo architectus fuit, qui *maximam porticum iacentem & inclinatam, lanâ & centonibus circumdatam* (credo, ne videri artificium posset) *funibus & machinis, multorum-
que hominum manibus admotis, in pristinum restituit, firmam & re-
ctam?* Quod Tiberius alijque nimis mirati sunt: etsi ille inuidiâ motus, nec nomen quidem eius Actis inferi sit passus. Quod ad *Colossum* autem, nōne Roma nuper in Obeliscis simile vidit? Sed hoc hīc notabile, quòd iste architectus, nec inclinauit eum quidem, sed *stantem*, vt ait, transtulit & *suspensum*. At tu extra oleas me ducis: *Pacem* autem ego iam afferebam, tu distulisti. AVD. Egōne illam? ô vbi es, non Dea quidem, sed summum à Deo bonum! Veni, veni, reuise miseros Belgas, tot iam lustra ciuilibus exterisq; bellis iactatos. LIPS. Iam venit, confide: sed Iuno aliqua eam ducit aut præit. Hanc Vespasianus Romæ consecrauit, magnâ spe & animo mansurâ, post ciuilia tunc quoq; bella. Id opus à Claudio incohatum aliqui tradunt: sed abnuit Suetonius, & *Fecit NOVA opera Vespasianus*, inquit, *templum Pacis, foro proximum*. Habes & locū: ac nunc vestigia exstant, & ex ijs operis ipsius forma. Grande fuit, & longitudo *trecentos* pedes attigit, latitudo *ducentos*: igitur supra Capitolium ipsum. Hac causâ meritiò Herodianus id appellat μέγιστον καὶ κάλλιστον ἔργον ἐν τῇ πόλει ἔργον: *MAXIMUM & pulcherrimum omnium in vrbe operum*. Additque: *ditissimum* item fuisse, *ornamentis auri & argenti ex-
cultum*. Fecisse id sub initia imperij, & post triumphum, ex Iosepho discas: cuius verba lubet dare, ad vniuersam eius notificationem. Libro VII. Excidij ait: *Post triumphos, & firmam
imperij constitutionem, statuit templum facere Paci: fecitque citò ad-
modum, & pulchrius meliusque omni opinione perfecit*. Magnis enim opibus in hanc rem usus, & priscorum etiam præclara omnia adhibens, *picturis & statuis pulcherrimis adornauit*. OMNIA enim in hoc templum collata & disposita sunt, ob quæ homines, videndi cupiditate, arteâ per TOTVM ORBEM vagabantur. Posuit & hic è Iudæorum templo vasa aurea, in ijs sibi placens: etsi Legem ipsorum, & vela tabernaculi aurea, in Regiâ suâ posuerit, ibi custodienda. Hæc Iosephus;
& Pli-

& Plinius consonat, qui passim pulcherrima aut rarissima operum adnotat fuisse in templo Pacis. Vno etiam loco scribit: *Ex omnibus quæ retuli, clarissima quæque in Urbe iam sunt, dicata Vespasiano Principe in templo Pacis, alijsque eius operibus, violentiâ Neronis in urbem conuecta, & in sellarijs domus aurea disposita.* Quod magis impressiusque refero, ut tristius damnum cognoscatur, quod factum est templi huius incendio sub Commodò. Tunc enim, ut Herodianus refert, leui terræ motu præuio, siue ictu fulminis, siue igne è terrâ exspirante, subito & improuisò totum conflagrauit, itemque Porticus, & totus eius ambitus: malo sanè augurio, ut tunc Romani haud vanè interpretabantur, perijsse sibi Pacem. Inter adiecta autem vel circumiecta, perijt & Bibliotheca quæ in ambitu eius templi erat: cuius in A. Gellio memoria exstat.

Lib. xxiii.
cap. viii.

CAP. VII.

Fora Romana descripta; & distinctè Romanum, Iulium, Augustum, Transitorium, Vlpium.

DE Templis peregrinus: ex eodem Ammiano *Fora* nunc excerpo. Quid opus est? inquires. aut quid magni operis in apertâ planicie? Hoc enim, pro nostris moribus hodie, tu aut alius dixerit: quia hæc *Fora* parum, aut nihil, ornati profectò habent. Area tantum est, & ædificia cingunt, alta, humilia, splendida, vilia; denique ut priuatorum solent. Quàm aliud in Romanis *Fõris*, sed & Græcis? de quibus Vitruuium licet audire: *Græci in quadrato* AMPLISSIMIS & DV- Lib. v. c. i.
PLICIBVS PORTICIBVS *fora* constituunt; CREBRISQUE COLVMNIS, & lapideis aut marmoreis epistylijs adornant, & supra AMBVLATIONES in contignationibus faciunt. Atque hæc ipsa, ut addit, Romani; nisi quòd non quadrata æqualiter, sed oblonga magis faciunt, nec nisi tertia latitudinis parte. Sed nec columnas tam crebras interponunt: & (ut ego hoc addam) Romæ etiam magnis circumpositis ædificijs, ut *Templis*, *Basilicis*, *Chalcidicis*, magis ornabant. Ut tamen formam aliquam capias, ambitus ipse *Fori* porticibus

claudebatur, vijs relictis & spatijs ad intrandum: exterius deinde, Tempia, & quæ dixi circumponebantur, & latè super Porticus illas eminebant. In paruo exemplo, nonne *Bursam*, vt vocant, Antuerpiensium vidisti? fac maiorem, & oblongam esse: habes (quod ad Porticus attinet) imaginem prisce alicuius Fôri. Sed membra singula iam videamus. Ait Vitruuius, *duplices Porticus* fuisse: in altitudinem, aut latitudinem? vtrumque potuit: sed credo magis in latitudinem fuisse, vt latiùs inambuletur. Tamen nec de illâ nego, cùm satis clarè addat, & præcipiat: *vt superiores columna, quartâ parte minores, quàm inferiores constituentur: propterea, quòd oneri ferundo, quæ sunt inferiora, firmiora debent esse, quàm superiora.* Ergo & duplex columnatio in altum solita vsurpari: sed in latum sæpissimè, atque adeò triplex, quadruplex quintuplexque: quàm pulchrâ tot columnarum serie, & superbâ facie? Capitolinus in Galieno scribit: *quòd is Porticum Flaminiam, vsque ad Pontem Muluuium parauerat ducere, vt tetrastiche fieret, aut etiam pentastiche.* Intellegit quaternos aut quinos istos ordines: qui tamen rari haud dubiè erant. Iam super istas Porticus, Ambulationes erant: quod ipsum in Antuerpiensi Bursâ. At reliqua iam, quam imaginem hodiernam admittunt, *Basilica & Tempia?* nullam. Quid *statua*, & interior ille ornatus? nullam. Talia igitur Fora, vt communiter hoc præmiserim: veniamus ad ea magis singillatim. Fora duorum generum Romæ: & in vniuersum xvii. numerant descriptores Urbis. Erant *Ciuiilia*, erant *Vænalia*: illa, in quibus res & lites agebantur; hæc, in quibus merces aut species certæ vænales. vt *Suarium Forum*, *Piscatorium*, *Pistorium*, *Boarium*, *Holitorium*, & talia. In vtrisque & ecœtus, ac circuli, ac sermones hominum erant, vt solet in vacuis: sed magis in Ciuilibus illis. quæ scito olim fuisse tria, *Romanum*, *Iulium*, *Augustum*. Seneca ad hunc numerum: *Infitationes, furta, fraudes, quibus trina non sufficiunt fora.* Martialis:

At quæ erit in triplici par mihi nemo foro.

Et si idem Martialis quartum etiam vidit. Nam Domitianus Imp. incohauit *Forum*, quod *Transitorium* vocabant, & postea Nerua absoluit, ab eo *Nerua* etiam dictum. Quintum denique addidit *Traianus*, ab ipso sic appellatum. Labet breuiter iustrare singula, & quædam in ijs, leui oculorum iniectu, præcipua obser-

obseruare. ROMANVM igitur est, quod *Vetus* appellant, ad spectu ad hæc posteriora; itemque *Magnum*, quia, vt videtur, spatium superauit. Id à Romulo institutum, inter Capitolinum & Palatinum montes, ad huius finem: sic vt templa Capitolina ei imminerent, Palatij variæ structuræ, & varia in ambitu templa. Sed hæc postea fuere: Romuli æuo, simplex planicies; L. Tarquinius Priscus postea exornauit, & *Tabernis ac Porticibus* cinxit. Alij deinde tam multa & varia (quia quisque opus suum in conspicuâ maximè & celebri parte exstare cupiebat) addiderunt: vt multæ & curiosæ curæ sit singillatim recensere. & iam Antiquarij nostri in parte maximâ fecere. Strabonis hoc audi. qui vbi *Campum Martium* valdè laudasset, addidit, *Quæ omnia si quis videret, dicat censeatque reliquam urbem, non nisi additamentum campi huius esse. At idem si in FORVM VETVS deinde progressus, alia alijs hærentia & consequentia videat, Basilicas, Porticus, Templatum Capitolium ipsum, & in eo templa; tum Palatium, & Liviæ Ambulacra: is facile priorum obliuiscatur, & omnium quæ viderat extra urbem.* Sed & Statius quædam recensuit, in Equo Domitiani. Ille enim ex ære colossæum illum, & se infessorem constituit in hoc Foro, narratque & laudat poëta in primo suo carmine:

Quæ super imposito moles gemmata colosso

Stat Latium complexa forum?

Nam *Latium Forum*, hoc nostrum Romanum est: sed quæ *moles gemmata*? nam geminas & lapides in ære isto fuisse, nugæ. An igitur, nitida & splendens? vt idem alibi, — *nitidis gemmantia saxis Balnea*: & alij, *gemmantæ alas pauonis*. Etsi alia in his caussa & aspectus, & quod olim diuinaui, in libro scripto etiam reperi, *geminata*. Omnino *geminata* & duplex illa moles, ipsa crepido siue basis altior; tum vir cum equo impositus super eam. Verba qui pensitatè examinat, assentietur. Sed reliqua etiam carmina poëtæ notanda antiquarijs, ad sedem certam aliquot hîc ædificiorum. Nam ait:

Par operi sedes. hinc obuia limina pandit,

Qui fessus bellis, adscitæ munere prolis,

Primus iter nostris ostendit in æthera Diuis.

At laterum passus, hinc Iulia templa tuentur,

Illinc belligeri sublimis Regia Pauli,

Terga pater, blandoque videt Concordia vultu.

A fronte facit fuisse *Limina Iulia*. nam de Iulio Cæsare hæc capienda quis ambiget, cum à prole adoptiuâ consecratum, primum Cæsarium, dicat? Et est ipsum templum Iulij, nisi fallor. A latere deinde *Basilica Iulia*, quam Festus ad Seruiliū lacum ponit. Nam quod vulgò legitur, & ego recitavi, *Iulia templa* in Statio: ex meo scripto codice, omnino verius, *Iulia tecta*. Enimuerò hæc *Ædes Iulij* in medio circiter Foro fuit: quod etiam factum in alijs Foris, & vt medium aliquod tēplum decorè esset, mox disces. Adiungo *IVLIVM FORVM*, quod C. Cæsar, etiam priuatus, & Proconsul adhuc Galliæ concepit, atque adeò cœpit. Nam locum & aream emit, ac purgauit. magno sanè, & Suetonius dignum notari putauit ipsum pretium: *Forum*, inquit, *de manubijs incohatum*, cuius area super HS. millies constitisset. Ea summa est nobis (repeto, etsi meminisse te æstimationes iam oportuit) *viciesquinquies centenū millium*. Tantūne in solam aream? inquires. Tantum. nec mouet, quòd viri docti, sed trepidi in talibus, diffidunt & mutare aut minuere vellent: falluntur. Quid? Plinio non erit etiam fides, in eadem re sic numeranti? *Pyramides regum miramur opera, cum solum tantum foro exstruēdo HS. millies Cæsar Dictator emerit*. Nōne ipsa narratione & cōparatione ostendit ingentem aliquam, nec in simili re tributam summam? ostendit. nec mirum, cum ædes plures in vrbe intinā emerit, disiecerit, ad aream purgandam. Ne diffidamus igitur, sed faueamus magno huic Cæsari, qui & antequam tantus, concepit hæc magna. Imò verò *Dictator* tunc erat, dices: ergo iam Princeps. Nego fuisse. nec Plinij ea mens est, qui addidit quidem illum titulum, sed vt hominē designaret & discerneret, non vt emptiomis tēpus. Credamus Suetonio, palam hoc inter Gallicanæ liberalitatis exempla referenti. Tunc igitur emit, sed bellis impeditus aut tardatus, non nisi post bellum Africum perfecit. Appianus: *Cæsar post triumphos, Veneri Genetrici templum struxit, quod vouerat in prælio Pharsalico: & aream circum templum addidit, ibique voluit Romanis Forum esse. non id quidem rerum venalium, sed ad LITES aut negotia conuenientium, sicut & Persis forum erat quoddam vel iuris petendi dicendique causâ, vel & discendi*. Dio Cassius de eodem sub idem tempus narrat:

Cæsar

Cæsar forum, quod ab ipso dictum est, exstruxit. quod PVLCHRVS Lib. XLIII
 ROMANO est, etsi dignitas illius auxit ex isto, factumque vt MA-
 GNVM diceretur. Atque hoc Forum, vnà cum ade Veneris Genetri-
 cis, auctoris sui generis, dedicauit. Nota in eius verbis, pulchrius
 Romano fuisse: quod equidem credo, vel quia à Cæsare, vel quia
 posteriora opera prioribus ferè antecellunt. Quod tamen ex
 Ammiano vix dixeris: qui Iulium hoc silet, Romanum extollit:
 & priscae potentiae forum appellauit, & Constantij oculos in eo, mi-
 raculorum densitate, præstrictos. Fuit autem hoc Iulium haud lon-
 gè nimis à Romano, post templa Pacis & Faustinae. Transeo ad
 AVGVSTI FORVM: quod nominatim Plinius inter maxima ope-
 rum collocauit. Profectò gradatim scandimus, & meliora ac
 maiora in his damus. De isto Suetonius: Forum cum ade Mar- Aug. cap.
 tis Vltoris struxit. Causa exstruendi, hominum & iudiciorum multi- XXI.
 tudo, quæ videbatur, non sufficientibus duobus, etiam tertio indigere.
 Ergo Mars hîc vltor in medio, vt antè Iulius, aut Venus. Oui-
 dius Bisultorem cognominat: quia & ob vindicatam patris ne-
 cem hoc cognomen Augustus imposuit; & ob Crassianam cla-
 dem, signis à Partho receptis. Porticus in eo, de more, ad late-
 ra: sed hoc in ijs singulare, & ab Augusti inuento. quòd in al-
 terâ, ordine omnes Latini reges à capite & principe Æneâ es-
 sent; in alterâ, Romani Reges, aut duces clari, à Romulo ipso.
 Ouidius de Marte illo:

Hinc videt ÆNEAN oneratum pondere caro,

Et tot IVLAEAE nobilitatis auos.

Hinc videt ILIADEN, humero Ducis arma ferentem,*

Claraque dispositis ACTA subesse viris.

Ille ab vtroque igitur latere hæc videbat: & de hac re Sueto-
 nius. Proximum à Dijs immortalibus honorem memoriae Ducum præ- Aug. cap.
 stitit, qui imperium populi Romani ex minimo maximum reddidissent: XXXI.
 & STATVAS OMNIUM, triumphali effigie, in VTRAQUE fori sui
 PORTICV dedicauit. Nam etsi Romanos Duces modò nominat,
 sanè & illos intellegi Latinos par est, & poëta iubet: inter eos &
 ipse Augustus locum habuit, atque eius Tituli & Acta. Velleius:
 Diuus Augustus, præter Hispanias aliasque gentes, quarum TITVLIS
 FORVM EIVS prænitet. Ergo illîc sub quoque viro aut statuâ,
 suæ res gestæ breuiter & Index; quod Acta poëta dixit. Atque
 istæ

v. Fast.

* Tropæo-
phorū, spo-
liis Acro-
nis onustū.

In Arcad.

istæ nouæ statuæ: quot deinde veteres, & priscae raræque artis? Pausanias prodidit, *Minervæ Alea signum, ex ebore totum, in aditu Fori Augusti stetit*: additque in eâ occasione, & ipsum, & reliquos Principes, pleraque ornamentorum talium vndique auexisse, & ad opera sua ornanda traduxisse. Situm autem hoc forum, supra ipsum Romanum, ad latus Capitolij, post ædem hodie *Diuæ Martine*. Quartum iam est, *Nervæ*. quod Domitianus incohauit, iste perfecit & agnominauit. Suetonius in Domitiano: *Novam ædem in Capitolio excitauit Joui custodi; & Forum, quod nunc Nervæ vocatur*. Quomodo igitur tunc? *Transitorium*, ut opinor. Nam sic Lampridius, in Alexandro. *Statuas colossas, vel pedestres nudas, vel equestres, Diuis Imperatoribus in Foro Diui Nervæ, quod TRANSITORIVM dicitur, locauit: omnibus cum Titulis & Columnis AEREIS, quæ gestorum ordinem continerent. exemplo Augusti, qui summorum virorum statuas, in foro suo, è MARMORE collocauit, additis GESTIS*. Locus & ad ista, & priora, notabilis. videsque imitari Augustum in ornando hoc Foro Alexandrum voluisse: quid imitari? vincere volui dicere. & cum ille statuas non nisi è marmore fecisset, iste ex ære, cum titulis etiam & columnis. Quæ autem istæ columnæ? an quibus, loco basium, insisterent, & Acta inscripta essent? an & alias intellegit, quæ seorsum Porticus sustinerent? Non de nihilo ambigo, quoniam in Pausaniâ lego, de quibusdam *adificijs ex ære solido*, differente: lego, inquam, fuisse talia, ut *Minervæ templum Spartæ, quod Chalciacon* ideò dicitur, atque item alibi. Sed tum addit in fidem, præsentaneum & sui æui exemplum, καὶ Ρωμαίοις, inquit, ἡ ἀγορὰ μεγάλη ἐνενεα, καὶ κατασκευὴ τῆς ἀλλης, θαύμα ἔσται, παρέχεται τὸν ὄψον χαλκῆν: *Romanis Forum, quod & magnitudine & alio apparatu omni instar miraculi est, exhibet tectum & camerationem æream*. Quod istud Forum *tecto æreo*, vellem nominasset. nunc suspicari tamen fas est, de isto Nervæ capiendum: nisi de alio edificio, quod *Chalcidicum* appellabant, quodque Foris solet adiungi. Nam de tecto suspicari, æreis saltē tegulis, nihil est: nec hoc inter rara aut suspicienda. Istud porrò fuit situm, inter Capitolinum & Quirinalē colles: dictumque ideò *Transitorium*, quod per id in alia opportunè, velut transitus esset. An & quia Iani in eo templum? quod quat-

tuor

Lib. x.

tuor portarum ibi fuisse Seruius tradidit: & Martialis libro x. de eo capiendus:

PERVIVS exiguos habitabas antè penates,

Plurima quàm medium Roma terebat iter:

Nunc tua Casareis cinguntur limina donis,

Et forà tot numeras lane quot ora geris.

Dicit in angusto olim, quadrifariam peruium, hunc Ianum fuisse; nunc in foro Nervæ, cingi porticibus, & quæ alia ipse struxit: sed & ab eo iter & adspectus ad alia fora esse. AVD. Vide Lipsi. non enim Iani in medio foro templum, sed Mineruæ fuit. Nam ita Victor clarè: Nervæ imperio se abdicavit, dedicato prius Foro, quod appellatur Peruium: quo ædes Mineruæ eminentior consurgit, & magnificentior. LIPS. Siftis; & pænè retroagis me profectò. An igitur ad latus alibi Iani illud templum? an hoc Mineruæ potius non in ipso medio? Nam & Stadius in Siluis, de Domitiano ita scripsit:

Sed qui limina bellicosa Iani

Iustis legibus & foro coronat.

Coronat, inquit: ergo cinxit. Tamen quia Minerva etiam ibi, familiare Principi numen, forum ipsum Palladium item dixere. ut Martialis:

Limina pass Pacis, Palladiumque forum.

Sed nos pergamus ad Quintum Forum, VLPIVM siue Traiani. Quis fecit? ipse Traianus: nec dabo hoc Cassiodoro, Domitianum vel coepisse. Nam is quidem in Domitiani ix. consulatu, facit eum excitasse opera, Forum Traiani, & Thermas Traiani, voluit Nervæ dicere: & iam à nobis demonstratum. Quale autem hoc fuit? Ammianus paucis verbis dixerit, clamat SINGVLAREM sub omni celo STRUCTVRAM. Quid ampliùs? etiam NVMINVM ASSENSIONE MIRABILEM. Deus bone! an & cælites terrestria hæc mirentur? etiam timeant fortasse. nam addit, GYGANTAEOS contextus fuisse, nec relatu effabiles, nec rursus mortalibus* appetendos. Satis ostendit victa hoc opere, omnia illa quæ inuicta antea habebamus. Quid autem Cassiodorus? consentit. & Traiani forum, inquit, vel SVB ASSIDVITATE videre, miraculum est. Nihil potest efficacius dici aut concipi ad elegantiam, & raritatem: quæ rara scilicet & elegans esset, etià in assiduo aspectu.

T

Hæc

* Id est, imitandos, aut tentandos.

Hæc communiter adferre possum: quid per partes? *Apollodorum* architectum fuisse, summum in arte virum, & quem Hadrianus postea, liuore quodam ductus, occidit. Porticus & columnas fuisse, satis scitum est: & puto in altum plures. vnde enim alioqui *gyganteos contextus* Ammianus diceret? Et sanè altitudo *Columnæ*, quæ in medio sita fuit, hodieque appâret, est pedum CXXVIII: cum inscriptione, TANTAE. ALTITVDINIS. MONTEM. ET. LOCVM. TANTIS. OPERIBVS. ESSE. EGESTVM. Credo aut tam altas igitur, aut non longè infrà, Porticus ipsas fuisse. In quarum fastigijs simulacra equorum, & signorum militarium. de quibus Agellius: *In fastigijs fori Traiani SIMVLACRA sunt sita, CIRCVM VNDIQUE, INAVRATA equorum, ac signorum militarium: subscriptumque est, Ex manubijs.* Nota hæc omnia inaurata fuisse: & probabiliter etiam Statuas quæ subter Porticus collocatæ. Quas M. Antoninus numero auxit: *qui nobilibus viris (in Capitolino) bello Germanico defunctis, statuas in Foro Vlpio collocauit.* Ibidem & Templum, & Equum æneum fuisse, Victor ostendit; & circum Bibliothecam, alij. Sed de Equo etiam Ammianus. cum scribit attonitum Constantium hæsisse, *omni spe huiusmodi quidquam conandi depulsâ: Traiani tamen EQVVM solum, in atrij medio locatû, qui ipsum Principem vehebat, imitari se velle dicebat.* Cui propè astans regalis Hormisdas, respondit gestu gentili, ANTE, inquit, IMPERATOR STABVLVM TALE CONDI IVBETO, SI VALES. Liberè hoc Hormisdas, & verè. quid autem posteris manibus tale aliquid conderent? vereor vt nos, & nostri architecti, vix mente.

Lib. XIII.
cap. XIII.

CAP. VIII.

De Balneis Thermisq, & breuiter de Rostris.

ex lib. H. 2. AVD. Profectò, Lipsi, oculos mihi aperis ad hæc suspicienda: quæ ego non in magno antea habebam. Lips. Fortasse nec ea quæ de *Lauacris*, id est Balneis aut Thermis Ammianus adiunxit. AVD. Haud nego. magna fuisse, hoc ruinae me docent, ornata valde aut magnifica, nondû agnosco. Lips. Licet per me breuiter. Et de magnitudine quidem, nonne ea ipsa miranda

randa in tot partium ædificio & membrorum? Ammianus ad
 eam, puto, respicit, cùm scribit *Lauacra in modum prouinciarum*
exstructa: & quasi quæ, non vrbes, sed regiones totas æmularen-
 tur. Satis audax elatumq; dictum, fateor: sed causam habuit. &
 Cassiodorus item signatè laudat & suggerit MIRABILEM MA-
 GNITVDINEM THERMARVM. Et vidisti illas parietinas hodie
 Antonini Thermanum, aut magis Diocletiani? mira laxitas;
 & hæc Olympiodori dicent. Ἦσαν δὲ, inquit, λαβρὰ δημόσια παμμε-
 γέθη. αἱ δὲ Ἀντωνιανὰ ἔταυ κελεύμεναι, εἰς χρεῖαν τῶν λαοφύλων καθεύδρας εἶχον
 ὡς πεντακτῆρας χιλίας ἑξακοσίας, ἐν μαρμάρῳ κατεσκευασμένους ἑξῆς. αἱ δὲ Διο-
 κλητιανὰ, ἐγγύς διπλοῦσι: Erant lauacra publica INGENTIA. sicut An-
 toniniana Therma dictæ, in vsum lauantium SELLAS habebant mille
 sexcentas, è polito marmore factas. Diocletiani autem circiter BIS
 TANTVM. Audin' tu? Diocletiani habuerint Sellas (alij * Solia * vide No-
 maluerunt reddere) ter mille ducentas: quid nisi igitur tot perso-
 næ inibi simul lauari potuere? Vbi iam reliquum Therman-
 rum corpus? Cellæ, Soliæ, Piscinæ? Vbi capaces & longæ il-
 læ Porticus, Xysti, Nemora, Sphæristeria, & reliquæ partes?
 Certè Ammianum iam capio & admitto, in tot ædificijs &
 varietatibus, cum Prouincijs comparantem. Ipsum etiam Fla-
 uium Blondum, qui fortiter asseruit, nec QUATTVOR MAXI-
 MA ITALIAE PALATIA, simul iuncta, posse illas vnas Diocle-
 tiani adæquare. Ecce igitur magnitudinem: & distinctè in par-
 tibus quædam, * Sidonij epistola tibi dicet (lege, si libido Lib. II.
 est) & Hieronymi Mercurialis, eruditi amici nostri, scripta, Ep. II.
 Gymnasticæ artis. De splendore porro & paraturâ earum, audi
 hæc Senecæ: Pauper sibi videtur ac sordidus, nisi parietes magnis
 ac pretiosis ORBIBVS refulserint: nisi ALEXANDRINA marmora
 NVMIDICIS crustis distincta sint: nisi illis vndique, & in PICTV-
 RAE modum variata CIRCVMELITIO pretexatur: nisi VITRO
 condatur camera: nisi PARIVS & THASIVS lapis, quondam ra-
 rum in aliquo templo spectaculum, Piscinas nostras circumdederit: ni-
 si aquam ARGENTEA epitonía fuderint. Et adhuc plebeias fistulas. i. e. Hædas
 loquor: quid cùm ad balnea libertinorum peruenero? quantum STA-
 TVARVM, quantum COLUMNARVM est, nihil sustentium, sed in or-
 namentum positarum, & impensæ causâ? quantum AQVARVM per
 gradus cum fragore labentium? Eò deliciarum venimus, ut nisi GEM-

MAS calcare nolimus. Ea verò Senecæ increpatio au delineatio, quàm clarè sub oculos dat & ponit, non Balneas aliquas, sed Principum dixeris Aulas? Et quænam ex istis Staius, in Balneo Etrusci:

*Nil ibi plebæum, nusquam Temesæa votabis
Æra, sed ARGENTO felix propellitur vnda,
ARGENTO Q. cadit, Labrisque nitentibus instat
Delitias mirata suas.*

Significat fistulas & canales argenteos fuisse, ipsa etiam Labra, Idem de Vitro:

*Effulgent camera, vario fastigia vitro
In species animosque nitent.*

Lib. xxxij.
cap. xii.
* Fibulas
intellegit.

Quid autem Plinius? narrat & culpat cum Senecâ: lam verò pædagogia ad transitum virilitatis * custodiantur argento; feminae lauentur, & nisi ARGENTEA solia fastidiant, eademque materia & probris seruiat, & cibis. Videret hæc Fabricius, & STRATAS ARGENTO mulierum balneas, ita ut vestigio locus non sit cum viris lauantium. Sed de argento parum est: nonne & de geminis substratis Seneca dixit? Quod si igitur Priuata hæc ita culta: credo equidem & Principes in suis, quæ publicabant, parcos aut sordidos non fuisse. Eiusmodi Publica & Gratuita balnea, duodecim P. Victor agnoscit Romæ fuisse: omitto alia Publica, quæ Meritoria licet agnominare. Nam paruo ære, & Quadrante, ad ea lautum ibant. Quid, quod Plinius scribit M. Agrippam in Ædilitate suâ, gratuita præbuisse balnea centum septuaginta? atque addit Plinius: quæ nunc Romæ ad INFINITVM auxere numerum. AvD. Hem! tot igitur & Priuata & Publica balnea? & quo fine? LIPS. Quæris? ad equitandum scilicet. & quis nescit, quod ad lauandum? AvD. Ne sic increpa. ego hoc rogatum volebam, cur tam multa, & an tam assidua lauatio? LIPS. Assidua. & cottidie, de more, lauant ituri iam ad cœnam. Artemidorus scripsit; Balneum nihil aliud suo æuo fuisse, quàm TRANSITVM ad cœnam. Itaque qui sæpius etiam cibum capiebant, sæpius lauant. Commodus Imp. notatur septies aut oëties in die lauasse. Etiam inter Christianos, Sisinnius quidam Episcopus bis in die: non sine suspitione intemperantiæ & voluptatum. Sed ille dicterio culpantes illudit, rogatusque Cur Episcopus cum esset, bis lauaret? Quia ter, inquit, non possum. Significabat

Lauatio Sisinnij

gnificabat bis se comedere, bis igitur lauare, tertio non ferre valetudinem. AVD. Noua hæc nobis. LIPS. Noua, qui desijmus hunc morem: nec scio an rectè, quòd totum. Credam valetudini & vitæ profuturum, si in parte seruassemus, & cum modo: quem ingestum vetus Epigramma voluit, alibi in lapide sculptum.

*B. V. V. corrumpunt corpora nostra,

Conseruant eadem B. V. V.

* Balnea,
Vina, Ve-
ritas.

Tria intellegit, quæ modicè habenda; aut cum damno habenda, vel non habenda. Sed Ammiano duce satis vidimus: abeamus. AVD. Maneamus. quid tu nescis, aut dissimulas, de *Theatro*, *Amphitheatro*, *Odéo*, *Stadio*, *Suggestu consulari*? LIPS. Scio, & memini: sed hæc per te satis te opinor scire. De *Amphitheatro* quidem scorsim libellum ego olim scripsi: idem in *Theatro* & *Circo* sit, si coner. Libri, inquam, res: quæso nunc omitte. Nec in *Odéo* aut *Stadio* multa dicenda: atque illud Plutarchus in *Pericle* tibi describet, ad *Musica certamina spectanda structum fuisse, interiore formâ sedilibus instructâ, & multis columnis: tecto decliui, & ad imaginem atque instar tabernaculi regis Persarum.* AVD. Non ausim vltra te ducere. LIPS. Nec debes, fatigor. AVD. Tamen de *Suggestu* tria verba. LIPS. *Rostra* intellegi arbitror; sed ea quæ *Julia* dicebant, siue *Noua*. Nam *Vetera* illa non in tanto nunc honore, vel vsu. Sed cur *Suggestum* ea dicit? à formâ, quam ostendit per gradus surrexisse cum dicit *vertice scansili* fuisse. Dicit & *imitamenta priorum Principum portasse*: id est vultus & statuas eorum. quas equidem arbitror in gradibus, ad extrema latera, dispositas in ordine fuisse. Eorum basim, siue iua, ornata rostris navium, ex *Abtiacâ victoriâ*, Dio Cassius me docuit: & inde igitur *Rostrorum* nomen. AVD. Sed *Consulum suggestum* cur appellat Ammianus? LIPS. Quia initio magistratus eò conscendere solent, & populum salutare: eodem iterum, cum deponerent magistratum. Mos ab antiquo mansit: qui & adire, & orare illic ac gratias agere populo solent, pro honore. Sed inferiori & Principum ævo, nihil factum, nisi vt conscenderent, salutarerent; itemque iurarent, aut eiurarent. Plinius de Traiano: *Iam toties procedere in Rostra, hic suscipere, hic ponere magistratus, quàm dignum te fuit?* Præiuit etiam: *In Rostris,*

Lib. vii.

T 3

simili

simili religione, legibus te subiecisti: iurasti in legem, attendentibus Dijs. Denique Claudianus de Stilicone Consule, inter sollennia ponit:

Circumsusa tuæ conscendant Rostra curules.

Ergo & sedisse illî in Sellâ curuli videntur, & sic se ostendisse, quasi auspicij causâ.

C A P. I X.

De Statuis, & earum custodelâ.

AVD. Ah, quàm iuuant me hi aspectus! quàm doleo ab Ammiano ductore, aut te doctore, deferi! LIPS. Vide benignitatem, da manum, porrò vel solus ego ducam. AVD. O hominem & verba mellea! non voluptatem meam te dicam, sed salutem. perge sic iuuare. LIPS. Vnum etiam in his omnibus operibus locisque monendum, de *Statuis*: quarum incredibilis multitudo, pretium, speciesque. Nullum publicum opus, quodcumque nomines; nullus adeò locus publicus aut vacuus, vbi non hæc ornamenta. Et credo equidem nihil magis in totâ vrbe ADMIRANDVM elegantioribus ingenijs fuisse. Earum originem & augmentum breuiter in Cassiodoro habes: *Statuas primùm Thufci in Italiâ inuenisse referuntur, quas amplexa posteritas, panè PAREM POPVLVM vrbi dedit, quàm Natura procreauit.* Ludit in verbo eleganter: nec minore copiâ factos ab arte illos homines in vrbe fuisse vult, quàm istos à naturâ. Ludit in verbo, in re seriò dicit. & P. Victor in fine Descriptionis suæ claudit, TABVLAE ET SIGNA SINE NVMERO. Planè sine numero. atq; ego tibi de *Tabulis* etiam oblitus eram dicere, sed hic monitor suggessit: quas scito magnorum illorum artificum fuisse, & ob quarum vnâ alteramque, vel Romanam philocali & elegantes illi venirent. Iam de *Pretio* statuarum, quod tetigi, quis non vel è materie cernat? Omitto marmoreas illas & æreas infinitas: dico *Argenteas, Aureas, Eburneas* fuisse. Et argenteæ quidem sub Augusto maximè increbuerunt, Plinio & Suetonio notatum: sed ille moderatus est, & suas conflauit: non ita alij Principes, & nominatim Domitianus.

Lib. vii.

Cap. 13.

tianus. qui superbo arbitrio (Suetonius scripsit) *statuas sibi in Capitolio, non nisi aureas argenteasque poni permisit, ac ponderis certi.* Nota materiem, nota pondus: & ex solido utroque igitur metallo fuisse. Fortasse autem pondus in his Statianis verbis expressum:

*Da CAPITOLINIS aeternum sedibus aurum,
Quo niteant sacri CENTENO pondere vultus.*

Statuam Domitiani consecrari poni que vult in Capitolio, & eam non minus *centum pondo*. In Capitolio, inquam. nam & hunc locum sacerrimum profanus Princeps statuis suis sedem elige-
bat. Plinius in Laudatione Traiani: *Itaque tuam statuam in vestibulo Iouis Opt. Max. unam alteramve, & hanc aream, cernimus: at paullo ante ADITVS omnes, omnes GRADVS, totaque AREA, hinc AVRO, hinc ARGENTO relucebat, seu potius polluebatur, cum incesti Principis statuis permixta Deorum simulacra sorderent.* Quod autem ad illud pondus, aliæ etiam grauiore, ne dubita. atque adeo Commodus Imp. *statuam mille librarum auream habuit, cum tauro & vaccâ, quasi urbis conditor: quod in Dionis compendio est scriptum.* Itaque nec pro magno aut vero satis habeam, quod est in Trebellij Claudio: *Populus Romanus, sumptu suo, in Capitolio ante Iouis Opt. Max. templum, statuam auream decem pondo collocavit.* Quid? Principi suo totus populus, & in tali loco, tantillam statuam ponat? Scribe, scribe, ∞ . pondo: id est mille, & hinc quoque nota, *millenariam notam in Denariam mutasse.* Eide-
dem Principi (idem Trebellius notat) *in Rostris posita columna est, & palmata statua superfixa; librarum argenti mille quingentarum.* Disce & hinc pondus grande in utroque meliore metallo: quod crebrum omnino fuit, & crebrius etiam misceri, & æs vel argentum inaurari. Ammianus de vulgo Romanorum nobilium: *Ex his quidam aeternitati se commendari posse per Statuas* Lib. xvi.
æstimantes, eas ardentè adscendant, atq; AVRO curant IMBRACTEARI. quod Acilio Glabrioni delatum est primò. Inauratas intellegit, quod aliquoties in lapideum titulis expressum legi, *SVB. AVRO. STATVAM. PONI.* In eodem Ammiano, vides studium in eâ re Romanorum. quod & ante illum Dio aperuit, & simul repressum ostendit. *Urbs, inquit, statuis implebatur.* quia licebat Lib. vi.
cuique passim in Tabulâ, Ære, Marmore, se publicare. quod Claudius
Imp.

Imp. vetuit, & plerasque iam positas loco mouit, & aliò transtulit; edixitque ne quis in posterum PRIVATVS poneret, nisi Senatus permissu: excepto, si quod OPVS PVBLICVM faceret, reficeretve. Coërcere igitur Princeps ille voluit, quia nimia iam copia: & vrbein, vias, vicos, non ornabant, sed stipabant & arctabant. Atqui exceptio quam ponit, & permissio item à Senatu, fræna iterùm laxant: & in vrbe qui non potuit, is se in villis aut agris publicabat. Ad summam, mi Auditor, hæc vna res ad Opes item est Romanas ostendendas: & maximè si varias species Statuarum cogitas, Colossæas quasdam, Curules, Equestres, Pedestres, & habitu variante & diuerso. Quid quod equorum, leonum, sphyn-gum, & variorum animalium? vt Obeliscos, & hæc talia omit-tam. AVD. At enim mihi hîc cogitatio, & pænè cupiditas. LIPS. Quæ? AVD. Improbula. nam cur non fas è statuis illis aureis argenteisque Deorum vel Principum, aliquid transeuntem abradere, vel refecare? LIPS. Nefas homo, nefas. Tu è statuis Principum? capite luisses violata illa sacra. Sed nec Priuatorum licuit. AVD. Nam quis sciuisset, aut dixisset? de nocte. LIPS. Disce, imperitus es, custodiam & cautelam antiquam. Miles in vrbe excubabat, Urbanus ille & Vigilum ad templa, ad loca item publica: sed præterea certus etiam Præfectus huic Statuarum custodiæ, & qui militem haberet. Vocarunt id officij, Comitium Romanam. & Formula eius hæc in Cassiodoro legitur:

Si clausis domibus insidiari solet nequissimum votum, quanto magis in Romanâ ciuitate videtur illici, qui in PLATEIS pretiosum reperit, quod possit auferri? Nam quidam POPVLVS COPIOSISSIMVS STATVARVM, greges etiam abundantissimi EQVORVM, tali sunt cautelâ seruandi, quali & curâ videntur affixi. Tum verò addit: Quare per indictionem illam COMITIVAE ROMANAE tibi concedimus dignitatem. Officium tuum, & MILITES consuetos, noctibus potiùs inuigilare compelle: in die autem ciuitas seipsa custodit. Atque hic est qui Comes Romanus appellatus, quia Romam, & eius opera, seruabat.

Lib. VII.

CAP. X.

*De Viarum magnis operibus, & nominatim
de Appiâ.*

AN & longius etiam eo? nec Romam solùm, sed quædam circa eam, ostendo? faciam, ut inter tantas Opes & animos, me quoque largum fieri videas & benignum. Tria occurrunt, præter Ammiano dicta, vel maximè ADMIRANDA, *Via, Aquæductus, Cloaca.* AVD. Non sustineo me, nec reprimo: tu *Cloacas* nobis inter magnifica, & sordes has inter illos splendores? Hoc verè est, quod poëta dixit: *-stellis nebulam spargere candidis.* LIPS. Non sic dices, vide & audi: imò & sub terrâ thesauros tibi ostendam, & latentium quorundam operû moles. Sed ordine videamus: & primò iudiciû de his tribus Dionysij. Scriptor ille sub Augusto Romæ fuit, & per viginti annos circiter vixit: ergo bene eam vidit, nouit, & (ut viri ingenium) diu dicauit. Profert & eloquitur: *Ego sanè in tribus* MAGNIFICENTISSIMIS operibus Romæ, & e quibus MAXIME APPARENT illius imperij OPES, pono AQUAEDUCTVS, VIARVM munitiones, CLOACARVM structuras. Neque id solùm ad UTILITATEM eiusmodi operum respiciens, sed etiam ad IMPENDII sumptuumq; modum. Ecce, hæc tria vult velut specimen & argumentum esse Romanæ opulentiae & potentiae: siue ab usu consideres, siue ab impendijs & sumptu. Quod ille censuit, tu accensebis, cum singula dispicies & intentè lustrabis. Primæ sunt *Vie*; quas illi non in Vrbe solùm, sed extra eam, ad longissima spatia, plurimas, & plurimo opere, muniuerunt. Stupor me habet, cum vel vnâ Appiam considero: de quâ Procopium, non me, audi. Belisarius, inquit, viâ Latinâ exercitum duxit, Appiâ ad leuam dimissâ. Hanc Appius Romanorum Censor ante annos nongentos struxerat, & à se dederat nomèn. Longitudinem eius quinque dierum spatium vir expeditus possit emetiri. Ab Vrbe Româ Capuam pertinet, eâ latitudine, ut duo currus ex aduerso obuij, liberè queant peruadere & commeare. Et est sanè hæc via, præter ceteras, spectabilis. siquidem

Lib. xxx.

Lib. i de bello Goth.

Appius ex aliâ & longinquâ tunc, ut reor, regione excisos lapides, & hos quidem siliceos, ac suopte ingenio durissimos, in hanc viam vehendos curauit. Quos planos deinde at laues redditos, & quadratos incisione factos, iunxit & in ordine locauit, metalli nihil vel alterius rei inferendo. Sunt tamen ita connexi, & validè inter se herent, ut speciem visentibus præbeant, non coniunctos ita, sed congenitos esse. Et quamuis tot iam sæculis atterantur, assiduis plaustris iumentisque: tamen neque serie suâ vel minimum exeunt & dimouentur, neque franguntur, aut leuorem suum amittunt. Hæc Græcus ille scriptor, & oculatus arbiter, extra argumentum historiæ suæ accurate inferuit, admiratione inductus, quæ stylum eò traxit. Examinemus, & libremus. Ait, Appium ante annos nongentos struxisse. Imò obtingentos quinquaginta circiter, quod Fasti dicent. Si autem strauit lapidibus Appius: quid est, quod in Liuius legimus, Q. Fuluium Flaccum & A. Postumium Albinum Censores, *vias sternendas silice in vrbe, & extra urbem glareâ substruendas, marginandasque, PRIMOS OMNIVM locauisse?* Quomodo enim *primi omnium*, cum hi fuerint Censores anno Urbis DLXXX: at Appius aliquot ætatibus præcessit? Quid, quodd *Flaminia* via diu antè strata, & sub bellum Punicum secundum? An hoc Liuius sensit, *glareâ* tunc primùm stratas? an potius, *primos ipsos locauisse?* an denique ad *Censores* iunctim refert? per otium examinandum sit. Obserua autem in Liuij verbis, duplicem rationem sternendi, vel *Glareâ*, vel *Silice*. Quæ vtraque & Tibullo notata, ad Messallam:

*Namque opibus congesta. tuis hîc GLAREA dura
Sternitur, hîc apta iungitur arte SILEX.*

Obserua ampliùs, *marginari* solere: quod caput fanè erat, & Agger ille viæ cum altiusculus, & instar puluilli esset (ita soler:) firmiter arctari & stringi lapidibus grandioribus ad oras debebat, ne difflueret & spargeretur. Hoc *marginari*: & ibidem etiam alij lapides duplices, & ad vsum duplicem. Priores, Cippi quidam eminentes, in quibus insidere fessis, onera reclinare, aut & ascendere ex ijs in equum fas esset. Ij crebriores dispositi per totam viam: alteri autem rariores, qui ut Columellæ exstabant, & notis numerorum incisi, miliaria notabant. Vtrumque hoc G. Gracchus instituit, Plutarcho notante:

tante: & gratum in vulgus fuit. Cur non esset? experti nos peregrinantes sumus, nihil magis ad tædium, & fatigationem esse, quàm ignaros spatiorum oberrare: & contrà, refici animum ac vires eâ signatione. Quinctilianus benè: *Partitio reficit audientem, non aliter, quàm facientibus iter, multum detrahunt fatigationis* NOTATA INSCRIPTIS LAPIDIBVS spatia. Rutilius eodè pertinet:

Interualla viæ fessis præstare videtur,

Qui notat inscriptus MILLIA multa lapis.

Hinc ille mos per Lapidés computandi: quos Græci ab hac notatione milliarium, *Μυρία* vocant: id est Signa, siue Notas. Sed pergit Procopius, *Longitudinem viæ Appiæ, quinque dierum esse.*) Quid? vniuersæ eius Brundisium vsque? non opinor, nec res est: sed Capuam duntaxat, quò & Appius produxit: & verba Procopij ita dicunt. Notauit & Frontinus: *Appia aqua inducta est ab Appio Claudio Censore, qui & viam Appiam, à portâ Capenâ vsque ad urbem Capuam muniendam curauit.* Neque verò vltèriùs ille potuit, cùm nec vltèriores tunc Romani fines. Quis autem longiùs, & Brundisium vsque munierit, in obscuro est: munitam tamen id constat. Ecce Strabo, *Viam Appiam Tarracinæ facit mare primum attingere, & Brundisium vsque stratam esse.* Tacitus Libonem consultauisse: *utrum habiturus esset opes, quis viam Appiam Brundisium vsque pecuniâ operiret.* Denique & Horatius:

Brundisium meliùs Numici via ducat, an Appi?

Producta igitur: an à Iulio Cæsare, quem Plutarchus scripsit, *Appiæ Curatorem factum, plurimum pecuniæ in eam impendisse?* an ab Augusto, qui plerasque omnes vias per Italiam ipse, aut per alios, munivit? Nam Plinio accedere, siue is Nepos est, *de Viris illustribus*, non possum: qui *Appium viam Brundisium vsque lapidibus strauisse* scribit, unde illa Appia dicta. Nam hoc sanè certum, loca ea id æui, hostilia aut aliena Romanis fuisse. Tota autem hæc longitudo est, *milliarium circiter CCCL*: nequis de *quinque diebus* Procopio dictum, huc trahat. AvD. Atqui nec *Capuam vsque tanti sunt, nisi ignauo & parùm accincto viatori. LIPS. Fateor, sed flexus etiam suos & declinationes scito viam habuisse. Addit de latitudine, *ut*

*Sunt miliaria
CXKIII.

duo currus peruaderent.) Nescio, neque dimensus sum (alibi tamen potest, & exstat:) sed opinor igitur haud minus *viginti-quinque pedes* paruisse. Amplius, de materie, *ex longinquâ regione lapides aduectos, eosque siliceos.*) Silicem intellegit, durum asperumque lapidem, & è rupibus: non illum minutum & tenuem, quem vulgò vocamus, & qui in *Glaream* potiùs uenit. Illo modo Plinius, Liuius, atque alij locuti. Sed è quâ regione petiti? in viciniâ tales non esse, hoc Procopius indicauit. Onufrius Panuinus hoc amplius, *montes ostendi duos, ad Sinuessam unum, alterum inter Puteolos & Neapolim, è quibus saxa ea, colore & duritie FERRVM referentia, videantur excisa.* At Leander specus & fodinas in Bruttijs exstare, ad *Seminariam*, è quibus lapides ad vias eruti, præsertim ad Appiam. Quidquid sit, opus mirum & laboriosum fuit. Nos in Procopio pergamus, qui addit, *Lapides planos quadratosq; fuisse.*) Conspiciuntur hodie tales, diuersâ magnitudine, *trium, quattuor, quinque* etiam pedum quaquauerfus. Cetera de *iuncturâ & firmitate*, utq; *unum corpus* appareant: sunt miranda magis, quàm explicanda. AVD. Certè mirifica hæc Via: sed tu nempe vnâ & eximiam eligis, de quâ poëta,

Appia LONGARVM teritur REGINA viarum.

aliæ non ad istam. LIPS. Mihi crede, ad istam. etsi hæc celebritate, & longitudine eminuit. quia à Româ in Græciam, Asiam, & trans mare ducebat. Sed quid *Flaminia* via, an breuior? quæ Româ Ariminum vsque, & inde porrò Aquileiam ducebat? Nam quod ad munitionem, pleræque similes: nec in Italiâ solùm plurimæ, sed in prouincijs ipsis. Isidorus scripsit: *Pænos primos lapidibus vias strauisse, quas postea Romani panè per TOTVM ORBEM disposuerunt.* Et quomodo? Excisis sæpè montibus, complanatis vallibus, ut æquabiles, & faciliores ita viæ essent. Strabo: *Ἐξεργασαν δὲ καὶ τὰς ὁδοὺς, πορθέοντες ἐκκοπὰς τῶν λόφων, καὶ ἐγχαύουσιν κοιλὰς δὲ, ὥστε τὰς ἀρμαμάχας διέχεσθαι πορθμείων φορτία:* *Strauerunt & Vias, excisis montibus, vallibus repletis, ut currus vehere possint & suscipere nauium onera.* Habes vias, & ornatum: mentior, & itâne præcipuum me fugiat? præcipuum dico, si non in vsu, at splendore & voluptate. Id fuit, quòd monumenta & sepulchra passim ad viam affita, & latus vtrumque

que prætexebant. Quàm pulcher ille aspectus vian-
 ta & feriorum, & iocorum, materies? Illuc illustrium ingenio-
 rum, aut clarorum virorum memoria & inscriptio: alibi liber-
 torum, seruorum, scortorum, superba monumenta. Mirari,
 dolere, illudere, etiam detestari occasio erat: & quid in tot titu-
 lis & inscriptionibus pasci? Quædam enim à meliore inge-
 nio, & scitæ; quædam aliquâ notâ aut inuentiunculâ spectabi-
 les; & istæ quæ hodie exstant, dicent. AVD. Ita me Deus, iu-
 cundum aspectum! & ego si in tali viâ, remorer, subsistam,
 indormiam. LIPS. Sed & utilem aspectum. Varro: *Moni-
 menta secundum viam, quò prætereuntes admoneant, & se fuisse, &
 illos esse mortales.* Quid amplius? omnium illorum qui dispa-
 ribus monumentis teguntur, parem in exitu sortem fuisse.
Æquat omnes cinis. impares nascimur, pares morimur.

Sen.

CAP. XI.

Aqueductum mira.

SED *Aqueductus* iam nostros videamus, & puluerem for-
 desque, si quas è Viâ contraximus, abluamus. Quid in ijs
 tamen hæream? Iulius Frontinus est in manibus, qui olim
Aquarum Curator, pulcherrimos libellos duos de totâ rescrip-
 sit, & ad nos venerunt. Ex illo, aut alijs, quædam libabo. Diu
 igitur Roma sine *Aquæductibus*, & Tiberis, ac siqui fontes
 natiui erant, sufficiebant populo, sed nondum sic aucto. Vrbe
 dein magnâ, plenâ, & cum in collibus, procul à flumine, de-
 gerent; *Optimum rerum aqua*, vt poëta canebat, quæ sita, & per
 rubos ac canales, in fornicibus lateritijs, Romam aduecta. Id
 factum primò, anno Urbis ccccxli. cum Ap. Claudius Cen-
 sor, idem qui Vias sternere instituit, hoc quoque bonum in-
 uenit. Ab eo est *Aqua Appia*, per milliaria circiter *vndecim* de-
 ducta. Hoc initium: sed Deus bone, quæ mox incrementa?
 Nam egebat sanè ille populus aquis, non solùm ad potum, sed
 ad balnea, ad fullonicas, ad Naumachias & Circos. Atque
 ita vbertim inducta fuit, vt quisque domi, aut in vicino, ha-

Pind.

beret copiam : scribitque Strabo, FLVMINA per urbem, & Cloacas videri fluere, atque VNAMQVAMQUE DOMVM propemodum habere fistulas & canales, quibus aquam inducat. De eadem re Plinius : Siquis diligentius aestimauerit AQVARVM ABVNDANTIAM in publico, Balneis, Piscinis, Domibus, Euripis, Hortis, Suburbanis villis, spatioque aduenientium exstructos ARCVS, montes perfossos, conualles aequatas, fatebitur NIHIL MAGIS MIRANDVM fuisse in TOTO ORBE terrarum. Copiam habes, molem in adducendo habes, miraculum super omnia mira orbis, Plinio quidem iudice, habes. Quid Cassiodorus de istis ? Formas ipse appellat hos Ductus, quod & Iurisconsulti, atque inferior ætas fecit. De ijs igitur : In Formis Romanis utrumque præcipuum est, ut & FABRICA sit mirabilis, & aquarum SALVBRITAS singularis. Quot enim illic FLVMINA quasi constructis MONTIBVS perducuntur ? naturales credas alueos, soliditates saxorum : quando tantus impetus fluminis tot sæculis potuit sustineri. Credamus hoc ergo iam Frontino, paucis fidisque verbis effanti : MAGNITVDINIS Romani Imperij, id PRAECIPVVM esse indicium. Benè & verè. quia non Romæ tantum, sed in colonijs plerisque, & maioribus opidis, hæc fuere. Sed nôrimus Romanos, & alios, ab his exemplis. Ij fuere in urbem perducti quattuordecim (ut Procopius eos numerat) coetili laterculo per priscos illos edificati, eâ LATITVDINE ac simul ALTITVDINE, ut vir eques commodè per eos possit incedere. Vide an non verè aluei quidam fluminum dicantur, cum tam magnis amplisque canalibus aquas vehant. Sed hæc altitudo, de ipsis modò est : quid Arcus & Fornices arbitraris ? quos in quibusdam locis subleuatos centum nouem pedes, Iulius Frontinus affirmat. O rem stupendam ! & magis, quod à tot milliaribus continuo opere (etsi non vbique sic alto) perducebant. Reperies quosdam à QVADRAGESIMO milliari perductos esse : & nempe per valles, per montes, per tot inæqualia, supra, infra terram : ô iterum rem stupendam ! & Rutilium audi :

Quid loquar AERIO pendentes fornice riuos ?

Quâ vix IMBRIFERAS TOLLERET IRIS AQVAS.

Hos potiùs dicas crenisse in sidera MONTES.

Tale GYGANTAEVM Græcia laudat opus.

Sunt

Sunt certè, aut videantur, opera Gigantum, an Geniorum aliquis dicat? & mens obnubilat Architectis nostris, cum vel reliquias paucas & ruinas vident. Exstant iuxta Sublaqueum *Aquæductus Claudiani* fornices, & ingentes pilæ sustentantes: quas Albertus Leander sedulò vidit & scrutatus est. erumpit deinde in hæc verba: *Fieri profectò non posse scio, quin omnino incredibilis sit, nisi oculis vsurpetur, operis huius ratio ADMIRANDA. Nec enim MAIUS QUIDQVAM excogitari posse HUMANO INGENIO arbitror, quàm quod hic Romani, effossis tanto spatio MONTIVM intimis visceribus, fecerunt. Ad quæ opera patranda NVNCTOTVS ORBIS infirmus futurus videatur.* Si quis veterum hæc dixisset, blanditus scilicet ævo suo aut suis fuisset: quid iste vir nouitius? quid in talibus & curiosus vnicè, & peritus? Loquitur autè, vt dixi, de Claudij Aquæductu, de quo & Plinius: *Vicit antecedentes aquarum ductus nouissimum impendium operis, inchoati à Caio Cesare (Caligulam intellegit) & peracti à Claudio. Quippe à quadragesimo lapide, ad eam EXCELSITATEM, vt in OMNES VRBIS MONTES leuarentur, influxère Curtius atque Caruleus fontes. Erogatum in idopus HS. ter millies.* Notabile valdè, & vtile, quòd in summos Urbis colles aqua inde & deriuari, & dispensari posset: adco in altum educta erat. Hoc ipsum Cassiodorus notat, *Claudiam, per tantam fastigij molem, sic ad Auentini caput esse perductam, vt cum ibi ex alto lapsa ceciderit, cacumen illud excelsum, quasi inam vallem, irrigare videatur.* De pecuniâ autem in idopus imputatâ (fuerunt, ex Plinio, *septem nostri milliones, & semis*) valdè miror Budæum nutare, & pænè mutare. Per fidem, quæ caussa est? imò augendi caussa, si quis benè examinet: & planè, nisi aliqua militaris, aut seruilis manus ad opera damnatorum (vt Romanis mos) accessisset. Iure igitur, vt claudam, exclamat Frontinus: *Tot aquarum, tam multis NECESARIIS molibus, Pyramides videlicet otiosas comparem, aut cetera inertia, sed famâ celebrata opera?* Non compares Frontine, minimè: hæc sunt, vt Plinius appellat, *verâ æstimatione INVICTA MIRACVLA*, & quibus alius orbis tam æquo animo victum se à Romanis, quàm armis, fateri debet. Dixi autem ex Procopio supra, Aquæductus istos XIII. fuisse: sed auger P. Victor, & XX. numeravit. Plinius quædam de *Lacubus* alijsq; additamētis

Aquæ-

Aquæductuum scripsit, non sine miraculo etiam audiendâ. Agrippa in *Ædilitate suâ*, adiectâ *Virgine aquâ*, ceteris *corruatis atque emendatis*, LACVS septingentos fecit, praterèa SALIENTES centum quinque, CASTELLA centum triginta: complura etiam CVLTV magnifica. Operibus ijs SIGNA trecenta area aut marmorea imposuit, COLUMNAS ex marmore quadringentas: eaque omnia ANNO SPATIO. Hæc vnus Agrippa, & vno anno. O virum Augusto Principe dignum! ô virum vel Principatu dignum! & non credo benignius & publicè vtilius ingenium, non item modestius & Principi aptius, exstitisse. Tales, tales sint vobis ô magni Reges consiliarij & ministri: qui opibus per vos aucti, eas in publicum refundant, & gratiam gloriamque simul, operibus suis, apud posteros, imperij vestri propagent. At scripsit Plinius *Lacus septingentos* ab eo factos: rectè, *ab eo*: sed plures longè fuere in vniuersum, & *mille trecentos quinquagintaduos* Notitia imperij collegit. Isti non aliud, quàm aquarum in publico receptacula: è quibus petere omnibus fas esset. etsi gratior æstimatorque è *Salientibus* ipsis sumpta. Nota autem in Plinio, tot *Signa*, tot *Columnas*, ad ornatum *Lacuum*, *Salientium*, *Castellorum*: atque ea ab vno Agrippâ: quid arbitraris ab alijs prioribus & secutis fuisse? Atque alia etiam assidua multa impendia circa has aquas: quarum *Curatores* ab Augusto instituti, *cum licetoribus*, *seruis*, *scribis*, *librariis*, *accensis*, *praconibus*: vt Frontinus scripsit, ipse inter *Curatores*. Sed præcipuum, quòd familiæ & homines certi ad tuenda hæc opera, sumptu publico tolerati. Quod idem Frontinus ita prodidit. & Agrippam primò, *per seruos priuatos suos* hæc fecisse, eamque familiam Augusto morientem legasse. Augustum deinde publicasse, & deinceps mansisse: atque habuisse homines circiter CCXL. Erat autem & altera, inquit, *Familia Caesaris dicta*, & numerus eius CCCLX. quam Claudius, cum aquas in urbem perduceret, instituit. Addit, in vtrâque varia ministeria fuisse. *Villicos*, *Castellarios*, *Curatores*, *Silicarios*, *Tectores*, aliosque opifices. Habes igitur perpetuos homines sexcentos, ad Aquarum tuitionem.

CAP. XII.

Cloacarum mira.

QVAS Aquas nunc dimitto, & ad *Cloacas* te duco. Eas sci-
to à Tarquinio Prisco rege structas, quo nemo Regum
plura aut meliora. Structæ autem ad munditiem, quod clarum
est, sordesque omnes vel abluendas, vel evehendas: sed & ad
sanitatem quæ illam amat De magnitudine huius operis, quia
mirabaris nos mirari, Plinij & Cassiodori verba danda sunt:
qui vterque satis firmiter dicet, quid magni rarique in opere
isto fuit. Ille igitur: *Cloacæ*, inquit, Lib. xxxvj. cap. xv. OPERVM OMNIVM
MAXIMUM, suffossis montibus, atque urbe pensili, subterque
NAVIGATA. Fecit id Agrippa in *Ædilitate*, per meatus corruatis
VII. amnibus, cursuque præcipiti, TORRENTIVM modo, rapere om-
nia atque auferre coactis. Qui insuper mole imbrium concitati, vada
aclatera quatunt, aliquando Tiberis retrò infusi recipiunt fluctus, pu-
gnantq; diuersi aquarum impetus intus: & tamen OBNIXA FIRMI-
TAS resistit. Trahuntur moles internæ tantæ, non succumbentibus caus-
sis operis; pulsant ruina sponte præcipientes, aut impactæ incendiis; quati-
tur solum terre motibus: durant tamen à Tarquinio Prisco annis pro-
pè octingentis INEXPVGNABILES. Initio audis, operum omnium
maximum fuisse: atque ego ac tu fortasse ridemus. AVD. Non
audeo, etsi gestio: sed vereor turbare. LIPS. At aliâ atque aliâ
causâ etiam rideamus. Tu, quia res vilis attolli videtur: ego,
quia toties iam audio, operum omnium maximum, aut maximè ad-
mirandum. Quid? semper ista maxima? & tamen res sic habet:
vt quidque in manus sumis & examinas, super omnia admira-
ris: & causas iudicij eius dones. Vno verbo, omnia miracu-
lum: nostrum nunc videamus, & Plinij verba pensitemus. Ait,
aut indicat, *navigatas has Cloacas.*] Quid magni, si tam magnæ
vt vehem fœni onustam largè transmitterent? Id enim non Plinius
solum ita scripsit, sed & Strabo. cùm Romanos ait trium maximè
operum curam gessisse, quæ neglecta videbantur à Græcis: *Viarum,*
Aqueductum, Cloacarum. Additque: *Cloacas istas, LAPIDIBVS*
SECTIS ET AD NORMAM POSITIS suffultas, spatium etiam
X
currui

currui sæno onusto ad transitum præbuisse. Enimuerò Marlianus, qui dimensus est, prodidit, pedum XVI. latitudinem se repperisse: de altitudine vellem etiam addidisset. nec minor sanè fuit. Dixit ampliùs Plinius, *Corriuatos VII. annes.*) Intellegi opinor, ipsas septem Cloacas præcipuas, tot quot sunt montes. Nam ex ijs defluebant & deriuabatur aquæ ac sordes, & in magnam vnâ confluebant. Quin enim plures minutæ fuerint, non ambigendum est: sed istæ tot fuere quasi flumina, & aluco grandiore, atque eæ per plana vrbis ferebantur. Liuium sic interpretor, de Tarquinio Prisco: *INFIMA vrbis loca circa Forum, ALIASQVE interiectas collibus CONVALLES, quia ex planis locis haud facile euehebant aquas, Cloacis è fastigio in Tiberim ductis, siccant.*

Lib. I. Has olim per publicum ductas idem Liuius alibi scripsit: *sed vrbe,*

Lib. V. *inquit, incensâ à Gallis, festinatio curam exemit vicos dirigendi, atque ita CLOACAE passim priuata etiam subeunt tecta.* Pergit deinde Plinius firmitatem commendare. & causas concutientes quattuor commemorat: quarum vel singulæ firmissima opera euertant; at non labefactant istud. Sunt, pugna aquarum & copia intus; Moles & columnæ vastæ, quæ per vias, & super illas, trahuntur; Ruinæ variæ & pondera incidentium ædificiorum; denique validi aliquot Terræmotus. Quidni igitur firmum & rarâ duritie opus, quod omnibus resistit? & id per tot sæcula? Et si tamen repararunt, aut fulserunt interim, quod omnino

Lib. XXXIX. *necessè fuit. notatque Liuius, Censores detergendas Cloacas, & in Auentino atque alijs partibus, quâ nondum essent, faciendas locauisse. Quàm sumptuosa illa, aut similis reparatio, dicit apud Dionysium C. Aquillius, qui scripsit, neglectis aliquando cloacis, & non defluentibus, Censores in earum instaurationem mille talenta impendisse in redemptores. Eâ sunt sexcenta millia Philippæorum: quid igitur & quanti paratio vniuersa, si tanti in partibus reparatio? Sed audiamus & Cassiodorum de istis, ac finiamus.*

Lib. III. *SPLENDIDAE Romanæ ciuitatis CLOACAE, tantum visentibus conferunt STUPOREM, vt aliarum CIVITATVM possint MIRACULA superare. Videas illæc FLVVIOS, quasi montibus concauis clausos, per ingentia stagna decurrere. Videas structis NAVIBVS per aquas rapidas, non minimâ sollicitudine, nauigari, ne præcipitato torrenti, marina possint naufragia sustinere. Hinc ô ROMA SINGVLARIS,*

quanta

quantain te sit potest colligi MAGNITVDO. quæ enim urbium audeat tuis culminibus contendere, quando nec IMA tua possunt similitudinem reperire? Pulchra cōclusio, & in scito eo dicto conquiesco.

CAP. XIII.

Traiani Pons in Danubio.

AVD. Non patiar, & te excito. Quid enim? tu & ego destituamur in his Cloacis? quæ ut sint, magnæ, operosæ, mirabiles; tamen Cloacæ sunt, & oletum suum habent. Exime nos, & mundiùs alibi pone. LIPS. Hem! bona monitio. sequere me ad Danubium, & illîc in eius aquis lauemur. AVD. A Tiberi ad Danubium? bonus saltus, quis Pegasus nos vehet? LIPS. Ille Mentis: quæ momento summa, ima, propinqua, dissita, permeat & peruat. Nec ad Barbaros tamen imus, ne metue. AVD. Ego verò metuo, & iam cor meum vasa colligat atque abit. Nescis tu pugnas illîc cum maximè nunc pugnari? & in quibus vita, libertas, religio aguntur? LIPS. Scio, securus esto. Romanus imperator, atque is Traianus, nobis aderit, cum legionibus suis copiisque. Utinam nunc tales ibi decem, tali disciplinâ? ô quàm Victoria mox applaudat & circumuolet purpureis suis pennis? Sed ecce in Danubio *Pontem* libet memorare, quem dictus ille Imperator struxit: operum omnium fortasse, arte & difficultate maximû, si non sumptu. Describit graphicè Dio Cassius, & gratia sectori eius Xiphilino esto, quod hanc partem nō recidit. O quàm pulchras valentesq; ille alias? nihil pænè nos fugeret in rebus Romanis (tanta diligentia & accuratio fuit) si scriptor ille totus exstaret. Sed de Ponte, sunt verba è Compendio Dionis: *Traianus Imperator pontem lapideum super Istrum statuit, quem EGO NEC DIGNÈ QVIDEM HABEO ADMIRARI. Nam etsi alia pulcherrima Principis eius opera exstant, tamen hoc est SUPER OMNIA. Pile igitur eius sunt viginti, è lapide secto & quadrato, quæ altitudinem habent CL. pedum, latitudinem LX. Distant inter se CLXX. pedes, fornicibus deuinctæ. Quomodo autem non aliquis SVMPTVM in istas admiretur? quomodo non & destituendi firmandique modum? idque in flumine MAGNO ET*

VORTICOSO, & fundo ipso infido & limoso. nam nec auertere quidem cursum fluminis licuit vlllo modo. Nec verò de magnitudine fluminis ideò dixi, tamquam ibi maximum sit (imò verò alibi duplo maius est aut triplo, atque instar pelagi se diffundit:) sed quia locus ille arctissimus ibi locorum, & aptissimus ponte iungi, est tantus. Quo autem magis in arctum illud ex lato contrahitur, & rursus in latum se effundit; tanto nimirum & rapidius fluit, & profundius existit. Ut hoc quoque difficultatem atque arduum operis valde auxerit. Magnitudo igitur animi Traiani ex eo quidem constat, non tamen usum nobis nunc præbet. sed pile dumtaxat stant, quasi in eum finem modò structæ, vt documento sint NIHIL ESSE QVOD INGENIO HVMANO NON POSSIT EFFICI. Additque deinde, Hadrianum Imp. metu ne Barbari eâ transirent, an æmulatione in Optimum Principem, iussisse superiora Pontis dirui: atque ita Pilas solas mansisse. Quid autem ego aut tu hîc dignè miremur? negat ab illo æuo Dio, se id posse. Atqui plura magna & magnifica viderat, quàm nos mente concipere aut deformare possimus. Putat tamen & censet, omnia ab hoc opere superata: quod leuiter adistamus, & inspectemus. Ait, Pilas viginti fuisse: atqui Paulus Iouius, florentis ingenij & stili scriptor dicit etiam nunc triginta sex exstare & conspici, in confinio Valachiae & Transilvaniae, ad opidum *Seuerinum*. Vtri credam? sanè si oculi nunc conuincunt ita esse, manus & herbam do; videant modò & dicant, qui adfident & possunt arbitrari. Sin rationem & scriptionem Dionis sequor; adferam audacter de viginti: quia signanter notat, fluuium ibi arctissimum (vt in ijs locis) esse. Atqui descriptio ista viginti Pilarum, quæ sexaginta pedes latæ sint; quarum fornices, centum septuaginta: quid efficit & colligit, nisi fluuij latitudinem quattuor mille septingentorum septuaginta fuisse? id est, paullò minus, *vnus milliarius*. Si aliter, aut si grandius; videbunt ij qui accolunt & docebunt: tum nobis opus rescribere & reformare ipsum Dionem. Nam quòd aliquis dicat eum nescisse, aut de opinione ista scripsisse; ipse opinetur & erret. cum vir ille insignis peritiâ rerum & honoribus, in ipsis ijs locis Præses fuerit Dalmatiae, Pannoniaeque. Itaque scire omnino potuit; & debuit, in curâ istâ rerum scribendarum. Vereor vt Iouius sit, quod etiam alibi,

audi-

auditionum facilis, & parùm diligens examinis aut veri. Sed vt dixi, vicini aut inspectores arbitrantor. Ait Dio ampliùs: *Pilarum interuallum fuisse centum septuaginta pedum.*) Ita me Deus (nam exclamo) grande hoc concamerationis spatium, nec efficiendum, nisi altitudo illa Pilarum accessisset, & tardè ac lentâ inclinatione fornix surrexisset. Prætereà, *mirari se quomodo in tali profundo flumine & verticibus Pila firmata.*) Ego tecum, ô Dio, miror: & maximè, cùm neges auerti flumen potuisse aut deriuatione exhauriri. Difficile omnino opus, & fundamentorum molitio talis è lapide: si sublicarum & materiæ res esset, aliud esset. Sed heus tu Hadriane! si citare Imperatorem fas, dica & lis tibi apud me sit, fortasse & punitio: quòd talem pontem vix benè structum destruxisti. Dicam tibi verum vel mortuo? Inuidisti optimo maximoque Principi, & habere super omnes gloriam voluisti magis, quàm meruisti. Valete *Opera publica*: quin tu etiam, mi Auditor, in crastinum vale aut salue.

CAP. XIII.

Privatorum hominum Urbana aut Rustica ades.

AVD. Ego verè nec valeo nec salueo (da veniam immodestix:) nec amoliris me, nisi nomine plenè persoluto. An non, post *Publica opera*, pollicebaris *Privata*? & certè ita disponebas; nec tam madidâ memoriâ sum, vt hoc effluerit. LIPS. Disposui, haud nego: sed fatigor, nisi quòd in extremâ tamen calce, vt cursores, spiritus & vires excitabo ad spectu ipso metæ. *Privatis* igitur *Operibus* duo nunc confidero, *Domos & Villas*. Illæ fuerunt in tam splendidâ & nitenti vrbe, pro ipsâ vrbe, & vt pulchri corporis apta ac decora membra. Domus dico magnificæ, ornata, instructa, columnis, marmore, auro, statuis: & quidquid excogitare ambitio aut luxuria poterat. Sed eadem etiam laxæ, patentes: quòd docuerint satis Valerij hæc verba, de Cincinnato, *cui quattuor sola iugera arant* Lib. II. cap. III. *ti non solum* (vt inquit) *dignitas patrisfamilie constitit, sed etiam* *Dictatura delata est.* Et tum comparatione quædam & indigna-

Lib. xxxvj.
cap. xv.Lib. xviii.
cap. ii.De Deo
Socrat.

tione addit: *Angustè se habitare nunc putat, cuius domus tantum patet, quantum Cincinnati rura patuerunt.* Quid domus? imò earum aliquod membrum. Idem auctor: *Nimirum sic habitant, qui hoc imperium fecere. quorum AGRI quoque minorem modum obtinuere, quàm CELLARIA istorum.* Iterumque alibi: *Bina tunc iugera populo Romano satis erant, nullique maiorem modum adtribuit: quo seruos paulloantè Principis Neronis, contemptis huius spatij viridariis, PISCINAS iuuat habere maiores: gratumque, si non aliquem & CVLINAS.* Nec est in sermone supergressio: reuera amplæ domus, & præsertim magnatium virorum procerumque. Quas & P. Victor ac Notitia imperij propriè *Domos* appellant, & ab *Insulis* distinguunt. Itaque computant, *Insulas totâ vrbe quadraginta sex millia sexcentas duas, Domos mille septingentas octoginta fuisse.* harum longè minore numero, vt quæ tanto grandiores, instructioresque essent. Enimuero grandes instructæque. & Apuleij hæc attende. *Igitur illas ædificiorum species, in quas PATRIMONIA SVA profuderunt, amœnissimas & exstructissimas deprehendas: aulas AEMVLAS VRBIVM conditas, domos VICE TEMPLORVM exornatas.* Itane cum *Urbibus* comparat? nec solus. nam & Seneca, epistolâ xci. suum vetusque æuum disparans: *Non habebant, inquit, domos INSTAR VRBIVM: quasi dicat, at nos habemus.* Alibi audaciùs (De Benefic. vii. cap. x.) agnoscit & increpat *ædificia priuata laxitatem MAGNARVM VRBIVM vincentia.* Quæ ista sunt? quæ item, quæ Olympiodorus, in Bibliothecâ Photij? *Ὅτι ἐκαστος τῶν μεγάλων οἰκων τῆς πόλεως, ἀπαντα εἶχεν ἐν ἑαυτῷ, ὅποσα πόλις σύμμετρον ἰδυνάτο ἔχει. ἰπποδρόμον, καὶ φόρον, καὶ ναὺς, καὶ πηγάς, καὶ λαβρὰ δέξφορα. διὸ καὶ ὁ συγγραφεὺς ἀπεφθέξατο.*

Εἰς δὲ οὐκ ἄν τις πείλει, πόλις ἀστραμύματα δίδχει.

Quæque magnarum domuum omnia in se ipsa habet, quæcumque MEDIOCRIS VRBS possit continere: nempe Circum, Fora, Tempa, Fontes, Balnea diuersa. Ideò & poeta dixit:

Una domus VRBS est. vrbs OPIDA PLVRIA claudit.

Examina & nota, mira sunt: sed Martiali etiam paucis versibus comprehensa, *In habentem amœnas ades:*

Lib. xxi.

*Daphnonas, platanonas, & aërias cyparissos,
Et non vnus Balnea solus habes.*

Et tua

*Et tua centenis stat Porticus alta columnis,
 Calcatusque tuo sub pede lucet onyx.
 Pulveremque fugax Hippodromon ungula plaudit,
 Et pereuntis aquæ fluctus ubique sonat.*

Sunt ipsa, quæ Olympiodorus dixit, exceptis *Foris*: quæ intellegas fuisse hypæthra quædam & subdiualia, inter illas Porticus, & statuis alioque ornatu, in *Fori* faciem. Quid autem si reuera ibi iudicia & forenses conuentus? Fuere, & clientium, libertorum, seruorum suorum causas domi cognoscebant. Clientium autem magnus olim populus. Horatius:

*— non aliter tamen
 Dimouit obstantes propinquos,
 Et populum reditus morantem,
 Quàm si CLIENTVM longa negotia
 Diindicatâ LITE relinqueret
 Tendens Venafranos in agros
 Aut Lacedæmonium Tarentum.*

Vitruuius etiam suadet Nobilium, & qui magistratus gerunt, domos laxiores fieri; Bibliothecas ibi esse, Pinacothecas, BASILICAS (ad iudicia) non dissimili modo, quàm PUBLICORVM OPERVM magnificentia comparat. quòd in Domibus eorum sæpius & publica consilia, & PRIVATA IUDICIA arbitriaque conficiantur. Sed ut in re maneam, talis igitur laxitas: quid Apparatus & instructio? Communiter ita Seneca: Quid inter pueros & nos interest? nisi quòd Lib. VI.
cap. VII. nos circa Tabulas & Statuas insanimus, carius inepti. Illos reperti in litore calculi leues & aliquid habentes varietatis delectant; nos ingentium macule COLUMNARVM, siue ex Ægyptiis arenis, siue ex Africa solitudinibus aduectæ, porticum aliquam vel CAPACEM POPULI cenationem ferunt. Miramur parietes tenui MARMORE inductos, cum sciamus quale sit quod absconditur: oculis nostris imponimus. Et cum AVRO tecta persundimus, quid aliud quàm mendacio gaudemus? scimus enim sub illo auro fœda ligna latitare. Primum in ipsâ domo est, Columnarum dispositio, & è lōginquis petitarum: de quibus Plinij obiurgationes, si quis volet, legito; & de generibus pretijsque earum totus liber eius existit. Et quidem notat in vnâ Cænatione Callisti, Claudiani liberti, triginta se vidisse, easque è Sudine lapide Germanico, cui ingens tunc pretium. Lib. XXXV.
 & no-

& nouitas. Idem, in atrio Scauri collocatas maximas, atque adeò duodequadragenum pedum, Lucullai marmoris. Vide hanc altitudinem in vno atrio, quam multæ domus totæ vix æquant. Alterum in Senecâ, *Parietes marmore inducti*: quod genus *Incrustationes* Latini, Græci μαρμαρώσεις dicunt. Primum autem Romæ *parietes crustâ marmoris operuisse totius domus suæ, in Celio monte, Mamurram equitem Rom. Præfectum fabrûm Cæsaris*, Plinius tradidit auctore Nepote. Id non aliud fuit, quàm marmor in tenues crustas sectum parieti imponere scitè, & pro tectorio ei dare. Lucanus: *Nec summis crustata domus sectisque nitebat Marmoribus.*

Declamator apud Senecam patrem: *In hos ergo exitus varius ille secatur lapis, ut tenui fronte parietem tegat.* Secandi autem ratio (in Plinio, & Isidoro) *arenâ, & serrâ, in prætenui lineâ versante arenas, tractuque secante.* Et nos in Italiâ hodie vidimus fieri. Tertium, *Auro tectâ perfundi.* Significat laquearia inaurari tota solere, quod passim scriptores & tradunt & damnant. Musonius apud Stobæum: τί δ' αἱ ὀρεῖς αὐλαί; τί δ' αἱ ποικίλαι χρίσεις; τί δ' αἱ χρυσόφογοι εἴματα; *Quò pertinent hæc atria Columnata? quò variæ istæ colorationes? quò aurata lacunaria?* In secundo enim membro (ut mea versio est) χρώσεις legi cupiam, & ad marmora variegata parietibus imposita referam, vel etiam ad Musium opus. Nam ita & Mamertinus, ad Iulianum: *Neque ei comparande sunt PICTURATÆ marmorum crustæ, & SOLIDO AVRO tectâ laquearia, qui maiorem anni partem in nudâ humo cubat.* Ibidem & solidum aurum in Lacunaribus notes: quod passim in poetis, ut in Statio:

*Et nondum CRASSO laquearia fulua METALLO,
Montibus aut altè Graiys effulta nitebant
Atria.*

Qui montes etiam Graios poetice nominat, grandes illas sublimèque columnas. Idem de utroque:

*Pendent innumeris fastigia nixa columnis,
Robora Dalmatico lucent* sociata metallo.*

* Vulgò
satiata.

Sed & Lucanus, de Cleopatrarum regiâ:

*Ipse locus, templi (quod vix corruptior ætas
Exstruat) instar erat, laqueataque tectâ ferebant
Dinitias, crassumque trabes absconderat aurum.*

Quibus

Quibus versibus tamen plusculum etiam later, & trabes quidem auratas fuisse vult: sed cameram gemmatam, eboratam. Vtrumque enim & horum fiebat, ad splendorem & varietatem: præsertim in templis (cum templo autem Lucanus comparat) ut quasi cælum imitarentur. Arnobius de templis ipsis differens: *Sint ergo hac licet aut ex molibus marmoreis structa, laquearibus aut renideant aureis, splendeant hic gemmae; & sidereos euomant variatâ interpositione fulgores: terra sunt hac omnia, & ex facie vilioris materiae concreta.* Et tu, mi Auditor, obiter & hoc adde ad templorum suprâ ornatum. De ebore autem, in Ciceronis Paradoxis: *Testa ebore & auro fulgentia.* In Propertio:

Quod non Tenarijs domus est mihi fulta columnis,

Nec camera auratas inter eburna trabes.

Non leues porrò inductiones, aut ut poëta loquitur, sputa fuisse, Panegyricus ostendit: qui *SOLIDO AVRO testa laquearia commemorat*, & poëta suprâ, *Crassum aurum dixerunt.* Hieronymus autem in Epistolâ quadam, longiùs etiam hoc producit, & ad parietes ac columnas. *Vivimus quasi alterâ die morituri, & edificamus quasi semper in hoc sæculo victuri. Auro parietes, auro laquearia, auro fulgent capita columnarum.* Sed alia hîc etiam & ingeniosa luxuria. nam lacunaria ista versatilia faciebant, & aliâ atque aliâ subinde facie conuiuas delectabant. Seneca alibi: *Versatilia cenationum laquearia ita coagmentant, ut subinde alia atque* Epist. xcx. *alia facies succedat, & toties testa, quoties fercula, mutantur.* En, priuata ingenia & luxuriam: quid existimas Principes tentasse & fecisse? Nero Cæsar in vestibulo ædium suarum *Colossum centum viginti pedum posuit.* Hoc principium: deinde porticus triplices *MILLIARIAE*; item stagnum, *MARIS instar*, circumseptum ædificijs ad *VRBIVM speciem.* Rura insuper, aruis, atq; vinetis, & pascuis, siluisque varia; cum multitudine omnis generis pecudum ac ferarum. In ceteris partibus, *CVNCTA auro lita, distincta gemmis, vnionumque conchis erant.* Cenationes laqueate tabulis eburneis versatilibus*, ut flores; & fistulatis, ut unguenta desuper spargerentur. Præcipua cenationum rotunda, quæ perpetuò, diebus ac noctibus, vice mundi circumageretur. Ita verbatim ista Suetonius: multa *ADMIRANDA*, si tu singillatim explicas & in rem ducis. Sed vnum in hac Principum insaniâ (ita appellanda est) Plu-

Ad Gaudent.

* Ita iampridem publice legedum docuimus.

tarchi testimonium suffecerit, qui de Capitolij magnificâ & impendiosâ structurâ cum differuisset; addidit. *Quod si quis hunc Capitolij magnificum instructum miretur, idem si Domitiani in aulâ unam Porticum, vel Basilicam, vel Balneum, vel pellicum Diatam viderit; exclamet cum Epicharmo,*

*Non liberalis aut benignus tu clues,
Profusione gaudes.*

Dicit satis clarè, omnia illa Capitolina (quæ & quanta, antè diximus) nugas & quisquillas videri, præ vno membro aliquo Palatinæ domus. Quod mihi quidem stuporem incutit, non dissimulo: & iam lingua hæret. Avd. Soluam eam quæstionculâ. Dixti auro distincta vel ebore laquearia, an non & filuis? id est, an non ibi tales species, & intermixtæ veræ aues? Nam Rutilius Gallicanus hoc dicere videatur, in Romæ laudibus.

*Quid loquar INCLVSAS inter laquearia SILVAS,
Vernula quâ vario carmine ludit auis?*

Epist.
CXXIII.

LIPS. Poëtæ, aut poëtarum potiùs, vulgatam phrasim non attendis: nec *inter laquearia* propriè, sed *συνενδορρεῖν* inter tecta & domos includit eas siluas. Luci enim & arbuta in magnis istis ædibus erant: imò & super ædes, quod mireris, erant. Senecam auctorem do, qui, ut solet, castigans & increpans suum æuam: *Pomaria, inquit, in summis turribus serunt, quorum silvæ in tectis ac domorum fastigiis nutant, inde ortis radicibus, quò improbè cacumina egissent.* Atq; ego Bruxellæ meæ (quam ut alteram patriam colo) hoc vidisse memini, sponione ita factum; sed in breue aliquod tempus, & cum domus oneri illi non diu esset. Satis de *Domibus*: ad *Villas* eamus. utinam, utinam! sed hæc pericula & latrocinia, domo & vrbe nos claudunt. O Iscanum meum, cur non liberè te fruor & interuiso? cur natali illo aëre & aquis non me recreo? Da Deus hoc ante obitum, & pedem atque animum vagum per rura & hortos illos ferre. Sed *Villas* tamen Romanas animo & memoriâ lustremus, ut vel disposui antea, vel promisi. De ijs hoc vniuersè Strabo pronunciat, vbi de Pisis & Liguriâ scribit: *Esse ibi lapidei nas & materiem ad ædificia vberem, sed quam Romani ad ædificia ferè sua in vrbe aut & Villis consumunt: Villis, inquit, in quibus velut in re Persarum*

REGIAS

REGIAS QVASDAM *struunt*. En, Prætoria aut Villæ totæ eorum *Regias*, & quidem *Persarum*, referunt: quid maius ampliusque in hanc rem dicam? Vis specimen tamen aliquod in vnâ Villâ? Capitolinum audi: *Exstat Gordianorum Villa viâ Prænestinâ*, DVCENTAS COLUMNAS vno peristyllo habens, quarum quinquaginta *Carystææ Claudianæ*, quinquaginta *Siemitides*, quinquaginta *Numidicæ*, pari mensurâ sunt. In quâ BASILICAE CENTENARIAE tres: cetera HVIC OPERI CONVENIENTIA: & THERMAE, quales, præter urbem, nusquam in orbe terrarum. Tu si lubet, per te singillatim lustra: ductorem me vltra non habes. Sed nec Hadriani Villam in Tiburtino ingero, cuius superbæ reliquæ exstant: quid tot aliarum in solo Latio, & circa Romam? Vidimus ip si apud Ostiam & Ardeam rudera: & per siluas illas aut vepreta, quot Columnæ, aut earum fragmina, cryptæ, porticus, & disiecta ædium membra? O Deus, quæ mutatio? quàm hæc cogitatio me ad te trahit, infirma & incerta hæc omnia humana spectantem, & spernentem? Sed desinimus de *Operibus & Româ*: quam decoramus Constantij Imp. elogio, apud Ammianum. *Is enim visis plerisque cum STVPORE HORRENDO, de Famâ querebatur ut inualidâ vel malignâ, quòd augens omnia semper in maius*, ERGA HAEC EXPLICANDA, QVÆ ROMÆ SVNT, OBSOLESCIT. Si fama non potuit adæquare, multiplici suo ore & linguâ: quid ego meo sermone tenui, sine sensuum subsidio, per tenues coniecturas eunte? Sed tu, alijque, nec dicta suspicamini: & quidquid maximum conceperitis, fortasse nec id par erit. Philosophemur autem breuiter, duce Hormisdâ: qui regij Persarum sanguinis, à Constantio interrogans in re præsentî, *Quid de Româ sentiret? Id tantum sibi placuisse dicebat, quòd didicisset IBI QVOQVE HOMINES MORI*. Mori mi Auditor, mori: & vbi hæc omnia præclara, ampla, ADMIRANDA? quæri vides; vbi qui fecerunt ea, aut moliti sunt? periisse vides. Cogita, & tibi applica. nos ipsi, qui hæc meditamur aut loquimur, post aliquot annos, dies, horas, pulvis, vmbra, nihil. Nunc vale, & abi.

I. L I P S I
 DE MAGNITVDINE
 R O M A N A
 LIBER IIII.

CAPVT I.

*Transitum ad Virtutem Romanorum, & ea
 in genere predicata.*



** morte fa-
 cili.*

VD. Meridies abiit, ego me tibi sisto. L I P S. Video, sed quid ita tristiore vultu? AV D. Nec læta adfero. L I P S. Quæ? AV D. Tibi. L I P S. Quæ inquam? AV D. Vereor dicere. L I P S. Aude. nec ego ex his fatuis, qui ignorare mala, mederi censent. AV D. Obijt tibi ex amicis tuis. L I P S. Hem! ex amicis? effare. AV D. In Galliâ. L I P S. Quis ibi? AV D. Vir doctus. L I P S. Ede nomen. AV D. Et probus quoque. L I P S. Enecas. etsi ab his notis propemodû iam scio *Petrum Pythæum* esse. AV D. Diuinasti. obijt. L I P S. At tu me vulnerasti. sed quo fato? AV D. Suo, & illâ quâ Augustus optabat, ** ὀδυρομένη*. L I P S. Virum magnum Gallia amisit, & inter publicas clades aut iacturas hanc quoq; licet ponas. Sed ab exēplo disce, quàm non temerè heri clausurim & monuerim de morte. AV D. Profectò præsagiū fuit: sed tu perge ad nostra. L I P S. Inter hæc tristia, ad illa amœna? durus es. AV D. Quid ergo? dum viuo, non vis me viuere? Et ego Pythæo nostro benè esse spero, & gaudere ac ridere in beatis illis locis: cur doleam? Theodosius Imperator, qui variè in imperio iactatus, cùm mors instaret, inscribi sepulchro suo hoc vnum verbum iussit, *ΥΓΕΙΑ*: id est, *Sanitas*. Profectò illa medicina morborum, refugium & asylum malorum est: & in mundi his fluctibus portus, quem sapiens num-

numquam fugiat, imò (Deo vocante) totis velis in eum feratur. Tu autem hoc magis perge, quòd iam non amœna, vt aiebas, sed potiùs vtilia aut sapientia dices; &, vt partitio erat, de *Viris ac Virtutibus Romanorum*. LIPS. Ita est, quartus hic noster limes: & libentiùs insistam ac decurram, quia tali argumento. Cur apud te dissimulem? finis & fructus præcipuus mihi studiorum aut lectionum, hæc talia excerpere, & exempla aut dicta enotare ad sapientiam ac virtutem. Fabulemur autem, si placet, ambulantes. Amat valetudo, & lingua hæc magis soluitur in motu. Communiter igitur primùm (nec ordo hoc abnuit) laudemus Romanos: tum & distinctiùs quædam addamus. Plinij enunciatio est: *Gentium in toto orbe præstantissima una, & in omni virtute, haud dubiè Romana exstitit*. Appellas ab hoc iudice, & suspectum de Romanis Romanum habes? Accipe Græcum, & Ammianus prodeat, qui breuibus & grauibus verbis, *Romani imperij VIRTVTVMQVE OMNIVM laudem* dixit. Quid homo Gothici sanguinis, Cassiodorus? *Roma VIRTVTVM OMNIVM latissimum templum*. Profectò sedes suas per aliquot sæcula ibi habuère, nec iniuriâ ipsi Romani templum struxère HONORI pariter ac VIRTVTI. Vtramque colebant: sed & *Fortunam* etiam: id est (vt rectè interpretemur) Prouidentiam & Fata ab alto, quæ incredibile est, quàm presso nec tardanti pede secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Iure igitur Ammianus: *Roma vt augeretur sublimibus incrementis, fœdere pacis aternæ VIRTVS CONVENIT atque FORTVNA, quarum si altera defuisset, ad perfectam non venerat summitatem*. Conuenerunt autem ita, vt vtraque suum opus facere niteretur, & pænè dissidium esset in euehendo. Plutarchus alibi hoc vbertim edisseruit: & breuiter ac neruosè Annaeus Florus extulit, *Ad constituendum Romanum imperium, VIRTVTEM ac FORTVNAM contendisse videri*. Sed amica contentio fuit: in quâ tamen vicit, si Rutilium iudicem capis, ipsa Virtus. Nam ille sic Romam adfatur:

*Quòd regnas, minus est, quàm quòd regnare mereris,
Excedis FACTIS grandia FATA tuis.*

Pulchrè. & habuit igitur Fortunam, siue cælitum illum fauorem; sed habuit à caussis, quas ijdem cælites, per virtutum gradus nexusque, præstruxerunt. Vt id liqueat, videamus primum vniuersè qui *Viri* in imperio illo fuerint, & tum quæ *Virtutes*.

C A P. II.

Triplex ordo in populo ostensus, & quisque in suâ parte laudabilis.

Viros confidero dupliciter, & eos qui in Magistratu, Imperijs, Consilijs fuerunt, id est *Capita reipublicæ*: & parte alterâ, *minora etiam membra*, id est Populum & eos qui paruerunt. Dico vtrosque egregios fuisse, nec quibus alia gens faciliè aut ex vero (de Religione hîc non est sermo aut quæsitio) comparatur. Primores igitur illi in duplici discrimine sunt, *Senatores Equitesque*. Illos si inspicias, qui propriè sedebant ad clauum: proh Deus, quanta grauitas, sapientia, maiestas? Vt qui ordinem eum *Ex REGIBVS constare dixit, vnus veram eius speciem cepisse*, Liuius videatur. Is fuit Cyneas legatus Pyrrhi regis: vir nec mentis nec oris egens, qui cùm vrbe[m] lustrasset, atque etiam blandiloquentiâ & munificentiâ variè tentasset, vndique repulsus, ad Regem redijt: & interroganti *Quid de hostium sede sentiret? Urbem* *TEMPLVM sibi visum, Senatum REGVM esse confessum fatebatur*. Profectò talis fuit, & nec sub Principum imperio nimis degenerauit. Cassiodorus de suo æuo: *Urbs ornata tot EXIMIIS SENATORIBVS, beata tam nobilibus populis*: etsi tunc quidem fateor discessisse ab illâ præstantiâ, & vt grande ædificium, paullatim mole suâ defedissee, & mox ruisse. Erant autem in illo Senatu, vt cum Lucretio hoc dicam,

Lib. ix.

Flor. lib. i.

Ductores Danaûm dilecti, PRIMA VIRORVM:

eximij, inquam, ciuium, genere, censu, virtute. Nam hæc spectabant: nec temerè viles aut sordidos (etsi plebeios interdum, quos magna virtus eueheret:) inopes numquam, & improbos rarò admittebant; aut si tales, non tenebant. Censores enim (ô laudabile & diuinum institutum!) legebant hunc Senatum: atque ijdem per singula lustra examinabant, ac relegabant: & si quis

siquis loco eo indignus, aut siquid in priuatâ etiam vitâ turpe aut maculosum, notabant & emouebant. Quomodo id fiebat? silentio, & sine accusatione vllâ, aut causse apud iudices dictione. Dumtaxat in recitando Senatu, quod publicè & solenniter fiebat, nomen eius præteribant, quem motum Senatu vellent. Ita cum in albo illo non esset, nec in Senatu censebatur. Causa quidem ijs mouendi semper erat, & hanc subsignabant, & volentibus edebant: sed certare de eâ lite, nihil opus erat. iudicium sufficebat: quod à tam grauibus viris (nam primores ferè Senatus erant) bonum meruisse, laus & approbatio habebatur; culpa & damnatio, triste. Avd. Pulchrum, bis pulchrum: sed cum eâ lege, si viri illi boni essent. quid si per affectum iudicassent? LIPS. Rarè, aut vix euenisse legimus. Nam voces statim omnium damnassent, & exagitassent: & fac tamen semel iterumque euenisse; quid magni mali, præ magno illo bono, erit? Non enim alia pœna, quàm Ignominia: facilè aut contemnenda, aut eluenda, qui publica iudicia aut testimonia pro se haberet. Denique alij Censores mox reponebant. Nam & hoc scire debes, non in grauibus & grandibus peccatis hanc Censuram interuenisse: ea enim legibus & iudiciis seruabantur: sed minoribus delictis, aut domesticis flagitijs. à quibus vacare & castos esse primos illos Ordines maximè volebant, & quorum vita erat in exemplum. Avd. Iterum exclamo, Pulchrum! Sed dic sodes, multi igitur isti tam electi in Senatu? LIPS. Initio à Romulo *centum* facti, & *Patres*, iidemque *Senatores*, vel à curâ, vel ab ætate dicti. Postea ad *trecentos* creuere, & in liberâ Republicâ sic mansere, vsque ad Liuium Drusum. Is in Tribunatu, cum opes Senatus veller extollere, eosdem iudicijs etiam præponere; numerum auxit, & ad *sexcentos* fecit. Mansisse ita ad Cæsarem opinor, qui per bella ciuilia non opes solum, sed honores multis largiturus, amplificauit, & vel ad *mille* allegit. Displicuit Augusto, & magnâ curâ, atque iteratâ aliquoties recensione, purgauit: & denique ad modum veterem, id est *sexcentos*, redegit. Qui sanè satis amplius numerus, etsi in amplo illo imperio: atque ex his plerique, non solum consilijs publicis semper adhibebantur, sed etiam in prouincias, ad imperia, aut exercitus mittebantur.

Itaque

Itaque curia hæc velut promptuarium erat, è quo statim Princeps caperet viros, ad omnia ciuilia aut militaria munia aptos, & suffecturos. Et hoc aspectu tenuerunt Senatum, grande vel vnicum fulcrum illius Principatus. Otho Imperator ipse, apud Tacitum: *Quid? vos pulcherrimam hanc urbem, domibus & tectis, & congestu lapidum, stare creditis? Muta istac & inanima intercidere, ac reparari, possunt: AETERNITAS RERVM, & PAX GENTIVM, & MEA CVM VESTRA SALVS, incolumitate SENATVS firmatur.* Et elogia ista de Senatu, res & veritas multis dictauit. In Cicerone leges: *Senatum PRINCIPEM SALVTIS, PVBLICAEQVE MENTIS.* In Ammiano, *ASYLV Mundi totius.* In Cassiodoro, *Gloriosum Senatum, MORVMQVE LVMINA.* In Petronio, *RECTI BONIQVE PRAECEPTOREM.* Iam in Tacito etiam dicitur, *CAPVT IMPERII, & DECORA omnium PROVINCIARVM.* Cur nominatim de *Prouinciis*? quia iam sub Principibus, ex omni regione capiebantur Senatores. Et vt ditissimi honestissimique Prouincialium ciuitate donabantur, Equites fiebant, ita & mox Senatores. Vtile inuentum, & ad populos sub vnum imperium firmiter colligandos. Symmachus eâ causâ scripsit: *Pars melior HVMANI GENERIS Senatus.* Cassiodorus: *Quidquid HVMANI GENERIS floris est, habere Curiam.* Et Panegyricus scriptor: *Sensisti Roma te tandem arcem omnium gentium, & terrarum esse reginam, cum ex OMNIBVS PROVINCIIS, Optimates viros Curiae tuae pigneraueris, vt Senatus dignitas, non nomine quàm re esset illustrior, cum ex TOTIVS ORBIS flore constaret.* Alter autem ab hoc ordo est *Equitum*: qui & ipsi ab illis notis tribus probati, aut probandi. Nam de Genere, multi erant è Senatoribus & Patribus orti: & certè liberti aut libertini, nec si Censum haberent (nisi beneficio Imperatorum) in hunc ordinem veniebant. Quod inferiore etiam æuo Alexander Imp. seruauit, de quo Lampridius: *Numquam libertos in equestrem locum redegit, asserens SENATORVM SEMINARIVM equestrem locum esse.* Erant tamen ex ingenuis multi, & ferè omnes qui Censum equestrem haberent. Is fuit *Quadringentorum*: id est, decies mille Philippicorum. Igitur latus hic ordo & amplus, vt tunc opes plerisque amplæ erant: & ideo quod ad Vitam, coërcendus aut recidendus. Apud veteres

terres id quoque Censores fecere, siue in *Transfectione* (quæ tamen eorum modò erat, qui *Equum publicum* habebant) siue per lustra singula, cum ordines digerebant & recognoscebant. Nam hîc quoque Album erat, siue tabulæ, & recitabant: quique primus ex ijs nominatus, *Princeps iuuentutis* dicebatur. planè, vt qui in Senatu primus recitatus, *Princeps item Senatus*, augusto titulo, dicebatur. Sed cur *Iuuentutis*? an omnes iuuenes? inò viri plures & senes erant: sed caussa & origo, quòd olim & primâ republicâ, pauci Equites, nec ferè nisi filij Senatorum. Creuit paullatim largiter numerus, & magnam ciuitatis aut ciuium partem comprehendit: sed nomen tamen *Iuuenum* mansit. Sed & Iuuenes antiquis dicti ad annum XLV. AVD. Iam semel iterumque de Senatorum filijs: non ergo ij Senatorij, aut Senatores? LIPS. Caue erres: distinctione hoc dicam. Aliud *Senatus*, si Principum tempora adspicias, aliud *Senatorius ordo*. Ille certo numero stetit, vt diximus, & intra *sexcentos*, sub Augusto quidem: at iste, latius patuit, & iuuenes quoque ac Senatorum filij, sed & alij equites in eum cooptati. Censebantur enim Senatorij, qui ius lati clauis à Principe impetrassent: id est, insigne ipsum Senatorum. & in Senatum quidem ij veniebant, sed sententiæ ius fuisse non putabis. Institutum enim Augusti fuit, quod ipsis Suetonij verbis dicam: *Liberis Senatorum, quò celerius reip. assuescerent, protinus à virili togâ latum clauum induere, & Curia interesse permisit*. Hoc ita Augustus, sed restrictè, in *Senatorum* Dio LIX. *liberis*: postea Caligula etiam alijs quibusdam equitibus permisit. Permisit dico, alijsque Principes; sed sic vt ab ipsis peteretur. Talis est ille Iulius Montanus apud Tacitum, *Senatorij ordinis, sed qui nondum honorem capeffisset*. Hos ipsos *Senatores* interdum dici reperio. vt in Tacito: vbi Togonius Gallus censet, *Principem diligere Senatores viginti, sorte ductos, ad custodiam sui*: & Tiberius custodes oblatos hos amolens, *Nam quos omitti posse, quos eligi? honoribus persunctos, an iuuenes?* Intellegit hos nostros *Iuuenes*, qui nondum propriè Senatores, sed, vt ita dicam, *Senaturiebant*. Hi sunt, qui *Illustres equites* à Tacito eodem, atque alijs, ad discrimen dicuntur: & palàm ipse Tacitus cum Senatoribus iungit, aut coæquat. *Augustus, inquit, in-*

ter alia dominationis arcana, seposuit *Ægyptum*, vetitis ingredi, nisi permissu, Senatoribus, aut illustribus equitibus Romanis. Sed ne abducamur à nostris Equitibus: genus igitur diffusum, & in vario discrimine: erant qui *Equo publico*, erant qui *Iudices*, erant communi nomine *Equites* dicti. Illi qui *Equo publico*, tempore *Dionysii Halicarnassæi*, id est *Augusti*, ad quinque millia erant, aut supra, ut ipse vidit ac numeravit. Qui in Iudiciis, haud pauciores: imò plures ex *Plinio* scribente, *Iudicum non nisi quattuor Decurias fuisse primò, vixque singula millia in Decuriis, nondum prouinciis ad hoc munus admissis*. Quâ adiectiunculâ notat, largiter plures suo æuo fuisse: cum & *Caligula Quintam Decuriam* addidisset. Quid iam dicemus in reliquâ classe eorum, qui immunes, fuisse? Atque isti Equites, quos *Perseus rex* apud *Liuium* ita laudat & insignit: *Equites enim illis, PRINCIPES iuuentutis; equites SEMINARIVM Senatus; inde lectos in Patrum numerum, Consules, inde Imperatores creant. Quæ omnia satis clara tibi, ex ijs quæ dixi. Superest tertius ordo Plebis. de quo quid singulariter dicam, nisi triplici discrimine fuisse, Ingenuos, Libertinos, Libertos? Et in militiâ discrimen erat ab hoc genere; itemque à Censu, sicut & in alijs munijs, siqua publicè subirent. Vita etiam Censuræ permissa: quam tamen neglexisse postea (malo sanè publico) Imperatores video, contentos duplicem illum priorem ordinem recognosse. AVD. Satis decora & utilis tota hæc Ordinum distinctio: sed vulgò & in occurso poterantne agnosci? LIPS. Poterant, & statim quidem, ab habitu. Nam etsi toga communis omnium ciuium vestis esset: tamen discrimina alia, ab alijs notis. Ut solis Senatoribus, aut istis quasi Senatoribus, ius *Lati clau* gestandi erat: quod non aliud, quàm velut bullæ è purpurâ, & capita clauorum intexta aut inserta. Equitibus autem Aurei annuli, qui hunc ordinem, ut *Plinius* ait, à plebe distinguebant. Qui his duabus notis carebant, Plebs erant.*

Lib. XLII.

CAP. III.

Iustitia & Clementia in bellis.

VIROS igitur communiter iam vidisti, & in classes suas distinctos: ire per Magistratus & officia Ciuilia aut Militaria, longum sit, nec nostri nunc sermonis. Etsi omnia ea optimè & prudentissimè instituta, siquâ vmquam in Republicâ: sed omittantur, & quod propositum, de *Virtutibus* addamus. Nam viros illos laudabiles, vel potius ADMIRABILES fuisse dico, idque à duplici virtute, *Militari* vel *Ciui*. Illam in imperio & republicâ iure considero, vt tutelam eius, imò augmentum: sine quâ frustrâ aliquis status aut commune se iactet. Præmitto igitur, & duo hîc in Romanis, *Iustitiam ac Fortitudinem*, miror. Quod ad illam, nescio an alia gens consideratius, & causis in Rationis trutinâ libratis, bellum susceperit, quàm ista. Nam plerique, aut Regum suorum arbitrio arma induerunt, aut primorum aliquot in Republicâ, qui decernebant. Hîc aliter. & nec Senatui, nec populo toti, plenum hoc ius; nisi cognitio & iudicatio sacerdotum publicorum interuenisset, quos *Fetiales* dicebant. Eorum arbitrio sumpta arma, posita arma: & religio, non solùm iustitia, ea temperabat. Laudat & probat hoc vnice Dionysius: & *Græcos suos caruisse* eo dicit: & *se se ideò obiter expositurum, quid muneris & iuris habuerint*: vt, inquit, quibus ignota hætenus fuit Romanorum IN BEL-
LIS RELIGIO, mirari desinant felices euentus plerumque habuisse. Nam omnium bellorum initia & causas, apparebit iustas fuisse: atque ideò Deos meritò propitios sensisse & fauentes. AVD. Prudens & pia scriptio Dionysij, fateor: sed an vera Lipsi? Itane omnia bella iusta, & à talibus causis? Mirum sanè. cùm video tot regna aut regiones bello petitas, & subiectas; atque adeò in paucis annis, cùm extra Italiam pugnare cœperunt, domitum penè vniuersum orbem. Singularis hæc occasio vel opportunitas, si omnes sic ordine læserunt aut lacefferunt: & planè ponenda inter tua ADMIRANDA. Quin, quod res est, dicimus? Bella quædam iusta, non nego: plura à duobus malorum stirpibus

nata, Ambitione & Auaritiâ. quod nec ipsi Romani scriptores negent. Vis Sallustium audire? *Romani arma in OMNES habent, in eos acerrima, quibus victis SPOLIA maxima sunt.* Et iterum: *Romanis cum nationibus, populis, regibus cunctis, VNA, & VETVS bellandi causa est, CVPIDO profunda IMPERII & DIVITIARVM.* Quid Tacitus tuus, ille iudicij consideratus simul & liber? *RAPTORES ORBIS, postquam cuncta vastantibus defuere terra, & mare scrutantur. Si locuples est hostis, AVARI, si pauper, AMBITIOSI. quos non ORIENS, non OCCIDENS satiauerit.* Audis, Lipsi, præclara hæc elogia? & ab ipsis quidem Romanis: nec tu veste aut colore aliquo sermonis facile hæc te ges. LIPS. Suauiter rideo. AVD. Ita video, cur autem in re seriâ? LIPS. Nam tuam hanc malitiam (imperitiam dicere non possum) quâ non rideam? qui verba te dare mihi censes, in his quasi Romanorum verbis, quæ reuera hostium esse non ignoro. Nónne priora illa Mithridates apud Sallustium profert, altera Galgacus apud Tacitum? Mirum autem, si ij benè honesteque de Romanis loquantur aut sentiant, qui viris & equis expugnatum eos eunt & euersum. O tuam dissimulationem! quasi nescias decorè hæc historijs inferi, non quia probè aut verè, sed quia probabiliter ab ijs dicta. Nam talia non desunt, nec vñquam deerunt, magnis imperijs obiectari. Miserabiles enim ferè victi sunt, & fauemus imbecillis; & passi iniuriam videntur, quia non fecerunt. Atqui terras eorum inuaserunt, & ceperunt. Quid ergo? liberè & impunè læsisse vis? incipere bella, in alienâ manu est: non ponere cùm lubet, & vt lubet. Amittere sua non iniuste incipit, qui aliena aut alios iniuste læsit. Sed enim ordo iste mirificus, & inter mea ADMIRANDA referendus, vt aiebas. Ego tecum hoc sentio, & arripio: & admirabilem planè hîc habeo Prouidentiam diuinam. Itâne serie quadam bella ex bellis nata, prouinciæ ex prouincijs subactæ? Illa causas dedit, aut permisit: & semper duplici hoc titulo Romani vsi, vt aut pro *Salute* arma caperent, aut pro *Fide*. Pro illâ, vbi res eorum ageretur; pro istâ, vbi Sociorum. Et hoc de Socijs latè patuit, & est illa catena, quæ bella & terras coniunxit aut subiunxit. Cicero verè & liberè: *Noster populus, SOCIIS defendendis, TERRARVM OMNIVM potitus est.* Verè inquam: & vis pauca exempla? Ecce Carthaginien-

ses validi sunt, imò æmuli virium Romanarum. obstant crescentibus: quid fit? remouendus ille obex, & caussam ipsi præbebunt. Siciliam inuadunt, & Maimertinos: isti ad Romanos appellant, vt Socios. Veniunt, subueniunt, pellunt eos, & quæ sita iam ipsis ad se trahunt. Fit pax, & Sardinia etiam Siciliæ adijcitur, cōcessu ipsorum. Vides augmentum? Sed enim iam sistimus, & illi manent ac florent? non. in Hispaniam malâ cupidine transcendant, arma etiam Saguntinis inferant, & amicum sociumque Romanis opidum euertant. Bellum ergo iterum iustum: quo fine, & fructu? Victi illi, & in Africam compulsi, Hispaniâ aucti Romani. At enim Græcia & Macedonia iam defunt. Vis iustè dari? Philippus Macedo fœdus cum Annibale coibit, Romanos & Græcos simul laceffet: atque isti eos aduocabunt, & sibi primùm, mox & Macedonibus, imponent. Talia in Antiocho, Iugurthâ, ipso Mithridate. qui sceleratissimus non regum, sed mortalium, quid de fraude vel iniustitiâ Romanorum queritur? vt volet, ipse ab illis & nobis audiet, *Va victis*. Non dicam pereant, sed tamen pareant, qui vincere aut quiescere non potuerunt. AVD. Hem! acriter tu pro Romanis: sed ex animi tui sententiâ? LIPS. Ex sententiâ: saltem de antiquis illis Romanis, & ante Sullam ciuili bello nondum infectis &, vt sic loquar, decoloratis. Pleraque omnia tunc pura & iusta: & liceat cum Rutilio, verè de Româ dicere,

IVSTIS BELLORVM *caussis, nec PACE superbâ,*
Nobilis ad SUMMAS gloria venit OPES.

At postea degenerarunt, Auaritia & Ambitio quædam dictarunt, ad hoc Rationis examen non dirigenda. AVD. Iam remissius, & laudo. quid tamen in Rutilio audio, nec *Pacem superbè* dedisse? Imò rarò dedit, aut impotenter & superbè dedit. LIPS. Neque id tibi dabo. Quosdam populos puniuit, fateor, sed non nisi imperio suo, & stipendiario illo iugo. Quàm multis autem & pacem indulsit, si vti eâ potuissent, aut voluissent? Ipsis Carthaginiensibus bis: Philippo etiam, & Antiocho, & Tigrani: atque hos omnes cum pelleret terris in eorum manu esset; contenti fuerunt restringere, & vt imagine hac vtar, pennas incidere, ne temerè & lasciue sic euolarent. Sed satis super Iustitiâ.

CAP. IV.

Fortitudo Romanorum militaris.

Fortitudinem in militiâ nunc consideremus. Quid tamen hîc diffundar? nōne satis in ROMANA MILITIA meâ feci? Opinor: sed argumenti & contextus etiâ causâ, pauca dicantur. Aio igitur & *Milites* & *Duces* præstantissimos huic genti fuisse, & in omni æuo ADMIRANDOS. Vide mihi legiones illas, quæ binæ iunctæ, & cum totidem Socijs, equitatu autem *mille octingentorum*, ad quæcumq; bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel calum diruere* eas potuisse? Ecce gygantes novos, & veros, nec è fabulis petitos. An non tales ibi videbuntur, si in *Opere*, *Agmine*, *Acie*, paullisper eos consideras? Quod ad Opus, fodiebant, vallum & fossas ducebant; aggerem, testudines, turres struebant: omnia celeriter & industriè, vt fidem superet paucos homines tanta in tantulo tempore, struxisse. In ** Poliorceticis* meis dedi exempla. Iam de Agmine, quid istud est? arma omnia peditem ferre, cibos semestres aut menstruos, vtenfilia, & septenos aut plures interdum vallos. Iumentum ita oneres, negabis par futurum. Adde ordinem in toto incessu, à signis non discedere, pari passu omnes ambulare, decurrere etiâ, cùm opus esset, in plenis armis. Denique in acie quis par Romano miles erit? nam non fuisse quidem, id cōstat. Cùm omnibus gentibus, omni genere armorum aut pugarum, concurrerunt: ecquando victi sunt ignaviâ suâ aut culpâ? nam hoc addendum est: & optimus ille miles semper potior, nisi mens & directio impediret imperiti aut temerarij Ducis. Liuius gloriatur: *Absit inuidia verbo, & ciuilia bella fileant, numquam ab EQVITE hoste, numquam à PEDITE, numquam APERTA acie, numquam equis vtique locis laborauimus.* Vera dictio, & trophæa victarum gentium adstipulantur. Græcos aut Macedonas aliquos mihi compones? Pyrrhus ipse Macedo refutabit: & cùm Ro-

manæ

* *Poliorceticis*
meis

Lib. IX.

manæ militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare; aut mihi Romanis militibus, aut Romanis me rege!* Atqui si quisquam Regum bono & veterano milite instructus fuit, is fuit. Quid autem mirandum tales fuisse, apud quos, à primâ adoleſcentiâ, vita omnis in armis, honos omnis ab armis erat? Nemo honestiorum ad remp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem operæ pretium est in hac re audire: *Quinetiam in militari disciplinâ vos, ô Romani, omnium aliorum inscitiam coarguistis. Nec enim contra hostes dumtaxat milites vestros ac Duces, sed inter se primùm committitis & exercetis. Ita fit ut COTTIDIE STENT IN ACIE, nec vñquam quisquam LOCO CEDAT, sed ut in eterno & caelesti choro, quisque stationem suam cognoscat & seruet.* Reuera ita est: & de statione quod ait, quis nescit locum in acie, vel in præsidio, militi seruandum, vel moriendum fuisse? Leuiter ab eo discedere, à vitâ erat abire: ut seueritas quidem volebat saluberrimæ illius Disciplinæ. Inde contemptus periculorum & hostium: & in medios illos vel exiguam manum si Dux misisset, quis non sine cunctatione parebat? Exemplum illustre & notum, sed ADMIRABILE est, in bello Punico primo. Consul parùm prouidè suos ductans, in locum humiliorem, & collibus vñdique cinctum, insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat: *Consul, inquit, vides tu collem illum, ab hostibus nondum occupatum? illuc censeo mittendam cohortem aliquam militum, si te & alios vis saluos. Hostes enim in illos irruent; intereà tu, si vir es, te explicabis, & peruades.* Placuit Consuli sententia, & vera erat: nec de militis obedientiâ dubitabat, sed *Ducem, inquit, illum qui in certam mortem eat, quem habemus? Meipsum,* ait ille. Dictum, factum, quadringenti ad moriendum proficiscuntur, & cadunt: solus Tribunus inter mortuos, semimortuus ipse, reperi- tus conualuit, & sæpè vtilem operam reipublicæ postea nauauit. Viros istos tali robore, tali obedientiâ, alibi mihi dabis?

Spar-

Spartanos tamen excipio, solos dignos qui cum Romanis comparentur, si vires & copiae maiores fuissent. nam alia non degenerant. Sed hæc infelix audacia: illa lætior. cùm Punico item bello, fugientem eorum classem, pedites in mare se coniicientes & natantes, quasi in camporum firmitate aggressi, manibus suis in litus retraxerunt. Paullò vetustiora ista sunt: ecce magis noua exempla. Bello Africano ciuili, Centurio Cæsaris cum aliquot veteranis in mari captus, ad Scipionem aduersarium Ducem perductus fuit. Ibi Scipio clementer vitam statim offerre & honorem, si deficere à Cæsare, & pro se stare vellet. Ille autem contrà, hortari vt ipse desisteret, neu contra tam inuictum virum & copias pugnaret: *Quæ, inquit, cuiusmodi sint, si minùs antea expertus es, licet nunc cognoscas. Elige ex tuis cohortibus vnâ, quam putas esse FIRMISSIMAM, & constitue contra me. ego autem ex meis commilitonibus, quos nunc in tuâ tenes potestate, NON AMPLIUS DECEM sumam: tum ex virtute nostrâ intelleges, quid ex tuis copijs sperare debeas.* Ita Hirtius, siue Oppius, siue Balbus, castè & puriter hæc narrauit. AVD. Lègi equidem, & meminî: sed quid nisi militaria & vana hæc verba sunt? Nam vt decem contra quadringentos consistant, nulla ratio aut exempla dicent. L I P S. Rationem nunc omitto, etsi ea quoque in veterano isto robore est: sed exemplis hoc firmari potest. Non tu in eodem Hirtio legisti, *Numidarum copias, in coronæ modum, Cæsaris copias cinxisse? Casariani interim, inquit, NON AMPLIUS TRES aut QUATTUOR milites veterani si se conuertissent, & PILA VIRIBVS CONTORTA in Numidas infestos coniecissent, AMPLIUS DVORVM MILLIVM, AD VNVM terga vertebant.* Hoc etsi mirum, tamen verum est: & nisi fallor, ipso illo scriptore arbitro & inspectore gestum. Sicut quod idem eodem bello, de Gallis nostris tradidit: *Accidit res incredibilis, vt equites MINVS TRIGINTA Galli, Maurorum equitum duo millia loco pellerent, & rgerentque in opidum.* Vis nominatim & L. Sicinium aliquem citem, qui centies & vicies in aciem descendit? *sex & triginta spolia ex hostibus rettulit? octo ex pro- uocatione occidit? quinque & quadraginta vulnera pectore excepit, tergo nullum?* Vis Cassium Scæuam? qui in Britannico litore, cum quattuor commilitonibus in scopulo reli-

relictus, cùm mari abeunte hostibus adire fas esset, atque ij confertim irruerent; desertus ab alijs, solus imperum sustinuit, multos deiecit aut occidit, denique armis suis onustus, solo scuto abiecto, in mare se dedit, & ad Cæsarem natauit. Qui stupens ad viri virtutem, laudare parabat: at ille disciplinæ memor, *Da veniam Imperator*, inquit, *quòd scutum reliqui*. O dictum, factis illis ipsi laudabilius! & quid à tali animo, non enim iam manibus solùm, non speres? Idem Pompeiano bello, ad Dyrrachium castello præpositus, solus in portâ consistens, contra Romanas, Romanas dico legiones & copias, id seruauit. Quo tempore oculus ei effossus, humeri traiectione & femur, scutum *centum triginta* ictibus perforatum. Fabellas recitare hodiernis militibus videamur: sed nos res dicimus, tam hercules quàm cùm *Onera aut Opera* narramus, adeò non imitanda, vt nec credenda. Sed in victoriâ quid milites istos miror? magis pænè in clade & morte. Miles in Cannensi prælio, cùm vulneribus confectus, manus etiam mutilatus esset, spoliare se conantis Numidæ ceruicem brachijs inuadens, ad se traxit, & naribus atque auribus corrosis (cùm alia tela non essent, aut tractare non posset) deforme cadauer aspicientibus reliquit. De vno loquor: sed *quàm illi viri fuerunt* (Flori verba dabo) *quos ab elephantis obrutos Pyrrhi prælio accepimus? omnium vulnera in pectore, quidam hostibus suis immortui, omnium in manibus enses, & relicta in vultibus minæ, & in ipsâ morte ira viuebat?* Vide mihi istos, non homines, sed Martes, si fas dicere: & nec victos quidem, vincendos. Satis de Militibus, transco ad Duces: etsi quomodo non isti omnes Duces? Imò quod Thucydides de Lacedæmonijs scitè dixit, ὅτι ἄρα, πλεὺς ὀλίγων, τὸ στρατόπεδον αὐτοῖς ἀρχόντες ἀρχόντων εἴσι: quòd, *paucis exceptis, exercitus eorum DVCEs DVCVM essent*: id profectò in Romanos conueniebat. Sed tamen Duces etiam aliqui eximij: vt parens ille *Romulus*, vt *M. Furius Camillus*; vt *L. Papirius Cursor*, quem vel *Alexandro* parem (si venisset) *Liuius* opponit; vt *M. Claudius Marcellus* igneo impetu; vt *Q. Fabius Maximus*, salubritarditate; vt *P. Scipio Africanus* prior, diuinâ felicitate; & posterior, diuinâ virtute; vt denique (nam omnes quis numeret?) caput & culmen *C. Julius Cæsar*: fortunâ, peritiâ, magnitudine & celeritate animi, super

omnes qui arma tractarunt, aut tractabunt. Sed concludimus: si post Cæsarem tamen vnum addidero, alterius Cæsaris ô fidum vtilemque ministrum! Is *M. Vipsanius Agrippa* fuit, vir bello prouidus & fortis, & vel caussa victoriarum Augusti, vel instrumentum. Nec post eum, flaccescente iam Romanâ indole, quos mirer habeo, nisi fortè *Germanicum Cæsarem*, sed prope-rata mors eripuit; aut magis certè *Traianum*, suo & proprio clogio OPTIMUM MAXIMUMQUE.

C A P. V.

Pietas, Probitas, Constantia Romanorum.

* Nota ad
copiam ex-
teriorum.

SED ad *Ciuilem* iam Virtutem venio, domi & in togâ spectandam. Eam per omnes ordines diffusam triplicem maximè reperiò, *Pietatem, Probitatem, Constantiam*. *Pietas* eminet, vana illa quidem dixerit aliquis, sed tamen in assiduo Numinis cultu (pro ipsorum captu) reuerenter occupata. Incredibile est, quàm omnia publicè & priuatim religiosè cœpta, administrata, patrata: vt totam ciuitatem sacris operatam & addictam possis arbitrari. Atque id secundùm vetera instituta, nec nouitati aut inutationi dabant hîc locum. Miratur hoc Dionysius: quòd quamquam * sexcenta nationes panè in urbem fluxerant, quibus singulis sacra sua ritusque patrij essent; tamen ad suum æuum (inquit) nulla peregrina religio publicè suscepta; aut si qua oraculorum monitu introducta, ea ipsa Romano more culta, abdicatis fœdis vanitatibus, aut fabularum portentis. Quò valdè faciebat, quòd Sacris præessent, & ipsi non interpretarentur solùm, sed administrarent, viri in Republicâ primi, honoribus honesti: qui & exemplo plebem cò trahebant; & prudentiâ ac maturitate, noua aut nocitura spernebant. Ab hoc deinde capite alia Virtutum membra: & in primis illa *Probitas*, quam nominavi, id est animi morumque integritas quædam & candor. Sine fūco, sine fallaciâ diu mores illi fuerunt: & in prouerbiū abierat, *Homo Romani ingenij, Romana simplicitas, & Romana fides*. Incerti, sed Romani scriptoris, versus sunt:

CIVE

CIVE ROMANO PER ORBEM nemo viuit IUSTIVS.

Quippe malo vnum Catonem, quàm trecentos Socratas.

Et sanè differere alibi de virtute crebrum, hîc vsurpare. Quâ in re alienum testimonium audiamus, & Polybij, id est hominis Græci. Deus bone, quàm ille dilaudat, & suæ genti præfert! *Apud nos, inquit, si cui talentum concreditum sit, & exstent decem syngraphæ, decem signa, bis totidem testes; tamen fidem vix est seruare: apud Romanos autem, cum in Imperiis aut Legationibus plurimum pecuniæ in manibus habeant & dispensent, tamen officium & fides constant, solâ iurisiurandi religione inductis.* Vides probitatem in hac parte? sed & in bello candor is fuit, & rarò astu aut fraudibus victoria quæsitâ aut parta. Tangit grauitè M'. Aquillium Imperatorem noster Annæus Florus, quod is bello Asiatico veneno fontes miscuisset, ad deditiōem quarundam vrbiū. *Quæ res, inquit, vt maturam, ita infamem fecit victoriâ. quippe cum contra fas Deū, MORESQUE MAIORVM, medicaminibus impuris, in id tempus SACROSANCTA Romana arma violasset.* Iam & huic Probitati *Abstinentia*, siue etiam *Continentia*, adherent: non fœdè aut iniuste appetere alienum, parcè & modicè suo vti. Et illius quidem (*Abstinentiæ*, dico) quàm pulchrum, nec iactatum nimis, exemplum fuit ab vniuerso populo editū, Marianâ & Cinnanâ proscriptione? Quippe cum ij hostium suorum penates, omnibus opibus aut elegantijs plenos, vulgi manibus diripiendos vtrò obiecissent: nemo inuentus est, nemo, qui iniustam hanc prædâ è ciuibz peteret, caperetve: sed, tamquam à sacris edibus, omnes inanus & cupidinem abstinerunt. Et quid in togâ miramur hæc exempla; cum in ipso bello, & inter hostes, prædâ abstinentia fuerit? quæ non nisi permisso capta, & sic quoq; tota ad Duces relata. Iam in *Continentiâ* quàm laudabiles, si cibum, vestem, aut externa alia spectes? Plinium & Plautum testes habemus, populum Romanū per aliquot sæcula, non nisi farre & pulte vulgò vsum. Quòd si nuptiæ, festiuitas, aut lætius conuiuium esset; pro magno pauci pisciculi, & porcinae aliquot pondo, in obsonium adiecta. Similis in vestibz frugalitas: & omnium, ditium pauperumque, è lanâ; atque eâ natiui & albidî coloris. nisi quòd ditiorum splendentes paullò magis & nitidæ à fulloniâ arte essent. Nam Sericum, Holofericum,

ipsa Lintea, serò innotuerunt, & timidè etiam in vsu paucorum venerunt. Adderem Modestiae laudem, & reuerentem Senatus & procerum suorum populum: nisi Tribuniciae interdum procellae turbassent, quam ego pestem vnicam & labem reperio in re Romanâ. Denique & tertiam virtutem *Constantiam* feci: ô verè ADMIRANDAM in hac gente! Nam in alijs pares alios habeant: in hac nec comparandos. Mucius ille olim oraculum protulit: *Et facere, & PATI FORTIA, Romanum est*: quasi hæc in malis magnis Patientia (quæ ipsa est Constantia) peculiaris eorum virtus esset. Et tu dispice. Vnquamne vnum aliquem hominem, plus inuicti, & obnixi in omnes casus, roboris ostendisse, quàm populum hunc vniuersum? Exemplis doceatur. Pyrrhus ille in Italiam venerat, cum noui generis gentisque copijs, & inprimis inaudito terrore elephantum. Victor grandibus prælijs erat, Italiam percurrerat, & à trigesimo pænè lapide Romam prospexerat. Quid Romani? trepidant scilicet, & pacem petunt? Imò oblatam vltro respuunt, & legatos eius cum animoso hoc responso dimittunt: *Pyrrhus Italiâ cum copijs excedito. Vbi excesserit, de pace si volet, agito. Ni excesserit, arma & viros, & aciem expectato. Neque destituros ab incæpto se, etiamsi SEXCENTOS LAEVINOS* (ea verba Plutarchus posuit) *pugna vicisset*. Qui animi isti, aut verba sunt? non contra Pyrrhum, sed contra fortunam, & pænè dixerim cælum, dimicantium. Etsi mos ille eorum semper in bellis (notandus & ADMIRANDVS) nihil largiri armato hosti: sed vbi ea posita, & obsequiosi aut flexibiles illi visi, tunc denique conditiones ferre & æquas, & sæpè nec expectatas. Generosorum hoc est: ire in aduersos, parcere aut absistere iam abiectis. Fructus autem Constantiae in Pyrrhum fuit, sponte Italiâ illum fugere, ipsos eius dominos & potentes fieri. Vide & bellum Punicum primum. quot ibi clades, raræ aut nouæ? Rara in Africâ ipsâ, cum Atilius Regulus Consul, cum toto exercitu oppressus, & viuus venisset in hostium potestatem. Nouæ aliquot in mari: cuius antea expertes & imperiti, classes plures vel naufragio vel pugnâ amiserant. Polybius scribit, & ipse miratur, *septingentas quinquereemes eo bello amissas fuisse*. Satis autem iacturam eam æstimas aut intellegis? in quaque earum (Poly-

Dionys.
lib. vii.

(Polybio sic ordinante) *trecenti* remiges ferme erant, milites
 * *centum viginti*. Hos tu si vnà computas & colligis, videbis
 paullò minus *trecentis hominum millibus* perijsse. Et qui Roma-
 ni tunc erant? nec totâ etiam Italiâ plenè adhuc potiti. O con-
 stantiam, ô robur, & ô fortunam! nam hæc se vertit, & puduit
 tam merentibus non se dare. Iam ad mortem plaga, Punicum
 bellum tertium. Annibal summus ducum in Italiam ipsam
 venit, siluam exscindere parat, in quâ stabulabantur Martia-
 les isti lupi: & pænè fecit. Tribus prælijs magnis victor; & vl-
 timo illo Cannensi, quid nisi totum virilem sanguinem Ro-
 manum exhausit? Heu cladem! *quinquaginta millia* selectorum
 militum, vnà cum altero Consulum, cum tot Tribunis &
 Centurionibus, tot Senatoribus & Equitibus Romanis iacent:
 & tu Roma adhuc spiras? quibus freta? senibus, puerisque, &
 feminis, quos solos pænè reliquos habes? Spiro, inquit, imò
 alta & vetera spiro. De pace nulla mentio: veniat vel Romam
 Annibal, arx & Capitolium nos defendet, & è cinere isto sus-
 citabuntur *rerum domini Romani*. O insanas, dixerit aliquis,
 cogitationes! sed res & exitus docuit, constantes & felices. *Ma-
 gna populi Romani fortuna* (ait Florus) *sed SEMPER IN MALIS
 MAIOR, resurrexit*: & pueros, senes, victos, seruos arma-
 uit: & imbecillo aut fœdo exercitu victrices illas copias pro-
 fligauit. Plura possem. nam in omni Romanâ historiâ pro-
 priæ huius virtutis exempla sunt: sed quid maius istis possum?
 Claudianus concludat:

NVMQVAM SVCCVBVIT DAMNIS, & *territa nullo
 Vulnere, post CANNAS MAIOR Trebiamque fremebat.*

Et Liuius: MAGNITVDINEM *populi Romani, aduersis propè rebus
 ADMIRABILIOREM, quàm secundis esse*. AVD. Atqui vnum mi-
 ror, & pænè doleo, à te omitti. LIPS. Quod illud est? AVD. De
 Varrone. nam quid admirabilius, quàm cùm ille auctor &
 causâ tantæ cladis (nec falsò) diceretur: Romam redeunti ob-
 uiam itum ab omni ordine & populo, & *Gratias actas, quòd de
 Republicâ non desperasset*? Siqua alia hæc plebs fuisse, itâne gra-
 tias funesto & furiali capiti? sputa, saxa, tela, nec vnâ mor-
 tem. Illi fecerunt. quia hoc quoque Constantiæ proprium, me-
 deri malis potius, quàm irasci. LIPS. Est & minutum aliud.

Nam cùm urbem ipsam Annibal obsideret, & terreret: fundus, in quo castra eius posita, publicè sub hastâ Romæ vèniit: nec minoris, quàm si liber, nec infessus ipse aut Italia ab hoste essent. Item alterum, eodem illo tempore, cùm ad vnam portam Annibal pugnaret & inuaderet, alterâ militem & auxilia in Hispaniam emiserunt. Fiducia hæc, vt verum dicam, humana non fuit: à Deo inspirante vènit.

CAP. VI.

Contra Probitatem & Abstinentiam dicta & obducta quadam.

ET hæc sufficiunt, mi Auditor, de Virtute Ciuili: cuius custodes & sacerdotes si viritim recenseam, quando finiam? te, & certè me, fatigem. Avd. Numquam me, nec si Iliadem sermonis tui texas. Sed tamen si arbitrari me dicta tua vis, non solum audire: habeo quæ speciosè aut firmiter obducam ijs & opponam. Itane Virtutem hanc attollis? Pietatem omitto: etsi ea externa tota, & miseratione magis, quàm refutatione digna. Sed de candore & fide adiunxisti: an non ipso animo tuo alibi retinente, aut refragante? Proh sancta Fides, quæ igitur lego alibi aut video, contra tuum numen aut nomē admissa? *Caucae* populus Hispaniæ satis potens & notus fuit. qui cùm pares Romanorum armis & violentiæ non essent, legatos supplices in castra ad Lucillum Imperatorem miserunt, pacem & fœdus quacunque lege facturos. Ille obsides imperat, & argenti statim * talenta centum, equites auxiliares certo numero. Omnia fiunt sedulo & obnoxie. Imperat tum amplius, vt *duo millia* militum in urbem suam accipiant, præsidij causâ. Id quoq; factum. Sed illis occultò mandatum, vt muros portasque occuparent: atque ita Lucillus reliquum exercitum induxit, & tubâ signum datum, vt sine discrimine, senes, pueri, viri, feminae interficerentur. Ita opidum direptum, deletum: ipsa *viginti millia* hominum, per summum scelus, interempta. O candorem, ô simplicitatem! & ecce aliam, in eadem Hispaniâ, similem. Sulpicius Galba Lusitaniam hostiliter ingressus vastabat, mirantibus illis nec causse aut

* 60000.
Philp.

aut culpæ satis conscijs, Legatos mittunt, fœdera priora renouant: illo recipiente, & vltro miserante, quod sic affligerentur. *Sed, inquit, egestas fortasse vos impulit prædas agere, & belli speciem præbere: medebor. Tripartitò vos diuidam, & in agro ac solo pingui collocabo, vbi reliquum beati ac tuti agatis. Venite cum vxoribus, cum liberis: in talem vallem, talis illa pars. adsignabo.* Veniunt miseri, læti ac securi, & in triplici regione distincti. ad quorum primos cum accessisset, arma ponere quasi amicos sociosq; iussit: & ijs positis, milites immisit, & fidem ac deos implorantes, ad vnum omnes occidit. Idem alteris, tertiisque celeriter factum, & priusquam fama prioris facinoris ad eos venisset. Aspicio te Lipsi, & oculis vultum ac pectus verbero, si tale aliquid infidum & barbarum, in vllâ barbarie factum? Atqui nouitia hæc sunt, dices; & reipublicæ inclinantis. Non nimis, nec longè à Bello Punico secundo, cum Respublica moribus legibusque vel maximè floruisse censetur. Sed vis igitur antiquiora? accipe. Ausonum gens in Italiâ fuit, vno tempore, nullo satis certo crimine, excisa. Liuius ipse narrat, suspectos & delatos à paucis, quasi deficere ad Samnites vellent: præuentos autem à Romanis, qui occultè submissis militibus, quibusdam & togatis, portas trium opidorum occuparunt: & eâdem horâ, cædibus promiscuè factis, vrbes & gentem deleuerunt. Audis tu mi doctor? quid istis hominibus probius aut candidius? cedunt Gallicanæ nostræ niues. Iam & *Abstinentiam* ac *Continentiam* laudasti: & vt leuissimè dicam, subrissi, aut & irrisi. Nam quæ, aut vbi, hæc Abstinentia? Romæ & inter ciues fortasse? credo, & ex veteri dicto, *Coruus coruo oculum non eruit.* Sed an eadem in prouincijs, & vbi occasio aut facultas peccandi? O dii deæq; (si fas sic exclamare) quæ illuc occulta aut aperta furta, libidines, nundinationes, raptus? Poëtæ Harpyas aliquas finxerunt, quæ contactu & vnguib; omnia diriperet, aut fœdarent: in re, isti Romanorû Præsides fuerunt. Optimus & bellissimus quisq; ita se gerebat, vt bella omnia domû auferret. Demades olim dictitare solitus, cum ad Tribunal aut Magistratum iret, *ad Auream messem se ire:* mihi crede, isti ibant, & Colchos quisque Iason sibi spondebat. Legisti tu Ciceronis illa de vno Verre? Pleraque talia in alijs, & miseri prouinciales non nisi præda & spolium Præsidibus suis erant.

erant. Quòd si in pacetalia: per bellum & arma quid suspi-
camur fuisse? & tu tamen illic quoque Abstinentiam eorum
laudas. O iustè, ô meritò! & tuâ veniâ, dabo exempla. Ecce
L. Sulla in Asiâ, cùm communiter *viginti millia talentum* exe-
gisset, priuatim edixit, vt hospes militi apud se diuertenti *se-*
decim drachmas in diem daret; cœnam insuper ipsi, & sodalibus

* 50. Phil.

quot vocasset; Centurio autem acciperet in diem * *quingenas*
drachmas, vestem prætereà duplicem Domesticam & Foren-
sem. Hæc Sulla, inquires, homo nequam, & natus ad Discipli-
nam militarem dissoluendam. Benè est, accipio excusationem:
quid ergo L. Paulus qui Macedoniam vicit, inter optimos ci-
uium? Destinatum ei Epirum totam diripere, & in prædam
militibus dare, quia cum Perseo rege sensissent. Quid facit?

Lib. xlv.

ipsis Liuij verbis, *Centuriones in singulas vrbes submittit, qui se*
dicerent ad præsidia deducenda venisse, vt liberi Epirotæ, sicut Ma-
cedones essent. Denos principes è singulis euocauit ciuitatibus. Qui-
bis cùm denuntiasset, vt aurum & argentum in publicum proferre-
tur; per omnes ciuitates cohortes dimisit, sic vt vno die in omnes per-
uenirent. Edicta Tribunis Centurionibusque erant, quæ agerentur.
manè omne aurum argentumque collatum: horâ quartâ signum ad di-
ripiendas vrbes datum est militibus: tantaque præda fuit, vt in equi-

* 40. Phil.

tem * *quadringenti Denarij, peditibus duceni diuiderentur. Centum*
quingenta millia capitum humanorū abducta. Muri deinde direpta-
rum vrbiū diruti sunt: ea fuere opida circa LXX. Quibus auribus
tu candoris, tu abstinentiæ mirator, hæc audis? Centuriones
submittit, per speciem liberandi; decem primos euocat, vt con-
silio & ducibus spoliaret: ô candidum factum! Milites deinde
immittit, diripit, cædit: ô clemens abstinentisque factum! Sed
pulcherrima clausula, tot millia capitum abducta: nec finis,
in miseros muros & recta sæuitum, & dirui ea iussa. In vicinâ
Græciâ, quid Hortensius Prætor patrauit? Legati Abderitæ

Lib. xliii.

in ipsâ Româ audiantur, (Liuij item verbis) Flentes ante Cu-
riam, querentesque, opidum suum ab Hortensio expugnatum dire-
ptumque esse. Causam excidiij fuisse, quòd cùm * *centum millia de-*
narium, & tritici quingenta millia modium imperaret, spatium
petierant, quòd de eâ re ad Hosilium consulem, & Romam, legatos.
mitterent. Vixdum ad Consulem se peruenisse, & audisse opidum
expugna-

* 10000.
Philip.

expugnatum, principes securi percussos, sub coronâ ceteros vnijsse.
 In ipsâ Italiâ, Locrorum opido Q. Pleminius, Legatus Scipionis Africani, cum milite præfuit. Sed quomodo? Liuius iterum dicit: *in CORPORA, in LIBEROS, in CONIUGES, INFANDAE contumeliæ editæ. Libidines, & non dicenda habes: iam auaritia* (inquit) *ne sacrorum quidem spoliatio abstinuit. nec alia modò templa violata, sed Proserpinæ etiam intacti omni ætate thesauri.* En religionem & pietatem, quam laudabas. Et quid ego Consules, Prætores, Legatos, nomino aut conquiro? ecce pusillus vnus Præfectus equitum, titulo tenuis, Scaptius, cum pecuniam deberi sibi à Salaminijis diceret, illi ad Senatum appellarent, eiusque consultum: homo probus & iustus, *quinquaginta equites* ab Appio Proconsule impetrat, *inclusum in Curia Senatum habet in multos dies, adeò vt interierint nonnulli fame.* Hæc Cicero ita narrat, & simul æquabile illud ius inter pro-

Lib. vi.
ad Attic.

C A P. VII.

Pariter contra Continentiam; & de luxu Romano.

IAM tu *Continentiam* etiam laudabas, in Victu & Veste: voluntate tuâ, aliquid opponam? LIPS. Valdè interest scilicet quid velim: tu mihi videris, vt Mithridates aliquis, non libero, sed hostili ore & animo, inuehi in Romanos AVD. Non ita est: sed falsa si dicam, vterque parati erimus, tu refellere, ego refelli. Hoc iam agis, video: sed prius & istæ audi. *Continentiam* igitur & frugalitatem veterum illorum, sed planè veterum, si lau-

b

das:

das: ego succino, & Fabricios, Curios, Quinctios tecum miror. Sin longius trahis; vt non ego, lectio tua & obseruatio tacitè refellent. Quid? leges illæ Sumptuariæ ab antiquo latæ, & sub bellum Punicum secundum, non ostendunt morbos in eâ parte fuisse, cùm ad publica hæc remedia decurrendû? ipsæ cænæ, & lautitiæ quæ narrantur, non id clamant? Reminiscere Pontificiæ illius cænæ apud Macrobiû, vbi incognita & nobis quærenda ciborum genera: reminiscere & Sallustij verborum de Metello Proconsule, in Hispaniâ: *Cænæ, vltra Romanorum, ac mortalium etiam, morem curabantur, exornatis ædibus per aulea & insionia, cænisque ad ostentationem histrioniam fabricatis. Simul crocosparsa humus, & alia in modum celeberrimi templi. Præterea, sedenti in transfennâ demissum Victoriæ simulacrum, cum machinato strepitu tonitruum, coronam ei imponebat: tum venienti thure, quasi Deo, supplicabatur. Toga picta plerumque amiculo erat accumbenti. epulæ verò exquisitissimæ, neque per omnem modò prouinciam, sed trans maria, ex Mauretaniâ volucrum & ferarum, incognita antea, plura genera. Considera cænaculi apparatus, cænantis habitum aut honores, cænæ ipsius exotica fercula: quis ganeonum & lurconum, possit vel ausit imitari? Quis nostrum hodie aues aut feras trans mare, cænæ causâ, conquirat? Atqui olim non Metellus solum aliquis, sed iam vulgus lautiorum. Petronius Arbiter:*

*Ingeniosa gula est, Siculo scarus aquore merfus
Ad mensam viuus deducitur. inde Lucrinis
Eruta litoribus vendunt conchylia cænis,
Ut renouent per damna famem. iam Phasidos unda
Orbata est auibus, mutoque in litore tantum
Solæ desertis adspirant frondibus aures.*

Pulchrè & floridè, sed an poëticè & elatè? non opinor, imò Seneca, acer ille talium quæsitior & censor, auget & attollit. Non est necesse (inquit, ad sæculi sui mores) OMNE perscrutari profundum, ac strage animantium ventrem onerare, nec conchylia VLTIMI MARIS ex ignoto litore eruere. Dii deæque istos perdant, quorum luxuria tam inuidiosi IMPERII FINES transcendit. Ultra PHASIM capi volunt, quod ambitiosam popinam instruat: nec piget à PARTHIS, à quibus pœnas nondum repetimus, aues petere. Vides affectum & stomachum viri, & sine bile hæc nec in sermone quidem vsurpantis.

Consol. ad
Helu.

pantis. Quid Latinus Pacatus, in Panegyrico? Laudat Theodosium Principem, quòd nihil tunc opus esset, ad penum regiam flagitare remotorum litorum piscem, peregrini aëris volucrem, alieni temporis florem. & tum addit imaginem prioris sæculi: Nam delicati illi ac fluentes, & quales sæpè tulit Respublica, parùm se lautos putabant, nisi luxuria vertisset annum, nisi hibernæ poculis rosa innatassent, nisi æstiuâ in gemmis capacibus glacie falerna fregissent. Horum gula angustus erat orbis noster. namque appositæ dapes, non sapore, sed sumptu æstimantes, illis demum cibis acquiescebant, quos EXTREMVS ORIENS, aut positus extra Romanum COLCHVS imperium, aut famosa naufragiis maria misissent. Ecce vitia & prodigiosum luxum, omnia fastidientem, nisi remota & sumptuosa. Sed inferioris tantùm illa xui? imò verò, vt tetigi, à bello Punico secundo, aut circa: cùm ecce Cato Censorius publicè questus, Non posse saluam esse urbem, in quâ piscis pluris, quàm bos, veniret. Attende mi Lipsi. hocne nostro xuo sit? & tamen in luxum inuehimur, nec immeritò: at ego tibi dico, pluris quàm decem boues veniisse vnum piscem: piscem? pisciculum addo. Nulli in quo tunc pretio? putantur fuisse, quos Barbos hodie, aut Regulos marinos vocamus: sed quidquid fuit, pisciculus, & vix quinque aut sex librarum. O non delicias, sed insanias! vnum ex ijs quinque, sex, octo, decem millibus Hs. reperio emptum. Seneca iocosè narrat de Tiberio, seuero Principe, & luxui nec duce nec fautore. Mullum ingentis formæ (quare autem non pondus adiicio, & aliorum gulam irritò? quattuor pondo & selibras fuisse aiebant) Tiberius Cæsar missum sibi, cùm in macellum deferri & venire iussisset: Amici, inquit, omnia me fallunt, nisi istum mullum aut Apicius emerit, aut P. Octavius. Ultra spem illi coniectura processit. Licitati sunt: vicit Octavius, & ingentè consecutus est inter suos gloriam, cùm Hs. * quinque millibus emisset piscem, quem Cæsar vendiderat, ne Apicius quidem emerat. Notetur hîc, quæso, non pretium solùm piscis, sed Tiberij mirabilis continentia, qui in tantis opibus nec edere piscem voluit, nec domum alteri tradere, sed pretium ex eo fecit. quod sordes hodie aliquis fortasse (nescio an recto iudicio) interpretetur. At in Plinio, Asinius Celer, è consularibus, hoc pisce prodigius, vnum mercatus est * octo millibus. Atque id quasi summum pretium Plinius habet, cùm tamè in Suetonij Tiberio sit, Prin-

Epist. xc.

* centi viginti quinque Phil.

* ducentis Philip. ca. xxxij.

cipem eum grauit^r questum, tres mullos triginta millibus nummum
 uenisse. Si numeri recti; certum est excessisse, & singulos ducen-
 tis quinquaginta Philippicis stetisse. An falsus aut mendax ergo
 fui, de bobus vel decem? Iam alia si conquiram, vereor non
 longus solū, sed vanus esse. Dicam tamen, vel tui iudicij ex-
 plorandi causā, & corriges, sicubi ego, aut testes mei, extra fi-
 nes veri ibunt. De Apicio, quem iam nominaui, res nota est,
 hominem perditæ gulæ fuisse: de quo, ut alia fileantur, mors
 sola iudicabit, quam Senecæ verbis dicam. *Apicius*. inquit, *nostrā*
memoriā (sub Tiberio) vixit, qui scientiam popinæ professus in eā vr-
 be, è quā quondam philosophi pulsifuerant, disciplinā suā sæculum infe-
 cit. cuius exitum nosse, opere pretium est. Cū * HS. millies in culinam
 congefisset, ere alieno oppressus, rationes suas tunc primū coactus in-
 spexit. Superfuturum sibi HS. centies computauit, & velut in vltimā
 fame victurus, veneno vitam finiuit. Quam luxuriam, & quam
 effusam vitam priuati hominis hanc fuisse putamus, cui centies
 HS. (id est, ducenta quinquaginta millia Philippæorum) paupertas
 & desperatio fuit? O quā multorum improba vota hodie
 sint, vel quinquagies habere? Sed hunc omitto, & duos eodem
 nomine alios, qui in exemplar & nomen transierunt huius
 vitij: Claudium Æsopum addamus, histriōem. De eo Plinius:
Maximè insignis est in hac memoriā, Clodij Æsopi, tragici histriōis pa-
tina, sexcentis HS. taxata. in quā posuit aues, cantu aliquo aut sermone
humano vocales, millibus sex singulas cōemtās, nullā aliā inductus vo-
luptate, nisi ut in his imitationem hominis manderet. Benè hæc po-
 strema fortasse: sed an non acrius, imitatione hominem mande-
 ret? Anthropophagum facere hunc Æsopum vult, qui aues
 comederet, cū hominem non posset, humanas. Æstimatio
 autem ea vnius patinæ est, quindecim millium Philippæorum.
 Atque iste etiam fuit (alij ad eius filium referunt) qui *margare-*
tas sorbere solutus aceto solutas. O scelus, in mare deportandum!
 Lips. Ne nimis, ne nimis: & an me cō vis? nam ne nescias,
 & ego margaritas, vel potius margaritulas, arte liquefactas, va-
 letudinis causā, soleo sorbere. Nec res magna aut impendiosa
 est. A v d! At ego pretiosas aio, & mens eorum est, qui
 scripsere. Tu autem vel aurum & gemmas sorbe, ut viuas.
 Sed quod ad illos gulones, de M. Antonij & Cleopatrar spon-
 sione

* Duo mil-
 liones &
 semis.

sione non meministi, cum hæc se centies Hs. vnâ cænâ diceret
 absumenturam? Ille negare, & rem * *aduat* censere: ad sum-
 mum, iudex & sculna captus Munatius Plancius. Res non dif-
 fertur, sequenti die illa cænâ apparat pollucibilem, siquis
 vniquam, & denique vt Cleopatra, & Ægypti regina. Nihil
 mirari Antonius, & calculos ad extremum poscere: cum illa
 arridens, Vnum, inquit, ferculum rem confecerit. & simul ex
 composito, illatâ phialâ acris aceti plenâ, vnionem quem au-
 re dextrâ gestabat, singulare naturæ opus, detractum in phia-
 lam demisit, eumque, vt natura est, statim liquefactum absor-
 buit: parata & in alterum, quem sinistrâ gerebat, manum in-
 ijcere, ni prouidè & properè Munatius, victum Antonium
 clarè pronuntiasset. Quidni victum? cum sola ea gemma vel
 centies Hs. esset? siue, vt nostra æstimatio, *ducentis quinquagin-
 ta millibus* Philippæorum. Atque illa igitur arte hoc consecu-
 ta est, vel astu: an re ipsâ & simpliciter Caligula, de quo Sene-
 ca? *C. Caesar, quem mihi videtur Natura edidisse, vt ostenderet
 quid summa vitia in summâ fortunâ possent, centies Hs. canauit vno
 die, & in hoc omnium adiutus ingenio, vix repperit, quo mediocrium
 prouinciarum tributum vna cænâ fieret.* Nam si margarætæ vel la-
 pilli absumentur, quid ingenijs magnis aut inuentis opus? via
 strata & nota iam erat, per vestigia Cleopatrar. In Suetonio ta-
 men sic lego, de ipso isto Caligulâ: *Commentus est portentosissima
 genera ciborum; vnguētis calidis frigidisque lauabatur; pretiosissimas
 margarētas, aceto liquefactas sorbebat; conuiuiis ex auro panes & ob-
 sonia apponebat.* Quid iam Vitellius, ille helluonum omnium
 altissimus gurgēs? de quo Plinius: *Vitellius in principatu suo * de-
 cies Hs. (ita libri veteres) condidit patinam, cui faciendæ fornax in
 campis exedificata erat.* Ego malle (sed tu iudica) condidit pati-
 nam: quia non de ipsâ lance, etsi grandi & pretiosâ, sed de in-
 structo eius & obsonio est sermo. Scripsit autem Suetonius:
*in hac scarorum iocinera, phasianorum & pauonum cerebella, linguas
 phœnicopterum, murenarum lactes, à Carpathio vsque, fretoque Hætha-
 nie, per nouarchos ac triremes petitarum, eum commiscuisse.* Vbi libri
 veteres plerique, à Parthiâ vsque (non à Carpathio) habent: &
 considerandum est, ex Senecæ & aliorum suprâ verbis. Etsi ta-
 men structura videtur hæc ad *Murenarum lactes* referre. Idem

* *qua fieri
 non posses.*

Consol. ad
 Helu.

L. b. xxv.
 * 25000.
 Plin.

verò Vitellius, non ipse solùm prodigus, sed alios impellens, *indicebat eadem die, ientacula, prandia, canas, comissationes, ipse omnibus sufficiens, vomitandi consuetudine.* Quod Suetonius cùm retulisset, ita reddit: *nec cuiquam minus singuli apparatus, quadringenis millibus nummum constiterunt.* Heu illusum vel abusum, in alienis opibus! nam ea sunt *decem millia* Philippicorum, siue ipse census equester. Super hæc nihil reperio, nisi in Latini Pannegyrice obscurè quosdam Principum perstrictos: *Ut taceam, inquit, infami dilectu scriptos in prouinciis aucupes, ductasque sub signis venatorum cohortes, militasse conuiujs: nonne cognouimus cuiusdam retrò Principis non prandia sæpè, sed fercula, Hs. millies æstimata, patrimoniorum equestrium pretia traxisse?* Nec satis firmiter scio, quem aut quos tangat: puto Vitellium tamen, si in verbis eius emendes, * Hs. mille æstimata. Nam de illo *millies*, quis credat in vno ferculo absumptum? quod nec Cleopatraz aliquot, aut Caligulæ iuncti fecissent. Immane hoc nimis est: at illud *mille* planissimè conuenit, cum Plinij suprà notâ de vnâ Vitellij patinâ *decies* Hs. æstimatâ. Nam millena Hs. & *decies*, Romanis idem sonant. Iam de Heligabalo quid dicam? de quo Lampridius: *Numquam minus *centum Hs. cenasse, hoc est argenti libris xxx. Aliquando autem *tribus millibus Hs. cenasse, omnibus supputatis quæ impendit. Canas verò Vitellij & Apicij vicisse.* Vbi tamen non argenti libras xxx. legi calculus vllus admittit, vt paries cum *centum* Hs. sed potius CCL. quæ pura veritas esset. Atque ego in isto super omnes stupeo. Lips. Quid ita? nam Cleopatra, imò Caligula superauit. AvD. At enim hoc mihi magnum & stupendum, quòd sumptus isti in Heligabalo cottidiani, & *numquam minus* (verba Lampridij) *centum Hs. cenauit.* Essent *septuagintaquinque millia* Philippæorum in mensem: quid iam conuiuia, quæ eiusdem totius summæ, in vnum diem interposuit? Ita enim & Lampridius addidit factum. Sed iam monstra omittimus: aliquid ad communem morem quærimus, à quo non nimis Philippus, Hortensius, Lucullus, & hi tales, lumina reipublicæ, abiuerunt. Piscinæ & viuaria istorum nota sunt: cænæ, ex vnâ hac Lucullianâ. In famâ homo erat lautitiarum, & quòd esset *non ganeo & profligator, vt plerique sua haurientium, sed erudito luxu.* Cepit cupido Ciceronem & Pom-

* 25000.
Philip.

* 2500.
Philip.
* 75000.
Philip.

Tacit. de
Petronio.

Pompeium cognoscendi, sed inopinatò, & vt seriò discerent quomodo in dies viueret. Inueniunt in foro, salutant, cœnam indicunt. Sed *heus tu*, aiunt, *ea lege nequid præmandes. nam sumptum sumi in nos, non placet.* Ille tergiversari primò per simulationem, & *Cras potius*, inquit: cum negarent, *Ergo nec hoc licet*, inquit, *famulo dicere in quo triclinio cœnaturi simus?* Permittunt. Ille altâ voce, *Abi, dic in Apollinis cœnaturum.* Mox sequuntur: omnia lauta, splendida, regia, cum stupore duorum conuiuiarum. Sed caussam nesciebant scilicet, & totam vim habuerat ad apparatus, vnum illud *Apollinis* verbum. Nam homo ita disposuerat, vt cœnacula suis nominibus distincta essent; & in quoque tales cibi, & impendia. Eminebat autem illud *Apollinis*: atque ita cum Dispensator aut Coquus audissent id nomen, sciebant statim quid, & quantum, opus esset. Summa enim taxata huic cœnaculo, ait Plutarchus, *quingenta millium drachmarum* erat: quæ sunt *quinque millia Philippæorum*. Et si alij tamen in Plutarcho *quinque millia*, non *quingenta* legunt: atque ita minuunt summam. Quid plura ego adferam? vnum hoc Senecæ, ad æui sui mores aptum: *Quid* Epist. xcv.
est sumptuosa cœnâ flagitiosius, & EQVESTREM CENSVM
absumente? & tricies tamen HS. adijciales cœnæ frugalissimis viris
constiterunt. Hic vnus ictus, Lipsi, te conficit: vulgò *census*
equestres insumpti: & ab ipsis *frugalissimis viris*, *tricies HS.*
Quantum hoc postremum est? colligit *septuagintaquinque mil-*
lia Philippæorum. O frugalitas in vno conuiuiio ADMIRAN-
DA! & quis Principum hodie vel in nuptiali pænè epulo tan-
tum prodigit? Silebam Lipsi, & stupebam: nisi quòd de Veste
etiam aliquid sit addendum. Sumam à Censore nostro Senecâ:
Quidquid est boni moris, exstinguimus leuitate & politurâ corpo- Lib. vii.
rum. Muliebres mundicias antecessimus, colores meretricios, matro- Na. Quest.
nis quidem non induendos, viri sumimus. Tenero & molli ingressis
suspendimus gradum: non ambulamus, sed incedimus. Exornamus
anulis digitos, in omni articulo gemma disponitur. Ista de viris: quid
de iuuenibus? Pater illius Senecæ: Torpent ecce ingenia desidio- I. Cōrou.
sa iuuentutis, nec in vilius rei honeste labore vigilatur. Cantandi
saltandique obscœna studia effeminatos tenent: & capillum frangere,
& ad

Et ad muliebres blanditias vocem extenuare, mollitie corporis certare cum feminis, Et immundissimis se excolere mundicijs, nostrorum adolescentium specimen est. Quis equalium vestrorum, quid dicam satis ingeniosus, satis studiosus, imò quis satis Vir est? Emolliti eneruesque, quod nati sunt, inuiti manent, expugnatores alienae pudicitiae, neglegentes suae. Dei fidem! luculenter vtramque aetatem, ab utroque scriptore, laudatam! Fortasse de feminis addam, quas scimus cum veniâ peccare, vbi viri gradum struunt? Tamen quid Propertius?

Matrona incedit census induta nepotum.

Seneca iterum: *Video vniones non singulos singulis auribus comparatos: iunguntur inter se, & insuper alij bini superponuntur. Non satis muliebris insania viros subiecerat, nisi BINA AC TERNA PATRIMONIA auribus singulis pependissent. Ille de auribus queritur: alius de toto corpore. vt Manilius:*

*Perque caput ducti lapides, per colla, manusque,
Et pedibus niueis fulserunt aurea vincla.*

Pedibus etiam aurum, vt ait, sed & geminae: ac Plinius scribit, non crepidarum tantum obstragulis, sed & totis socculis addi. Neque enim (inquit) gestare iam margaritas, nisi calcent, ac per vniones etiam ambulent, satis est. Addit pro fastigio insaniae, *Visam à se Lolliam Paullinam, ne serio quidem ac solenni caeremoniarum aliquo apparatu, sed mediocrium etiam sponsalium cenâ, smaragdis margaritisque operatam, alterno textu fulgentibus, toto capite, crinibus, spiris, auribus, collo, manibus, digitisque. quae summam quadringenties HS. colligebant, ipsâ confestim paratâ mancipationum tabulis probare. O monstra! ô aruspice, non te vindice Lipsi, digna! Vna mulier, in vno cultu decies centena millia Philippicûm habeat? habuit. & pauca haec satis ad Vestem & cultum. Nam cingi te iam aut suspicor, aut vereor: neque fortasse deceat nos iuuenes non dicam tam liberè, sed tam liberaliter, nec in vos, sed apud vos loqui. At tu si peccaui, puni: quomodo? contemptu & silentio, quae poena maxima mihi erit.*

CAP. VIII.

*Excusati Romani à prioribus: & primum in
Raptu vel Sanitiâ, obiter.*

NEVTRVM ego faciam, ô mi Auditor. Contemnâ vel te, vel tuum hoc discendi studium? nam ita oppositio- nem hanc interpretor. Vel fileam etiam? quod non aliud sit, quàm causâ non solùm perdere, sed proderè: quod esse non potest, nisi aut improbi, aut diffidentis. Atqui non est magnum hoc opus, ne erra: quæ tu coaceruasti, vnius alteriusque manus impulsu deruam, nec machinâ aut ariete alio adhibito cadent infirmi isti muri. Triplex accusatio à te structa, in Probitatem, in Abstinentiam, in Continentiam: & videamus. Fraudulenti quidam aut perfidi fuere; rapaces quidam aut crudeles; luxu- riosi in cibis aliqui aut veste: sed quidam, sed aliqui: & hæc pri- ma responsio sit, & scutum pro me firmum. Quid pungis aut inuadis gentem totam, ob pauculos à te, tot sæculis, alios vitio- sosque nominatos? Fuisse non miror: nec id prodigium aut mon- strum, vt tu aliquoties dixisti; imò esset, si non fuissent. An tu in hac facie nostrâ hominum, puram meramque virtutem ali- quam vis? soles nobis imperiorum lucere, sine nube, aut toni- tru, aut procellâ? nec fuere ista, nec erunt: & Deus in superis il- lis locis & liquido æthere, serenum hoc habet, & seruat; cetera omnia inferiora, miscentur, & turbant. Galbam aut Lucillum aliquem in Hispaniâ nominas; Hortensium, aut Pleminium alibi: quid ista sunt, in tot millenis Præsidibus, qui boni & in- noxi fuerunt? Vt si guttas aliquot aceti in magnum vas aquæ mulsæ iaciam, non ipsum corrumpam, sed gratiam fortasse magis ab acore aliquo addam: sic in magnis istis imperijs, ma- gis sentitur bonorum bonitas, si pauci interueniant, acidi aut amari. Vis tibi Taciti mei verbis hoc dicam? Cerialis apud eum rebelles Gallos sic mitigat & componit: *Quomodo sterili- tatem aut nimios imbres, & cetera nature mala; sic luxum, vel aua- ritiam dominantium, tolerate.* VITIA ERVNT DONEC HOMI-

NES: *sed neque hæc continua, & meliorum interuentu pensantur.*
 Hæ sunt non Cerialis, aut Taciti, sed Sapientiæ voces: tu, & alij
 isti queruli, audite. Atque hæc si locum in exiguo aliquo nec
 diti imperio habeant (cottidie enim occurrunt:) quidni magis
 in illo amplo, diffuso, opulento? Magna peccandi materies &
 illecebra erat; & quod procul ab vrbe dominâ & Senatu age-
 rent, & vbi vix cerni vel nosci vitia sua posse arbitrabantur. Et
 tamen (quæ altera responsio) aduersa sæpè fuère, atque etiam
 animaduersa. Hoc excuset Senatum & imperij præfides, quòd
 legibus pœnas dederunt, quicumque conuicti sunt leges alibi
 violasse. Nónne id in Galbâ, Hortensio, Plemínio, Verre, & ta-
 libus? Nec Romanis igitur vniuersis fraudi aut culpæ sit, pec-
 casse aliquos, sed impunè & liberè peccasse. Paullum Æmiliū
 mihi etiam attulisti, magnum virum, fateor, & vno illo vel
 colore culpæ, non enim culpâ indignum. Cur tamen cū in-
 uidiosè rem totam narras, hoc callidè siles, Senatum ei iussisse?
 Ex præscripto id fecit: & quaecumque est, non iam ipse, sed
 Senatus potius accusetur. Cur tamen vel iste? audi & disce.
 Epirotæ illi omnes firmiter pro Perse steterant, Romanos op-
 pugnaverant: quæ iniuria est, si hostes hostium pœnas luant?
 At nimias, inquires. Nollem factum, si me consulis, & clemen-
 tia placeat: sed ad coërcendas rebelliones aut defectiones, talia
 quædam à modestissimis Regibus aut Rebuspublicis facta,
 possim docere. Addis sollennem scuitiam Romanorum, vt
 putas, in expugnatione opidorum: homines occidi, canes
 dissecari, animantes truncari. Miseranda sunt, non nego: nec
 tamen, vt tu censēs, referenda inter mea ADMIRANDA. Quid
 dissimulas? non herè & hodie hæc fiunt in puberes & viros
 omnes, vbi vis vltima expectata? Et causa aliqua huic rei est,
Terror, quod Polybius dixit: & non facilè alioqui manum &
 finem bellis imponere, nisi hæc interdum, frangendæ pertina-
 ciæ, vsurpentur. At canes etiam dissecati. ô ridiculum te, si in ca-
 nes non licet, quod in homines! & amo ego quoque hoc ge-
 nus, sed absit vt supra nostrum genus. Hæc dici & excusari pos-
 sunt, & verè possunt: non infiteor tamen, sub Sullâ aliquo, Ma-
 rio, aut Cæsare, & præsertim per ciuilia bella, ius omne & fas
 neglectum aut calcatum: sed mox attollendum ab Augusto,
 aut

aut si quem bonum Principem Deus dedit. Illo medico opus fuisse fateor Rep. iam tam laxâ & opulentâ: & inter pares, seueritas aut terror esse non poterat ad satis reprimendum. Leges erant: sed *inualidum earum auxilium*, ait Tacitus: *quæ vi, ambitu, postremò pecuniâ turbabantur*. Itaque sub Principe status iam melior, maximè quod ad Prouincias attinet: nec ex avaritiam aut rapinas Præsidum sic impunè sentiebant.

CAP. IX.

Factum idem in Luxu mensarum, aut vestium.

SATIS, quod ad priora duo attinet, excusavi: venio ad *Constantiam* asserendam, in quâ conuellendâ valdè te iactasti. Argumenta in eam præcipua duo erant, Leges sumptuariæ ab antiquo latæ; & Exempla aliquot luxus. Quod ad Leges, vide quàm ego à te abeam: aio & adfirmo, non firmitus pro frugalitate argumentum esse. Nam quod ex coërcent aut emendant, quale est? ex emendatione apparet, quam videamus. *Fannia* ecce lex, sub bellum Punicum tertium lata fuit, in hanc sententiam: *permitti diebus festis centenos æris; ceteris, denos*. O verè ADMIRANDA cui continētia, cui satis esse potuit finitio iam dicta! Nam attendisti hoc mi Auditor? *centem* illi æris, decem drachmas nobis reddunt; *deni*, vnā. O nuptias, repotia, natales, apparatu celebri, quibus Philippæus vnus sufficeret in potum, in cibum! Quis de viâ aut ponte mendicus panē, non plus hodie absumpserit? Atqui Respublica tunc satis opulenta & florens erat: & maximè autem sub Sullâ. Tunc & Græcanicæ, & Asiaticæ deliciæ cognite: videamus igitur, & laxè lauteq; iam epulemur. Ita opinor. nam ecce tulit Sulla, vt *feriis sollemnibus triginta sestertios liceret insumere; ceteris diebus, ternos*. Hem, hem, hem quid istud est? itāne regredimur, & recidimus? ego autem iure progredi, & accedere aliquid debere cēsebam. *Triginta* Hs. sunt, meo calculo, *septem* drachmæ & semis; id est, nondum Philippi-cus: *terni* autem, nec drachma. AVD. Ego hæc non credo Lipsi, nec fero: ridenda & explodenda sunt. Tales leges, tam arctas, ferat ille, qui sic copiosè vixit? LIPS. Rem habes, & verba ipsa

Lib. II.
cap. XLIII.

apud Agellium: tu vide. AvD. corrigenda sunt: & Hs. *trece-*
nos legendum, non *tricenos*. LIPS. O bonum promptumque
 Criticum! sagacitas magna est: viceris vel Luceium. Sed desine,
 desine homo: & manum tuam coërceat lex Licinia quæ
 præiuit, in quâ non nisi *triginta asses* (tres denarii) *permissi diebus*
festis. Laxauit igitur & auxit Sulla. Sed quid hîc sistimus? Au-
 gustus ille, qui Romam opibus & gazâ Ægyptiâ repleuit, &
 sub quo illa in ipso flore, Cibariam legem hanc tulit: *quâ profestis*
diebus ducenti sesterij; Kalendis, Idibus, & alijs quibusdam fe-
stis, trecenti; nuptijs autem & repotijs, milleni finiuntur. Sunt quin-
 que Philippæi, profestis; festis, *septem cum dimidio*; nuptijs, *viginti-*
quinque. Quid tu, cum hæc legis, non cogitas, tot illos illustres
 Equites & Senatores, & censum eorum vel Principum opibus
 hodie comparandum? Atqui quàm coërceantur, vides: & ego
 tibi hodie adfirmo, rarò sollennius paullò conuiuium dari,
 quod nuptialem illam summam non excedat. En, abi nunc,
 & luxum obijce: quem totum satis reieci argumento ipso tuo
 legum. quia (vt veterum aliquis ait) *indicium sobrij seculi est,*
ubi tali præscripto legum, coërcetur expensa cænarum. Atquin Apici-
 os, Lucullos, Caligulas, aut Vitellios adduxisti. Quid ad me?
 cum Rempublicam laudaui, plurimos in eâ laudaui; nec ad-
 spicere debui, siquæ in tanto & tam vberi agro malæ alibi &
 nocentes herbæ. Non obstant, quo minùs hæc seges bona &
 laudabilis sit: nec tales certè mihi dabis ante labentem Remp.
 id est Sullanum æuum. AvD. Imò dedi Lipsi. nōne Cato de
 pisce exclamauit supra bouem? nōne *frugalissimis etiam viris,*
 vt Seneca dixit, *cænx tricies* constiterunt? Hæc purganda sunt,
 si potes: aut labitur tuum illud legibus solis nixum. LIPS. Vah,
 quomodo potero? quò me vertam? Bos ille Catonis occur-
 sat: & plane, ex Græcorum verbo veteri, *Bouem nunc habeo in*
linguâ. Sed audi quod verum est, nec nimium in boue te iactes.
 Bos & alia, minimi tunc pretij, nec credo equidem vānij se vl-
 tra *quaternas aut quinas* drachmas. AvD. Totum bouem? LIPS.
 Totum. AvD. Quaternas? LIPS. Ipsas. AvD. Si hoc doces,
 tum ego dixerim vel me bouem esse. LIPS. Quid si amplius do-
 ceo, & ad Drachmam vnā te duco? AvD. Habebo hoc ca-
 put & culmen inter omnia hodie, heri, & nudius tertius, quar-
 tusque,

tusque, ADMIRANDA. LIPS. Date mihi, disces, & credes. Plinius ita scribit. nam ipsa verba recitanda sunt: *M. Varro auctor est, cum L. Metellus in triumpho plurimos duxit elephantos, ASSIBVS SINGVLIS farris modios fuisse, item vini congios, ficique sicca pondo triginta, olei pondo decem, CARNIS pondo duodecim.* Hoc ille bono auctore, & omnis antiquitatis indagatore, Varrone protulit: & obseruasti? AVD. Nihil respondeo, stupeo: & tamen nihil etiam de boue. LIPS. Vel maximè, sed non attendisti. Nam ait, *Carnis pondo duodecim, singulis assibus uenisse:* & fac igitur bouem pependisse quadringentas aut quingentas libras: quid erunt nisi *quaternæ* aut circiter *drachmæ*? Sed illa nimis vetera sunt, inquires. Nec id quidem, sed bello * Punico primo euenerunt: haud longè à Catonis æuo. Et demus postea aliquid mutasse, paullatim tamen nec enormiter: & hoc Polybius nobis dicet. Ille, ipso Catonis æuo, scribit de fertilitate & copiâ Galliæ Cisalpinæ: *suis etiam sæpè temporibus, medimnum frumenti Siculum, quattuor obolis uenisse; hordei, duobus; metretam autem vini, tantidem quanti hordeum.* Ista magis mira ADMIRANDA sunt, medimnum Siculum (sex modios continet) non nisi duabus Drachmæ partibus uenisse; metretam vini (* duodecim congij sunt, si Atticam, quod opinor, intellegit) tertiâ parte. Addit etiam facetum corollarium, *Viatores in ijs locis, nihil cum diuersitore aut hospite pacisci, sed benè & lautè habitum, abeuntem soluere dimidiatum Assem.* O si nobis peregrinari ita fas! tota iuuentus dilabatur, & abeat in beatas illas oras. Sed ego tibi promissum meum plenè soluam, & bouem reducam ad Drachmam. Factum bello Mithridatico, cum Lucullus prædas è Ponto egit, sic abundanter, ut *mancipium quattuor drachmis uenale esset; bos, undè; apne, oues, vestes, alia, pari uilitate.* In Appiani Mithridatico hoc leges. Quid tu iam? AVD. Sileo, & bos à tuâ linguâ transijt in meam. LIPS. Inò tu, ut volebas, in bouem. Nec tamen, ut seriò loquamur, sentio vel assero, tam grandem uilitatem hanc semper fuisse: sed analogiâ talem, & quam leges illæ Sumptuariæ satis ostendunt. Absque eâ enim, quid nisi irrisio & illusio eæ sint? facit huc, quod de Pomponio Attico, insigni viro & prædiuite, ac digno cui Agrippa gener esset, & progner Tiberius Princeps, Cornelius Nepos in vitâ eius scribit. *Cum,*

Lib. xviii.
cap. xli.

* Anno Vt.
bis. d. ii.

Lib. i.

* Libra
mensura
les 120.

inquit, in primis lautus esset eques Romanus, & non parùm liberaliter in domum suam omnium ordinum homines inuitaret, scimus non amplius quàm terna millia aris, per æquè in singulos menses, ex ephemeride, eum expensum sumptui ferre solitum: atque hoc non auditum, sed cognitum prædicamus. Hæc notanda profectò. Atticus inter planè diuites erat, inquit, idem inter liberales, & domus eius ac mensa cottidie omnibus patebant, etiam è Senatu: & tamen non plus in mensem, quàm tria millia aris absumsit. Sunt triginta Philippici: ergo in diem, Philippicus vnus. Hæc in florentissimâ re Romanâ facta: & Martialis æuo non dissimilis etiam vilitas, sed, vt opinor, in anni aliquâ vbertate:

Amphora vigessis, modius datur ære quaterno:

Ebrius & crudus nil habet agricola.

Obserua. amphora XLVIII. sextarios continet, siue congios octo: itaque congius hac ratione sit duorum assium & semis, non longè nimis à Varronianâ vilitate. Et simile in Modio. Sed iam ad tuum illud, ne subterfugere videar, de Frugalissimis viris, qui Tricies absumpsêre. Sed heus tu, satin' plenè & ex fide Senecæ verba attulisti? Ego faciam, & pluscula recitanda sunt, vt de sententiâ constet. Ait, contra luxuriam differens: *Non in facto laus est, sed in eo, quemadmodum fiat. Quid est cana sumptuosâ flagitiosius, & equestrem censum consumente? Quid tam dignum censoriâ notâ, si quis, vt isti ganeones loquuntur, sibi hæc & genio suo præstet? & tricies tamen HS. adijciales cana frugalissimis viris constiterunt. Eadem res si gulæ datur, turpis est; sin honori, reprehensionem effugit. Mens huius viri, non in re peccatum sæpè esse, sed in causâ & fine. Tu epulum sumptuosum das, sed gulæ aut vanitatis causâ: alius dat, sed legis & moris causâ: ille peccat, hic minimè, quia non cupidini, sed cōsuetudini est obsecutus. Sicut, inquit, in Adijcialibus epulis, viri etiam frugales multum impenderunt, sed quia debebant. Totum in eo, vt sciamus seriò, quæ sint istæ Adijciales: ego nullas arbitror (pace eorum, qui aliter) & Aditiales omnino scribo. Intellego eas, quæ in aditu honoris, & auspicijs quasi primis, etiam nunc dari solent: sed olim maximè Sacerdotiorum. Inde Pontificiæ, Saliares, Augurales, Diales cana prouerbiis celebratæ: & Seneca hîc apertè de Aditilibus scripsit, honori eas dari. Talis illa apud Macrobiū, ex Indice Metelli Pontificis transscripta:*

scripta: *Ante diem IX. Kal. Septembres, quo die Lentulus FLAMEN INAVGV RATVS est.* Datæ igitur in ipsâ inauguratione & aditu, vt dixi: & quidni sic *Aditiales*, vt *Initiales*? Tranquilli nostri simile, in Claudio: *Sestertium* * octogies PRO INTROITV noui sacer-
 dotij coactus impedere: etsi Dio videtur hoc aliò ducere, & in sum-
 mâ mutat. Sed tu ne aliò igitur traxeris ea Senecæ, nec à sollen-
 nibus sacrisque epulis, ad communem sæculi luxum. Sed addi-
 disti etiam in fine de Vestibus, & viros feminasque lasciuisse.
 De his, non nimis nego, nec excuso: concessu omnium peccet
 in nugis ille sexus, ad seria non aptus. Sed viri, parum aut nihil
 in veteri Republicâ: sub Principibus cœpere, nec Principibus
 ipsis inuitis. Frangi aut mitigari altos & generosos animos, ve-
 stium, conuiuiorum, ludorum, delicijs aut remissionibus, haud
 abs re eorum est: nec Augustus & sagaciores illi ignorarunt.
 Itaque Tacitus scripsit, *Luxus mensæ, à fine Aëtiaci belli, vsque ad* III. Ann.
arma, quæ Ser. Galba rem Romanam adeptus est, per annos centum,
profusis sumptibus exercitos fuisse. Sed antea negamus: & cum Li-
 uio totum hoc de Virtute claudimus, *Nulla vñquam Respubl. ca*
nec maior, nec SANCTIOR, nec BONIS EXEMPLIS ditior fuit: nec
in quam tam SERAE Auaritia Luxuriaque immigrauerint; nec ubi
tantus, ac TAMDIU Paupertati ac Parcimonie honos fuerit.

C A P. X.

Doctrina studia Romæ, & Salaria in Doctores.

ABSOLVI igitur de Virtute, nisi placet ornamentum vel
 adiumentum eius me adtexere *Doctrinam*. Nam & ca
 Romæ viguit, atque adeò à conditâ ipsâ vrbe, vel potius ante
 eam, si Dionysio & Plutarcho credam, *Romulum & Remum lit-*
teris & omni liberali doctrinâ institutos Gabijs fuisse. Cur verò non
 credam? opera & facta non abnegant expolitum Romulum
 fuisse, & sequentes item Reges: & multa Græcanica instituta
 in moribus, verba ipsa in linguâ comparent. Atque adeò erat
 transfusa ipsa Græcia in magnam Italiæ partem, cui & nomen
 reliquit. Exoleuisse tamen hæc paullatim, fateri debemus, &
 vsque ad bellum Punicum secundum, raras Romæ vel elegan-
 tias,

tias, vel literas fuissè: Mars & horrida virtus omnia obtinebant. Postea intrata & capta ipsa Græcia, victores iterum cepit, & feliciter artes suas intulit & diffudit. Magno gradu nunc itum ad variam doctrinam, sed primò ad eloquentiam maximè: ut quæ coniuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honestè oblectandos, facere videretur. O hanc quoque curam laudabilem! & maximè, quia cum modo & temperie fuit: quòd nec omnes passim se darent, nec nimis etiam darent. Non omnes, sed primores ferè & ij qui vel erant in Republicâ, vel ad eam se preparabant. E triplici illo ordine, Plebs ad militiam adspirabat, neque erat harum rerum; Senatus & Equites, præter illam, animi cultum adsumebant, & mente non manu solùm conspici volebant. Modum etiam plerique seruabant, nec ut mancipia quædam literarum essent; sed ut quatenus opus, haurirent, & ad rem atque vsum transferrent. Talis Scipio ille posterior, talis Cornelius Sulla, Pompeius, Lucullus, Cæsar, alij vno verbo, quicumque in Rep. eminentes postea fuerunt. Quod Thucydides Athenienses suos profiteri facit: *Φιλοκαλέμεν τε μετ' εὐτελείας, καὶ φιλοσοφῶμεν ἀντὶ μαλακίας*: *Elegantes sumus, sed cum parcimoniâ; philosophamur, sed sine mollietate*: id, inquam, conuenientissimè Romani veteres sibi vindicarint. Itaq; studium hoc Doctrinæ publicè viguit, & doctores paullatim, in priuatis primò Principum ædibus, mox & in publico, ac stipendijs publicis, audit, conducti, & præmijs variè affecti. Quis nescit C. Cæsarem

Lib. II. *omnes liberalium artium Doctores, qui Romæ essent, ciuitate donasse? Qui summus extero honos, & nullâ pecuniâ æstimandus. Et si nec hæc defuit, primò quasi è priuatis oculis data: mox è fisco annuatim appensa. Primus id Vespasianus firmiter instituit: qui Latinis Græcisque Rhetoribus annua centena constituit. Ea reddunt bis mille quingentos Philippæos: vbi hodie vel eximijs doctoribus largiédos? Atqui & medicis quingena Hs. mercedem annuam fuisse Plinius docuit: quæ sunt duodecim millia & quingenti Philippæi: cur non igitur admittam vel sexcenta excellenti alicui honorarium fuisse? Imò fuerunt Eumenio Rhetori, & doctori in scholis Augustoduni: quem Constantius princeps sub*

Sueton. *Augustis*

Augustis Diocletiano ac Maximiano, *salarium in sexcentis millibus nummum accipere iussit*. Ita ipse semel iterumque proficitur in Oratione, quæ exstat: nec *sexagena* rescribi mihi aliquis persuadebit. Scilicet alienum nimis à MAGNITVDINE ROMANA est, *quindecim millia* Philippæorum, singulari doctore, & qui Magister Palatii fuisset, dari? nihil est: & credent mecum, qui veteres opes & animos satis sciunt.

CAP. XI.

*Diuturnitas Romani imperij, & in occasione
de patriâ Constantini.*

SED peregrisse cursum meum sermonis videor, & vela colligo, & nauigo in portum. Vidisti quàm magnum hoc imperium à Finibus, Copijs, Opibus, Operibus, Virtutibus Virisque fuerit: & potuissim à Tempore addere, ac diuturno statu. Nam quod alibi imperium, modicè magnum, tam diu perseveravit? Atque istud maximum, tot sæcula stetit: & reliquæ eius cum nomine, etiam nunc in Germaniâ & AVSTRIACA domo feliciter ecce viuunt. Itaque Plutarchi verba liceat vsurpare: *Cum Fortuna alata sit ac vaga, & modò Assyrios, Medos, Persas, Macedonas, Carthaginienses lustrauerit, eosdemque reliquerit: videtur ad Tiberim alas posuisse, volubilem globum reliquisse, & urbem quasi perpetim inhabitatura intrasse*. Quid Homeri iam olim vaticinium, quàm mirabile est?

Νῦν δὲ δὴ Αἰνείας βῆν Τρωάσιν ἀνδρεί,

Iliad. γ.

Καὶ παῖδες παῖδων, τίνας πετόμεθα γένεσθαι.

Nunc autem Troiana Æneas sceptrâ tenebit,

Et nati natorum, & qui nascentur ab illis.

Ille verò tenuit, & nati eius; inter quos Romulus primus Regum, ex eo sanguine; & ô occultam decreti vim! primus Imperatorum, Cæsar. Etsi autem mutatio aliqua status interuenit, tamen imperium mansit: primò sub Regibus, tum Consulibus, tum Principibus: & sub istis, scissum diuulsumque, & caput alterum in Thraciam aut Græciam translatum. Constantinus

d

id fecit,

id fecit, quod non ignoras: & causam dedit ruinæ aut inclinationi deinde rerum. AVD. Oro te mi doctor, benignè & honestè de hoc viro loquamur, & qui vt sidus illustrauit vicinam nostram terram. LIPS. Ego verò loquor in omni aliâ re: & præsertim quæ sacra & pietatem tangit. Quis nescit illum, Deo duce, depulisse tenebras, quæ orbem terræ densâ superstitionum nube obsidebant? Ille dissipauit, lucem intulit, templa nobis & Christo aperuit, vanis cultoribus & dijs clausit. Magnus igitur laudatusque vir; sed quid tamen ea luce propriè ad vicinam nostram terram, vt dicebas? AVD. Nam quis nescit in Britannia ortum hunc esse, & gloriam etiam redundare ad natalem terram? LIPS. Ego verò * nescio, & ambigo, & propior sum vt negem. AVD. Tunc, contra eruditissimis viris nuper asserta? & clarum hunc etiam Panegyrici scriptoris locum? Nam ille apud ipsum Constantinum hæc profert: *Pater tuus liberauit Britannias seruitute, tu etiam nobiles* ILLIC ORIENDO *fecisti. Quod os tuum erit, contra verba tam expressa, euntis? Nisi hoc dices, cui eius oratorem nescisse Principis sui patriam, & in re tam nobili, ignauè & foedè apud ipsum errasse. LIPS. Hoc non dicam, & os non abdicabo, imò nec perfricabo quidem. Fides apud me esto Panegyristæ: sed quid dicit igitur? Ortum illuc Constantinum: at non in tuam sententiam fortasse, sed meam dicit. Ea est, non ipsum ibi, sed imperium eius ortum: non Constantinum, sed Principem. Verè tibi dico, (siste, nec resiliat) hæc eius mens est: *Tu nobiles fecisti Britannias, quod illuc ortus factusque es Imperator. Prima imperij tui lux illuc, & illinc, fulsit. Nec dissimile nimis in verbo, quod paulloantè idem Orator dixit, Constantine oriens Imperator. AVD. Percussisti me nouâ interpretatione: sed quid tu tamen contra communem omnium assensum? LIPS. Nego, communem: imò nemo veterum hoc scripsit. Mediæ aut nouellæ ætatis hæc assertio est, nec nisi ab illo imperij ortu orta. Quid? nōne Nicephorus, Ecclesiasticæ historiæ scriptor, de Bithyniâ palam affirmat? Nam Patrem eius Constantium, cum ad Persas legatus iret, Drepanum Bithyniæ venisse, diuertisse, Helenam hospitij sui filiam nouisse, Constantinum hunc genuisse. Cur autem ille hoc tam constanter,**

* Vide largiter in Notis.

Lib. VII.
Ecc. Hist.
cap. XVIII.

ter, tam nihil ambigens, aut de varietate inferens, si variatum tamen fuit? Atque ego arbitror, verissima Nicephorum tradidisse. Quo teste? Quem nemo respuat, veteri, & ab ipso Constantini ævo. Is est Iulius Firmicus, qui Matheſeon libros scripsit: & in eorum primo, hæc verba. *Dominus & Augustus noster ac TOTIVS orbis Imperator, Pius, Felix, ac Prouidus Princeps CONSTANTINVS scilicet MAXIMVS, DIVI CONSTANTII Filius, augustæ ac veneranda memoria Principis. qui ad liberandum orbem à TYRANNICIS immoderationibus, & ad comprimenda domestica mala, fauore propitiæ maiestatis electus est. APVD THARSVM GENITVS, à primo ætatis gradu gubernacula imperij retinens, quæ prosperis nactus fuerat auspiciis, ROMANVM ORBEM salubri gubernationis moderamine sustentat. Ea de Constantino nostro accipienda esse, primùm docco, tum de re meâ addo. Aliquis enim dixerit Constantinum eius filium capiendum, quoniam in libris vulgatis legitur, *Diui Constantini filius*: sed perfectò id improbum est, & *Constantij*, vt recitavi, legendum. Multa docent clarè. primùm quòd ait, *Totius orbis Imperatorem* fuisse. Atqui Constantinus ille, inter tres Constantini Magni filios, sorte dumtaxat Gallias, Hispanias, Britanniasque habuit. Item, quòd *Maximum* agnominat: quòd, *Tyrannos* ab eo extinctos; & quòd *Romanum* orbem salubriter facit gubernantem. Atqui partem modò, vt dixi: nec eam ipsam diu tenuit, intra triennium occisus. Quid, quòd disertè mox idem Firmicus, *Constantinum Maximum Principem, & eius INVICTISSIMOS LIBEROS, Dominos & CAESARES* appellat? Certè non habuit tales minor ille Constantinus; & palàm ad nostrum hunc spectant. Ista præmissi, si quis (vt sunt mores, aut ingenia) refragari vel calumniari vellet: nunc ad rem aptemus. Ait igitur, Constantinum illum suum Principem *apud Tharsum* genitum. Quæ illa est? an nobilis in Ciliciâ? non est, sed in Bithyniâ ego eam inueni. Nam Stephanus de Vrbiſus, Nicetas, Porphyrogennêta, *Tarsum* hanc (ita scribunt, sine adspirante litterâ) in Bithyniâ signatè ponunt, iuxta Nicomediam ipsam. Ego verò aio & infero eandem cum *Drepano* esse, quod Nicephorus nominauit. Quo argumento? quòd apud Nicomediam sinus & curuatura maris est; quæ lo-*

ca talia communi nomine *Drepana* Græci, quasi *Falces*, à similitudine, vocabant. Inde passim *Drepani* hoc nomen in maritimis, & Ortelium nostrum vide. At proprium eius loci opidiq̃ue nomen, & magis restrictum, *Tarsis* fuit. Mea hæc coniectatio est: nec moueor, si posteri, aut Britanni scriptores, aliter de totâ re tradiderunt. Multo minùs Georgio Cedreno aurem præbeo, scribenti natum Constantinum *ὡς ἐν τῇ τῆς Δακίας πόλει, circa urbem Daciae*. Corrupta, aut falsa sunt: & quoties vanitatum manifestus ille auctor? Pro nobis etiam validè facit, quòd ipsum istud Drepanum, *Helenopolis* appellatum postea, in honorem matris; & pontus vicinus Polemoniacus, item *Helempontus*: sed & sedes imperij in viciniam translata, nōne affectum in patriam testatur? Ipsum denique æuum Constantini adiuiuat, si consideras natum eum circa annum *æ. XXIIL*. Urbis conditæ: quo tempore quæta adhuc Britannia, & turbæ post motæ, & pater ad eas sedandas missus. Ergo verius antè, & alibi, natum esse. Sed tu, aut alius, vt volent: ego sine fraude censui, & Sermonem meum totum finiui.

C A P. XII.

Conclusio, & Laudatio magni Imperij.

AVD. O sermonem æternum mihi vtilem, & iucundum! & clarâ voce fateor, nunc denique admittere & concipere me cogitationes tanto illo imperio dignas. Inter quas tamen & istam: Fueritne vtile gentibus sub tam magno illo esse? an non nimia & aspera ista seruitus, sine vindice & domino quem appellares? **L I P S.** Haud inepta nec importuna quæstio: & scio esse, quæ illud damnare aut certè accusare possint; sed plura ac grauiora, quæ absoluere & alleuare. Inprimis quanti facias, sub magno tali imperio pacem ac quietem gentium vbiq̃ue fuisse? Nusquam arma, hostis, prædo; arabant, ferebant, metebant; conuiuia, coniugia inibant; liberos gignebant, educabant: omnia securè, & nec auribus quidem læsis rumore belli. Nam siquod tale erat; cum barbaris nempe & longinquis, & quod velut ludicrum aut fabellam, tuti limitibus & præsiidiis

præsidij suis, audirent. Pulchrè Aristides: Bella verò vix vni-
quam nunc creduntur existisse, ac pro commentis habentur à pleris-
que. Quòd si alicubi ad limites conflictus fuerit, (ut in magno & im-
mense imperio facile fit, ob Getarum insaniam, & Afrorum miseriam,
vel rubri maris æcolarum infelicitatem; qui commodis bonisque suis
nescierunt uti) mox ista, tamquam fabule, cum omni memoria euanue-
runt. Tanta pax apud vos viget, ô Romani, et si militiam bellumque ha-
betis inter patria instituta. Atque iterum idem (quomodo enim
melius certiùsque vetera repræsentem, quàm veteris scriptoris
verbis?) idem in eam laudem: Vniuersus orbis sub vobis, tamquam
festum diem agitans, quos olim gerere solebat gladios deposuit, ad con-
uiuia autem & reliquam omnem letitiam liberè se conuertit. Et aliæ
quidem contentiones aut certamina vrbes reliquerunt; vnum omnes
habet, ut earum quæque pulcherrima & iucundissimo aspectu appa-
reat. Itaque omnia plena gymnasiis, fontibus siue aquæductibus, por-
ticibus, templis, tabernis, scholis: ut aliquis verè dixerit inclinantem &
labantem mundum, restitutum à vobis esse. Nec vrbes solùm splen-
dore & decore lucent, sed tota adèd terra, instar horti aut paradisi, con-
spicitur exulta. Ut miseratione planè digni videantur, si qui imperio
vestro non subiacent (qui pauci tamen sunt:) ut qui tantis bonis ca-
reant. Hæc verè & floridè dicuntur, & capiunt me recitantem:
etsi non minùs vno ictu penetrat Cornelij nostri breuiloquiũ:
Quippe immota, aut modicè laceffita pax: quod ille de Principum
æuo scripsit. Iam verò alterum bonum, quanti est, Communi-
catio inter se hominum & rerum, vijs vndique liberis com-
mercijque? In animo tuo cogita, si tutò nunc Byzantium,
Persarum aut Sinarum regionem videre liceret: quàm tu ipse
fortasse atque alij libenter & auidè iretis? per tot terras & ma-
ria oculos pedesque ferreris? AVD. Affectum meum tangis.
capior vnicè peregrinatiunculis, & animum innouat ac vires
nouitatum ille aspectus. LIPS. Optimus quisque in hac cupi-
dine: & alti æthereique animi, v& ipse æther, gaudent motu. Sed
sub tali igitur imperio, quàm id licuit? tutiùs quàm Belgis no-
bis hodie, non dicam ab vrbe ad vrbe, sed pænè per vrbe
aut circa eam ire. Visere illuc licebat magna aut nobilia illa opi-
da, clara & inclyta ingénia; Athenas, Alexandriam, Rhodum;
disertos aut sapientes ibi viros; deniq; ad alia terrarum se con-

ferre, disciplinæ aut animi causâ. At mercatores, & quibus aliarum opum cupiditas, ij per maria omnia nauigabant, ij per terras circuibant: vnicos prædones aut piratas placantes, siue metuentes, Publicanos. Sed vno & certo pretio placantes, nec eo graui sub Principe aliquo moderato & æquo. Itaque res longinquæ aduehebantur, ignotæ antea ostendebantur: & totus orbis eâ communione, quasi vna ciuitas, fiebat. Quid dicam artes barbaris traditas aut inuectas? quid elegantiam, litteras, & cultum animorum? Cùm etiam omnes linguis diuisi, vnâ Romanâ iungerentur, atque ea cum imperio quaquauersum se propagaret. Plinius hæc grauitè & meritò attollit, in Italiâ dilaudandâ: *Numine Deum electa, quæ cælum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret: breuiterque, vna cunctarum gentium in toto orbe patria fieret.* Iterumque alibi idem: *Videmus, inquit, alia aliunde, vtrò citroque, humanæ saluti (nam de herbis & re medicâ illuc loquitur) in toto orbe portari, IMMENSA ROMANÆ PACIS MAIESTATE, NON HOMINES MODO, DIVERSIS IN TERRIS GENTIBVSQVE, verumetiam MONTES & excedentia in nubes iuga, PARTVSQVE eorum & herbas quoque inuicem ostentante.* Nec minùs Strabo: *Romani multas gentes antea feras, ob montes aut locorum naturam asperam, aut ob frigus aliâve causam, sub imperium assumentes; eas ipsas ex disiunctis & insociabilibus, vnâ commercijs iunxerunt, & pro agresti vitâ, ciuilem agere docuerunt.* Sed & Claudianus magnificè:

Lib. xi.
cap. v.

Lib. xxvii.
cap. i.

*Huius pacificis debemus moribus omnes,
Quòd veluti patrijs regionibus vititur hospes,
Quòd sedem mutare licet; quòd cernere Thulen;
Rursus & horrendos quondam penetrare recessus.
Quod bibimus passim Rhodanum, potamus Orontem,
Quòd CUNCTI GENS VNA SVMVS.*

O verba & res pulchræ! & potestne maior esse voluptas, aut commoditas? Omitto gubernationem & leges ferè eadem; pondera, & mensuras, & numos: & plura, quorum bonorum sensus etiam hodie aliquis in Turcarum imperio est; & esset

esset maior, si leges & politia illis meliores. At nostra Europa misera, quàm iam à multis sæculis expers eorum est? iactatur assiduis bellis aut dissidijs. quare? quia regna aut dynastia paruis aut modicis finibus inclusæ, semper in vicinos causam habent timendi vel sperandi, querendi vel vlciscendi. Idem & ante Romanum imperium erat, quod Plutarchus asseruit: & pulchrâ imagine addidit, *Istud velut ANCHORAM fuisse fluctuanti mundo.* Quid propriè de nostrâ Galliâ triplici Cerialis apud Tacitum? *Regna bellaque per Gallias semper fuere, donec in nostrum ius concederetur.* Fuere mi Auditor, & nunc erunt, donec talis aliquis euentus. AVD. Per ignem sermones tui eunt, & vide ne amburare. LIPS. Ego verò apud te liberè, & vt Philosophi in scholis, de Republicâ dissero: neque sunt ista, neque erunt fortasse; & (dicit aliquis) nec debent. Deo euentus permitto: ego arbitror & ad Religionis vnitatem, & ad subditorum omnium vsum, & denique contra communem Turcarum hostem fore, potens & validum caput vnum. Tu Deus SALVS ET TVTELA RERVM, da quod expedit; da, si non imperio, saltem fœdere coire ac iungi; da lætos & pacatos ad læta & pacata loca tua venire. In quo finio, & te mi Adolescens, dimitto.



NOTÆ IN LIB. I.

CAPVT II.

Pag. 16.
lin. 8.

Προσίμῳ.] Pro versu fortasse melius, χρυσή μῆξα diuissim.
Sed hoc leue: illud momentum habet, quod mōitus à viro
doctissimo sum, totum hoc Carmen videri scriptum, non
in ipsam urbem Romam, sed eis Πάμῳ (nam Græca am-
bigua) id est, in *Valentiam* siue *Fortitudinem*, quasi Deam.

Acutum est: & argumentum habet, quod Erinna illa celebris vixerit cir-
ca Sapphus tempora, id est Tarquinij Prisci, priusquàm Roma nostra sic
magna & admiranda. Sed mihi tamen seriò inspicienti, carmen in vr-
bem & imperium nostrum scriptum videtur: & plures Erinnas fuisse,
quod in textu indicatum volui, indicio est dissensus in eius patriâ, de quo
Suidas. Adde, quod apud Stobæum ambigitur de auctore.

CAP. V.

Pag. 32.
lin. 15.

Sed ubi, ignoro.] Ego firmiter non repperi. Duplex tamen suspicio.
prior de *Theodosiâ* in Bosphoro, vbi Strabo portum collocat, *vel centum*
navium capacem. Altera fortasse firmior, ex Dionis Fragmento in rebus
Eligabali, vbi notat, *Priuatum aliquem, initio eius imperij, conatum turba-*
re & ad res nouas pellicere τὸν στόλον, ἃ ἐν τῇ Κυζικῇ νελοχῆται: classem, quæ
Cyzici in statione erat. Sane videtur hanc Ponticam, & eius ordinariam
sedem designare: etli Cyzicus tamen in Propontide.

CAP. VI.

Pag. 36.
lin. 33.

Sed nec Velleij indicium valde probo.] Cui tamen causam aliquam esse,
etiam hodie Hispani experiuntur: sed non illam propriè, quam Velleius
suspiciatur aut timet. Hoc vsus docuerit, longinquas aut externas colo-
nias, si coniugijs & stirpe cum indigenis misceantur, paullatim ipsos aut
posterios transire in mores & affectus eius regionis. Cauere hoc malum
vis vnica ratio, à coniugijs, & (si potest) à mixtione arcendi: quod Iudæi
olim & nunc seruant. Nec alia magis intima causa est, cur crescat assidue
ea gens, & in veteri lege & institutis, aliena à populis, perseueret.

LIB. II.

CAP. II.

Pag. 45.
lin. 27.

In agros & in corpora eorum.] Illud ipsum conqueritur & exaggerat
Briundica regina Britannorum, in Dionis Nerone: Οὐ μὲν πρὸς τὰ ἄλλα
πάντα & νέμει & γεωργεῖν οἰκείοις, καὶ τῶν σωμάτων αὐτῆς δασμὸν ἐτήσιον
πράξιμιοι. Nonne, præter cetera omnia, & pascitis & aratis Romanis, corpo-
rum etiam ANNVM tributum pendentes?

CAP.

CAP. III.

Pluscula cogitavi aut collegi.] Imò & quædam edidi, Commentario ad Taciti librum I. Eruditissimus etiam Briffonius videatur, in voce *Capita*, De verborum significatione. Veritas tamen, opinor, est, indictiones fuisse in capita pro modo opum: quod genus hodie Galli *Taillas*, nos *Impositiones* aut *Aestimationes* linguâ nostrâ vocamus.

Qui diuinandi artem tenet.] Nec ego inter istos: tamen peragrandogentes prouinciasque subditas, & ratione colligendo, subdixi non infra trecentos *milliones* hominum fuisse in Romano orbe. Et causas sententiae possim dare.

Supra centum quinquaginta milliones.] Percusserit hoc quosdam, qui nostra aut noua cogitant tantum: sed ratiocinando facile quiuis adstruat ex ijs quæ dixi, & non etiam dixi. Pro magnis quidem istis vectigalibus, nonne satis fecerit vel Suetonij locus, de Vespasiano? *qui initio statim Principatus professus est, quadringenties millies opus esse, ut Respublica stare possit.* Sunt ipsi (horresco dicere) *mille milliones* nostro ritu: vnde sic subito parandi, si non tales tantiue reditus? Et si ibi alij *quadrages millies* legunt, qui essent LX. nobis *milliones*. Sed & nostro æuo, ut desinant isti obloqui, Rex Sinarum accipere in tributo annuo asseritur *centum viginti milliones*. Et Sinas aliquis ad totum Romanum orbem comparabit?

CAP. VIII.

Si verè Plutarchus, viginti millia talentum intulisse.] Verba Plutarchi non ambigua: Α'ραφερὶ δὲ εἰς τὸ δημόσιον ταμεῖον ἐν νομίσματι, καὶ καὶ σκευαῖς ἀργυρεῖς καὶ χρυσῆς, διαμύρια τέλαντα, παρέξ τ' εἰς τὰς σεπτάτας δεδωμένων. ὧν ὁ τέλει χίσιον ἄρρον. καὶ λόγον δεσχευαὶς εἰληφε χιλίας πεντακοσίας: *Intulit in ærarium publicum in pecuniâ signatâ, itemque auro & argento facto, viginti millia talentorum, præter ea quæ in milites expendit. Quorum is qui minimum accepit, habuit drachmas mille quingentas.* Ergo gregarius quisque miles accepit Philippicos *centum quinquaginta*. Magna sanè donatio, in liberâ illâ republicâ: sed quam minuit Plinius; uti & summam illati publicè argenti, si eum audimus. Valdè, inquam, minuit. nam scribit lib. XXXVII. cap. II. *Cetera triumpho eiusdem* (Pompeij de Asiâ & Mithridate) *quàm virilia? Reipublicæ datum mille talentum, Legatis & Quæstoribus, qui oras maris defendissent, HS. bina millia, commilitibus singulis quinquaginta.* Sanè hæc nullo modo conueniunt, neque sana sunt; quamuis audacter id dicam. Primum, de *mille talentis* illatis in ærarium; nugæ, & *minuti gurguliunculi*, ut ille inquit: & in Textu docuimus. Quid iam de Legatis & Quæstoribus? dumtaxat *bina millia HS?* ea essent, *quinquaginta Philippii*: atqui gregarijs plus datum, non Plutarchus solum, sed Appianus (qui ex eo ferè haurit) ostendit. Et omnino pro magnis illis exiguum est. quid in milites singulos? ait *quinquaginta HS.* Ij essent, *duodecim denarij & semis.* Abijce hæc omnia, & indi-

gnum est in Plinio tolerari aut legi. Primo numero legendum sit ex Plutarcho, id est ex vero, *Reipublica datum vicies mille talentum*. Hoc ex coniecturâ: in alijs libri adiuuant, & adaugent. Nam scripti habent: *Quæstoribus, qui oras maris defendissent, datum mille talentum: militibus singulis sena millia sestertiorum*. In quibus mirum est, & iuuat, sic concorditer consentire cum Græcanicâ summâ illud vltimum, de *senis millibus* HS. Nam ij sunt, ipsæ *centum quinquaginta drachmae*. At prius illud de Quæstoribus, non rectum, nec potest: exorbitat. Scribo, *data decem talenta*: quæ sunt, *sex millia* Philippum: & error est ex notis ortus, denariâ millenariâque: quæ nimis sæpè alternarunt. Examinanti hæc apud Plinium, & cum nostris ac ratione conferenti, vera erunt: aut si quis aliunde firmiora, doceat, innitemur.

CAP. IX.

Pag. 71.
lin. 5.

Etsi non ad usum tales.] Sicut & in torque aureo, quem *centum pondo* *Dino Augusto Galli dederunt*, ut est in Quintiliano. Hæc in speciem tantum: imò plerumque nudo nomine, Pecunia ipsa data.

Pag. 71.
lin. 21.

Hoc prætextu rapinas extorsionesq, usurpatas.] Ita & Plinius igitur in Traiani laudibus ponit, *non spoliis prouinciarum, & extorto focys auro, sed hostilibus armis, captorumq, regum catenis triumphum grauem*. Nec aliud ab hoc coronario auro intellegit.

Pag. 73.
lin. 36.

Millenis auri.] Vox ea *millenis* redundare hîc videtur: aut mox intellegendum *triginta quinque millibus* HS. Sed ego prius eligam.

CAP. X.

Pag. 75.
lin. 4.

Esto vel centies tantum summa ordinaria.] Neque enim puto solum *Decies* fuisse, quod exprimit Dio Cassius in Fragmento, de Macrino Imp. Scribit eum, Aufidium Frontonem, cum Africam Proconsul sortitus esset, in vrbe retinuisse: τὸ γὰρ μὲν ἐν αὐτῇ πόλει καὶ οἶκος μένοντι ἀπὸς τὰς πόλεις καὶ εἰκοσι μυριάδας δοῦναι εἰσπράξατο: nihilominus *præmium adiunctum, etsi domi manenti, viginti quinque myriadas drachmarum, dari iussit*. Id est Latinorum *Decies*, & nobis *xxv. millia* Philippicum. Sed in vniuersum & annuum sumptum Proconsulis, parum sit, si quis considerat: fuit dumtaxat *γέρας*, ut loquitur, siue *premiū operæ* super sumptus; & est quod Tacitus in Agricola, *Salarium Proconsuli dari solitum*, in simili narratione appellat.

Pag. 78.
lin. 7.

Parum est certa.] Aliquid ad quatiendam hanc lectionem fecerit, quod in Plutarcho est: *Cæsarem, post Africanam victoriam in concione se venditasse, quod tam latam regionem subegisset, quæ penderet vectigal annuum ducenta millia medimnium Atticorum frumenti, porro olei tricies centena millia librarum*. Longè à nostro modo sumus, si non amplius: neque ista fecerint, nisi Romano more *duodecies centena millia modiorum*. An Augustus adedò produxit? an non de totâ Africâ Cæsar hoc dixit? Iure ambigas, ob modum olei, qui sequitur. quem talem tantumque solis *Leptitanis* impositum Hirtius scribit, in extremo De bello Africo: *Leptitanos,*

ranos, tricies centenis millibus ponderis olei in annos singulos mulctat. Et verò iamdiu antè Africa vectigalis, nec nisi Numidiam Cæsar addidit. Cogitetur. & fortasse aliquis in Hirtio rescribat, *ter centenis millibus.* Quidquid est de summâ Africæ vel Ægypti, tamen certò etiam aliæ prouinciæ subuenerunt, & maximam illas partem, non assem totum confecisse censendum est. Sed & Fiscum emisse crebrò frumentum, Tacitus & Plinius, dicent.

LIB. III.

CAP. II.

Alibi peccatum.] In Q. Curtio notabiliter, hisipfis numeris, lib. viii. Pag. 104.
lin. 23.
At tibi xxx. millia mulorum captiuum aurum vehunt: quod Hermolaus in concione obijcit Alexandro. Sed immanis auri summa surgat: & omnino ∞ ∞ ∞. id est, *tria millia* scribendum. Demosthenes quidem pro magno refert, quòd regi Persarum *mille ducenti cameli* pecuniam veherent.

CAP. III.

Paullatim Italia panè deserta est.] Vel Lucanum audi:

*At nunc semirutis pendent quòd mœnia testis,
Rarus & antiquis habitator in urbibus errat,
Horrida quòd dumis, multosq; inarata per annos
Hesperia est, desuntq; manus poscentibus aruis.*

Pag. 119.
lin. 36.

Idem Liuius: *partem Italiae ergastula à solitudine vindicare.* Sed & Dionysius pleraque opida olim frequentia, suo æuo lapsa aut vacua fueretur. Causa profectò ipsa est, quam dixi, quòd Roma omnia ad se traxit & abduxit. Itaque (considera) vicina vrbi loca maximè in hac causâ reperiens, longinqua pleniora.

CAP. VIII.

Alij solia maluerunt reddere.] In Græco est *καθέρωται*, vt vides: quod Pag. 147.
lin. 14.
magis est vt Sellas reddas. Sellæ autem in Frigidarijs maximè, ex Siderio: *Hinc frigidaria dilatantur, ita vt ministeriorum sese non impediante famulatu, tot possint recipere Sellas, quot Solij sigma personas.* Quæ lectio mihi recta est, etsi alij mutant. Nam ita hic *Sigma solij*; vt postea idem, *Solij capaxis hemicyclum.* Quod planè dat intellegi formam Soliarem: & fallor, aut in ruinis Thermarum hodieque vestigia & *ιχθυογραφία* sic apparent. Si tamen aliter, parum est: hoc addo, *Solia*, à Græcis solere reddi *ἐμβάσεις* vel *ἐμβάσεις*: quòd in ea lauandi causâ descenderent. Nec aliud initio fuere, quàm lignea quædam vasa siue aluei, nostris quoque moribus noti: quod genus Augustus (in Suetonio) *Hispanico verbo Duretas* appellabat, atque ipse utebatur. Eiuidem tamen æuo alia reperta, in ipsâ terrâ effossa, & magnifice structa, in quibus fas esset, sedere, stare, natrare. Inuentio tributa, nisi fallor, Mæcenati à Dione Cassio. *Πρῶτον*, inquit, *κολυμβήσαι* *θερμῷ ὕδατος ἐν τῇ πόλει κατισχύασε*: *Primus Solium*

(siue Natatorium) aqua calida in urbe struxit. Planè huc pertinet, & notandum est. Solia autem hæc capacia fuere, vt Sidonij verbum erat; & Martialis ostendit, plures simul solitos lauari. Quid, quòd Oceani solium postea, magni maris nomine & quasi imagine dictum? Itaque nullo modo probabile, tot illa millena Solia in Thermis vnis fuisse.

LIB. IIII.

CAP. XL

Pag. 210.
lin. 12.

Ego verò nescio.] Vides ambigere me, non asserere; nec temeritatis in talibus damnes. Prudens inquisitio locum sæpè aperit repulsæ vel obscuræ veritati. Videbar tamen satis stabiliisse, natum eum in Britannia non esse: sed iam nunc vir impensè doctus, & gnarus rerum vererum, amicus noster, argumentis subtilissimæ inquisitionis me quoque, fatendum est, concussit. Tamen recollegi me, inspexi, & videor antiquare posse, sine pertinaciæ culpâ. Ipse atque alij iudices sunt. Ait primò, *Historicos omnes, qui de natali solo Constantini scripserunt, vnâ voce natum in Britannia asserere, præter duos Graculos Nicephorum & Cedrenum.*] Hoc ego non dederim, vt alij omnes. Imò ecce obduco Godefridum Viterbiensem, cuius Chronicon ita habet: *Hanc Helenam (matrem Constantini) quidam ex patria Treuirorum oriundam faciunt, alius de regno Persarum, vbi Constantius ad tributa colligenda missus, eam legitur contigisse.* Ecce, dubitat de Treuiris: sed magis ad legationem Persicam, & ergo ad nos, inclinât. Vbi autem de Britannis? Quin & *Acta Siluestri Papæ*, quæ in Symeone Metaphraste, istam Helenam apertè faciunt *Bithynam*: Cùm, inquiunt, *in Bithynia versaretur, vnde orta erat.* Nónne & hoc à nobis? Atqui Britannici scriptores aliter, & ijs magis fides habenda, qui loco ipsi propiores.] Hoc vix dicam. Quid si de Homeri patriâ lis certetur, & Iætæ suum asserant, idque indigenarum testimonio; idem Chij, aut Colophonij: eo ipso nempe refellantur, quia à domo testes citant. Gloria patriæ quæri per hanc assertionem, & ideò illuc proniores censeantur. Et qui tamen hi testes sunt? *Henricus Huntingdoniensis, Guilielmus Malmesburiensis, Ioannes Sarisburiensis, Galfrius Manumetensis*: quorum antiquissimus ante quingentos annos non vixit. Dicitur tamen & *vita Helenæ Anglo-saxonice scripta, ante sexcentos amplius annos ita adfirmare.*] quam non vidi equidem, & ello: quis vulgarium librorum tabellas nescit? Iisdem igitur de *Bruto Troiano* credam, & *Pandrafo Gracorum rege*, & quæ alia inscitè comminiscuntur? Quòd si tam vetus & fida hæc opinio, quid ita Bedas ille, Britannia scriptorum egregius, hoc historiae suæ insertum non iuit? Atqui occasio erat, vbi de Constantino sic scribit: *Constantius Constantinum filium, ex concubinâ Helenâ creatum, Imperatorem Galliarum reliquit. Scribit autem Eutropius, quòd Constantinus in Britannia creatus Imperator, patri in regnum successit.* Vbi hîc aliquid, natum in Britannia esse?

creatum

* Vixit ante annos quadringentos, & quod excurrit.

Lib. I.
cap. VIII.

creatum Imp. tantum dicit. Et pensitandum hoc est de Bedâ. qui certe Britannus, & æui vetus, & patrij amoris honorisque non item incuriosus aut expers. Quid, quod nec in totâ Britannîâ monumentum aliquod aut vestigium affectus sui, ut in patriam, Constantinus edidit, aut reliquit? At fecit in Bithyniâ, ut in Textu meo scripsi. Et hoc pensitandum. Sed enim, ait vir doctissimus, Nicephoro eò minus fidei esse debet, quia & in modo genitura aniliter ineptit, & temporis ratione aberrat.] Videamus. ait patrem Constantium, Claudij ex filio nepotem. Falsò, fateor: & Pollio melius hæc exsequitur, qui è fratre Claudiij deriuat. Quod nepos igitur, non errat: at non ex filio, quod incuriosè addit. Item ait, pallium regium Helenæ donasse, post concubitum. Quid autem priuato cum pallio regio? inquit. Respondeo, paludamentum intelligi, vel & pretextam vestem, quæ tunc in usu honestiorum. Dicit &, in Galliâ Constantinum Cæsarem à patre creatum: atqui in Britannîâ fuit. Imò de Galliâ, etiam Bedas satis clarè dicit: & videtur inibi iamantè designatus à patre, sed Cæsar dumtaxat fuisse. Aurelius sanè Victor eodem tempore designatum Cæsarem scribit, quo Seuerus & Maximinus: quod mensibus aliquot fuit ante Constantij mortem, & priusquam in Britanniam Constantinus veniret. Facit & Panegyricus scriptor: Cum tibi pater imperium reliquisset, Cæsaris appellatione contentus, expectare maluisti: illâ, quam iamantè habebas. Etiam è Zonarâ adstruas, in Galliâ Constantinum tunc fuisse, & Galerium ad ipsum venisse. Sed quorsum ista? nihil ad natale solum faciunt: & siquid aberrat in talibus Nicephorus, alij in alijs, & varius circa illud æuum dissensus. At rursus scribit etiam Nicephorus, legatione Persicâ genitum Constantinum, & patrem ex eâ reuersum, mox Cæsarem creatum.] Quæ si vera, viginti dumtaxat annorum fuerit Constantinus, cum Imperium cepit: quem tamen vel triginta constat fuisse. Non abnuo in eâ re errorem, nisi de aliâ legatione priori sensit: quod sanè potuit. Et verò si hæc euertunt de patriâ, quid Britannicis scriptoribus fiet, quos nulla ratio aut ingenium defendat? Omnes in Britanniam venisse Constantium, & Coeli regis filiam Helenam ibi nouisse: distinctè etiam Galfridus, undecimo post anno, mortem obijisse, relicto imperio huic Constantino. Ista quæ constant? Enimuerò omnes Annales mittunt Constantium in Britanniam, ad turbas ibi ortas sedandas: ex autem dumtaxat fuere intra annos imperij eius: & quomodo tunc Constantinum genuerit? Fuerit igitur ex hoc calculo undecennis Imperator. Vides ineptias, & quidem ἀνυστάτως. At verò eripitur nobis Iulius Firmicus, quem ego ut fundum sententiæ adduxeram: & in hoc ingeniosissimè (ita res habet) vir ille inquisiuit. Demuseripi: quid factius aut certius super Constantino erit? non ego video: neque enim de Britannîâ aliquid dicit. Sed teneo tamen, & vindico, aut certè conabor, sine litigio, & pudore meo atque amore saluis. Scripsit, inquit, Iulius Firmicus sub Constantio Constantini F. non sub isto; ergo de illo ea sunt, & non de Constantino. Argumenta, in Præfatione

tione ipse dicit *Mauortium Lollianum*, cui inscribit, *Consulem designatum esse*. Atqui Consul ille fuit sub Constantio, anno Urbis ∞ C V I I. id est, xvii^o. circiter imperij eius anno. Item, meminit Solaris deliquij lib. i. cap. ii. *Optati & Paullini consulatu*, & loquitur vt de annis transactis: quitamen Consules fuere quadriennio circiter ante Constantini mortem. istis respondeo, primùm de *Lolliano Cos. designato*: non nouum olim fuisse, in plures annos designari, & multi Principum ita fecere. Item, Præfationes vltimas olim & nunc scribi: & librum ipsum vetustiore esse, ac pluribus annis inter manus versatum: quod ipse Firmicus tibi dicet. Hæc poteram: sed firmitus illud, non censere me eundem illum *Lollianum* esse, qui sub Constantio Consul fuit. Filius potius eius, aut gentilis alius: & iste noster, etsi designatus, non iniuit, vel morte præuentus, vel mutatione Principis (vt scæpe) vel aliâ causâ. Hoc ex ipso altero argumento asseram, vbi de *Optati & Paullini Consulatu*. Nam ecce verba sunt: *Sol medio dici fulgida denegat lumina. quod Optati & Paullini Consulatu (vt de recentioribus loquar) futurum, Mathematicorum sagax prædixit intentio*. Sanè loquitur, vt de re nouâ & recenti: præterita quidem, sed non obsoletâ. Imò ipsis illis annis vltimis Constantini, hæc sunt scripta: & verba Firmici clarè dicunt, quæ super Constantino olim adduxi. Nam quæ ibi sunt in eius laudes, de tyrannis pulsus, & plura, palàm de ipso scripta: neque negat amicus noster. Sed ille censet parenthesi quadam hæc includenda, & reliqua sic legenda: *Constantius scilicet maximus Diui Constantini filius, augusta & veneranda memorie Principis (qui ad liberandum orbem à tyrannicis immoderationibus &c. vsque ad illa verba, numquam belli Fortuna decepit) apud Naisum genitus*. Sic inquam, vt alia omnia de Constantio sint, laudes illæ de Constantino. Sed quis mos aut ratio est, cum de Principe præsentis & viuo scribas, sic abire in laudes defuncti, & hunc præterire? Non solet hoc eius æui adulatio, & viuis magis blandiuntur. Sed quid opus argutijs? nullæ eæ, apud cordatum quidem, euincunt, quin quæ sequuntur de filiis eius, asserant hæc omnia Constantino. Verba aperta: *Tu Iupiter, tu Gradiue, tu Sol, Constantinum maximum Principem, & eius INVICTISSIMOS LIBEROS, DOMINOS ET CAESARES NOSTROS, consensu vestre immoderationis, & Dei summi obsequenti iudicio, PERPETVAQVE EIS IMPERIA decernente, facite etiam nostris posteris, & posterorum posteris, infinita sacula imperare*. Hoc decretorium est, quocumque nos vertimus: neque Constantius ille liberos habuit, quibus hæc aptes. At (reponit vir doctissimus) possunt de Gallo, aut Iuliano capi, quos Cæsares dixit. Non possunt: neque enim liberi eius fuerunt, neque vno tempore habuit, vt conueniat illud, *Dominos & Cæsares*: quin Gallo defuncto, adscitus Cæsar fuit Iulianus. Cæsar, inquam, non filius: nec mos iste adoptandi (nisi fallor) tunc vsitatus. Imò Constantius, cum iam Cæsarem designasset, in concione publicâ, apud Ammianum alloquitur, & *Fratrem* appellat. Igitur altera amici nostri euasio: votum & precationem saltem hæc esse,

esse, ut numina nempe dentales liberos. Appello ad verba, si huc eunt, iterum iterumque legenda. Vocat *inuietissimos*, vocat *Dominos suos*: & clarè iam esse, non optari ostendit; perennare, non autem nasci rogat. Ad locum hunc talem, cur non alia aptantur potius, quæ volentia sequentur: quàm ut hunc trahamus, non pertrahendum? Sed opponitur amplius, in manuscriptis duobus existare, non *apud Tharsum genitum*; sed *apud Naïsum*. Esto. nec illi codices fortasse optimi; & hoc ipsum quid pro Britannia euincat? Nam quod ad Constantium applicari id censeret, ibi genitum, mera coniectura est: neque inquiri, nec ad rem meam facit. Addo magis illud, Iulium eundem Firmicum, *Constantium* iterum nominare, ut viuum, in ipsa Præfatione: *Cum tibi totius Orientis gubernacula, Domini atque Imperatoris nostri Constantini Augusti, serena iudicia tradidissent*. Si iam diu obierat, cur non *Diuum* appellat, ut in alijs illis verbis *Diui Constantini filium*, pro amici quidem nostri sensu? Nam nos ibi, *Diui Constantij*, vere putamus emendari. At verba tamen sunt, quæ *Constantio*, quam *Constantino* propiora, si verum spectes: ista. *A primo ætatis gradu Imperij gubernacula retinens, quæ prosperis nactus fuit auspiciis*. Nam Constantinus quomodo à primâ ætate, cum non nisi anno *trigesimo* cœperit imperare? at verò Constantius, *octennis* admodum, Cæsar designatus fuit. Respondeo, non hoc velle Firmicum: sed natum Imperatoriâ stirpe, & imperio iam tunc fatis destinatum. Planè ut Panegyristes, ad ipsum Constantinum: *Quamuis felicissimus ille dies imperij tui natalis habeatur, iam tamen ab illo generis auctore* (Claudio) *in te Imperij fortuna descendit*. Iterumque: *Non repentinus aliquis fauoris euentus te principem fecit: Imperium nascendo meruisti*. Et tertio: *Sacrum istud Palatium non candidatus Imperij, sed designatus intraisti*. Talia plura leges: & me auctore in Firmico hic, ad quæ *prosperis natus fuerat auspiciis*. Desino, nec ferram ultra reciproco: & fateor ingenue in illo æuo, paucitate scriptorum aut incuriâ, aut etiam imperitiâ, tenebras & ambagines esse, nullâ umquam curâ satis ad certum aut liquidum perducendas. Quid autem (philosophari lubet) in talibus magnum facimus? quid mea est inter, ibi an ibi natus sit Constantinus? Virtutes eius, non patriam videamus: & ab illâ obscurus, ab his lucem capiat, & eandem imitatione alijs donet. Hoc voueo, & cum modestiâ scientiam, & magis sapientiam, habere. Nam omnia cum viderimus, *unum studium verè liberale est, quod liberum facit, hoc Sapientia, sublime, forte, magnanimum: cetera pusilla, & puerilia sunt*. Didici,

Sen. epist.
LXXXVIII.

INDEX CAPITVM.

LIBRI PRIMII.

O CCASIO & ingressio sermonis.	
Cap. I.	Pag. 13
Communiter Roma & eius Potentia laudata, per elogia pauca veterum.	
Cap. II.	15
Fines imperij Romani; quando maximi; & Prouinciæ breuiter adnumeratæ. Cap. III.	18
De Copiis & præfidiis sparsim circa limites, itemque in ipsâ Vrbe. Cap. IV.	pag. 23
De Copiis in mari aut fluminibus; de Classibus variis earumque sedibus.	
Cap. V.	29
De Coloniis, & modus fructusque deducendi. Cap. VI.	54
Multitudo Romanorum, & ratio adsciscendi gentes, aut transferendi.	
Cap. VII.	37

LIBRI SECVNDI.

De Priscis populi Romani vestigalibus, Decumis, Quintis, Scripturâ, Portoriis. Cap. I.	Pag. 43
De Tributis & Capitatione. tum inquisitum in modû vestigalium, & quid videantur reddidisse. Cap. II.	45
Inquisitum item de Capitationis modum & pensum vniuersorum Tributorum. Cap. III.	50
De Erario militari, & Vigesima, Vigesimaquintâ, Centesima ad id explendum. Cap. IIII.	55
De Metallis, & argenti, auri, aliarumque rerum fodinis. Cap. V.	59
De Vrinario vestigali & Chrysargyro, item de Meretricio. Cap. VI.	60
De opibus Byzantini imperij: & clausula ac finis Tributorum. Cap. VII.	62
Pecunia è Triumphis, & aliquot eorum inspecti æstimati que. Cap. VIII.	65
De Auro Coronario, & Coronis dictum. Cap. IX.	70
Impensæ publicæ in Militem, Magistratus, Populum: & de Frumentatione. Cap. X.	74

Impensæ in Ludos obiter ostensæ. Caput XI.	80
Dona Principum effusa, & primò Iulij Cæsaris. Caput XII.	84
Augusti Principis dona. Cap. XIII.	88
Aliorum Principum dona. Cap. XIII.	93
De priuatorum aliquot opibus, & materiæ huius finis. Cap. XV.	93

LIBRI TERTII.

Ad Opera Romana transitum, & primò de ligneis aut temporarijs dictum. Cap. I.	Pag. 102
Diurna opera, & caput omnium Roma. De situ eius, & in primis de magnitudine indagatum. Cap. II.	106
Magnitudo Suburbiorum Romæ, & hominum in totâ Româ multitudo. Caput III.	113
De ædificiis vrbis Romæ communiter, & eorum altitudo. Cap. IIII.	120
Decor & ornatus ædificiorum. Excerpta quædam, & primò de templo Capitolino exactius dictum. Caput V.	122
Item de templo Panthei, Urbis, & Pacis. Cap. VI.	134
Fora Romana descripta; & distinctè Romanum, Iulium, Augustum, Transitorium, Vlpium. Caput VII.	139
De Balneis Thermisque, & breuiter de Rostris. Cap. VIII.	146
De Statuis, & earum custodelâ. Caput IX.	150
De viarum magnis operibus, & nominatim de Appiâ. Cap. X.	153
Aquæductuum mira. Cap. XI.	157
Cloacarum mira. Cap. XII.	161
Traiani pons in Danubio. Cap. XIII.	163
Priuatorum hominum Urbanae, aut Rusticæ ædes. Cap. XIII.	165

LIBRI QVARTI.

Transitum ad Virtutem Romanorum, & ea in genere prædicata. Cap. I.	172
Triplex	

INDEX.

Triplex ordo in populo ostensus, & quisque in suâ parte laudabilis. Caput II.	174	Luxu Romano. Caput VII.	193
Iustitia & Clementia in bellis. Caput III.	179	Excusati Romani à prioribus: & primum in Raptu vel Scuitiâ, obiter. Cap. VIII.	201
Fortitudo Romanorum militaris. Caput IIII.	182	Factum idem in Luxu mensarum, aut vestium. Cap. IX.	203
Pietas, Probitas, Constantia Romanorum. Cap. V.	186	Doctrinæ studia Romæ, & Salaria in Doctores. Cap. X.	207
Contra Probitatem & Abstinentiam dicta & obducta quædam. Cap. VI.	190	Diuturnitas Romani imperij, & in occasione de patriâ Constantini. Caput XI.	209
Pariter contra Continentiam; & de		Conclusio, & Laudatio magni Imperij. Cap. XII.	212

FINIS.

APPROBATIO.

Quatuor hos J. Lipsij de Magnitudine Romana libros, prælo dignos censeo, quòd eruditi sint, & pulchra varietate mirificè afficiant oblectentque, nec non ad illustrationem antiquitatum plurimum conferant, nihil interim continent quod Catholicæ fidei aduersetur.

Guiliel. Fabricius Nouiom. Apostolicus ac
Regius librorum Censor.

F. PRIVILEGIUM

PRIVILEGIUM CÆSAREVM.

RVDOLPHVS SECVNDVS diuina fauente clemētia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto **IUSTO LIPSI** gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare, ad dignitatis nostræ munus, ad quod Diuino vocati beneficio concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura infinitas à primis temporibus ætatis tuæ ita litterarum ac disciplinarum studiis excoluisse atque exprasse, vt olim iuuenilibus adhuc annis præclara florentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tamquam lustra erant, illustrasti, quæque in iis iniuria temporum depræiata & corrupta fuerunt, restituiisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptionis genere paucos tibi pares hodie reperire sciam verò maturata te ætate virum, viro magis magisque digna, & viris doctis grata ac Reip. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quia Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere vellet Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus,

mus, statuimus, vetamusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumque ac Dominiorum nostrorum hereditariorum fines, triginta annis proximis à primo editionis die computandis, absque tuo tuorumve heredum consensu audeat: Hac autem lege addita, uti tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, heredibusve tuis, auxilio Magistratus, vbicumque reperti fuerint, vendicandis, priuari, sed triginta etiam Marcharum auri puri multa, cuius semissis quidem Fisci nostri Procuratori, fraudis vindici; alter verò semissis, tibi heredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscumque status, gradus aut ordinis extiterint, praesertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiāve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti; anno Domini millesimo, quingentesimo, nonagesimo secundo. Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senftenaw.

Ad mandatum sacre Cæsareæ M^{ti} proprium.

Io. Baruitius.

Additum sigillum Cæs M^{ti} in cera rubra.

f. a. 1592. SVM-

S V M M A P R I V I L E G I I
R E G I S C A T H O L I C I .

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsi Historiarum in alma Vniuersitate Louaniensi Professoris, & item Historiographi sui libros quoscumque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalē sive habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxellæ, XIV. Febr. M. D. XCVII.

Signat.

Verreycken.

S V M M A P R I V I L E G I I
R E G I S C H R I S T I A N I S S I M I .

HENRICVS Dei gratia Galliarum & Nauarra Rex Christianissimus, singulari priuilegio sanxit, nequis per vniuersos Regnorum suorum fines, Iusti Lipsi, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulctabitur; vti latius patet in litteris, datis Parisiis, XIII. Iulij, M. D. C. V.

Signat.

Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti hos DE MAGNITVDINE ROMANA libros quattuor typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.

S V M M A P R I V I L E G I I
P R I N C I P V M B E L G A R V M.

ALBERTVS & ISABELLA CLARA EVGENIA
Archiduces Austriæ, Duces Burgundiæ, Bra-
bantiæ, &c. Serenissimi Belgarum Principes, diplo-
mate suo sanxerunt; nequis I V S T I L I P S I Historiarum
in almâ Vniuersitate Louaniensi olim Professo-
ris, itémque Historiographi & Consiliarij sui libros
quoscumque, præter Balthazaris Moreti voluntatem,
vlllo modo imprimat, aut alibi terrarum impressos,
in has Inferioris Germaniæ ditiones importet, vena-
lésvé habeat. Qui secùs faxit, confiscatione librorum
& aliâ graui poenâ mulctabitur, vti latiùs patet in lit-
teris datis Bruxellæ, x v i i. Ianuarij, M. D C. x i.

Signat.


S.de'Grimaldi.


Et in Concilio Brabantia,


I. de Buschere.



W. BROTHERS
PRINTERS
AND
BOOKSELLERS
CRACKHURST







60005

Biblioteka Jagiellońska



stdr0021350

1780